



R54254

H ⁴/₁₁

Page 37
H. 4/11



P. n. 14-15



Ex. Bibliotheca
JACOBI WERNISCHEK

A. A. L. L. PHIL. ET MED. DOCT. EMINENTISS. AC CELSISS. S. R. E.
TIT. S. S. QUAT. CORON. PRESBYT. CARDIN. S. R. I. PRINCIPIS
ET ARCHI-EPISCOPI VIENN. &c.

all ARCHIATRI ORDIN. *Regin*

MEDENDI NORMA

Medic AD *Edm*
DIGNOSCENDAS EVELLENDASQUE

IPSAS MORBORUM
CAUSAS *Em.*

P A R S I.

D E

CAUSIS ACTIONUM OMNIUM
ET MOTUUM EFFECTRICIBUS

EDITIO ALTERA

IN BREVES PARAGRAPHS REDACTA,

ET MULTIS PRACTICIS ANIMADVERSIO-

NIBUS LOCUPLETATA.

VIENNÆ,

PPUD CHRISTIANUM FRIEDERICUM WAPPLER,

I 7 8 I.

3. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

11. 11. 1874

EMINENTISSIMO

AC

CELSISSIMO S. R. I. PRINCIPI

CHRISTOPHORO

S. R. E. TIT. S. S. IV. M. M.

CORON. CARDINALI PRESBYTERO

E COMITIBUS

A M I G A Z Z I

DE WAAL ET SONNENTHURN

ARCHT. EPISCOPO

VIENNENSI

EPISCOPATUS VACIENSIS ADMINI-

STRATORI PERPETUO

SACRARUM CÆS. ET CÆS. REG. MAJESTATUM
ACTUALI CONSILIARIO INTIMO

INSIGNIS ORDINIS

S. STEPHANI REG. APOSTOLICI

MAGNÆ CRUCIS EQUITI

Ec. Ec.

RELIGIONIS BONARUMQUE ARTIUM

CULTORI PATRONO VINDICI

THE UNIVERSITY OF CHICAGO

LIBRARY

OF THE

PHYSICAL SCIENCES

AND

THE

LIBRARY

OF THE

UNIVERSITY

OF CHICAGO

OF THE

PHYSICAL SCIENCES

AND

THE

LIBRARY

OF THE

UNIVERSITY

OF CHICAGO

JACOBUS WERNISCHKE

FELICITATEM!

Si quid commodi ex hocce opere meo in medendi
Artem redundaverit, *TIBI* id acceptum re-
feret, *PRINCEPS EMINENTISSIME!*
Nisi enim eo fores animo, qui alienas calamitates
intueri sine misericordia non possit: nisi, inquam,
sanctum *TIBI* foret decretumque, morbo &
egestate laborantibus salutarem manum porrigere,

*Et quidquid medicamentorum nomine venire solet,
gratis Et liberaliter elargiri: non ego, quum TE-
CUM vacii commorarer, tantum ægrotorum nu-
merum ad me quotannis confluere vidiſſem, neque
proinde in tot tantisque, Et tam diſſimilibus mor-
bis meam aut experiri operam, aut ſolertiam acue-
re vel volenti mihi, nitentique licuiſſet.*

*Intelligis , opinor , quare , qualemcunque hanc
lucubrationem meam , & quidquid inde commodi
in Artem medicam fortasse dimanabit , TIBI in
acceptis referendum esse dixerim ,*

*Patere igitur , PRINCEPS EMINEN-
TISSIME! ut hunc laboris mei & experientiæ*

apud TE potissimum acceptæ fructum TIBI nuncupem. Patere, ut pro oblato discendi campo & plurimis aliis, quibus me immerentem ornavisti, immo cumulasti, beneficiis publicas TIBI gratias agam, meque totum TIBI sacrum dicatumque palam profitear.

AD LECTOREM.

Quum Prima Pars ista sit denuo typis commit-
tenda, ne quid, quod ad operis perspicuitatem per-
tinere possit, deesse sinam, referam primum brevi-
ter rationes, quæ me ad illud condendum addu-
xerunt; exponam dein paucis ipsum systematis or-
dinem; addam sententias, quibus norma hæc niti-
tur; subjungam denique, quæ Pars hæc complecti-
tur. Rem vero ipsam in brevissimas, quoad fieri
poterat, redigam paragraphos, quibus singulis ne-
cessarios suos præficiam numeros, quo altera in al-
terius confirmationem & nexum revocari possit.
Præponam insuper cuivis Capiti Elenchum suis quo-
que instructum numeris.

Quantumvis itaque eandem omnes fere Medi-
ci docti sint medendi rationem in scholis medicis,
iisdemque imbuti principiis, abeunt nihilosecius ta-
men in praxi sectas in varias, proindeque dispares
curandi normas.

Præterquam enim quod varias sibi forment
ideas de Natura, de Calore humano, de Transpi-
rabili, ut loquimur, corporis, aliisque id genus,
ex quibus diversas conficiunt indicationes in morbis
curationesque, habent & id, quod Alter se totum
addicat methodo symptomaticæ; Alter ei, quæ est
a similitudine petita, seu juxta quam morbi ejus-
dem nominis eadem ratione sunt tractandi; Alius
remediis morborum singularibus sive specificis, quæ
dicimus; Alii porro generalibus, ut cortice peru-
viano, & similibus cardiacis, queis naturam adju-
vent morbos subigentem; Alii denique in inquiren-
das & expugnandas ipsas morborum causas sua stu-
dia præcipue impendant.

Posteaquam praxi aliquamdiu dedissem operam, incidi in curandos morbos chronicos, quos, quod multum mihi cordi erant, diversissimis tum specificis, cardiacis, tum iis, quæ a similibus morbis, ut referunt Authores, jam curatis depromere poteram, atque etiam illis, quæ symptomata compe-
scunt, tollere adnitebar. At omnibus istis, quæ secundum indicationes convenientia fore sum arbitratus, pertentatis, nihil pene confeci.

In hoc rerum statu non mihi supererat aliud, quam omni studio investigare ipsas morborum causas, easque evellere, quod etiam unicum votis respondit. Hinc perspexi, infirmas esse sæpenumero, si ultimam demas, recensitas medendi normas, istamque ceteris esse firmiorem.

Perpendenti subin diversas usu receptas curandi methodos venit in mentem, eandem causam mor-
bificam quaslibet corporis humani partes invadere, occupare, earumve functiones conturbare, diversissimos itaque morbos inducere posse, & reipsa inducere; & e converso unam eandemque corporis partem a quibusvis morborum causis, adeoque distinctissimis affici posse, & reipsa affici. Rationibus istis ductus, methodum, quæ In ipsam mor-
borum causam inquirere, istamque impugnare jubet, reliquis simpliciore, tutiore, atque rationi & experientiæ magis conformem esse judicavi.

Præferendam hanc ceteris methodum esse opinor vel ex eo etiam, quod firmiori videretur superstructa esse fundamento. Siquidem inter axiomata, quæ pro fundamentis habentur a Medicis, ut sunt: *Ablatis omnibus symptomatibus aufertur ipse morbus: A juvantibus & nocentibus optima sumitur indicatio: Ablata causa tollitur ejus ef-*
ef-

fectus : hocce ultimum firmitus, magisque experientiae respondens esse videtur. Inde talem, quancunque staret labore, in proprium usum adornare decrevi.

Hoc constituto quæfivi ex me ipso modum, quo labor iste fit inchoandus? quo prosequendus? Post varia, quæ ad hanc rem facere videbantur, discussa, necessarium esse comperi, omnem dirigere conatum in conquirenda signa, e quibus causas morborum quorumlibet agnoscimus. Distinguenda proinde accurate fuerant inter se symptomatica, atque sejungenda ea, quæ ab ipsa causa morifica excitantur, a ceteris omnibus, quæ ab aliis causis inducuntur.

Cum porro his distinguendis insisterem, atque cujusvis oborti effectus causam persequerer apud infirmos. observavi, omnes prorsus effectus & symptomatica a quatuor tantummodo generari causis ab *Organismo* videlicet, seu mechanismo corporis, ab *Animo*, a *Corporibus Heterogeneis* sive alienis, & denique a *Natura*.

Organicæ corporis structuræ tribuendi erant effectus omnes, quos dicimus secundum sanitatem sive naturalem corporis conditionem; atque etiam illos, qui a vitiata proveniunt corporis conformatione: Animæ deinde illi omnes, qui ab actionibus animalibus ducunt originem: Heterogeneis denique illi, qui a causa corporea, ad machinam corporis infirmi non pertinente, seu intrinsecus, seu extrinsecus in id agente, proficiscuntur.

Præter tres istas causas, sive præter effectus, qui ad has tres causas referri possunt, inveni quosdam tum in homine sano, tum in ægroto prorsus singulares, quos e nullo commemoratorum trium fontium deducere licuit, hinc aliam eos habere originem.

ginem intuli. Nemo est itaque, qui inde non intelligat, Naturam per me esse præter omnium mentem ab organismo separatam, aliosque in istam, alios in organismum derivari effectus.

Etsi vero disjunctio ista nova videatur, haud tamen hanc reipsa sic novam reputo, ut eam mihi arrogem; siquidem omnes prorsus omnis ævi Medici agnoverunt, effectus Naturæ esse peculiare, atque ab effectibus Organismi omnino dispares, quam ob rem illorum etiam effectricem singulari insigniverunt nomine, quod postea ab omnibus conservatum est, nomine videlicet Naturæ,

Posteaquam quatuor istas adnotavissem causas, quæ omnes in nobis sanis ægrôtisque producant effectus, *Organismum* nempe, *Animam*, *Heterogeneam*, & *Naturam*, statui singularum effectus studiose conquirere, & his compertis causarum vires, quas unaquæque exerit in humano corpore, perpendere, ac æstimare, sicque medendi normam sive systema adornare.

Ad hoc autem, ut recensitas quatuor causas generales (quod brevitatis gratia necesse esse duxi) compellarem nomine, hocque generico, non inconveniens fore existimavi, ipsas nominare *Potentias*, quod omnia possint, efficiantque in humano corpore.

Dum subinde in colligendis harum *Potentiarum* seu causarum effectibus ac morborum signis discutiendis versarer, animadverti, *Potentias* istas exerere effectus alios in corpore sano, alios in ægroto. Disponendum igitur fuerat systema istud ita, ut in Prima Parte examinarem vires *Potentiarum* in corpore sano, & in Secunda vires, quæ obtinent in iufirmo.

Post adnotatos *Potentiarum* effectus, postque discussas earum tum in sano; tum in ægroto corpore vires

res, vidi, quid Ars Medica possit? quidve præstare debeat? Hinc nata est Pars operis Tertia, ipsa videlicet remediorum applicatio, ad extirpandas morborum causas conformata.

Quemadmodum vires Potentiarum discrepant ratione sanitatis & morbi, sic variant quoque in hominibus propter disparem corporum, in quibus reperiuntur, constitutionem. Hæc vero repetenda est a diversa hominum Ætate, Sexu, Temperie, & Consuetudine. Quare dividenda rursus erat Pars operis quælibet, atque ita ordinanda per sectiones, ut istarum Prima non alias comprehenderet Potentiarum vires, quam generales; Altera vero jam ad individua, ad ætatem nempe, sexum &c. relatas: id est, ut Sectio Prima complecteretur Causas morborum Procatacticas; secunda Proegumenas.

Effectus deinde Potentiarum non nulli fiunt causæ aliorum rursus sæpissime effectuum, uti Calor corporis, Transpirabile &c. utile proinde me facturum existimavi, si præcipuos Potentiarum effectus peculiari sive Tertia pertractarem Sectione.

Altera porro medendi hujus normæ Pars, in qua vires Potentiarum in corpore ægroto pensitare decrevi, in Quatuor Sectiones distributa erit: Continebit Prima causas Prædisponentes; Secunda Procatacticas, sexdecim numeris absolutas; Tertiadeinde statui explorare vires sapientissimæ illius morborum curatricis Naturæ, quid? quantumque valeat in morbis, & efficiat? In Quarta demum Sectione considero effectus Potentiarum, quatenus sunt signa causæ morbificæ, sui extirpationem postulantis.

Tertia tandem Pars sistet ipsam medendi Artem, non amplius naturæ pedissequam, sed jam ejusdem Directricem, & morborum Extirpatricem.

Methodus ista, quemadmodum consideranti patet, sequentibus nititur sententiis: 1. Quilibet præternaturalis humorum in corpore motus, unusquisque itaque morbus a causa quapiam suam deducit originem. 2. Quamdiu causa hæc agens existit in corpore humano, tamdiu perseverat ejus effectus, qui est morbus ipse. 3. Igitur si morbum removere velimus, causam ejus effectricem amoveamus primum, est necesse. 4. Sicuti quodvis symptoma sive morbus habet suam causam proximam; ita habet hæc quoque suam, & ista pariter suam, & sic progrediendo usque ad causam omnium Primam, omniumque malorum originem. exemplum sit spirandi difficultas. Causa istius proxima est spissus v. g. humor pulmonum vasa referciens, hujus vero causa est sæpe retentus in corpore cruor menstruus, istius porro quorundam vasculorum uterinorum obstructio, & hujus demum vitiosa sanguinis in utero abundantia. Hinc 5. dico, quemadmodum in hoc casu neque expectorantia, neque emmenagoga, neque obstructionem uteri referantia locum habent, sed sanguinis emissio in brachio facta, qua causa tollitur astmatis omnium Prima; ita judico, in quolibet morbo non esse causam proximam, non scilicet id, quod functionem lædit, remediis impugnandum, sed illud potius, quod est origo ac fons cunctarum affectionum corporis, quodve Causam Primam nominandum duxi. 6. Cum singuli morbi a diversis & oppositis quoque causis possint generari, atque etiam quum causa ipsa non semper existat in parte corporis, quæ afficitur, non est curatio juxta morbi nomen instituenda, sed in evellendam causam morbi Primam adornanda. Cum etiam 7. una eademque causa plures & diversissimos morbos possit inducere, hi omnes, etsi diversa gerant in fronte nomina, paria

paria deposcunt remedia. 8. Cuncta ista non conveniunt morbis tantum chronicis, verum etiam acutis. Hinc existimo, morborum subactionem non esse in his naturæ plene relinquendam, sed ipsam istorum pariter morborum causam Primam discutendam, & remediis adversantibus infringendam: Quo statuto aliter tractanda est v. g. Pleuritis vera, quæ ortum sumit a refrigeratione; aliter, quæ a multo corporis motu; & aliter a nimia ingestorum copia, aut prava istorum indole &c provenit. 9. Symptomata quædam sunt in ipsa morborum cruditate, ut suo loco videbimus, effectus Naturæ Curatricis, atque adeo non omnia morbi, non omnia noxia, non omnia supprimenda. 10. Organismus demum corporis considerandus est tanquam instrumentum, quo & natura subigit materiam morificam, & medicus eam subigere debet; Quocirca ita disponendus est, ut rite operari possit, crudumque peccans immutare, & exterminare.

Ex his perspicit, opinor, quilibet, quid velim? quove mens mea collineet? Partem etiam hanc Primam sic institutam esse censeo, ut unusquisque reliquas non multo labore ex ea ipse conficere valeat. Et si cuipiam minus probaretur hæc mendendi systematis constructio, reperiet attamen in hac operis Parte præter uberiores, & memoria constanter recolendam omnium tum Proegumenarum, tum Procatacticarum causarum expositionem, præterque corporis humani partium consensum, atque temperierum distributionem, factam juxta corporis altitudinem; sensum etiam peculiarem de causa fluxus menstrui, causaque sanguinem in pulmonibus perficiente, de calore humano, frigorisque materie, transpirabilis indole, aliisque, quia sunt fundamentum, cui medicus suam superstruit curandi rationem, necessario definiendis.

D I V I S I O

HUJUS PARTIS

SECTIO PRIMA

DE

QUATUOR CAUSIS GENERALI-
BUS CUNCTA IN HUMANO CORPORE
EFFICIENTIBUS.

				<i>pag.</i>
Caput	1	de Natura Humana.	-	1
—	2	de Ejus Effectibus	-	29
—	3	& Facultatibus	-	46
—	4	de Organismo	-	57
—	5	de Partium Consensu	-	73
—	6	de Anima	-	84
—	7	de Corporibus Heterogeneis.	-	103

SECTIO SECUNDA

DE

CAUSIS PROEGUMENIS.

Caput	1	de Ætate	-	120
—	2	de Sexu	-	134
—	3	de Temperie	-	170
—	4	de Consuetudine	-	183

SECTIO TERTIA

DE

PRÆCIPUIS POTENTIARUM EFFECTIBUS.

Caput	1	de Calore Humano	-	199
—	2	de Coctionibus	-	217
—	3	de Secretionibus	-	233
—	4	de somno & Vigiliis	-	250
—	5	de effectibus reliquis	-	253

SECTIO PRIMA.

DE

QUATUOR CAUSIS GENERALIBUS, CUNCTA IN CORPORE HUMANO EFFICIENTIBUS.

CAPUT PRIMUM

DE

CAUSA PRIMA SIVE DE NATURA.

- | | |
|---|--|
| <p>1 Natura dicitur causa quarumvis actionum spontanearum corporis nostri,</p> <p>2 Et optima morborum medicatrix.</p> <p>3 Ita Hypocrates, Galenus, Sydenhamus & reliqui.</p> <p>4 Inquirendum est itaque, quid per nomen naturæ sit intelligendum?</p> <p>5 Vocabulum istud diverse sumitur a variis.</p> <p>6 Ea solum natura est hic animo lustranda, quæ humana dicitur.</p> <p>7 Tres sunt de hac authorum sensus.</p> <p>8 Helmontiani eam volunt esse ens peculiare,</p> | <p>9 Absuntque in partes tres.</p> <p>10 Quorum aliqui asserunt, archæum agere viribus propriis, etsi non esset spiritualis.</p> <p>11 Alii vero existimant, ens istud esse verum spiritum;</p> <p>12 Quidam autem, naturam divinam providentia regi, arbitrantur.</p> <p>13 Super cunctorum horum argumentis satis jam est disputatum.</p> <p>14 Alteræ (§. 7) classis medici ajunt, naturam humanam esse idem cum anima ratiocinante.</p> <p>15 Verum nec ista subsistit opinio.</p> |
|---|--|

A

16 Ter-

E L E N C H U S

- 16 Tertiæ (§. 7) classis medicos dico eos, qui naturam nihil diversum ab ipso corpore nostro, in actionibus constituto, esse perhibent,
- 17 Potentissimis instructos argumentis.
- 18 Quocirca mechanismo corporis non est quidquam detrahendum.
- 19 At vero notamus in nobis effectus, a natura derivandos, quos mechanismo attribuire nequimus.
- 20 Hinc aliam debent habere causam effectricem.
- 21 Verum expendamus hos effectus, & quidem primum in vilioribus animantium generibus,
- 22 Qui sunt omnino singulares, & admirandi,
- 23 Nonque in naturam ut causam conjiciendi.
- 24 Quare repetunt eos quidam Physici ab ipsis bestiarum animabus.
- 25 Sed haud sufficiente nixi fundamento.
- 26 Similes miros observamus effectus in quadrupedibus.
- 27 Existit proinde in bestiis potentia singularis, distinguenda ab earum anima, & corporis mechanismo.
- 28 Asserto huic suffragantur ipsi Physici.
- 29 At si natura in bestiis est potentia peculiaris, est natura quoque humana.
- 30 Siquidem non minus singulares sunt effectus naturæ nostræ; quam bestiarum.
- 31 At expendamus eos quoque, num a mente humana, aut corporis structura deduci possint?
- 32 Sed neque ab anima, si ve principio cogitante,
- 33 Neque a corporis mechanismo possunt derivari.
- 34 Adnituntur quidem aliqui eos juxta mechanisimi leges explicare.
- 35 Verum non satisfaciunt.
- 36 Hujusmodi effectus est timor mortis.
- 37 Non est ergo natura humana idem cum corporis nostri mechanismo.
- 38 Sed Potentia æque, ut natura bestiarum, singularis.
- 39 Non tamen archæus Helmontianorum.
- 40 Exinde, quod natura cogat sæpe animam ad actiones suscipiendas,
- 41 Dirigatque eas in finem triplicem,
- 42 Coniicimus, eam esse unicum nobis innatum nos conservandi desiderium si ve instinctum.

- 43 Non igitur ens peculia-
re, neque mechanisimum
corporis ;
- 44 Sed similem gravitati cæ-
terorum corporum pro-
prietatem.
- 45 Hinc effectus naturæ non
sunt alii, quam qui a di-
cto generantur desiderio.
- 46 Quam ob rem nihil de-
minimus mechanismo,
- 47 Aimusque naturam non
constanter operari.
- 48 Si quis dixerit, authores
medicos non hanc intel-
lexisse naturam,
- 49 Respondebo, oportuisse
prius examinare, quid
natura sit in corpore sano?
- 50 Hac autem statuta, exi-
stimandum est, eandem
esse quoque in nobis in-
firmis, quæ est in sanis.
- 51 Siquidem etiam in sano
procurat valetudinem &
vitam hominis.
- 52 Verum examinemus ef-
fectus naturæ in ægris
quoque.
- 53 Talis est sensus sitis, sed
hæc est a prædicto desi-
derio ;
- 54 Gratus item aquæ, dum
potatur a sitiente, sapor ;
- 55 Appetitiones pariter re-
rum singularium ;
- 56 Determinatio quoque hu-
morum major ad caput,
dum meditamur ;
- 57 Motus non minus febrilis.
- 58 Veluti observata com-
probant.
- 59 Calor similiter manuum,
dum nivibus perfriquantur,
- 60 Atque febris partis sin-
gularis.
- 61 Suffragantur nostræ huic
sententiæ ipsi viri Pra-
ctici,
- 62 Agnoscuntque, naturam
esse potentiam peculia-
rem.
- 63 Distinguunt insuper in-
stinctus in veros & spurios.
- 64 Per vim naturæ sive vi-
tæ superstitis in morbis,
inquiet aliquis, intelligen-
dos esse spiritus vitales.
- 65 Idve exemplis fortassis
Illustrare conabitur.
- 66 Verum non sunt levia,
quæ huic obstant expli-
cationi.
- 67 Causa, dicet alius, mo-
tus febrilis est materies
morbi irritans.
- 68 At vero hæc non vide-
tur esse causa febris con-
tinuæ,
- 69 Neque inflammatoriæ.
- 70 Hinc eadem natura, quæ
est in nobis sanis, est
quoque morborum cura-
trix.
- 71 existimabit fortasse ali-
quis, nimium a nobis tri-
bui naturæ.
- 72 Verum aquiescet, opi-
nor,

E L E N C H U S

- | | |
|---|---|
| <p>73 Si animadvertit, quid
vehemens valeat in no-
bis cupiditas?</p> <p>74 Operatur naturā secun-
dum certas leges.</p> <p>75 Uti patet in avium cantu.</p> <p>76 Hinc non nullarum de-
sumitur ratio.</p> <p>77 Excedunt quidem aliqui
naturæ effectus perspi-
cientiam humanam.</p> <p>78 Verum quot non sunt
ea, quæ admittere cogi-
mur, etsi omnem mentis
elidant aciem.</p> <p>79 Quid? quod admittere
adigimur aliquid in no-</p> | <p>bis, quod curam quasi
gerit vitæ nostræ,</p> <p>80 Veluti elucet in exem-
plis.</p> <p>81 Jure proinde dicitur na-
tura morborum curatrix.</p> <p>82 Si quis subjunxerit, inu-
tile esse, tanta referre, de
natura.</p> <p>83 Reponam, non solum
non fuisse inutile, sed
etiam necessarium:</p> <p>84 Et si alius: esse super-
vacaneum determinare in-
dolem naturæ.</p> <p>85 Sed hoc quoque esse
necesse, comprobo.</p> |
|---|---|





SECTIO PRIMA

DE

POTENTIIS SIVE CAUSIS

EFFECTRICIBUS. GENERATIM

CAPUT PRIMUM

DE

NATURA HUMANA.

1. **E**um natura consecuta est apud Medicos existimationis gradum, ut, quæcunque accidunt in corpore humano, si non fuerint effectus animæ rationcinantis, vel suos musculos moventis, ipsi attribuant. Quaslibet proinde actiones, sponte sua exortas, naturæ progeniem esse asserunt, quocirca vocant eas etiam naturales.

2. Parem, immo majorem adhuc opinionem foveant Practici de viribus naturæ in morbis. Omnes enim, qui excelluerunt in medicando, unanimi voce profitentur, naturam esse optimam morborum curatricem, eamque non solum recta tutaque simul in curandis

morbis procedere via, sed pertinacissimos etiam sæpenumero propriis viribus subigere morbos. Quam ob rem ajunt, eos tantum medicos ad lecticas ægrorum esse posse felices, qui naturam in morbis operantem acute contemplantur, studiose observant, & solícite imitari adnituntur.

3. Hypocrates divini aliquid, dum de natura loquitur, in nobis inesse dixit. Galenus plenam ipsi tribuit morbos abigendi potestatem; Duretus inquit, debere eum, qui magister in medendo esse vult, fidelissimum se præbere naturæ imitatore; Sydenhamus tantas agnovit in hac medicatrice vires, ut sæpius se spectatorem solum egisse fateatur. Frider. Hoffmannus plurimos medentium errores deducit abinde, quod negligant operantem in morbis attendere naturam, eique morem gerere. Boerhaave dicit, verum honorem medici consistere in eo, ut serviendo liberaliter fidelem se præstet naturæ servulum. Et sic viri alii celeberrimi.

4. Cum autem omnes prorsus Authores, longa experientia docti, confirmatique tanta referant de naturæ viribus, tantopereve, veluti nunc commemoravimus, eam quibusvis juvenibus Medicis commendent, maximæ operæ pretium esse, sum arbitratus, requirere, quid hi per naturæ vocabulum intelligant? quidve intelligendum velint?

5. Naturæ nomen, diverse a variis sumptum est, & etiamnum sumitur. Quidam enim unicam adstruunt naturam, quam per universum diffusam esse, ajunt. Aliqui referunt hoc nomen ad regna, ut loquimur, naturæ, sermocinanturque de natura fossilium & animalium in universo, quandoque differimus de natura hominum, canum, equorum &c. in genere; aliquando autem in specie, unde dicuntur singuli hominum habere naturam propriam, & a ceterorum natura distinctam; non raro deinde deducimus etiam hocce vocabulum ad ipsas partes, corpus nostrum componentes, ad v. g. sanguinem, dum ejus indolem explicare volumus.

6. In diversa nominis istius usurpatione est nobis ea unica conservanda, de qua cogitasse videntur Pra-

Etici, dum naturæ imitationem commendarent junioribus: Illa nempe, quæ universum complectitur genus humanum idque solum, humana eapropter appellata.

7. Quid hoc sit in nobis, & cujus indolis, quod naturam vocamus? communi sententia definitum non est. Quidam id ens peculiare; multi non nisi mechanicam corporis structuram; alii rursus aliud esse, perhibent. Cunctorum Authorum opiniones, de naturæ indole conceptas, ad tres se classes reduci sinunt: Ad sensum videlicet Helmontianorum, qui naturam humanam ens singulare asserunt; Ad eorum deinde, qui animam ipsam hoc nomine sumendam volunt; & denique ad illorum sententiam, qui naturam ipsum corporis nostri mechanismum esse, statuunt.

8. Helmontii & eorum, qui ad istius accedunt sensum, mens est, id, quod cordi & vasis actionem tribuit, humorumve in nobis itum conservat, auget, minuit, & in varias corporis determinat partes, variosque suscitatur instinctus &c. esse aliquid peculiare, diversumque a corporis fabrica, peculiari idcirco etiam nomine, Archæi videlicet, Principii primi, Duumviratus, Animæ sensitivæ &c. appellandum arbitrantur.

9. Classis istius medici, quos omnes Helmontianos in hoc opere compellabo, conspirant in eo, quod ens istud sit adeo irritabile, ut a causa irritante illico permoveatur ad actiones, & si causa stimulans fuerit mediocris, sit actio quoque Archæi talis; at si stimulus sit vehemens, natura agatur in perturbationem maximam, & quasi in furorem rapiatur, quemadmodum evenire, ajunt, in febribus acutissimis, convulsionibus majoribus, & similibus: dissentiunt autem in opinione, quam sibi de indole hujus entis formant, inque tres secedunt conjecturas.

10. Illi, qui Helmontio strictius adhærent, inquirunt, Archæum exequi cuncta sua ordinatissime, & sapientissime, non ex consilio, aut prævia deliberatione, sed coacte, secundum leges & ordinem, divinitus sibi præscriptum. Non esse itaque quidquam spirituale, aut rationis cujuspiam particeps, etsi ens peculiare.

11. Ordinatissimas vero qui non satis admirari possunt & simul sapientissimas naturæ actiones, non valent sibi temperare, quin ens istud vera ratiocinandi facultate præditum, verum ideoque spiritum esse, asserant.

12. Tertium Helmontianorum genus est, quod mediam inter priorum duorum sententias viam assumit, existimatque naturam humanam non quidem esse vere spirituales, sed neque propriis viribus ea, quæ perficit, eo exactissimo ordine, in quo versatur semper agens, exequi. Divina inde Providentia, credit, directricem ipsam opus habere, dirigique ista in singulis actionibus.

13. Argumenta, quæ hi omnes ad demonstrandum ens suum adferunt, cum ex eis ipsis, aliisque peti possint, satisque jam etiam dissoluta ab Authoribus medicis esse, putem, neque ea recensendi admittat compendium, cuncta prætermittere constitui.

14. Secundæ (§. 7.) classis Medici, qui statuunt, naturam nihil esse diversum ab ipsa anima nostra spiritali, dicunt, actiones, quas a natura derivamus, esse non minus actiones animæ ipsius, quamvis neque volens ponat eas, neque se operari advertat; quam sint actiones ab hac ipsa, se ad eas ultro determinante. Omnes itaque coctiones, secretiones, motus, & quidquid in nobis contingit sive sponte, sive ab anima volente, ab hac ipsa repetendum esse, censent. Argumentationes istorum, ne quidquam minus necessarium adferamus, dimittamus pariter. Rationes vero, quæ me ab hac sententia removent, sunt istæ:

15. *Æquales 1^{mo}.* iis, quæ in nostro accidunt corpore, observamus alimentorum transmutationes, secretiones, nutritiones &c. in plantis. Si autem cuncta, quæ appellamus in nobis actiones naturales, perficiuntur in vegetabilibus, in corporibus scilicet, in quibus nulla existit anima rationalis, sient eæ in nostro quoque corpore absque anima directrice. Conatur

2^{do} Anima interdum se opponere impulsui naturæ, v. g. somno, siti, quo fieret, ut secum ipsa certaret, oppositos erigendo motus. Exerit *3^{io}* natura sæpe effectus, qui rationi adversantur, uti est amor paren-

tum

tum, quem ipsi genitores nimium esse agnoscunt sæpenumero. 4^{to} denique, si anima esset idem cum natura, ista foret tanto potentior, quanto anima est sapientior, experiimur autem, tanto infirmius esse corpus, actionesque naturales, quanto anima plus exulta est per studia; demonstrabimus infra quoque, naturam in bestiis pluribus esse dotibus exornatam; quam naturam nostram.

16. Tertiæ (§ 7.) demum classis medici, qui naturam humanam in unico corporis mechanismo sitam, arbitrantur, definiunt eam esse aggregatum omnium virium & actionum corporis nostri. Quidquid igitur observamus fieri in nobis, quod non est ab ipsa anima volente, id hi a mechanismo corporis, seu perenni humorum in vasis motu, per alienas causas sæpius mutato, unice repetunt, istum vero ipsum non ab ulla alia causa, quam pure corpora concitari, concitatumque conservari, perhibent.

17 Omnis, ratiocinantur isti, (quos mechanicos nomen) hodiernam Physiologiam doctus, perspicit, quomodo humores agant in vasa corporis, & hæc vicissim in illos, taliterque fluidorum circuitus, ex quo calor, coctiones, secretiones, &c. generantur, conservetur. Hinc vanam prorsus & spernendam esse omnem, super indole naturæ confictam ideam, quæ aliena est a mechanismo, concludunt.

18. Tantos obtinuit hæc sententia Fautores, ut Medicus, qui eam vel in dubium vocare cogitaret, vereri debeat, ne aut levitatis, aut plane temeritatis arguatur. Absit a me quoque quam longissime, ut vel unicam actionem, quam naturalem communiter nuncupamus, in nobis contingere solitam, ab alia causa, quam a puro mechanismo, deducam.

19. Verum enim vero, quantumvis ne hilum quidem mechanismo derogatum unquam esse voluerim, fateri nihilominus cogor, me incidisse in motus quospiam & effectus corporis nostri, eosque non paucos, quos unusquisque naturæ progeniem esse asserit, & qui non ulla ratione a mechanismo corporis derivari posse, videntur. His insuper ipsos strenuos mecha-

nismi defensores animadvertisse, ratus sum, non adeo stricte adhærere mechanismo, ut non in aliam de natura opinionem nutarent. Rationibus istis permotus concepi animum investigandi (seposito interim mechanismo) id, quod in nobis naturam appellamus: Investigationem istam hoc modo sum adorsus.

20 Si effectus in nobis observandi, quos omnium consensu naturæ genituram esse dicimus, per non ullas leges mechanicas, hydraulicas, hyhrostaticas, aut chemicas se explicari concedunt, non sunt a mechanica corporis structura repetendi. At si alteri, quam corporeæ, adeoque diversæ a mechanismo causæ excitanti sunt attribuendi, non est natura, eorum utpote genitrix, ipse mechanismus corporis nostri, sed aliquid dispar ab eo tum indole tum potentia. Subin ratiocinabar ita:

21. Tantam habet natura humana analogiam cum natura bestiarum, ut qualis alterutra earum est indole, talis quoque genii altera esse debeat. Unde existimavi, si naturam in ceteris animalibus deprehenderem, esse aliquid diversum a mechanismo ipsorum corporum; idem de natura in homine censere, fas foret. Descendi proinde primum in contemplationem actionum animalium ratione destitutorum, quas ab eorum natura deducimus, & reperi sequentes:

22. Quodlibet volucrum genus conformant singulares prorsus, & summi sæpius artificii nidos. Postquam aves enixæ sunt sua ova, fovēt ea continuato calore incubatus, modo mas, modo femina, usque ad exclusionem pulli; sobolem hanc suam defendunt ab omnibus aeris, ceterisque injuriis solertissime, tuenturque adversus inimicum cum maximo etiam interdum propriæ vitæ periculo. Dum ipsam nutriunt, imponunt rostrum in hiantes pulli fauces, corpusque movent suum diversè tamdiu, donec ex ingluvie matris revertatur esca, jam multum antea macerata, in sobolis fauces immitenda. Posteaquam pullus id nactus est pennarum robur, ut ipse jam possit nutrimento suo prospicere, educit eam mater, indicatque pabulum quærendi & modum, & locum. Quamdiu pullus nidum incolit, cavet studiosissime, eum ex-
cre-

erimentis, re utpote maxime noxia, fœdare; scit quoque, nemine docente, caput esse, dum bibit, in alium tollendum. &c.

23. Cuncta ista & quæ sunt ejusmodi fere innumera, peragunt volucres instigante, velut quisque loquitur, natura. Ista ergo in avibus est causa omnium recitatarum actionum. Verum hoc ipso, quod natura in bestiis dicatur causa actionum istarum & similium, non potui mihi persuadere, ut admitterem, naturam in bestiis esse id idem, quod in eis est mechanismus corporis. Nunquam enim existimare possum; vixque ullum esse, qui, re intimius spectata, existimet, opinor, enarratas volucrum actiones esse effectus solius mechanicæ ipsarum corporum fabricæ, avesque ab hac ipsa & unica compelli ad perficienda recensita, & similia. Quid jam de miris quoque apum, fornicarum, & ceterorum vilissimorum animantium actionibus, ad quas determinantur a natura, censendum sit? judicet quisque.

24. Erit fortassis, qui dicet, actiones istas, cum perficiantur a musculis, qui animabus bestiarum sunt subordinati, habere animas potius istarum, quam corporis structuram pro causa. Hinc non sunt dicti effectus naturæ producta stricte appellandi, etsi eos vulgo talia dicamus; sed animæ.

25. Huic, si quis foret, responderem: si recensitæ actiones essent animabus avium, apum, fornicarum &c. tribuendæ, deberent esse istis conformes. Videmus autem, actiones has esse ordinatissimas; in optimum semper finem directas & sapientissimas, sive omnino tales, quæ vim omnem excedunt animarum, ratiocinandi facultate destitutarum. Sunt dein effectus, exinde resultantes, tanti sæpe artificii, ut eos homo in geometricis versatissimus vix conficeret, uti estavorum, non nullorumve nidorum fabricatura. Quodvis porro etiam volucrum genus ubivis regnorum pares semper construit nidos, & construit ipsos in futurum forma, structura, magnitudine, & materia constanter eosdem, quin aliquid sit additurum, omissurum, aut immutaturum. Hoc certe non eveniret, si aves secundum suam intelligentiam conderent nidos,

26. Omnia, quæ hucusque de avibus & apibus dicta sunt, reperimus in reliquis similiter animalibus. Quoniam non minori fere industria effodiunt vulpes & ceteræ hujusmodi bestię cellas suas subterraneas; quam aves suos construunt nidos: non minori quoque, quam volatilia, suam diligunt, fovent, tuentur reliqua animalia progeniem. Par, immo major adhuc observatur dexteritas in vulpibus, lupis, catis, & similibus bestiis, dum in comparanda sibi esca occupantur; quam in avibus. mirus sane est quoque modus, quem adhibent canes ceteraque hujus generis animalia, dum potant, miraue contorquent linguam ratione, & sic de aliis infinitis quadrupedum, & ceterorum actionibus, quas omnium consensu eorum naturæ, tanquam causæ excitanti, adscribimus.

27 Ex recensitis hisce & aliis pluribus hujusmodi actionibus liquet, opinor, existere in bestiis, præter earum animam & corporis structuram, aliquid, id est, Potentiam aliquam, quæ animalia ad peculiare actiones compellit assumendas, inque eis versantia regit.

28. Illationi huic suffragari videntur ipsi Physici, siquidem omnes, ut causam dictarum actionum tum ab anima bestiarum, cum etiam ab earum corporis mechanismo plene distinguerent, ei proprium imposuerunt nomen, nomen videlicet naturæ.

29. Admisso eo, quod naturâ bestiarum sit, ratione nostra, Potestas diversa ab earum animabus, & simul a structura corporum, possem equidem ex maxima, quam habet natura humana cum natura bestiarum, analogia inferre, naturam æque humanam esse potentiam peculiarem & distinctam tum ab anima, tum etiam a corporis mechanismo; verum examinemus actiones quoque, ad quas natura nos compellit nostra, atque discutiamus effectus exinde ortos, utrum sint animæ, aut mechanismo, aut potius alteri causæ, quemadmodum in bestiis, adscribendi?

30 Vix conspicit genitus infans lucem, jam scit, ore capiendum esse cibum; scit eum ex uberibus nutricis esse depromendum; scit jam, nullo instruente, lac sugere, pulmones videlicet esse tunc dilatandos, & lac

in-

instar aeris, conclusis per velum palatinum retrorsum naribus, attrahendum. Dum dentes surgere incipiunt, quidcunque manibus prehendit, ori suo, ut illorum adjuvaret per separandas gingivas transitum, imponit. Animadvertat infans manum percutientis irruere in suam faciem, avertit istam illico, & clausis oculis reducit una caput. Homo adultus vix observat lapidem v. g. de alto in suum caput labentem, jam objecta est manus illabenti, jam caput corpusque illi substractum. Si musca pedem pungat, eam abigimus sine mora, quin tamen, quid agamus, advertamus ipsi. Amor dein parentum ad proles est, erigente talem natura, tantas, ut dici omnino debeat maximus.

31. Actiones istas & effectus, ceterosque similes esse producta naturæ humanæ, adstruitur ab omnibus. Videamus jam, utrum animæ ratiocinanti? deinde utrum mechanicæ corporis constructioni sint in acceptis referendi?

32. Ab anima, dico, humana memoratas actiones non esse deducendas, quia *1mo* pares notamus in quadrupedibus ceterisque, omni argumentandi facultate destitutis. *2do* infans recenter natus nondum est co judicio præditus, quo cognoscere posset suum alimentum, ejusque scire assumendi modum. *3tio* nemo est, qui crederet, infantem prævia argumentatione admove sub dentitione gingivis, quidquid manibus tenet. *4to* prius longe obicimus manum lapidi illabenti, quam temporis spatium ratiocinari concedat, quid tum nobis sit agendum? *5to* muscam fugamus etiam dormientes. *6to* effectus, quos parentes, amore in sobolem moti, edunt, ponuntur plus coacte, quam svadente ratione. *7mo* denique, quia omnium effato actiones istæ dicuntur esse a natura, & non ab anima promotæ.

33. Haud majori deinde jure videtur adductarum actionum causa in mechanismum conjici posse. Nam *1mo* sunt actiones per musculos animales sive ab ipsa anima positæ. *2do* non unica potest, existimo, assignari causa corporca, D. sive in infante, seu etiam in adulto, quæ in his commemoratas excitaret actiones,
&

& utrunque ad istas cogeret perficiendas. 3^{io} demum, non est unus, opinor, qui eas, ut lac sugere, manum lapidi cadenti opponere, &c. a mechanica corporis structura repeteret.

34. Dicet quidem, haud dubito, mechanicus, defectu nutrimenti sic affici nervos recenter geniti, ut inde mota anima compellatur ad ducenda ubera; titillatione pariter gingivarum, a surgentibus infra dentibus excitata, cum fieri in infantis cerebro impressionem, ut iste hac concitatus omnia, quæ manibus prehendit, ori suo imponat, & similiter de reliquis naturæ actionibus. Est, inquiunt, machina corporis nostri sic fabrefacta, ut simul, atque defectus aliquis humorum in ea natus est, aut alienum partem ejus aliquam irritat, perturbetur, & conturbata tales imprimat motus in nervis sentientibus, quibus anima ad singulares actiones, quas naturæ nominamus effectus, compellitur producendas.

35. Causam vere materiale existere sæpissime in humano, respondeo, corpore, quæ naturam, aut, si mavis, animam ad agendum concitat, nemo unquam ibit inficias. Verum an talis causa sic possit disponere mechanisimum corporis, ut is ea porro ratione nervos animales afficiat, qua anima compelleretur ad certas, quas naturæ attribuimus, actiones perficiendas? in dubium omnino vocari debere, judico. Non, inquam, negabo, causam esse pure corpoream, quæ sub dentitione cogit infantem gingivis admove, quod in manibus habet. Ast non possum perducere, ut credam, hanc gingivarum titillationem virtute propria sic posse nervos animales afficere, ut dicta sequatur actio, seu illos solum nervos manus irritare, qui agere debent, dum aliquid prehendere, & in os deferre volumus.

Nullus quoque inficior, inopiam liquoris nutritij in nunc genito esse causam famis; ast non unquam concedere possum, molestant hanc famis sensationem dicere infanti, lac esse assumendum, simulque docere modum, quo istud est sugendum, & sic de ceteris. Aliquid profecto singulare intercedere debet inter affectionem

ner-

ervi, a causa corporea induſtam, & inter actionem
oſam.

36. Eandem cauſam, naturam ſcilicet, videtur ag-
ſcere timor mortis, cuius animato ingenitus cor-
ori, multorumve effectuum auctor. Non enim con-
tionem corporis, quia hoc nullum alit commercium
morte, a ſe remota. Eſt dein etiam mors de ſe
hil: non poteſt autem id, quod in ſe nihil eſt, ita
overe corporis animalis ſtructuram, ut metum in
ſuſcitet. Verum neque animam, quia *1mo* metus
ortis eſt nobis congenitus, & non imaginando par-
i. *2do* nemo poteſt id timere, quod, quid reipſa
? ignorat. *3to* anima rationalis non poteſt averſari
olutionem ſui a corpore, per quod innumeros pe-
cogitur perferre cruciatus. *4to* denique animal,
ni carens iudicio, tremet, timore mortis percuſum,
m ad lanienam, ad mortem trahitur.

37. His & ſimilibus, quæ ab omnibus medicis na-
ræ vocantur effectus, in animadverſionem deductis,
trum & indubitatum eſſe, puto, id, quod natu-
ram appellamus in nobis, non eſſe mechanicam corpo-
fabricam, non ſcilicet, quemadmodum mechaniſmi
tores ſermocinantur, aggregatum ſolummodo virium
chanicarum.

38. Cum autem natura humana neque ſit anima ho-
us ipſa, ſe ad actiones determinante; neque mecha-
mus corporis, ſequitur, eam eſſe potentiam
ſularem, tum ab anima rationali, cum etiam a
chanifmo corporis diſtinctam, veluti de natura be-
trum fuimus ratiocinati.

39. Opinabitur fortassis nemo unus, me, quod na-
ram & ab anima, & a corporis mechaniſmo ſe-
ravi, atque vim peculiarem eſſe, dixi, deſe-
ſe ad Helmontianos, ſimilemque Archæo admitte-
in nobis naturam. Haud quaquam, quemadmodum
vis poſt expoſitam noſtram, de naturæ indole con-
otam ideam, poſtque uberius recitatos iſtius effectus
piciet. Sit interim hoc: ſubtraxi contra Helmontia-
cum mentem naturæ omnes prorſus mechaniſmi
iones, iſtumque proprias ſuas, a natura neutiquam

pendentes, peragere actiones, statuo. Transeamus jam ad ipsam indolem naturæ perlustrandam.

40. Effectus naturæ humanæ hucusque recensiti, & similes alii infiniti sunt actiones, quæ ab ipsa persciuntur anima. Ponit dein ista eas volens, & se ipsam ad actiones determinans, at simul coacta, quia compulsæ. Excitat nempe natura stimulos varios, nunc gratos, quos animus sequi vult, quia cogitur; nunc vero ingratos, quos e contrario avertere molitur, quia cogitur pariter. Stimulos istos communiter instinctus naturæ vocamus. Quidquid animus agit, ad actionem a natura concitatus, dicimus, eum id, quod perficit, agere instinctu naturæ: causam autem hanc appellamus naturam.

41. Finis, in quem ista suas semper dirigit actiones, observatur esse triplex; Quædam earum spectant ad conservationem hominis in specie illius, cujus natura est; tales actiones sunt, quas exerit homo in mortis discrimine constitutus, ejus timore prehensus. Aliæ deinde actiones respiciunt conservationem suæ gentis, veluti sunt illæ, ad quas suscipiendas adiguntur parentes per amorem filiorum, accurrunt ipsa quoque animalia ejusdem generis in auxilium periclitantis animalis sibi similis. Aliæ denique ordinantur in multiplicationem gentis, uti sunt actiones, quas exequitur juvenis, dum placere puellæ; & hæc vicissim, dum illius aucupari affectionem intendit.

42. Ex triplici hoc scopo, in quem natura suos dirigit instinctus, atque ex eo simul conatu, quo anima fertur ad parendum his incitamentis, conficitur, nobis ingenitum esse desiderium, nosmetipsos, nostrumque genus conservandi & id multiplicandi. Natura proinde, quæ causa dicitur horum instinctuum, & ex his promanantium actionum, non videtur aliud esse, quam hocce ipsum, nos, nostrumque genus conservandi, & multiplicandi desiderium.

43. Non est mihi ergo natura humana ens peculiare neque quidpiam spirituale, neque anima ipsa, neque etiam mechanismus corporis; sed unicum conservandi & multiplicandi desiderium, nobis congenitum;

pe-

peculiaris nempe facultas, corpori & menti conjunctis data, ab omnibus tum animæ, tum etiam mechanisimi facultatibus diversa.

44. Indidit universi Creator quibusvis corporibus, terraqueum hoc, quod incolimus, componentibus, vim attractivam, qua hoc idem optime conservatur. Impressam, inquam, habet a suprema rerum providentia quodlibet telluris corpus gravitatem ac nisum, & quasi instinctum petendi centrum istius, ut ita terraqueum hoc conservetur ratione, ut loquimur, prorsus naturali: nihil iniquum proinde me allaturum, existimo, si dixerò, eadem ordinante providentia singulis pariter hominibus, singulisque animantibus ingenitum esse desiderium, se ipsum, suumque genus conservandi, & id adaugendi.

45. Si naturam humanam constituimus esse unicum desiderium conservandi & multiplicandi, non licet nobis alios a natura deducere motus & instinctus, atque ab his porro actiones & effectus, quam eos solum, qui ab exposito isto desiderio ortum sumunt. Quidquid igitur ab eo non provenit, naturæ effectus non est. Non ergo natura est id, quod cibos digerit; quod humores movet, miscet, segregat; quod corpus nutrit &c. sed unicus cuncta ista perficit propriis viribus organisinus sive mechanisinus.

46. Exinde patet, me organisino corporis nostri nihil prorsus derogatum velle. Peragit, opinor, iste omnes suas actiones virtute propria & ea ratione, qua ipsum Physiologia hodierna operari demonstrat. Non alias itaque actiones naturæ tribuendas, puto, quam quæ excedunt vires organisini, neque etiam ab anima, ut causa, se ad eas sponte sua determinante, desumi possunt, id est, actiones solum illas & effectus, quæ a commemorato desiderio proficiscuntur. Hinc existimo, naturam non esse in constanti, licet id omnes velint, operatione constitutam, sed agere tantummodo, quando instinctus aliquis, dictæ conservationi, vel multiplicationi destinatus, observatur in nobis suscitatus.

47. Displicebit fortassis non nullis, quod naturam, præter ceterorum opinionem, non constanter operari,

B

mul-

multum ideoque tempus quasi stertere cogitem. Verum quid officit, quod eam sæpius extra actiones constitutam esse judicem? Potest utique desiderium alius cujuspiam actionis diu existeret in homine, quin id suos exerat motus. Potest utique aliquis habere desiderium v. g. conservandi thesaurum suum, quin is, hoc satis alioquin custodito, molimen adhibeat, eum recondendi, aut quin angatur ipsum tuendi sollicitudine.

48. Videor etiam mihi videre erigentem se adversus me aliquem medicorum mechanicorum, & dicentem: Quid nobis hæc natura, cujus vis non tenditur, velut in recensitis apparet exemplis, ultra nervos animales? Quid hæc ad morborum curationem? non hæc sane est idea, quam de natura humana sibi formarunt Authores medici, dum de ea, tanquam de optima morborum medicatrice graviter prædicarent. Vis proinde illa, quam nomine naturæ insigniverunt, locanda est potius & quærenda in actionibus sponte sua procedentibus sive organismi, quocirca istas etiam naturales appellamus; & non in actionibus animalibus.

49. In organismi certe, & non in animæ actionibus quærenda est, respondeo, vis illa, morbos propria virtute subigens. Neque sunt, confiteor, alia, quæ hucusque adduxi ad probandum, naturam humanam esse purum desiderium, exempla, quam ex actionibus animalibus deprompta, verum neque etiam eo adhucdum intendebam animum, neque eo ipsum intendere licebat hætenus, ut exponerem, quid de natura, ut morborum curatrice, sentiam? Ante enim quam naturam susciperem expendendam in morbis, necessarium esse, existimavi, eam prius in sano corporis humani statu contemplari. Sufficiat itaque interea demonstratum esse, naturam in homine sano esse desiderium innatum, se suumque genus conservandi, idve ampliandi. Siquidem hoc evictio, patet transitus ad naturam tanquam medicatricem disquirendam; hocque evictio, dico:

50. Unica, neque plures admitti possunt naturæ in homine. Si proinde instinctus naturæ in homine sano, quæ anima permovetur ad agendum.

- dum, adscribendi sunt commemorato desiderio; censendum est quoque, illos pariter instinctus naturæ, qui in homine ægrotante sive animam, sive organismum cogunt ad actiones, provenire ab eadem causa, ab eodem videlicet conservandi desiderio.

51. Si deinde natura in quovis animato, quæ tum hominem, tum quodlibet aliud animal ad supra enarratas impellit actiones assumendas, est congenitum conservandi desiderium, tanto minus rationi repugnare videtur, dum adstruitur, ejusdem hujus desiderii potestatem, quia conservationem vitæ pro scopo habet, extendi ad actiones etiam organismi, quarum opera vita hominis est conservanda, ut potius illi conforme esse appareat, verum præcediamur ad ipsos naturæ instinctus discutendos, quos observamus in corporibus hominum morbo-
sis, inque functionibus organismi.

52. Primus & maxime obvius naturæ instinctus, qui se nobis sistit in ægrotante sive in illo, in cujus organismo defectus liquoris cujuspiam natus est, est instinctus bibendi, quem vocabulo sitis exprimere solemus. Cum hæc autem a causis diversis possit induci, nempe per imaginationem; per assumpta salia, adstruentia &c, vel deficiente liquore diluente, & sic porro, monendum esse duxi, non hic aliam sitim habere locum; quam ab ultima causa suscitata, ab inopia videlicet liquidi aquosi in sanguine, istam igitur examinemus, utrum ab organismo corporis, aut ab anima, aut ab alia causa corporea generetur, vel potius naturæ nostræ, sive exposito antea desiderio sit adjudicanda?

53. Homo sanus, dissipato per corporis v. g. motum humore aquoso, sitit. Ad sitim hanc exstinguendam haurit aquam. Vix pervenit autem ista in ventriculum, jam deleta est sitis. Exstincta ergo est sitis, antequam sanguis esset interum dilutus; & causa sitis ablata. Quid videtur autem hoc significare aliud, quam sitim fuisse quidem suscitata propter defectum diluentis, non vero ab hoc ipso. Siquidem perseverante adhuc defectu aquæ in sanguine est jam per potum deleta sitis. Conservatrix igitur illa corporis seu natura.

juxta opinionem nostram concepta, est causa inducens bibendi instinctum, & induxit sitim, ut ea motus animus feratur ad ingerendum id, [quo prior copia diluentis restitueretur.

54. Aqua dein est sitienti gratissima; extincta vero siti, quamvis defectus diluentis in humoribus nondum esset refarcitus, sit illa prorsus insipida. unde, jam quaero, est velox hæc saporis mutatio? non utique ab aqua, quæ eundem semper linguae imprimit sorem; non quoque a nervis linguae, in quibus sensatio est semper eadem, neque per solum transitum aquæ per linguam, dum deglutitur, mutari potuit. Natura ergo est etiam causa mutati hujus saporis sensus, quæ videtur inferre suavitatem aquæ, quamdiu necessaria est ad conservationem sanitatis; & ex adverso hanc demere aquæ suavitatem, suscitareque sensum satietatis, & postea nausæ, postquam satis jam potatum est, quæ uberiorem, noxium utpote, aquæ inhibeat potum.

55. Puella, acido laborans, vorat cretam, calcem, & similia absorbentia. Non ratiocinatio, sed ipse naturæ instinctus, (velut in gallinis, dum vegetantium semina in earum ingluvie in acidum degenerant, sicque in ceteris animalibus) est id, quod eam movet ad ingerendum absorbens: verum neque de acido, in ejus ventriculo existente opinari convenit, quod rem noscat sibi adversantem, absorbentia scilicet, & simul etiam quod virtute propria queat erigere instinctum assumendi ea, quæ acidum destruunt. Naturæ itaque, tanquam vitæ & sanitatis tutrici, salutaris hicce instinctus in acceptis est referendus.

56. Cum serio & diutius meditamur, calet caput, cruore turgens, frigentibus una pedibus. Humores feruntur ergo inter meditandum ad caput majori solito copia. Rogo iterum, quæ est causa majoris hujus determinationis humorum ad caput mechanica? ego, fateor, non unicam mente consequor. Anne anima, dum speculamur, attrahit humores ad encephalon? Natura proinde hic quoque, quia consumptos meditando spiritus continuata ista copiosi sanguinis determinatione sine intervallo relucere nititur, dicenda est hæc causa de-
ter-

terminans, disquiramus nunc causam celeritatis humorum in febribus.

57. Febris omnis initium sumit a frigore; istud excipit calor major minorque, qui continuat usque ad terminum morbi. Frigoris causam conjiciunt omnes medici in materiam crudam obstruentem, vel stimulantem & merito. At vero si causa frigoris est, materies morbi cruda, hæc eadem caloris quoque subsequenter esse nequit. Causa enim una eademque in eodem corpore, non mutata, aucta, vel imminuta, nunquam oppositos potest excitare effectus. Cum igitur frigoris causa sit materies morbifica, eadem hæc ipsa caloris insequentis esse nequit. Natura proinde causa esse debet caloris, quo morbi materies percoquenda est.

58. Aegri, qui in febribus intermittentibus moriuntur, intereunt semper in stadio frigoris, & nunquam in ipso calore febrili, nisi ruptura vasorum, aut alia superveniat causa mortifera. frigus ergo est status morbi, calor autem non amplius morbi, sed naturæ medicatricis, crudum concoquentis.

59. Dum manus nivibus perfricamus, frigent istæ primum, paullo post calent multum: frigoris causam esse nives, nemo ambigit, at quis dicet, has ipsas sive relictum in manibus frigus esse causam caloris quoque? vix certe ullus. Quid igitur? organismusne vi non modica per constricta frigore vasa transpellens humores? verum nec id videtur. siquidem vis cordis, quæ in manibus tanta superare deberet obstacula, tantumve inducere calorem, foret magnitudine talis, qualis est in ipsis febribus inflammatoriis; vera ideoque adesse deberet febris, quam tamen nemo adhuc observavit. Si dein vasa manuum essent adeo, veluti existimatur, constricta frigore, non tanta posset contingere, quanta reipsa fit, in istis transpiratio. Natura proinde frigus, vasis manuum infixum, expellere tentans, ad-aucti hujus in his motus causa dicenda est.

60. Similiter ratiocinari fas esse, videtur; de febribus partis corporis singularis, dum nempe in ea solummodo celerior notatur arteriarum vibratio; neque reperi ullam apud authores causam hujusmodi febris.

61. Suffragantur huic sententiæ, quantumvis minus aperte, Prætorum præcipui. *Surgit*, inquit Illustrissimus p. m. L. B. van Swieten passim in commentariis, *vis vitæ*, *surgit molimen naturæ* post stadium videlicet frigoris, & similia. Plurimi auctum hunc fluidorum motum seu febrim esse conamen naturæ, morbum subigentis, palam asserunt, & propterea etiam vetant in continuis, cum cortice peruviano & similibus sistere, immo, si lanqueat, ipsum magis incendendum esse, ajunt.

62. Distinguunt deinde ipsi mechanici Symptomata in morbis acutis in symptomata morbi, & symptomata naturæ: illa, dicunt, esse noxia; ista vero, etsi forent vehementissima, salutaria sive critica. Agnoscunt ergo ipsi duplicem in acutis potentiam; distinguunt ergo ipsimet naturam ab organisino, sejungendo videlicet effectus istius, per materiam morbi concitatos, ab effectibus, in eodem corpore & morbo natis, & per naturam curatricem motis.

63. His insuper consentitur ipsi quoque, duplicis generis instinctus oriri in nobis sæpenumero, veros scilicet, & spurios. Quid volunt autem per hanc distinctionem aliud, quam causam instinctuum priorum seu verorum esse diversam a causa spuriarum? illorum nempe naturam; istorum vero organisinum, ab alia causa conturbatum. Nunquam sane, opinor, causæ symptomatum criticorum & instinctuum salubrium imposuissent medici nomen peculiare & ab organisino diversum, nomen utpote naturæ, si non eam ab organisino disparem esse credidissent, quemadmodum supra de Physicis mentionem intulimus.

64. Dicet, haud dubito, mechanicus, per vim vitæ intelligendos esse spiritus nerveos, qui, postquam per spasticas constrictiones in stadio frigoris diutius ardeant, & in suo progressu inhibentur, hujus constrictionis impatientes, erumpunt vi maxima; & sunt subsequenter caloris causa, veluti aer reclusus, & multum pressus erumpit data porta cum impetu maximo, estque singularium effectuum causa.

65. Con-

65. Confirmationem porro repetet ab eo, quod gradus caloris febrilis respondeat intensitati frigoris antegressi. Siquidem etiam aer tanto majori cum violentia ruit concessio exitu in apertum, quanto magis antea condensabatur, sive qualis est actio causæ prementis in aerem coercitum, talis est ejus reactio.

66. Quantumvis, respondeo, concesserimus, spiritus vitales esse maxime elasticos, & simul posse in suis nervis arctissime comprimi, & dein etiam cum vehementissimo impetu, victa frigore vasorum constrictione, agere in corpus universum, non possumus nihilominus abinde deducere febrim, siquidem effectus violentiæ istius foret tantummodo momentaneus, & non in septimanas continuatus; deberet præterea, superato obstaculo sive terminato frigore, esse maximus illico; & non pedetentim in dies increfcere, velut increfcit febris.

67. Reponet ad hæc, scio, mechanicus, materiem morbi per erumpentem vim vitæ, sive per spiritus vitales rapi simul in circulum humorum, fierique hoc modo causam febris, cor irritantem, aut, si infixæ sit vasis ea inflammans, proritare suo stimulo cor, consentiens cum nervis affectis, ad frequentiores sui contractionem.

68. Quum febris aucta non inflammatoria, respondeo, crefcat quotidie usque fere ad diem indicem, aut saltem non minuatur, licet materies cruda in singulos dies plus semper conteratur a vasis organismi, amittatque idcirco jam ante diem indicem vim suam stimulantem, causa continuationis hujus febris non videtur esse crudum irritans, sed natura potius, quæ tandiu conservat motum febrilem, fovetque calorem, quoad materies morbi concocta est.

69. Acceleratum deinde fluidorum circuitum in febre inflammatoria, ajunt aliqui mechanicorum, provenire ab obstructione finium arteriarum, & liquore a tergo urgente; alii vero a dolore partis inflammatae, nervos exagitante. Ast neutrum horum videtur posse statui pro causa febris continuæ. Non primum: quia etiam post repetitas venæ sectiones, & depletis ceteris vasis continuat febris. In febre porro vulneraria

remittit impetus febrilis simul, atque supuratio peracta est, quamvis vasa discissa non magis, quam ante supurationem, transmittant liquores circulantes. Non postea alterum: quia observamus, corpus humanum in valido dolore frigere, & non calere, pulsusque esse potius contractum; quam fortem & magnum. Etsi dein etiam sopiatur dolor per opiata, aliaque, pergit nihilominus febris, immo augetur insuper non nunquam etiam.

70. Possem equidem quemadmodum cuivis patet cogitanti, plures ejusmodi ac pene innumeros recensere effectus, inter organismi actiones reperiendos, qui se non ab ulla causa mechanica sive corporea derivari concedunt, in aliam ideoque, in incorpoream nempe, qualis est natura nostra, conferendos. Verum cum non pauci in sequentibus, cum primis in duobus proximis capitibus, unde repeti possunt, sint adducendi, hic eis enumerandis supersedeo, sufficiatque interim attulisse tantos, per quos satis, ut puto, demonstratum est, naturam esse potentiam distinctam ab organismi corporis, sive explicatum antea, innatum nobis nos conservandi desiderium, vimque ejus esse non minus in functiones organismi; quam voluntatis: non minus elucere in morbis; quam in sanitate.

71. Nimum a me dari unico desiderio, inquiet, scio, aliquis, quod ipsi attribuiam vim non in nervos tantum animales, sed etiam in nervos organismi, adeoque in omnes prorsus totius corporis, immo ipsas quoque succendendi febres acutissimas. His insuper concedo, ait adversarius, naturæ scientiam cognoscendi morbum, eique adversans remedium & cuncta sapientissime, ordinatissimeque, quod soli spiritui ratiocinanti competit, disponendi, & perficiendi.

72. Vim quidem, respondeo, tribuo unico ingentio nobis desiderio tantam, ut id & animam, & organismum ad actiones vehementissimas concitare sæpissime, immo compellere dixerim. At vero si in considerationem ducimus majus aliquod, quodcumque demum id fuerit, excitatum in nobis desiderium, nonne videmus, id pollere vi maxima, ipsamque animam,
etsi

etsi reniteretur, cogi in sui obsequium? appetat impatiens mulier aliquid avidius: quos, quæso, non sentit ea in corpore suo motus? quas non in animo turbas?

73. Ad vim istam magis declarandam non incongruens fore opinor, hominem, alio quopiam desiderio ferventem, accersere pro exemplo. Anhelet v. g. juvenis, magno itineris & multo temporis spatio chara domo remotus, reditum ad genitores. Notamus. 1^{mo} Eum esse tristem, inquietum, sollicitum, cōtiones pariter in ipso languere, somnum, universumque fluidorum esse vitiatum circulum. 2^{do} absque fere remissione hoc in patriam redeundi moveri desiderio, & 3^{io} compelli, nolentem etiam, ad arripienda ea, quibus sibi reditum comparare posset, recrearique 4^{to} omnibus iis, per quæ voto suo potiri posset; & e converso. 5^{to}. Multum attingi omni eo, quod redeundi est ipsi impedimento. 6^{to} posteaquam pervenit ad parentes, summa perfundi lætitia, animoque ejus & corpori simul pristinas revertere vires & ordinem. 7^{mo} demum, obtento suo fine, cessare penitus, quo multum antea torquebatur; redeundi desiderio, esseque ingrata jam omnia, quæ ante iter, & in hoc ipso erant gratissima. En quid ardens valeat in nobis desiderium. Si ista ad naturæ agentis conatus & instinctus in morbis, cumprimis in acutis, applicamus, deprehendimus simillima.

74. De ordinatissimo deinde, quem natura servat in suis actionibus, ordine id adferre licet, quod nempe cujusvis animalis, tam rationalis, quam irrationalis corpori, aut, si mavis, nervis ejus sint certæ leges a suprema rerum providentia impressæ, secundum quas operari debet organismus aut animus, dum compellitur ad actiones a natura. Leges porro istas esse juxta genera animalium, juxtaque diversitatem sexus ita distributas, ut ejusdem generis & sexus animalia æquales, dum ad eas determinantur a natura, exerant actiones, similesque ponant effectus, idcirco quodvis avium genus æquales ubique regnorum & in annos singulos conformant nidos; cati ubivis locorum eandem

adhibent ad mures fallendos artem, & sic de aliis. Puer ad viriles semper, & puella ad muliebres, ut aimus, incitatur per naturam actiones.

75. Legum istarum impressio potest assimilari impressioni, quam v. g. fidicen in nervis manuum suarum habere videtur per exercitium hujus cantus partam, aut puer in nervis linguæ, & ad eam pertinentibus musculis, qui sermonem aliquem longiorem memoriæ suæ mandatum tenet. Vix enim adest voluntas canendi fidibus, jam digiti moventur ordinatissime, recitatque puer perceptum sermonem rito ordine, quamvis haud intelligat ea, quæ profert. Secundum pari modo institutas leges edit quodvis volucrum genus cantum sibi proprium, dum ad eum a natura concitatur.

76. Omnibus istis in animadversionem vocatis patere, arbitror, cur effectus naturæ sint vehementissimi? cur ista possit & animum & organismum cogere ad agendum? cur bonum semper spectet finem? cur animum, & organismum, in actionibus constitutos, regat ordinate, quamvis non esset judicandi facultate prædita? Patet item, æquum nos facturos, si naturam hanc dixerimus esse unicū generale, singulis nobis innatum nos nostrumque genus conservandi, idque multiplicandi desiderium, a quo singularia, quæ instinctus appellamus, suscitantur in nobis, dum aut actio quædam aut res, ad dictam conservationem & multiplicationem necessaria, est perficienda vel expetenda.

77. Verum enim vero, quantumvis actiones naturæ ab ingenito nobis nos conservandi desiderio, tanquam a causa se satis apte deduci patiantur, manent nihilominus maximæ, non abnuo, difficultates resolvendæ, veluti sunt, dum quærimus, unde natura sive commemoratum desiderium advertat defectum cuiuslibet liquoris in corpore? unde cognoscat indolem noxii v. g. acidi existentis in ventriculo? Quomodo possit suscitare instinctus rerum salubrium, & potum sitienti reddere gratum? quomodo inducere sensum satietatis, & aversionem a noxiis? quibus viribus neonatum animal docere lac sugendi modum? quomodo
vul-

vulpibus, catis & reliquis hujusmodi bestiis inspirare artem fallendi animalia minora, quæ ipsis in escam venire debent? quomodo succendere & conservare febrim? & similia plura.

78. Hæc fateor, & quæ sunt ejusmodi, tantopere peripicacitati ingenii humani esse subducta, ut ad ea haud ullis ratiocinandi viribus pervenire valeamus. Verum quot & quanta non sunt ea, quæ deprehendimus in nobismet ipsis, non unquam, quia ita revera observamus, neganda, tametsi nunquam ad eorum cognitionem, qui fiant, pervenire valeamus? Sic admittere cogimur, animam nostram, quamvis verus sit spiritus, corpore humano septam teneri; cum ipso intime esse conjunctam; ejus sentire affectiones; in id habere vini plenam; musculos suos, eorumve fibras quasi seorsum ad arbitrium constringere; item cor cujusvis animalis esse adeo irritabile, ut excissum e corpore vivo se constringat, quemadmodum Verulamius testatur de corde humano; (Histor. vitæ & mortis p. 559.) & quilibet videre potest in corde piscis cujuscunque vivi a corpore separato, & acu puncto. Ista & plurima hujusmodi ea sane sunt, quæ, nisi essent apertissima, nequaquam admitti possent.

79. At vero non existere solum aliquid in corpore animato, quod saluberrimarum rerum & actionum suscitatur instinctus; quod ad sapientissimos quodvis animal determinat, & compellit actus suscipiendos; quodve istius admirando prorsus modo regit actiones, & sic porro, credere adigimur: sed, (quantumvis omne excedat mentis humanæ acumen) insuper etiam in quolibet omnino inesse animali, tam rationali, quam irrationali aliquid, quod curam quasi habet vitæ & sanitatis corporis sui, observationes & exempla demonstrare, ac perhibere videntur.

80. Curam istam (multum, fateor, dictu) ex miris hucusque recensitis naturæ actionibus & effectibus satis aperte deduci posse, censeo, & si hucusque recensiti non sufficiunt ad id demonstrandum, fiet, opinor, vis hæc singularis, vitam animatam procurans tanto adhuc clarior, quanto plures illius motus & actio-

actiones expenderimus, eorumve finem optimum, in quem omnes semper diriguntur, contemplati fuerimus. Profecto! nisi natura (aut quocunque id velis compellare nomine) curam gereret pullorum avium, caveretque, ne isti excrementis nidos inquinent, vix ullus unquam permaneret superstes: nisi natura curæ haberet sui, quod incolit, corporis salutem, non suscitaret aversionem a noxiis, non timorem mortis: nisi pariter maximum inspiraret matribus amorem ad suam sobolem, non unquam suppeditarent earum vires tot tantisque perferendis laboribus, curis, & vigiliis.

81. Haud mirum proinde, quod omnes prorsus Medici, qui excelluere in medendo, tantis naturam extulerint laudibus, tantopereve ipsam commendaverint junioribus practicis observandam, & imitandam, dixerintque, eam esse sapientissimam & sollicitam vitæ conservatricem, actionum directricem, perditorum instauratricem, & optimam morborum medicatricem, atque illum tantummodo verum esse medicum, qui se potentissimæ huic curatrici fidelem præstiterit servulum.

82. Dicit forsitan quispiam, inane prorsus esse, & ad praxim inutile, immo noxium potius, ac medentis ingenium conturbans, tanta referre, & disceptare super natura. Quandoquidem celebres, inquit, existere plures, existuntque Practici, quibus, dum ægrorum examinant conditionem, ne quidem nomen naturæ venit in mentem. Habet istorum unusquisque, (continuat) certam suam medicandi methodum, habet sua adversus quoslibet morbos remedia, quorum ope, dirigente judicio medico, morbis feliciter medetur.

83. Fuerunt, nullus abnego, sunt hodie quoque non pauci majoris existimationis medici, qui methodum exercent symptomaticam; qui specificam, sive qui ad remedia specifica in quibusvis pene morbis descendunt; qui a similitudine alterius ejusdem nominis morbo curato petitam; & sunt, qui ex his compositam quasi colunt medicationem. Omnes harum methodorum fautores ipso nomine naturæ carere possunt. Verum, si in considerationem ducimus, imo. symptomata mitiga-

re non esse morbum curare, imprimis si torpeat natura; 2^{do}. symptomata in morbis esse sæpenumero salutaria, non ideoque supprimenda. 3^{io}. remedia specifica ibi tantummodo vim habere utilem, ubi materies morbi ea est, cui recte oppositum est remedium specificum; non vero, si morbi causa alius fuerit indolis. 4^{to}. multos morbos non remittere, nisi ipsa morborum causa fuerit deleta per medicamina; 5^{to}. eandem causam morbificam, acre v. g. celticum, scorbuticum, podagricum &c. omnis prorsus generis morbos suscitare posse suscitareque; ideoque 6^{to}. ejusdem nominis morbum a pluribus distinctisque indole causis posse generari; & 7^{mo}. in allatis medicandi normis anatonem, physiologiam, ceterasque omnes scientias medicas fore prorsus supervacaneas, sine quibus tamen medicus, qui vitii corporis reparator esse debet, non clarius dispiceret labem corpori inustam, nonque doctius istam reficere sciret, quam artifex v. g. horologium, qui hujusmodi machinam haud unquam viderat antea. Hinc 8^{vo}. necessariam esse in pluribus morbis, ne dicam in omnibus agnitionem causæ morbificæ; atque 9^{mo} ad hanc nos nunquam perventuros absque cognitione naturæ; & denique 10^{mo} non sine urgentissimis rationibus omnes omnino authores Practicos maximopere commendasse imitationem naturæ operantis. & similia: liquide patere arbitror, non inutile solum esse, reminisci operantem naturam in ægrotis, sed etiam prorsus necessarium: non proinde non inane tantummodo de ea egisse, sed & conveniens maxime.

84. Instabit forsitan oppugnator dicturus: Tametsi necessaria admittatur naturæ in morbis observatio & imitatio, non refert nihilominus tamen, scire, quid id sit, cui naturæ nomen imponimus? Esto, nominetur natura Archæus, Spiritus peculiaris, Anima ipsa, Mechanismus unicus, aut innatum nos conservandi Desiderium: satis est nosse, causam quampiam singularem existere in nobis, quam Naturam appellamus, singulares & utilissimas suscitantem actiones, accurate observandam, & studiose imitandam.

85. Non est, repono, Authorum unus, qui non suam referret, si non fufius, certe ftrictim, de naturæ indole conceptam opinionem. Quin immo nec ullum medicorum effe poffe, judico, ut, dum audit, naturam effe optimam morborum medicatricem, non aliquam de ea fibi formaret ideam. Si ipsam dein varietatem medentium, qui naturæ aufcultant, intuemur, deprehendimus illico, eam provenire a difparitate idearum, quas hi affumpferunt de naturæ humanæ indole. Abinde enim est, quod Helmontiani in febribus venæfektionem, corticem peruvianum, & fimilia, febrim fupprimantia damnent; ex adverfo autem ea ipfa ordinent medici illi, qui naturam nihil diverfum a mechanifmo effe afferunt, & fic porro. Neceffaria est proinde ipfius naturæ humanæ indolis investigatio. Verum id clarefcet magis adhuc in fequentibus.



CAPUT SECUNDUM
DE
MOTIBUS ET INSTINCTIBUS
NATURAE HUMANAЕ.

- | | |
|---|---|
| <p>86 De his speciatim agere convenit.</p> <p>87 Effectus naturæ sunt effectus expositi supra desiderii.</p> <p>88 Cōtiones &c. itaque, quamdiu vocantur naturales, non sunt a natura, sed ab organisino.</p> <p>89 Hinc debent nominari præternaturales.</p> <p>90 Ex adverso autem instinctus sunt ii a natura, qui dicuntur naturales.</p> <p>91 Juxta designatum antea finem triplicem</p> <p>92 Examinemus effectus naturæ.</p> <p>93 Quidam eorum diriguntur in conservationem vitæ,</p> <p>94 Uti est appetitus in cibis,</p> <p>95 Sævis item eorum sapor,</p> <p>96 Qui non est a cibo ipso.</p> <p>97 Sensus porro satietatis,</p> <p>98 Et appetitiones rerum singularium,</p> | <p>99 Non minus cupiditates exequendi actiones, queis vita conservanda est,</p> <p>100 Ac eas, quæ sunt juxta consuetudinem,</p> <p>101 Atque quibus vitam retinere molimur, dum in vitæ versamur discrimine.</p> <p>102 Effectus deinde, queis malum imminens antevertitur, sunt quoque a natura,</p> <p>103 Appetitiones porro etiam rerum, quibus malum præsens infringendum est,</p> <p>104 Atque actiones, quibus istud removetur,</p> <p>105 Variique in corpore motus,</p> <p>106 Febrilis nempe, quo crudum est percoquendum,</p> <p>107 Humorū quoque determinationes,</p> |
|---|---|

ELENCHUS OPERIS.

- | | |
|---|--|
| <p>108 Tribuunt quidem aliqui vesicanti vim attrahendi humores,</p> <p>109 Verum haud sufficienti de causa.</p> <p>110 Sunt etiam quædam excretiones naturæ attribuendæ,</p> <p>111 Motusque, queis languens adjuvatur organisinus,</p> <p>112 Ut si torpeat digestio,</p> <p>113 Aut si majori indigeat ventriculus calore.</p> <p>114 Quocirca etiam actiones infantis, in degestionis adjumentum excitatæ, sunt effectus naturæ,</p> <p>115 Atque determinationes, ut supra diximus, humorum ad caput,</p> <p>116 Subitanæ quoque mutationes in morbis.</p> <p>117 Effectus naturæ sunt etiam rerum aversiones,</p> <p>118 Cumprimis noxiarum.</p> <p>119 Aversiones pariter actionum quarumpiam,</p> <p>120 Instinctus item, & motus ad gentis tutelam spectantes,</p> <p>121 Veluti amor parentum ad proles,</p> <p>122 Et dilectio sibi similibus,</p> <p>123 Atque ipsum desiderium ampliandi numerum gentis humanæ.</p> <p>124 Cupiditas proinde inveniendi societatem cum homine sexus disparis.</p> | <p>125 Nihil obstat, etsi quidam aspernentur conjugium.</p> <p>126 Desiderium prolium est pariter a natura,</p> <p>127 Quod magis elucet in muliere, quam in viro.</p> <p>128 Effectus naturæ sunt omnes salutares.</p> <p>129 Contra id quidem non nulla opponi possunt.</p> <p>130 Ut Fames nimia,</p> <p>131 Sitisque potatorum immodica,</p> <p>132 Instinctus item malæ consuetudinis,</p> <p>133 Atque Febris continua, corpus depascens,</p> <p>134 Imprimis vehemens,</p> <p>135 Et denique instinctus naturæ, honestati adversantes.</p> <p>136 Ad hæc respondemus, & quidem primo ad famem magnam.</p> <p>137 Deinde ad sitim immoderatam,</p> <p>138 Subin ad febrim acutam,</p> <p>139 Ejusque motum nimium,</p> <p>140 Et demum ad instinctus actionum indecentium.</p> <p>141 Ita quævis dissolvuntur objectiones.</p> |
|---|--|

CAPUT SECUNDUM.

DE

EFFECTIBUS

NATURÆ HUMANÆ.

86. **Q**uantumvis effectus naturæ humanæ ex exposita ejus indole facile cognosci queant, juvabit nihilofecius, eos separatim pertractare. Quandoquidem & clarior adhuc per hoc fiet naturæ idea, & simul patebit, quospiam instinctus & effectus, quos symptomota vocamus in ægris, esse producta naturæ, & alios aliarum causarum: illa utilia, adeoque conservanda; ista vero noxia, quocirca illico supprimenda. Quanti intersit medentis, ea rite distinguere? neminem latere potest. At si symptomata quæpiam in morbis sunt a natura, pertractatio ista est ad rem vel ideo etiam, cum sit præter mentem tum Helmontianorum, tum quoque medicorum mechanicorum. Isti enim negant effectus naturæ in morbis acutis, quamdiu adest cruditas; illi autem effectus omnes & symptomata in quolibet morbi stadio in naturam conjiciunt,

87. Ideam naturæ humanæ constituimus in idea desiderii vehementis nobis ingeniti, nosmetipsos nostrumque genus conservandi, istudque simul numero adaugendi. Diximus eapropter, illos tantummodo effectus, motus, & instinctus, qui ab hoc desiderio generantur, esse producta naturæ.

88. Cœctiones itaque, secretiones, excretiones, nutritiones, ac reliqui effectus organismi, quos Medici omnes a natura derivant, quantumvis ad vitæ conservationem spectent, non sunt, nostra sententia,
C quam-

quamdiu moderata, sive, ut vulgo loquimur, naturalia dicuntur, effectus naturæ, sed solius, veluti in plantis, mechanicæ corporis nostri fabricæ seu organismi, quia ab hoc unico, ut causa, proficiscuntur, & non a supradicto desiderio.

89. Motus igitur humorum, coctiones, ceterique sponte nati effectus, dum sunt a natura concitati, non sunt amplius tales, quales vocamus naturales sive secundum naturam, sed jam præternaturales, aut scilicet majores prioribus, aut minores, aut suo modo discrepantes, adeoque tales, qui non amplius a solo pacato organismo, sed ab eo per alienam jam causam mutato, proveniunt.

90. Appetitiones autem rerum, & instinctus, quia non unicus est ab ipso organismo, sunt quilibet producta naturæ ii, quos naturales dicimus: aliarum vero causarum effectus sunt illi, quos præter naturam esse, aimus, ut appetitus in cibum, qui vocatur naturalis, est a natura nostra; præternaturalis autem ab alia causa.

91. Effectus quivis, motus, & instinctus, quos natura suscitatur in corpore tum sano, tum morbofo, excitat ipsos in aliquem semper finem ex triplici supra commemorato, vel scilicet in tutelam vitæ, & sanitatis ejus, cujus natura est; vel in conservationem gentis humanæ universæ; vel denique in multiplicationem istius.

92. Finis iste triplex, quem natura contuetur in singulis suis actionibus, optimum nobis præbet ordinem in enarrandis istius effectibus observandum. Tribus eos proinde classibus complectemur omnes hic recensendos.

93. Effectus naturæ ad primam classem, ad conservationem utpote vitæ & sanitatis proprii sui corporis pertinentes sunt *imo* omnes appetitiones (a) rerum, (b) actionum, atque ipsæ (c) actiones, quibus defectus humoris, ad sanitatem necessarij, reparandus est, *2do* omnes actiones, quæ malum corporeum, quod vitæ minatur periculum, antevertitur, *3tio* quilibet instinctus (d) animi, ejusque (e), & organismi (f)

imo-

motus, quo malum in corpore præsens, vel istud extrinsecus lædens, abigendum est. Quævis dein 4^{to} actiones, & motus, qui in auxilium languentis excitantur organismi, 5^{to} demum aversiones (g) rerum, & (h) actionum noxiarum.

94. Inter appetitiones rerum ad tuendam vitam necessariarum (§. 93. a) præcipuæ sunt desideria cibi & potus. Fames itaque vera sive ea, quam natura movet, similiter & sitis, cum omnibus comitantibus symptomatibus, uti tristitia, inquietudine, sensu gravitatis corporis &c. sunt effectus naturæ, quemadmodum alibi fufius demonstratum est.

95. Inter comedendum sentit famelicus maximam cibi suavitatem, & potus inter bibendum sitiens. Gratiſſimus hic sensus, ab ingestis impressus in linguæ papillas, videtur etiam naturæ magis esse effectus, quam cibi aut potus. Sed de isto quoque jam antea differuimus.

96. Si quis tamen diceret, nutrientium sensum ideo videri famelico gratum ad initium ingestionis, quia omnes molesti famis effectus delentur per cibum, sicuti atroci dolore affectus maximopere recreatur per assumptum opium, quia dolores per hoc leniuntur; responderem, licet opium, auferendo dolores sævientes, corpus, animumque reficiat illico, recreetque, non imprimere tamen linguæ, dum per eam transit, saporem jucundum, qualem cibus infert.

97. Remittentibus inter edendum, & potandum famis & sitis molestiis, recedenteque pedetentim saporis ingestorum suavitate, surgit sensus alter, quem facietatem nominamus. Sensus videlicet significans, satis jam esse ingestum: istum quoque naturæ sobolem esse, evicimus antea.

98. Alimentis succedunt res, quæ sunt in consuetudine: Sunt enim istæ consuetis sæpius ad sanitatis conservationem prorsus necessariæ, appetitiones proinde rerum consuetarum cum omnibus injuriis, quæ ob inopiam ejusmodi rerum insurgunt, sunt naturæ adscribendi.

99. Cupiditas dein actionum (§. 93. b) est naturæ productum. omnis illa, qua movemur ad agendum id, per quod res ad conservandam vitam utilis, est obtinenda. Sic dum admodum sitiens videt potum, tanta sæpe fertur aviditate in eum arripiendum, ut se ab eo vix cohibere valeat.

100. Agendi pariter instinctus a natura concitatus, est etiam desiderium exequendi opus, quod est in consuetudine, quando adest hora, qua hæc actio prius perficiebatur in singulos dies. talis instinctus est cupiditas ludendi, corpus movendi &c. appropinquante tempore, quo quibusvis diebus ludebatur, corpus exercebatur &c.

101. Actiones vero ipsæ (§. 93. c) quibus vita servatur, & naturæ effectus dici merentur, sunt omnes illæ, quas in discrimine vitæ existentes impendimus ad hanc retinendam. Omnes nempe, ad quas nos metus mortis, aut alius mali, quod periculum læsionis minatur corpori, adigit arripiendas. Naturæ pariter actiones sunt, ad quas per consuetudinem incitamus perficiendas.

102. Diversissimæ sunt etiam actiones (§. 93. 2^{do}) naturæ, animum ad eas compellentis, quando ista malum imminens antevertere molitur. Siquidem malum huiusmodi est numero infinitum, unumquodque suo modo antevertendum. Quidquid enim corpus nostrum lædere potest, malum est. Cunctæ itaque actiones, quibus impetus ejusmodi mali eliditur, naturæ sunt, etsi ab anima essent positæ. Ut dum irruenti in caput v. g. lapidi manum objicimus, caputque retrahimus.

103. Appetitiones rerum, quas natura concitat, quando noxium præsens (§. 93. d), & corpus ingratè afficiens tollere conatur, sunt, ob maximam similitudinem noxiorum varietatem, numerosissimæ. Res, in quas sumendas fertur animus, sunt potissimum tales, quæ noxium corrigunt. ideo tempore æstatis; in febre ardente, vel putrida, in qua humores inquilini nutant in putredinem, appetimus acescentia; e contrario autem puella, quæ acido laborat, incitatur a natura ad voranda absorbentia, & sic de aliis.

104. Actiones, ad quas natura per musculos animales ad removendum (§. 93. e) præsens malum compellit animam, sunt pariter non numero comprehendendæ. Si musca v. g. pungat partem corporis nostri, multi sunt muscoli brachii, qui ad actionem rapiuntur, qua musca fugenda est. Dum acu v. g. pes pun- gitur, omnes istius musculi agere debent, quibus pes punctus retrahitur &c. actiones istas non animæ, sed naturæ esse, vidimus antea.

105. Motus, quos natura erigit in organismo, ut sufferat malum præsens (§. 93. f.), sunt aut febriles, aut copiosorum humorum determinationes ad partem corporis, quam noxium vellicat, ut istud immutaret, infringeret, removeret, si extrinsecus rodât, aut exterminaret e corpore, si sit in hoc ipso.

106. Febrilem humorum motum tum in acutis continuis, cum etiam in intermittentibus, atque in febribus partis corporis singularis, quod esset succensus propter malum morbificum, celeriori motu dissolvendum, & non a malo ipso irritante, vel obstruente, esse effectum naturæ, constat ex supra relatis.

107. Quando vesicans, cuti humanæ applicitum, eam rodit, accurrunt humores serosi, epidermidem in vesicam attollentes. concursus iste humorum non est attribuendus acri vesicantis, tanquam causæ attrahenti, quia eosdem attraheret in cadavere quoque; sed neque organismo: nullæ enim inveniri possunt leges hydrostaticæ, per quas hæc feri collectio fieri deberet. Natura ergo, quæ per determinationem humorum ad partem irritatam vult acre diluere, inviscare, & a corpore, interponendo humores inquilinos inter vesicans & cutem nervosam, remove, est causa hujus humorum concursus in parte, quam arrodit vesicans.

108. Dicit forte aliquis, non alia mente adhiberi a Medicis vesicantia, quam ut acre sanguini admixtum, aut parti cuiuspiam infixum, extrahant, & de parte affecta revellant. Exploratum est quoque, subjunget, deliria ab acri genita, doloresque rheumaticos protinus, ac attrahit humores emplastrum vesicans, remitte-

re sæpenumero. videtur itaque istud extrahere acrimoniam una cum fluidis corporis nostri.

109. Humores, respondeo, vesicæ esse omni acrimonia vacuos, conjici exinde potest, quod substratum textum nervosum, admodum sensile, ne minimum quidem afficiunt. Quomodo autem vesicans imminuat, & sufferat dolores? non & hujus loci exponere. Si vero cuidam hæc naturæ actio supra verisimilitudinem mira videtur, is expendat vim naturæ determinantis sanguinem ad caput, dum acute meditamur.

110 Excretiones quamplurimas esse effectus naturæ, & non solius organismi, docent partim nunc expositæ liquorum determinationes, partim erises in acutis, aliæque in aliis morbis evacuationes salutares, ac omnino miræ. Quantumvis enim copiosæ sæpe instituantur sanguinis detractiones in acutis, aut retento fluxu menstruo, paucæ nihilominus solum cruoris guttæ e naribus stillantes sunt, quæ judicant morbum; cruor dein æque tantummodo ille modicus, qui per cantum oculi, per nares, pulmones, renes, ruptam in genu cutem, &c ejectus visus est, sustulit morbos, a retento hoc fluxu muliebri causatos. Ejectiones itaque istas & similes alias singulares vel ideo solum sapienti naturæ medicatrici esse attribuendas, opinor, quod per disrupta vasa corporis sanguifera non expellatur humor alius, præterquam noxius.

111. Motus & actiones, quibus organismus, dum ejus non sufficiunt vires (§. 93. 4to) servandæ aliquando vitæ, aut extirpando noxio, adjuvatur, sunt quoque multæ, miræ, & difficilius aliquando dignoscendæ; Harum aliquæ sunt sequentes.

112. Dum plus solito ingessimus inter prandendum aut coenandum, sentimus jam in ipso digestionis exordio calorem totius corporis, imprimis vero circa regionem ventriculi. Causam caloris seu aucti hujus fluidorum per omnia corporis vasa motus non iniquius conferemus, existimo, in naturam, corporis adjutricem; quam eidem febrilem antea adscripserimus.

113. Volunt quidem mechanici, eum esse a fermentatione, vel putrescentia ingestorum: verum incre-
scit calor iste multo citius, quam incipiat alias putre-
scentia; observaturque citius, quam signum ullum
putrescentiæ. Hinc est calor iste auctus causa potius
putrescentiæ ingestorum; quam effectus.

114. Quemadmodum incitat natura avim caveæ in-
clusam, & cibus saturatam ad cantandum, ut per mo-
tum ejus muscutorum sub cantu agentium succenderet
calorem, quo digestio assumptorum promoveretur: ita
naturæ in acceptis referendum est auxilium illud
infantis bene pasti ventriculo allatum, dum videmus,
eum pedibus insistentem exagitaré omnia corpusculi
sui membra, saltare quasi, & in jucundum interdum
simul clamorem erumpere.

115. Naturæ, tanquam auxiliatricis, dum languet
organismus, actionibus adnumerandus est appulsus
etiam humorum copiosorum ad caput, cum major sit
per intensas meditationes spirituum in cerebro con-
sumptio, ad continuandum studium necessariorum,
quam organismus pauco suo sanguine continenter re-
luere nequiret. vires item suas debet plurimum natu-
ræ mater, prolium suarum curam gerens. nisi enim
amor summus, quem natura ei sine intermissione in-
spirat ad prolem, promovendo humorum motum,
coctiones & secretiones, constanter refarciret vires
amissas, istæ nunquam sufficerent perferendis curis &
laboribus, quos mater impendit, diurnis nocturnisque.

116. Tam subitaneas in melius observamus sæpe-
numero mutationes in ægrotis gravi cum morbo con-
sistantibus, ut eas multum mirari debeamus, idve
præprimis ideo, quod ipsas non ex solis organismi vi-
ribus provenisse perspiciamus. Cum autem istæ ad al-
teram magis pertineant operis partem, sufficiat earum
hic, quum sint naturæ adjutricis effectus, solum me-
minisse.

117. Postremo primæ classis (§. 93. g) naturæ ef-
fectuum numero comprehendo aversiones rerum & acti-
onum. Hujusmodi aversio est nausea, quæ satietatem
cibi & potus excipit, & per quam natura nos monet, ut

desistamus ab edendo, cogitque ab eo desistere per id, quod gratissimum antea, quamdiu videlicet utilis fuerat, cibi saporem convertit, postquam jam inutilis ac noxius evasit, in ingratum & nauseosum.

118. Similes rerum aversiones sunt, dum exæstuan-
te in nobis sanguine abominamur alcalescentia, aerem-
que calidum, effluviis animalium refertum &c. item
dum senex, aliusque temperie frigidus respuit fructus
horhæos &c. Aversiones istas ab ipsa natura tutrice
tanto æquius derivare licet, quanto est evidentius, res
istas officere istorum valetudini.

119. Actionum (§. 93 h) aversiones sunt effectus
naturæ omnes illæ, quæ vitæ aut sanitatis periculan-
tis metum nobis objiciunt: retinetur meticulosa mulier
a progressu inter ambulandum, dum pervenit ad lo-
cum, in quo exposita esset casui periculoso, si pro-
grederetur.

120. Effectus naturæ, in conservationem gentis hu-
manæ destinati, ad duos generales, ex quibus, velut
e fonte, promanant alii infiniti, sunt reducendi. Ad
amorem videlicet, quo genitores suam complectuntur
progeniem; & ad dilectionem, qua hominum alter fer-
tur ad alterum, animal quodvis ad sibi simile.

121 Amorem parentum ad sobolem esse a natura
comprobant ipsa animalia ratione destituta. Quod au-
tem interdum genitores prolem unam plus ceteris ament,
non naturæ, sed aut illecebris, quibus hæc suos de-
mulcet parentes, aut aliis causis est adscribendum.

122. Instinctu naturæ diligi hominem ab homine,
animal a sibi æquali, communis fert sententia: dolet
quisque instinctu naturæ, moveturque ad feren-
dum auxilium etiam ignotissimo, dum eum videt in
summo vitæ discrimine constitutum, aquis v. g. mer-
gi, vel a fera rabida teneri &c. odium itaque, in-
vidia, dominandi super alios cupiditas, & quæquæ di-
lectionis instinctui adversantur, sunt vitia non naturæ,
sed mentis humanæ, diverso modo parta.

123 Haud completum foret ingenitum nobis desi-
derium, in quantum spectat ad tutelam gentis univer-
sæ, si natura non inderet simul singulis hominum am-
pian-

pliandi numerum sibi similium. Instinctus iste completur desiderium ineundi societatem cum homine sexus disparis, & cupiditatem prolium.

124. Ingeneratum singulis utriusque sexus hominibus esse desiderium ineundi societatem cum homine sexus alieni, demonstrat homo adhucdum puer. Si quidem is in tenera jam ætate delectatur consortio puellæ; & hæc vicissim pueri. Vir dein ocysus flectitur precibus mulieris, quam viri. Mulier quoque tenacis ingenii si cuiuspiam ratiociniis præbuerit aures, præbebit viro, & raro mulieri: si postea amorem mutuum expendamus inter homines, nunquam comperimus eum inter duos ejusdem sexus homines in tantum conscendisse vigorem, in quo non raro existit inter duos sexus disparis.

125. Sunt quidem aliqui, in utroque sexu reperiendi, qui matrimonii aspernantur vinculum: sunt viri, quibus nihil molestius, quam longum tempus tenere cum muliere. Verum hæc non sunt naturæ, quemadmodum nos eam nobis ob oculos sistimus; sed aut vitiato organismo, aut educationi, vel susceptæ vivendi normæ, literarum, & sapientiæ amori, ac simili cuidam causæ attribuenda.

126. Prolium cupiditatem nobis inditam esse a natura, scimus plurimum matrimonio junctorum testimonio. Vix enim sunt aliqui per aliquot annos in matrimonio constituti, qui proles non cuperent. Elucet id autem maxime in divitibus sobole destitutis, quibus vel ideo minus jucundæ sunt opes, quod herede carent. Quis est deinde, cui gaudio non esset soboles, dum cogitat, eam ex se genitam esse?

127. Si ad sexus differentiam convertimus oculos, videmus, puellæ jam in teneriori ætate infantem recter natum voluptati esse maximæ, linteisque ad istius formam colligatis multum oblectari, atque etiam adultam quamlibet virginem & mulicrem voluptatem capere ex alterius prole. Cuncta ista innatum nobis esse, majus mulieribus, minus viris, sobolis desiderium comprobant.

128. Effectus naturæ, quia spectant semper finem bonum & salubrem, sunt omnes salutare. Instinctibus proinde ipsius, nisi quid vetet, est obtemperandum, actiones quoque ejusdem & motus, nisi ratio contrarium suadeat, sunt fovendi, & haudquaquam, in ipsa etiam morbi cruditate, conturbandi, sed potius, si opus, promovendi, quemadmodum Pathologia loquitur de symptomatibus & motibus criticis.

129. Contra id, quod instinctibus naturæ sit semper obtemperandum, inquiet, scio, nemo unus, instinctus naturæ & motus esse sæpenumero adeo perniciosos, ut, si illis morem geramus, aut motus ejus promoveamus, corpus sinus pessumdati. non est ergo, concludit, finis operantis naturæ semper bonus, semper utilis. Objectiones erunt fortassis in hanc sententiam.

130. 1^{ma}: Fami majori, quam quislibet non minus, atque famem mediocrem, a natura progredi statuit, indulgere, ac eam sedare velle, nihil esse magis exitiosum, palam est. Quis est deinde, qui non pluries observasset, eos, qui multum calentes a motu, desiderio suo potus satisfacere, per hauritum gelidæ in lethales inciderint inflammationes.

131. 2^{da}: Vix surgit mane e lecto potator, jam sitit, jam vinum, quia secus tremet toto corpore, ingerere cogitur. Sitis ista, veluti quævis altera, est naturæ adscribenda. Quis est autem hic quoque, qui ignoraret, stimulum iitum bibendi esse vere noxium, atque potatorem tanto citius se perditurum, quanto plus petenti naturæ morem gesserit, minusque bibendi restiterit instinctui?

132. 3^{ta}: Omnis rerum aerium usus, in consuetudinem deductus, est, nemine obstante, reprobatus, cum destruat solidorum conditionem, funditusque pedetentim evertat functiones organismi. Nam, qui affuetus est fumo v. g. nicotianæ, languet sine eo ventriculus, ineptus ad digerendum; similiter, qui aromata, spirituosæ, & alia acria in sumendi habent consuetudine.

133. 4^{ta}: Si febrilem humorum motum a natura accersimus, arguimus eam actionis, quæ multa hominum jam perdidit millia, perditque in dies. Si admodum debilem, hemophyticum, scorbuticum &c. apprehendat febris acuta intensior, erit ista mortis causa. Omnis præterea febris major conterit vasa corporis. Natura ergo accendit sæpius febrem non in salutem hominis, sed potius in ejus interitum.

134. 5^{ta}. Conscendit interdum etiam febris in tantum vehementiæ gradum, ex quo neque per repetitas sanguinis missiones, neque per copiosissima refrigerantia & motum reprimentia se amplius deturbari possunt, corpusque penitus consumit. Quantumvis igitur alias febrilis humorum motus esset ad subigendum morbum necessarius existimandus, non erit is certe salutis, dum in dictum intensitatis gradum evehitur.

135. 6^{ta}. Quam demum indecora, quamve honestati, & sanæ rationi adversantia sunt ea, ad quæ utriusque sexus homo, imprimis junior, pellicitur a natura! Quanta non frequenter exoriretur inter mortales confusio, si cuivis liceret indulgere impulsui naturæ! Parentes, qui amoris suo in proles non totis resistunt viribus, pessimam eis, & non amplius mutabilem, omnia ipsis concedendo, tribuunt vivendi normam.

136. Ad objectionem primam respondeo: Sicuti famem maximam a natura esse, asserendum est; ita nemo negabit, hanc esse penitus delendam; ast non illico, sed leniter, tanta videlicet sensim propinando, quantis subigendis sufficiunt exantlatæ famelici vires digerentes. Erigit ergo natura appetitum in cibos validissimum ideo solum, ut animo notam redderet magnitudinem defectus nutrimentorum; non vero, ut peteret ab anima, istum sine mora esse plene resarciendum.

137. Ad secundam deinde: Tametsi potus vini matutinus sit noxius, & corpus potatoris in dies plus enervet, est tamen adeo necessarius, ut homo absque eo iners sit ad actiones. Assumat itaque potator quibusvis diebus vinum, quia natura id deposcit; verum studeat imminuta quotidie istius quantitate pri-

stinum pedetentim vasis restituere robur. Paribus argumentis resolvitur obiectio tertia.

138. Ad quartam dico, febrim acutam non suscitari a natura ad tollendum scorbutum, vel ad consolidandum ulcus pectoris, aut ad debile roborandum corpus, &c. sed ad coquendam materiem morbi, recte in corpore natam. Igitur si febris destruit corpus ægroti, non contingit id vitio naturæ, sed organismi male constituti.

139. Similis fere est responsio ad objectionem quintam. Qualis videlicet est materies, quæ morbum inducit, talis debet quoque esse vis adversa, cum ea decertans ac ipsam subigens. Si proinde illa fuerit copiosa, vel tenax nimis; motus pariter febrilis vehemens sit, est necesse. Cum autem natura advertat, motum humorum ad dissolvendam diætæ materiei tenacitatem debere esse validissimum & simul diu perseverantem, talem erigit, & etiam conservat, quin facile admittat, ut per venæsectiones & refrigerantia suprimatur. Quod vero interdum corpus prius conteratur; quam vincatur materies conterenda, non naturæ, sed aut nimie tenacitati materiæ attenuandæ, vel enervato per antegressa animi pathemata, curas, immoderatas sanguinis profusiones &c. corpori; vel debili nimis istius compagini, ac simili causæ est adscribendum.

140. Ad ultimam tandem adfero ista: Nisi rationis lumine essemus præditi, cuncta nobis ita, quemadmodum animalibus iudicio destitutis, essent concessa, ad quæ incitamur a natura. Verum instinctus naturæ humanæ fuissent tunc alii, ac modo sunt, sic nempe ordinati, ut ordo totius semper conservatus fuisset, qui persistere non potuisset permanentibus iisdem, quibus movemur, naturæ nostræ impulsibus. Pro exemplo sit instinctus generationis. Hic est in fæminis bestiarum tam rarus, ut vilioribus pluries in anno, omni fere mense, at in pecoribus, equis, & similibus maioribus semel tantumomodo suscitetur. Est id a suprema rerum providentia institutum ad evitandam nimiam unius supra alia animalium genera multitudinem, sive ad conservandam inter animalium genera proportionem.

Est

Est autem mulier toto anni decursu conceptionis capax, Hinc nisi ratio temperantiam imponere posset huic in homine impulsui, imponeretque, copia hominum sive ubertas generis humani fuisset jam pridem tanta, quæ ordinem totius funditus evertisset. Ratio itaque humana, jubente sic Providentia divina, debet dominari in instinctus naturæ, eosque ita regere ac moderari, ut actiones sint semper conformatæ ad sanitatem, ad honestatem, ad rectum vitæ ordinem, id est, ad rationem.

141. Hoc modo quaslibet objectiones, quæ adversus bonitatem effectuum naturæ in medium adferri possent, solutum iri, opinor. Sicuti ipse pacatus humorum per vasa motus, qui constituit vitam, evadit causa nonnunquam mortis ipsius, rupta videlicet in cerebri meningibus arteriola, aut majori in pulmonibus vase; sic optimus de se naturæ motus & effectus, in bonum finem productus, potest casu fieri causa mortis aut morbi alius.



CAPUT TERTIUM.

D E

VIRIBUS ET FACULTATIBUS
NATURÆ HUMANÆ.

- 142 **U**tile est expendere vires naturæ,
 143 Siquidem ei tributa est semper potestas maxima.
 144 Quantumvis autem multas nos nostræ derogemus vires.
 145 Retinet ea nihilominus adhuc plurimas & maximas.
 146 Manet enim morborum curatrix,
 147 concedimusque insuper ei vim tum in animum, cum etiam in corpus.
 148 Perlustremus itaque has naturæ vires
 149 Juxta finem triplicem, in quem hæc suos dirigit motus.
 150 Vocabula, quibus utor in hoc capitulo, sunt intellectu allegorico sumenda.
 151 Oportet præterea semper meminisse, naturam vitæ humanæ gerere curam.
- 152 Conservatrix vitæ debet habere facultates peculiare.
 153 Facultatem videlicet noscendi conditionem corporis sani;
 154 Advertendi, quamprimum liquor aliquis deficit in eo,
 155 Istumve speciatim,
 156 Ejusdemque copiam;
 157 Cognoscendi deinde rem, qua defectus est refarciendus,
 158 Et ipsam indicandi animo,
 159 Ejusque usum efficiendi gratum,
 160 Atque demendi sensim rei suavitatem inter assumendum
 161 Et demum significandi animo, dum satis jam est ingestum.

- | | |
|--|--|
| <p>162 Facultatem porro dignoscendi malum, quod periculum minatur,</p> <p>163 Ejusve suscitandi aversionem;</p> <p>164 Noscendi, docendique animal modum, quo hoc malum possit præverti;</p> <p>165 Potestatem non minus percipiendi malum præsens;</p> <p>166 Istiusque discernendi genium;</p> <p>167 Cognoscendi quoque, & adhibendi rationem, qua hoc malum possit summi,</p> <p>168 Eamque duplicem.</p> <p>169 Unde danda est naturæ potestas immutandi noxium,</p> <p>170 Atque succendendi febrilem in corpore motum;</p> <p>171. Dispiciendi quoque rem noxio contrariam,</p> | <p>172 Istudque, dum convenit, expellendi;</p> <p>173 Advertendi porro etiam, cum languet organismus;</p> <p>174 Excitandi dein cuncta pariter, quæ ad tutelam sunt gentis universæ,</p> <p>175 Ejusque multiplicationem.</p> <p>176 Objectiones, quæ hic adferri possent, resolvuntur ex supra dictis.</p> <p>177 Natura bestiarum est potentior; quam sit humana.</p> <p>178 Ista est in omnibus hominibus pene æqualis.</p> <p>179 Differt tamen ratione ætatis,</p> <p>180 Et Sexus.</p> <p>181 Ex dictis inferuntur quædam.</p> |
|--|--|





CAPVT TERTIUM.

DE POTESTATE NATURÆ HUMANÆ.

142. **A**ncipiti deliberatione distrahebar aliquamdiu, num vires naturæ speciatim pertractare debeam? cum de iis non nisi per allegoriam differere liceat; quia tamen plenam & amplissimam, quæ fieri potest, naturæ virium expositionem deposcere videtur tum momentum rei, de qua tractamus, tum & id, quod effectus naturæ per hoc evadant magis adhuc patuli, tum denique, quod per hoc pandatur via ad sectionem partis operis hujus alteræ, in qua agetur de Natura, ut morborum curatrice, vires istius hic paucis referre duxi.

143. Maximam semper Naturæ humanæ concessam fuisse potestatem ab omnibus medicinæ Authoribus liquet abinde, quod ipsam dixerint esse causam omnium prorsus actionum organismi, atque insuper potentissimam morborum medicatricem.

144. Natura hæc, veluti nos eam definivimus, quum organismum ab ea sejunxerimus, cunctave symptomata & motus, quorum causa est pure corporea, ipsi subduxerimus, adeoque non alios ei reliquerimus effectus, quam qui a supra exposito innato nobis desiderio suam ducunt originem, sequitur, eam esse multo inferiorem viribus & potestate; quam sit natura reliquorum medicorum sensu accepta.

145. Verum quantumvis tot, tantosque motus & symptomata naturæ derogemus, manent ipsi nihilominus

nus tamen symptomata, motus, & instinctus, veluti ex recensitis hucusque ejus effectibus facile intelligitur, innumera, permanet ea proinde in potestate omnino maxima.

146 Si animo, & organismo concedimus vim non mediocrem, quanto major debet vis esse illius, quod potestatem habet in ipsum animum, & in ipsum quoque organismum, & quidem tantam, ut utrunque, etiam obstantem ad actiones cogere possit?

147. Naturam deinde, & non organismum, asseruimus esse solertissimam illam corporis tutricem & morborum curatricem, a qua febrilis incenditur motus; morbi dissolvitur materies, & cocta eliminatur, utilia quoque fuscitantur symptomata, salubriumque rerum appetitiones, & noxiarum aversiones &c. hæc sane non leves indicant vires in natura.

148. Quemadmodum magnitudo virium potentia ullius non patefit, nisi per effectus; ita potestas naturæ humanæ non patebit magis, quam si ipsam ex ejus effectibus elicuerimus. Percurramus itaque præcipuos naturæ motus & instinctus, atque subin eorum causæ vim ponderemus.

149. Triplicem assignavimus finem, in quem natura suas dirigit actiones. Conservationem videlicet cujuslibet hominis in specie; eandem deinde universi generis humani; & denique istius augmentum. Quum autem secundum hunc triplicem finem enumeraverimus effectus naturæ in præcedente capite, ordo suadet, ut eadem quoque ratione in ejus potestatem inquiramus.

150. Ante vero quam inquisitionem hanc ordiamur, monendum esse existimaui, me, cum verba usurpaturus sim, quæ veram scientiam designant, neutiquam haberi velle, quasi re ipsa scientiam naturæ attribuerem: vocabula ego ista non alia de causa in usum vocabo, (quemadmodum qui naturam, ajunt esse *scientissimam* morborum curatricem) quam solum ideo, ut me medicus paucis expedire valeam. Dum igitur dixero, naturam cognoscere indolem v. g. noxii peccantis, non volo per hoc intelligendum aliud, quam ner-

vos nostros, per quos natura movetur, ita affici a noxio, ut ea certo semper modo erigatur, & sic erecta nunc appetitiones, nunc aversiones, jam actiones, nunc vero motus certos & utiles concitet.

151. Præter hæc autem neminisse cupio semper simul eorum, quæ supra attulimus (§. 79.) ubi diximus, nobis videri, cujuslibet animalis naturam justum quasi accepisse a suprema rerum Providentia, ut curam gerat sedulam vitæ & sanitatis corporis, quod incolit. Hinc quotiescunque ex effectu aliquam naturæ inferimus potestatem, præter unicam mechanicam nervorum affectionem, qua natura movetur per nervos, existimo, simul in animadversionem esse ducendum illud singulare, nobis congenitum, & nomine naturæ expressum (etsi id mente haud comprehendamus) quod curam quasi in se suscepit valetudinis corporis nostri, mirosque propterea concitat motus in nobis & instinctus.

152. Si natura obtinuit potestatem, cuncta efficiendi, quæ ad conservationem vitæ sunt necessaria, debet habere potestatem in nervos tum animæ, tum organismo dicatos, atque suscitandi appetitiones rerum, aversiones, & motus, quibus 1^{mo} Deficiens in corpore liquor restitui; 2^{do} malum, quod vitam, aut sanitatem in discrimen conjicere posset, anteverti; noxium 3^{tio} in corpore existens exterminari, aut saltem infringi; & denique 4^{to} quibus languens organismus erigi posset.

153. Ex potestate 1^{ma} naturæ tributa desumimus, eam intime noscere conditionem sanam sui organismi, id est, ita naturam esse dispositam, ut ab humoribus, qui sunt corporis sani, neutiquam se moveri patiatur. inde est, quod naturam nostram admittamus extra omnem actionem esse sæpe positam.

154. Deducimus abinde pariter, naturam advertere, quamprimum liquor aliquis organismi sani deficit. id est, sic nervos, per quos ad actionem compellitur, esse, comparatos, ut, si defectus humoris cujuspiam inquilini obortus est, eo modo afficiantur, quo natura cognoscat, decisse aliquid necessarij organismi.

155. Verum neque sufficeret, si natura generatim solum animadverteret defectum liquoris, sed necesse est etiam, ut habeat perceptionem peculiarem cujusvis humoris in specie, qui deficit, aliter proinde moreretur per inopiam liquoris nutritii; aliter per factam jacturam liquidi diluentis: & aliter deficiente liquore nerveo &c. est necesse: per primum ita, ut excitet famem; per secundum, ut sitim; & per tertium, ut somnum, & sic porro.

156. Præter istam perceptionem videtur natura habere quoque ejusdem liquoris deficientis diversam ratione diversæ magnitudinis defectus, atque tanto magis exagitari deficiente liquido, quanto major est istius copia, quæ periit. Hinc tanto majus suscitatur natura desiderium bibendi, quanto plus absumptum est de aquoso diluente.

157. Quid prodesset autem corpori, si natura adverteret inopiam solummodo consumpti liquidi, & ignoraret rem, qua perditum refarciri queat? nihil prorsus. Demus itaque naturæ conditionem, ut ita dicam, rei, qua humor amissus sit restituendus, oportet. Admittere, inquam, cogimur, etsi haudquaquam, quomodo fiat? intelligamus, ita naturam cujusvis liquoris jactura affici, ut perducatur simul ad appetendam rem, qua defectus est reparandus.

158. Neque hoc satis est, cognita enim perditum liquoris inopia, cognitaque re instaurante, necesse est, ut natura potestatem habeat (non facilius, quam alterum, mente assequendum) indicandi rem ejusque copiam, qua consumptum est restituendum; sive suscitandi majorem minoremque instinctum assumendi ea & tanta, quibus & quantis prior obtinetur liquoris copia.

159. Observamus præterea sub ingestione rei reparantis, sensum istius esse tanto gratiorem, quanto major est defectus liquidi: Eo videlicet suaviorem imprimis sui sensum sive saporem panis, dum assumitur, quo major est inopia liquoris nutrientis in corpore sive fames. mira etiam profecto naturæ in hoc potestas,

160. Cum naturæ concesserimus facultatem percipiendi defectum humoris cujuslibet atque cognitionem rei reparantis cum potestate erigendi appetitiones; facile admittemus in ea notitiam quoque advertendi inter ingerendum, quando satis de re reficiente est assumptum, sive perceptionem, quæ recte opposita est priori. Inde est etiam, quod tanto magis imminuatur gratus inter ingerendum rei reparantis sensus, quanto plus de ea ingeritur.

161. Perceptioni huic addenda est, uti patet, potestas excitandi instinctus, & motus, quibus animo significat natura, sat esse, dum re ipsa satis est, de re instaurante ingestum ita, ut, si plus ejus assumeretur, id jam foret nimium, & quia nimium, quoque noxium, potestas videlicet inducendi satietatem, & rei, ante pauca horæ minuta gratissimæ, aversionem.

162. Si in natura agnoscimus vim avertendi malum (§. 152. 2do.) quod periculum vitæ minatur, fas est, in eadem admittere pariter facultatem cognoscendi hoc malum, quodcumque istud sit. Nisi enim gallina nosceret suum inimicum accipitrem, ei se non subduceret. Nisi quoque sciret natura, alcalescentia esse noxia in morbis putridis, non esset ægris istis ipsum jam juris bubulini nomen horrore.

163. Gradus nausæ & aversionis ab alcalescentibus inductus, quem natura indicat, designat in dictis morbis nonnullisque cronicis degenerationem humorum ac putrescentiam, ipsamque prognosin: docet nos insuper natura per hanc nausæam, remotis alcalescentibus, pugnandum esse acidis & antiseptis.

164. Necessè est dein quoque, ut sciat natura modum, quo simile malum anteverti queat, atque simul habeat potestatem, animum compellendi ad actiones, quæ malum tale sit prævertendum, oportet. Sciat, inquam, objiciendo manum lapidi decidenti, ejus posse frangi impetum, habeatque potestatem adigendi animum ad objiciendam illi absque mora manum, est necesse. Nisi natura sciret, equum in fluvium lapsum datando posse effugere mortem, atque nisi una ipsum coheret ad natandum, duceretque natantem, mergeretur.

Jam

Jam hinnulus calcitrat ducente natura; inermis feris jam fronte vitulus, dum malum imminens a se prohibere molitur.

165. Posteaquam tribuimus naturæ facultatem percipiendi quemlibet liquoris inquilini defectum, ipsumque malum, extra corpus nostrum positum, quod periculum indicat; facile concedemus ei facultatem (§. 152. 3^{to}) percipiendi noxium quoque, quod in corpore nostro præsens, aut ei extrinsecus admotum, istud reipsa irritat, id est, naturam excitari, ac moveri a noxio reipsa vellicante, vel alio modo corpus afficiente.

166. Cum autem malum irritans possit esse indole diversissimum, haud unquam valemus naturæ derogare potestatem distinguendi noxia inter se, dignoscendique uniuscujusque genium, sive aliter moveri a noxio multum acri, & aliter a minus acri, aliter ab acidis, & aliter ab alcalinis. Nec mirum, quodvis enim heterogeneum modo singulari & diverso afficit nervos corporis, quos tangit.

167. Cognitioni huic adnectanda est altera, noscendi scilicet modum, quo noxium sit infringendum. Pari enim ratione omnia corporis mala exterminari nequeunt. Modus iste, quantumvis sit multiplex, latere tamen non potest sapientissimam morborum curatricem, quæ sæpe maximos propriis viribus morbos funditus extirpat.

168. Modus hic quem natura assumit in curandis morbis, a causa corporea inductis, & quorum etiam alterutrum medicus deligere, & adhibere debet, duabus nititur actionibus, immutatione videlicet materiæ morbi ficæ, vel ejus expulsiōe.

169. Immutari posse malum corporeum morbi, id concoquendo, & humoribus inquilinis assimilando, notum est omnibus. Hinc concedamus naturæ facultatem dignoscendi materiem morbi, quæ percoquenda est, ab ea, quæ sine intervallo est eliminanda, tribuamusque ei potestatem suscitandi febrilem humorum motum, eumque conservandi, quoad materies est concocta, oportet.

170. Modus alter permutandi crudum morbificum consistit in eo, ut diluatur, resolvatur, inviscetur, ac talimodo sive viscositas, sive acrimonia infringatur. Demus igitur naturæ vim quoque determinandi humores ad partem corporis, in qua crudum diluendum, inviscandum, resolvendum &c. hæret. Inde etiam est, quod pars affecta tumeat sæpenumero, repleta humoribus membrana cellulosa, partem hanc cingente.

171. Immutari potest dein quoque malum acre per contraria, acidum nempe per absorbentia, putridum per acida. &c. Concessa plena naturæ facultate permutandi malum peccans, ei denegare haud valeamus potestatem cognoscendi ingenium acrimoniæ, atque simul remedium adversans, & præterea vim promovendi desiderium remedii ejusmodi malo contrarii.

172. Cum natura sit optima morborum curatrix, cogimur ipsi tribuere potestatem, crudum expellendi quoque. Verum cum materies morbi fortiter sæpe infixæ sit vasis corporis, quas occupat adeo, ut absque validis turbis loco suo evelli nequeat, demus ei etiam facultatem, omnes ad hoc opus necessarios suscitandi motus, quales in pathologia perturbationes criticas nominamus, oportet.

173. Ex quarta naturæ §. 152 attributa facultate conficimus, eam animadvertere, quando languet exhaustis organismus viribus, atque simul noscere modum, quo isti auxiliari queat? num scilicet residuæ adhuc in corpore vires sint colligendæ, & in actionem compellendæ? vel talia deposcenda ab animo, quæ organismo subsidio esse possent? Hinc singulares prorsus utilissimarum rerum surgunt sæpius in morbis appetitiones.

174. Desiderium deinde nobis congenitum conservandi genus nostrum (§. 149.) universum docet naturæ hominis cujusvis inesse potestatem suscitandi amorem ad quemvis alium sibi æqualem, atque simul cuncta arripiendi ea, quæ animus utilia comperit conservandis singulis in specie.

178. Cum denique ingenitum nobis desiderium multiplicandi (§. 149.) genus nostrum esse statuerimus, elucet potestas in natura inflammandi amorem cuilibet ho-

homini ad hominem sexu differentem, cum eoque perpetuam ineundi societatem; his insuper cupiditatem prolium.

176. Objectiones, quæ contra istas naturæ proprietates in medium adferri possent, sunt præcipuæ, quod ei attribuamus talia, quæ soli rationi propria sunt, intimam v. g. rerum tum noxiarum, tum utilium indolis agnitionem & similia. Verum objectionibus hujusmodi jam supra obviam itum est, facileque per hucusque dicta dissolvi posse, judico.

177. Naturam humanam, asserunt nonnulli, esse tanto potentiores supra naturam animalium irrationalium, quanto excedit anima hominis judicio animas bestiarum. At vero secundum nostram opinionem est natura humana tanto inferior viribus ac proprietatibus, quanto animæ humanæ ratiocinandi vis superat vim ratiocinandi in ceteris animalibus. Docet utique natura volucrum eas construere nidos, apes favos &c. cujusmodi artes non docet natura nos nostra. Discernunt pecora herbas nutrientes, & etiam medicatas a virulentis monstrante natura, hanc nos scientiam a nostra non accepimus. Scit quodlibet animal optime natate sola dirigente natura, neutiquam autem homo, nisi per alios hac arte imbutus.

178. Differentia naturæ inter homines ipsos est ad mentem Helmontianorum prorsus nulla, quin immo, eam ne quidem crescere, aut minui unquam posse, credunt. Juxta mechanicos autem est natura e contrario adeo diversa, ut cuiusvis hominum singularem assignent sive propriam. Nostra vero sententia, etsi omnibus & singulis vehemens innatum sit se ipsos conservandi desiderium; est natura nihilominus dispar ratione ætatis & sexus.

179. Desiderium istud esse tanto ardentius, quanto homo minus abest a sua origine, adeoque crescente ætate decrescere ita, ut in decrepita vix supersit modicum, demonstrat metus mortis, qui eo est minor, quo homo est ætate provectior. Notamus præterea in infante, rationis adhuc incapaci, tales naturæ actio-

nes, quales non amplius in ætate majori, uti est fugere lac & reliquâ jam recensita.

180. Naturæ humanæ discrepantia, quæ est quoad sexum, non consistit in dispâri se conservandi desiderio, sed plus in differentiâ facultatum & actionum. Siquidem aliter disponit naturâ animum pueri, & aliter puellæ: illi ingerit cupiditatem exercendi actiones, quas vulgo viriles appellamus; huic vero muliebres. Est deinde amor parentum ad proles multo major in Matre, quam in Patre. Expellit quoque natura crudam humorum materiem in muliere non raro per uterum, quod utique nequit in viris, & sic de aliis.

181. Ex hactenus adductis patet, quid existimandum sit de latis super natura humana Authorum sententiis afferentium: natura humana est in omnibus prorsus æqualis; natura est cuivis hominum propria & facile mutabilis in meliorem aut pejorem conditionem; Est unica per omnes homines diffusa; Est duplex, communis nempe omnibus, & alterâ unicuique propria; Natura humana consistit in conjunctione naturæ animæ, & naturæ corporis, alia est natura animæ, & alia corporis, hinc natura, ex his junctis resurgens, debet singularis prorsus esse indolis; Natura patris transit in naturam filii; Homo natura tristis, jucundus; & sic de ceteris.



CAPUT QUARTUM

DE

ALTERA CAUSA PROCATAR-

CTICA, SIVE DE

MECHANISMO CORPORIS.

182 **M**echanismus sive organismus est structura corporis humani in actionibus constituta,

183 seu fluidorum per vasa circuitus.

184 Habet itaque vires proprias.

185 Constat unico vase ad sensum conoideo.

186 est machina proinde simplicissima,

187 Et simul ex pluribus minoribus composita.

188 Fluidorum series est multiplex,

189 atque conditio,

190 qui promoventur per unicam cordis contractionem.

191 Effectus igitur organismi proveniunt omnes ab hac cordis contractione,

192 suntque copiosi.

193 Causa eorum est prorsus corporea,

194 addita tamen cordis irritabilitate.

195 Corporis partes sunt quoque partes organismi,

196 qui propterea est instrumentum aliarum potentiarum

197 modo universus, modo vero seorsum ejus partes:

198 Est autem simul etiam Potentia;


199 Afficitur constanter a causis ceteris.

200 Sanus organismi status est is, in quo hic suas rite peragit actiones,

201 estque duplex, secundum nempe vigilias, & alter in somno.

- 202 Plenus autem ejus status est solum in somno.
 203 In vigiliis enim conturbat mens operantem organismum.
 204 Examinemus jam ejus vires
 205 in homine dormiente,
 206 quas invenimus maximas,
 207 & longe majores, quam in vigilante,
 208 in quo sunt modicæ.
 209 Hinc organismo sunt vires conciliandæ, quas habet in somno.
 210 Iste igitur organismi status est tanquam scopus curationis considerandus.
 211 Si organismus, quæret forte aliquis, cuncta efficit, ad quid nobis natura?
 212 Operatur sæpe, respondeo, natura cum organismo,
 213 aliquando autem is unicus:
 214 Hinc iste, & non natura, consolidat vulnera.
 215 Non est autem somnus ipse semper conciliandus ægris,
 216 sed organismus ita solum disponendus, ut plene agere valeat,
 217 non tamen in quibusvis affectionibus.
 218 Malus, dicet quidam, est pulsus fortis in acutis.
 219 Quia, respondeo, est simul celer.
 220 Organismus debet etiam posse rite operari.
 221 Quæ autem ad id requirantur, docet Physiologia.
 222 Si ablatum sit æquilibrium, is rite agere nequit.
 223 inde clarum est, eum perturbari per nimias sanguinis subtractiones.
 224 in hoc itaque recte disponendo.
 225 Medicus semper adlaborare debet.
 226 Quocirca iste intime cognoscat conditionem organismi, est necesse.
 227 Unde liquet, quanti Empyria sit facienda?
 228 Sanitas ipsa corporis differt a sano organismi statu.
 229 Vita consistit in fluidorum motu per vasa,
 230 mors autem in eorum stasi.
 231 Organismus præservat corpus a corruptione,
 232 est etiam sæpe malorum reus,
 233 morborum scilicet,

- | | |
|---|------------------------------------|
| 234 & non raro mortis ipsius. | 142 Ætatem, |
| 235 Corruptit ipse quoque suos humores. | 233 & temperiem. |
| 236 unde quædam inferuntur. | 244 Differt a natura Mechanicorum, |
| 237 Habet vim in naturam, | 245 atque Helmontianorum. |
| 238 in animum, | 246 Hinc derivantur quæpiam, |
| 239 & in heterogenea. | 247 & aliorum desumitur ratio. |
| 240 Est universum sumptus idem in omnibus: | |
| 141 Speciatim vero consideratus variat quoad sexum, | |





CAPUT QUARTUM

DE

ORGANISMO.

182. **P**er vocabulum organismi intelligo fabricam corporis nostri mechanicam in actionibus constitutam, quam alias mechanismum corporis vocare consuevimus. Unde cessante vita, licet corpus adsit hominis, abest tamen organismus.

183. Est iste proinde non aliud, quam unicus motus & circuitus humorum per vasa, in quibus hi permiscuntur, secernuntur, & exterminantur e corpore.

184. Motus iste est perennis & absque omni intermissione: hinc agit organismus continenter: procedit quoque dictus circuitus sponte sua. habet itaque organismus vires proprias, ex nulla alia causa pendentes, quæ se ipsum in actionibus conservat.

185. Partes organismum componentes sunt partes corporis nostri, solida nempe & his contenta fluida. Illa non sunt aliud, quam unicum vas ad sensum conoideum, cujus basis est cor, finis vero vasculorum extremitates.

186. Quum autem universum corpus nostrum sit canalis, ut ita dicam, unicus, in quo fluunt liquida; clarum est, machinam istam corporis nostri esse omnium simplicissimam.

187. Etsi vero organismus sit machina simplicissima & unico vase constans, dividitur nihilominus istud in ramos pedetentim & ramulos ac vascula nullo numero definienda, quæ in diversis corporis partibus miro & diversissimo modo decurrunt, augentur, minuuntur, com-

complicantur, sibi que mutuo inosculantur adeo, ut in quavis corporis parte, in quolibet viscere peculiarem conforment machinam, in ulus diversos institutam.

188. Sicuti vas hocce corporis nostri secedit sensim in vasa semper minora, usquedum in minima, omnem sensum fugientia, dehiscat; ita necesse est, multiplicem esse humorum inquilinorum seriem, diametro vasorum, in quibus fluunt, proportionatam.

189. Præter diversam istam decrefcentium humorum seriem observamus quoque liquores corporis nostri variare indole, in eoque existere mucum, oleum, pingue, bilem, salivam, chylum, & sic porro, sed de his satis dicta sunt in Physiologia.

190. Motus fluidorum in corpore nostro conservatur per unicum systole & dyastole cordis, sive per solam contractionem cordis & arteriarum, accedente respiratione, perque aliorum muscutorum actionem, qua itus humorum multum interdum adjuvatur.

191. Effectus itaque organismi non sunt alii, quam qui a simplici hoc humorum circulo, sive cordis & arteriarum muscutorumque, ad respirationem pertinentium, actione proficiuntur.

192. Tametsi autem non alii effectus organismo adscribi possint, quam qui a simplicissimo & unico humorum per vas unicum circuitu ducunt originem; sunt nihilofecius isti adeo copiosi & adeo miri, ut eas non nisi Physiologia doctus credere possit: præterquam enim, quod humores in suo decursu diversissimas perferre cogantur immutationes, perficitur insuper etiam in quovis viscere ac pene glandula humor peculiaris & a ceteris distinctus.

193. Cuncta, quæ organismus peragit, fiunt per leges mechanicas, hydraulicas, hydrostaticas, perque chemicas, sive per calorem, miscelam, motum intestinum, cumprimis ingestorum in ventriculo, & denique per moram, quæ quibusdam humoribus injicitur in nonnullis corporis partibus. Proinde causa effectuum organismi est prorsus corporea.

194. Unica incorporea, quæ plurimum adfert ad humorum itum, est cordis irritabilitas. Huic elaterem arte.

arteriarum, si tamen eum per non aliam rursus causam corpoream explicare velimus, addere per me licet.

195. Quamvis deinde sejungendi sint ab organisino ratione causæ nervi & musculi corporis, quibus anima cum imperio præest; manent nihilofecius hi quoque pars organisini. Quandoquidem sunt fines continuati communis illius valis conoidei, quod corpus efformat; a cordis quoque motu accipiunt, veluti cæteræ corporis partes, suum incrementum; ab eodem obtinent suum semper nutrimentum, ipsosve suos, quos continent, liquores. Non est itaque punctum in corpore humano, quod non esset pars organisini.

196. Corpus nostrum est id, in quo morbi suas absolvunt tragædias; istud est, in quo & per quod natura operatur, materiem morbi concoquit, & expellit ex eo; id est idem, in quo & per quod anima suas percipit ideas, suasque peragit actiones; corpus denique nostrum est id, quod corpora movent, & afficiunt aliena, ejusque functiones conturbant, retinent, aut plane etiam sistunt. Est igitur organisinus instrumentum reliquarum trium potentiarum naturæ videlicet, animæ, & heterogeneorum.

197. Cum autem potentiæ istæ non semper universum laceflent corpus, sed sæpius aliquam solum ejus partem, sequitur, modo universum, nunc vero unam tantum aut plures ejus partes exadere instrimentum potentiarum cæterarum.

198. Diximus non diu abhinc, organisinum proprios suos edere effectus; nunc autem eum esse instrumentum potentiarum. Hinc clarum est, ipsum forma duplici posse considerari, veluti scilicet instrumentum aliarum potentiarum; vel tanquam causa ipsa, suos producens effectus, sive ut potentia ipsa.

199. Tanquam instrumentum afficitur absque intermissione nunc magis, nunc vero minus a cæteris potentiis: nec mirum. Nam cingimur aere premente, plurimum variante; nutrimenta ipsa quotidiana sunt heterogenea, organisinum exagitantia; nec labitur etiam minutum temporis, quo non aliquam moveremus corporis partem, quamdiu vigilamus, & sic porro.

200. Organismi status, quem in medicina naturalem hucusque appellare solemus, est ille, in quo omnia ejus viscera, omnesque partes actionibus suis rite defunguntur, quemadmodum eas exponit Physiologia.

201. Quando vigilamus, cordis actio est modica, sæpe varians, respiratio quoque levis: at vero, dum dormimus, cordis contractio est fortis, æqualis, & moderate cita, respiratio quoque magna, profunda, & æqualis. Hinc status organismi secundum, ut aimus, naturam est duplex, alius tempore vigiliarum, & alius tempore somni.

202. Duplex iste organismi status est adeo dispar, ut is tanquam potentia consideratus, longe alias debeat habere vires tempore somni, quam vigiliarum. Quocirca status tantum ille, in quo est organismus tempore somni, est plenus, eumque solum plenum appellabimus.

203. Quamvis enim actiones omnes corporis nostri rite valeamus exequi, neque ullum sentiamus incommodum aut molestiam, dum vigilamus, patitur nihilominus organismus, indicante pulsu & respiratione, atque turbatur ab aliis potentiis, & si aeris vicissitudines, aut cibus & potus, vel animi affectus &c. corpus non vexent, sunt cogitationes, quæ subducunt cordi & musculis respirationi fervientibus vires: vix enim aperimus oculos, dum evigilamus, jam cor & respiratio sunt minora longe, quam momento antea fuerint.

204. Quum igitur in somno tantummodo obtineat organismus plenam suam liberamque agendi facultatem, necesse est, ut, si vires ejus explorare, & ponderare volumus, inquisitionem istam instituamus in organismo, dum homo pacato & alto somno sopitus procumbit.

205. Pacatum, dico, & altum debere esse somnum, dum disquisitionem virium organismi assumere cogitamus. nam, si pacatus non sit, sed aut per antegressam lautiores cænam, per curas majores, per tegumenta nimia, per atmospheram nimis calidam &c. interruptus aut conturbatus, libera organismo operandi potestas dempta est.

206. Languentes & ad quasvis actiones corporis inepti, viribus ideoque aliisque liquoribus spoliati comittimus nos somno, & toti refectioni ac humoribus repleti evigilamus post somnum pacatum. Ecce quantum valeat organismus sibi plene relictus: en vires ejus. Igitur si unquam rite procedunt coctiones, secretiones, nutritiones, & cætera organismi actiones, certe in somno.

207. Peraguntur quidem nobis quoque vigilantibus coctiones, secretiones, & reliqua, at tanto lentius, quanto pulsus & respiratio sunt infirmiores iis, quæ observamus in somno pacato: & si organismus omnibus suis actionibus defungendi fruatur potestate, quamdiu vigiles sumus; videtur tamen destitui facultate corpus suum nutriendi, & humores suos, quos istud sine intermissione ammittit, rursus restituendi. Quandoquidem certum est & exploratum, non obstantibus nutrientibus & reficientibus, quæ interdum ingerimus, plus semper macres nos petere lectum, quam mane surgamus.

208. Quantumvis autem organismo, quamdiu vigiliamus, concederemus facultatem nutriendi suum corpus; fateri nihilominus cogimur, eam esse tam modicam, ut sit multo minor, quam absumptio humorum: non ergo vel tantas habet organismus vires, nobis vigilantibus, quantæ sunt necessariae ad corpus conservandum, licet maximam assumeremus quotidie optime nutrientium copiam. Hinc liquet, cur somnus sit nobis omnino necessarius?

209. Quotiescumque ergo in votis habemus, ut coctiones, secretiones, nutritioque &c. debite procedant, sintque copiosæ, conciliemus organismo conditionem, quam habet, nobis somno sopitis, sive in qua constitutus absoluta gaudet agendi facultate, oportet.

210. Debet itaque hic organismi status, tanquam meta, ad quam contendimus, in singulis pene morbis, in iis nempe omnibus, in quibus causa morbi est corporea, adeoque dissolvenda, vel concoquenda, constanter ante nostros versari oculos. Si enim Medicus effecerit, ut organismus viribus suis plene uti possit,

fit, maximum præstitit in morbis, in quibus materies morbifica non superat tenacitate vel copia vires organisini. Hæc est felix illa initium morborum acutorum conditio; in qua sydenhamus spectatorem solum egit, aguntque hodie dum medici, qui organismum eo perducere adnituntur, & perducunt.

211. Si organismus, dicet aliquis, cuncta perficit in morbis; si is materiem morbi resolvit, concoquit, eliminat, corpusque reficit, ad quid nobis natura? ad quid medicamina, queis spissum attenuare, acre infringere, inutile expellere &c. molimur?

212. Tametsi, respondeo, dicamus, organismum in morbis acutis nunc expositis omnia præstare, maximumque fecisse statuamus medicum, qui isti plenam agendi conciliavit potestatem; agit tamen semper simul natura, quotiescunque adest febris aut humorum determinatio ad quampiam corporis partem. Efficit proinde omnia organismus in his morbis, ast a natura concitatus. utilitas itaque, quam medicus in similibus morbis confert ægris, consistit in eo, quod omnia removeat obstacula, quæ organismum, per naturam exagitatam, turbare possent operantem. Est igitur in his circumstantiis organismus instrumentum magis naturæ morbum coquentis; quam ipsa potentia propriis utens viribus.

213. Differentia, quæ interest inter organismum propriis viribus agentem in morbis, & inter eum, dum Natura per ipsum morbos curat, maxime conspicua est in vulnerato: quippe stadium inflammationis & supurationis est status naturæ agentis; facta vero supuratione consolidatur vulnus per unicas organisini vires: similiter in acutis quamdiu febris adest coquens, tamdiu operatur natura; expulsa vero materie morbi organismus virtute propria reficit corpus morbo contritum.

214. Medicaminum quod attinet utilitatem, dico: sicuti nemo. ignorat eorum vires ac utilitatem in corpore humano, dum ea ordinamus ad resolvendum spissum, involvendum, aut enervandum acre, temperandum calorem nimium, vel ad labia vulneris emolienda, constringenda, roboranda, ab injuriis acris arcenda &c.

E

ita

ita non unum medicorum esse, judico, qui credat, per ipsa remedia elongari discissa & supuratione consumpta vasa, consolidarique vulnera. Damus proinde remedia ægrotis non, ut per ea concoquatur crudum; non admovemus ista vulneribus, ut vasa discissa concrescant per eadam, sed potius ad ita disponendum organismum, ut materiem morbi facilius coquere, corpus nutrire, & vulnera consolidare valeat.

215. Inde, quod asseruerimus, organismum semper esse redigendum in eum statum, in quo plenis viribus operatur, quem porro diximus esse tantummodo in somno, potest aliquis inferre, debere quibusvis ægris, ipsive vulneratis perpetuum quasi conciliare somnum. haud quaquam: non enim me latet, ipsis sanissimis eum perniciosum esse, si justo sit longior, vel inepto tempore admissus; per dictum itaque organismi statum intelligo illum, qui proxime accedit ad conditionem organismi, quam is obtinet in somno, in quo pulsus est magnus, fortis, æqualis, & minime celer, respiratio pariter profunda, libera, lenta, & æqualis.

216. Existimo videlicet, organismum ita esse disponendum, ut in ægro etiam vigilante pulsus & respiratio accedant ad conditionem eorum, quæ est in somno. Si igitur cordis contractio fuerit v. g. nimis fortis, ea moderanda est; & vicissim, si per curas vel studia multum infringatur, est per actiones musculorum, per jucundas ideas &c. excitanda, & sic porro.

217. Quantumvis autem hæc regula in multis morbis locum habeat, non est tamen retinenda in ægris, in quibus materies morbi est tantæ tenacitatis, copię, aut indolis, ut per collectas in dicto organismi statu istius vires subigi aut expelli renuat, tunc enim aut major est conservandus humorum motus sive febris, majorque, quam sit organismi, calor, & si hic desit, augendus quoque; aut materies morbi remediis solventibus discerpenda, aquosisque diluenda, aut evenientibus ejicienda, vel denique contrariis infringenda.

218. Opponet huic regulæ nonnullus dicturus: hominem febris inflammatoria correptum in maximo tam-
diu

diu versari periculo, quamdiu pulsus est fortis & magnus, atque respiratio profunda, quamobrem nihil tunc medico plus cordi esse debere, quam procurare, ut arteriæ frangatur robur, ipsaque subsideat respirationis magnitudo.

219 Nisi pulsus, respondeo, in morbis Inflammatoriis esset simul durus, simulque velox, atque respiratio simul anhelosa & cita, ægrotans nulli subesset discrimini, neque noceret vehemens cordis contractio, quia non foret nimia. Verum cum pulsus sit durus, & una celer, cordis contractio multo excedit contractionem ejus, quæ sit in somno pacato hominis sani: restringendus est itaque in his morbis humorum circuitus, & quoad fieri possit, in eum statum reducendus, qui proximus est illi, qualis contingit in homine sano dormiente.

220. Tametsi multum, non tamen satis præstitit semper medicus in morbis, si sic disposuerit organismum, ut plenis viribus operari valeat; sed curandum est etiam, ut is rite quoque agere possit, hoc est: non sufficit semper, ut organismus in eum perducatur statum, qui similis est conditioni ejus in somno hominis sani; sed necesse est quoque, ut singulæ ejus partes sint debite constitutæ. nunquam enim vincet organismus tenacitatem materiæ morbificæ, si pars ejus major sit labefactata; non satis concoqueteandem, si v. g., humores acres fuerint, etsi plene ac omnibus viribus agere queat.

221. Quanta & quæ requirantur, ut organismus rite queat operari? non est hujus loci definire, sunt dein etiam ista ex physiologia & pathologia omnibus adeo nota, ut ne vel unicum latere possint.

222. Non est, inquam, ullus inter medicos, qui ignoraret, si æquilibrium sit ablatum inter solida & fluida, adeoque vel plethora, vel humorum adsit inopia, aut vasa corporis sint male constructa, vel humores indole peccent &c. sive in genere, sive in specie, id est: sive in universo corpore, sive in aliqua solum ejus parte, organismus actionibus suis haud rite defungi posse.

223. Ex eo liquet, quam fallaci inhitatur fundamento illorum medicorum opinio, qui non credunt, posse ægris, acute decumbentibus per sæpius incisas venas nimium subduci de sanguine sive illum quoque, qui prorsus necessarius est ad conservandum æquilibrium humores inter & vasa, necessarius proinde etiam ad coquendam morbi materiem. Nescio itaque, num pulsus durus, aut crusta sanguinis lardacea, aut vehementis caloris sensus sufficiat ad concludendum, sanguinem iterum iterumque esse ex infirmo corpore emittendum? aut non præstet, æquilibrium consulere, ab eoque sententiam depromere? Nescio sane, utrum centum, & quod excedit, sanguinis uncias ex non admodum plethoricis in eodem eduxisse morbo, non sit emisisse nimium? nonque evertisse æquilibrium?

224. Præcipuum itaque medentis objectum in qualibet prorsus ægritudine debet esse organismus tum generaliter, cum juxta quasvis ejus partes consideratus. In hoc videlicet est maxime elaborandum, ut & solida & fluida debitam nansciscantur conditionem, motum & æquilibrium tam in universo; quam in specie, nisi enim ea obtinuerimus in organismo, nunquam coctiones, secretiones, nutritionem, & perditorum refectionem sperare poterimus.

225. Ex Hucusque recensitis clarum est, debere medicum ante omnia contemplari organismum ægri, tanquam instrumentum, atque examinare, quæ ejus pars, & a qua causa afficiatur? atque subin tanquam potentiam, sive vires ipsius expendere, num hæc superditent morbo superando? denique organismum ita disponere, ut plene recteque simul operari queat, & si in quibusdam deficiat, ipsum concitare, & adjuvare.

226. Hoc, quod nemo negare potest, constituto, necesse est, ut quilibet, qui medicinam facere sibi sumit, statum or, anismi sani intime perspectum habeat, anatomen ideoque completam cum absoluta possideat physiologia, colatque constanter, oportet. Nam quomodo comperiet quis unquam vitium in machina corporis nostri, quodcunque illud sit, emendandum, si istam non cognoverit antea perfectam? Quo
item

item modo corriget partem hujus machinæ labefactam, si ignorat conditionem istius sanam?

227. Perspicit, opinor, jam quisque, quid sit existimandum de vetulis, rusticis, ceterisque ignaris hominibus? quidve de iis, medicinam exercentibus, qui acutiori anatome & strictiori physiologiæ haud navarunt suam operam unquam? quid denique etiam de ipsis medicis, qui, spreta qualibet medicinæ scientia, se totos dant normæ curandi palliativæ, specificæ, similitudinis, aut ejusmodi ad empyriam maxime accedenti?

228. Sanitas consistit in debito humorum circuitu per omnia & singula corporis vasa, adeoque etiam per illa, quæ animæ subsunt imperio. Hinc liquet, aliud esse, latiusque multo patere sanitatem, quam naturalem dictum organismi (§.200.) statum. Nam si corpus nostrum vehementius exagitamus, sani nihilominus permanemus, etsi organismus de naturali, ut animus, sua conditione sit per auctum humorum motum deturbatus.

229. Vita vero ipsa hominis non est aliud, quam decursus humorum per sola vasa organismi, exclusis nervis animalibus; quamvis proinde multum vitiatae sint partes corporis, voluntati subordinatae, potest nihilominus adesse vita, veluti contingit in hemiplegia.

230. Mors igitur adest sive in parte, sive in universo, ut primum subsistit hic fluidorum per vasa motus: manus inde & pedes in acutis in gangrenam vergentibus tanto propinquiorem denuntiant mortem, quanto magis frigent.

231. Quamdiu humores feruntur per vasa in circuitum, tamdiu servantur incolumes a putredine. Continuo autem, atque stagnant, qui in motu permanere deberent, incipiunt solvi in putredinem, nisi frigus spirituosus, acida & similia eam inhibeat. Organismus ergo est id in nobis, quod humorum arcet putredinem.

232. Organismus, qualem hucusque descripsimus, est morborum extirpator, sanitatis & vitæ cultor, & servator humorum integritatis. Videamus jam, utrum non sit is idem interdum quoque morborum, aut ipius

mortis causa? & utrum non ipsemet fluida corporis corrumpat etiam aliquando?

233. Male conformatam corporis humani partem quamlibet esse auctorem conturbatarum, vel retardatarum sæpe functionum, adeoque morborum, palam est. Accidit non raro quoque, ut per moderatum liquorum in corpore motum disrumpatur vas aliquod in plethorico, causetque extravasationes, sive morbos diversos, est igitur organismus ipse morborum sæpe-numero reus.

234. Atsi ruptum fuerit vas quodpiam in capite, lethalis apoplexia sequi solet. Capiat interior cranii lamella incrementum vitiosum, mors solius organismi vitio succedet maturior, nullis artis viribus retinenda. fit ergo hic idem causa mortis quoque.

235. Cum organismus transmutet ingesta acescentia in humores inquilinos, qui sunt indolis alcaliescentis, evidens est, fluidis, in quos agit, tribuere indolem magis in dies magisque putrescentem, cumprimis si calor simul adsit major: promovet itaque organismus humorum suorum putrescentiam, disponitque eos tanto magis in corruptionem, quanto plus egerit in ipsos. exemplo nobis apertissimo est fames maxima; siquidem in hac liquores corporis omnes per unicam diu continuatam organismi actionem mutantur in ichorem putridissimum. Eadem proinde ratione, qua organismus arceat humorum corruptionem, corrumpit eos.

236. Hinc patet, quam sint utilia nutrientia acescentia in acutis? quamque ipsa remedia acida? item quam e contrario inepta alimenta alcaliescentia in morbis vere putridis? quam etiam perniciofa in acutissimis medicamina spirituosaf, sudorifera, absorbentia?

237. Vim organismi, quam is habet in ceteras tres potentias, invenimus ipsam in singulas maximam. Vix enim conterit organismus plasticum in corpore nutriens, vixque expulit aliquam liquoris diluentis partem, jam adest fames, adest sitis: en potestas organismi in naturam.

238. Anima deinde tantopere adhæret suo organismi, ut, quamprimum alienum aliquod istum afficit, aut

aut ejus quampiam inhibet functionem, perturbetur ipsa quoque, tristetur, & ad proprias etiam actiones peragendas reddatur inepta: tanta est ergo vis organismi in animam, ut eam rapiat illico, ac læditur, in societatem doloris.

239. Potestas organismi in heterogenea variat admodum & ita quidem, ut, si ista teneris sint compagis, ea facili negotio dissolvat, & in ipsos suos convertat humores; at si ista fuerint nimium spissa, vel acria, & similia, in ea non solum nihil possit, sed mutetur ipse insuper ab eis.

240. Organismus universim sumptus, si partes genitales demas, est omnibus hominibus idem: quandoquidem omne corpus humanum, exceptis nunc dictis, iisdem constat partibus; parem habet quodlibet structuram & nexum; similis pene est in omnibus fluidorum per vasa itus, & æquales generatim quivis erit actiones organismus.

241. Secundum vero sexum consideratus differt ob disparitatem partium generationi dicatarum; quocirca alium servat in corpore viri, & alium in muliere ordinem; aliam humorum determinationem, secretionem, & excretionem &c. veluti pluribus dicemus in capite de sexu.

242. Ratione porro ætatis variat organismus in his: aliæ contingunt liquidorum determinationes, secretionem & excretionem &c. in puero; aliæ in juvene; aliæ in viro; & aliæ demum in senectute. Sed de istis quoque plura suo loco.

243. Si demum conferamus hominum organismos ejusdem ætatis & sexus inter se quoad diversam vasorum humorumque conditionem, nervorum irritabilitatem variam, & mutuam corporis partium actionem, id est, quoad temperiem, deprehendimus discrepantiam tantam, ut nec duos reperiamus prorsus æquales.

244. Differentia, quæ intercedit inter organismum & naturam mechanicorum, est ista: Adjudicant hi naturæ omnes prorsus actiones spontaneas tam naturales quam etiam præternaturales: nos autem organismo, uti passim commemoravimus, non concedimus alias, quam

quam quas pure naturales apellamus. Volunt dein illi quoslibet instinctus naturales esse pariter effectus naturæ; nos vero istos organismo subducimus prorsus omnes. Tribuunt præterea illi actiones suæ naturæ tales quoque, quales ne ipsi quidem a mechanismo corporis, sed a causa peculiari derivant, ejusmodi adduximus quæpiam in capitibus præcedentibus: nos vero istas organismo penitus abnegamus.

245. Helmontianorum deinde archæus discrepat ab organismo in sequentibus: Existimant videlicet isti, motus omnes, instinctus, coctiones, & quidquid sponte contingit in corpore nostro, tum naturale, tum etiam præternaturale, proficisci a vi quapiam & causa incorporea movente: Nostra vero sententia generantur quidam istorum effectuum a natura, quipiam ab organismo, alii ab anima, & non nulli ab heterogeneis. Assignamus deinde organismo vim propriam, quam pernegant Helmontiani; Damus nos item soli organismo, quod humores inquilini incorrupti conserventur in corpore nostro; negant hoc quoque Helmontiani.

246. Juxta hanc nostram de organismo susceptam opinionem sequitur, per istum, & non per naturam ingesta digeri; corpus nutriri; absque naturæ subsidio conservari, atque organismum a se ipso instar aliarum machinarum sensim conteri; item eum & non naturam dare pecoribus cornua, volucris pennas &c. in organismos pariter dispares, & non in naturam, conjicimus causam, quod ex Ethyope & Europea nascatur homo coloris fusci, & ita de reliquis.

247. Rationem hujus capituli atque eorum, quæ istud complectitur, perspicit, opinor, quilibet, utprimum meminerit, organismum esse per nos separatum a natura, Interque potentias relegatum: necessarium proinde fuerat, ejus vires referre proprias, ipsumque modo tanquam instrumentum potentiarum reliquarum; modo autem tanquam potentiam ipsam operantem seorsum contueri.


CAPUT QUINTUM.


D E

PARTIBUS ORGANISMI.
INTER SE CONSPIRANTIBUS,

- 248 **M**achina corporis
humani pluribus
constat minoribus,
249 quarum aliquæ inter
se consentiunt,
250 & quæ aliquando con-
turbantur ambæ.
251 quandoque autem pars
solum consentiens.
252 Consensus iste fit mo-
do duplici,
253 per nervos scilicet,
254 aut per vasa majora.
255 Materies morbi cruda
expellitur sæpe per par-
tem conspirantem.
256 ut patet ex obser-
vatis.
257 utile est proinde nota-
re partes consentientes.
258 Examinemus primo con-
sensum generalem:
259 Sensorium commune
consentit cum organis
sensuum externorum,
260 cum musculis volunta-
ti subordinatis;
261 Isti cum organis sen-
suum externorum,
262 Hæc cum corde.
263 unde colligitur, febrim
inflammatoriam non esse
a dolore partis inflam-
matae.
264 Sensorium commune
alio consensum etiam cum
corde,
265 & cum ventriculo,
266 atque cum partibus
corporis singularibus,
267 & denique cum utero.
268 Disquiramus jam con-
sensum partium singula-
rium:
269 Caput conspirat cum
ventriculo,
270 & intestinis,
271 Speciatim autem cum
intestino recto,

- | | |
|---|---|
| <p>272 Cum partibus item
generationi dicatis,
273 & cum pedum plantis.
274 Nares consentiunt
cum diaphragmate,
275 ventriculo,
276 & intestinis:
277 Fauces cum ventri-
culo;
278 Cor cum quavis ar-
teria,
279 cum volis manuum &
plantis pedum:
280 Pulmones cum renibus,
281 testibus,
282 artubus,
283 cute,
284 & cum tibiis:
285 Ventriculus cum sin-
gulis visceribus abdo-
minis,</p> | <p>286 & utero:
287 Intestina cum plantis
pedum:
288 Intestinum rectum cum
vesica,
289 & utero:
290 uterus cum oculis,
291 pedum plantis,
292 & cum uberibus.
293 Datur præterea con-
sensus inter partes æquales
294 & etiam e directo.
295 Consensus fit quoque
per nervos organismi.
296 Hinc desumitur, quæ
partes dissentiant,
297 ut cor ab utero,
298 ex his inferuntur non
nulla.</p> |
|---|---|





CAPUT QUINTUM.

DE

SENSU PARTIUM CORPORIS.

248 **E**st simplicissima corporis nostri machina, ex unico utpote vase constructa, ratione partium, quarum unaquæque peculiarem rursus eformat machinam, maxime composita.

249. Sunt dein machinæ five partes corporis singulæ, utrimque consideratæ ita comparatæ, ut quædam earum salutem habeant, altera nempe alterius rationem, siue eam, ut alterutra earum effecta afficiatur simul & altera, etsi partes hæ conspirantes multum a se invicem sint remotæ: quocirca etiam similem partium conspirationem nominamus consensum.

250 Consensus iste inter certas corporis partes notatur duplex: Alius est, dum pars consentiens rapitur a parte affecta in societatem doloris vel motus. Sic calculus in ureteribus hærens & inflammans communicat suam affectionem cum ventriculo, quem ad vomitum præcipit.

251. Alter consensus est, quando non pars ipsa corporis, quæ irritatur, movetur, sed pars solum consentiens. Dum ventriculus nimia ciborum gravatur copia, rarius iste, sed potissime caput est, quod dolore vexatur.

252. Conspirationem partium fieri per vasa, quibus partes consentientes junguntur quasi inter se, patet. Cum autem vasa corporis sint diversissima, sequitur, consensum fieri modo diverso, per vasa utpote majora, per arterias nempe, & venas; vel per minora, siue per nervos.

253. Nervorum ope fit consensus, dum pars corporis dolore afficitur, aut ad motum concitatur per partem affectam, quacum consentit. Siquidem dolor & motus a solis provenit exagitatis nervis. Sic per nervos, qui conjungunt membranam schneideri narium cum musculis ad respirationem pertinentibus, evenire, nemo ambigit, quod sternutemus, dum acria dictam membranam vellicant.

254. Majorum vasorum inter se conspirantium opera fieri, clarum est, dum pars corporis crudis onerata humoribus transmittit istos ad partem, quacum est in consensu. Observavit jam Hypocrates testiculum inflammatum non raro relegare materiam inflammantem ad pulmones, & hos vicissim suam ad testiculos.

255. At si conspirantium pars alterutra referta est vasis excretoriis, accidit, ut materies morbi, ad hujusmodi partem delata, per eandem exterminetur e corpore, quemadmodum sæpius contingit in morbis acutis tempore crisis, efferturque non raro materies cocta, quæ caput inflammaverat, per alvum, per partem nempe corporis, quæ consensum alit cum capite.

256. Per conspirantem autem partem, assero, fieri similem causæ morbificæ expulsionem propterea, quia compertum habemus ex observatis pluribus, si evacuatio ejusmodi critica non contingat per partem conspirantem, morbum haud plene judicari. Diarrhæa sit nobis pro exemplo: hæc judicat morbos capitis, non vero pulmonum; lotii autem sedimenta morbos pulmonum, & nunquam plene morbos capitis.

257. Non est ergo conveniens solum, rite adnotare partes organismi inter se consentientes, sed etiam utilissimum. Quoniam colligimus exinde *1^{mo}* non semper in parte corporis, quæ dolet, aut in motum vitiosum acta est, latere morbi causam. *2^{do}* cognita parte conspirante facilius deprehendi locum, quem causa morbifica occupat. *3^{io}* affectiones partis consentientis nobis esse signa quandoque certa causarum morborum, quale signum vermium, in intestinis puerorum existentium, est pruritus narium. *4^{to}* materiem morbi a parte nobiliori ad ignobilem consentientem feliciter tra-

propius arte derivari posse, a pulmonibus v. g. ad articulos. 5^{to} rectius iudicium ferre valemus de bonitate evacuationis criticæ, ut hemorhagia narium partis dexteræ bona est in hepatitide, non autem in lienitide. 6^{to}. si partem quandam commovere velimus, id commodè efficitur per irritationem partis consentientis. 7^{mo}. ante potest disponi ante diem criticum pars excernens suæ consensum intertenet cum parte affecta 8^{vo}. denique ipsam etiam morbi materiem, antequam insignatur parti corporis, maximo agrorum commodo evenimus sæpe per vasa excretoria conspirantia, per unam idcirco purgationem prævertimus frequenter atroces capitis morbos.

258. Examinabimus proinde consensum inter partes organifiimi primo generatim, sive illum, qui est partis huius cum universo sytemate nervoso animali vel organifiimi. Subin in specie seu illum, quem partes organifiimi singulares fovent inter se.

259 Sensorium commune alit consensum cum quolibet organo sensuum externorum: ingratus eapropter quarumpiam rerum odor totum conturbat hysteriarum sensorium commune, sive systema nervosum; & ex adverso grata corporum exhalantium effluvia, naribus excepta, illud recreant universum, & instaurant.

260. Alterum, quod sensorium commune intertenet commercium cum parte singulari, est cum musculis voluntati subordinatis: id clare cernimus in epilepticis & similibus affectionibus, in quibus acre rodens cerebrum efficit, ut omnes totius corporis muscoli convellantur.

261. Organa deinde sensuum externorum consentiunt cum musculis voluntariis, medio scilicet sensorii communis. Inde est, quod in vehementi partis cuiuspiam dolore masseteres, aliosque præter voluntatem constringamus corporis musculos; per tam validum impulsu acceris, in tympanum auditus factum, quantus animum conterret, universum conquatitur corpus.

262. Fovet etiam hæc organa consensum cum ipso corde. in atrociori enim cuiusdam partis dolore cordis actio fit modica & debilis. post majorem terrorem palpitat quoque cor.

263. Effectus iste consentientis cordis cum nervo sensus externi sive sentiente, unde constat, cordis vim multum infringi per dolore affectam corporis partem, docet aperte, causam febris sive excitati humorum motus in v. g. pleuritide haud recte deduci posse ab ipso dolore, quandoquidem pulsus est in gravi pleuritide fortis, & non debilis.

264. Tertius, quem observamus inter sensorium commune & partem corporis, consensus est inter istud & cor. Vix enim delata est ad animam idea tristica, jam languet quoque cor; vix etiam conspicit in iram pronus inimicum, jam cor furore tremet.

265. Conspirat quarto sensorium commune cum ventriculo. hinc est, quod is, cujus systema nervosum est admodum mobile, nauseam illico edendi capiat, & vomat quoque interdum, audita vel visa re obscæna.

266. Quintam intertenet conspirationem sensorium commune cum singularibus & diversis in variis hominibus corporis partibus. Sentit mulier hysterica aut vir hypocondriacus, quem ob summam nervorum mobilitatem sic appellamus, in eadem semper, ast varii in diversa corporis parte, affectionem peculiarem, quotiescunque aut terrore percellitur, aut ingrata quadam obruitur præter expectationem idea. Affectionem istam clavum hystericum, vel hypocondriacum nuncupare consuevimus.

267. Sextus non prætermittendus sensorii communis consensus est cum utero. Nam uterus inflammatus inducit delirium. cum deinde mater uterum gerens per solam imaginationem æternum fœtui, quem gestat, imprimat sæpe nævum, peculiaris intercedere debet consensio inter sensorium commune & uterum.

268. Descripto sic consensu generali sive eo, quem deprehendimus inter sensorium commune & quaspiam singulares corporis partes, disquiramus jam consensum in specie sive inter partes corporis peculiare.

269. Caput primo alit conspirationem cum ventriculo: merito capropter quærimus causam vomitus non nunquam in capite. Læso enim, compresso, aut irritato cere-

eretro fit vomitus. vicissim doloris in capite causa
sepius derivanda est a vitio ventriculo.

270. Alterum habet consensum caput cum intestinis.
quidem frequentissima experientia docti scimus, ca-
pitis morbos per evacuationes alvinas optime judicari;
morbosque ejus illico sæpenumero leniri, aut etiam
colli per purgantia.

271. Tertium consensum capitis, qui est cum in-
estino recto, comprobatur dolor occipitis, dum vasa
hæmorrhoidalia cruore turgent, recedens iterum his
depletis.

272. Quarta capitis conspiratio est cum partibus ge-
nitalibus. Quoniam ex observatis notum habemus,
modicas narium hæmorrhagias sisti per aquam frigi-
dam vel acetum, linteorum ope testibus applicatum.
In quadam maniae specie contrahuntur testiculi, estque
hæc antecedens testium contractio certum signum fu-
turæ maniae.

273. Quinta capitis consensio notatur cum plantis
pedum. Nam istæ titillatæ conturbant universum sy-
stema nervosum. Compertum præterea est, delirium
in quibusdam morbis acutis multum imminui per emo-
dens fomentum plantis pedum admotum. Quædam
etiam affectiones capitis pulchre solvuntur per pe-
diluvia.

274. Nares conspirant primum cum Diaphragmate,
quod clare videmus in sternutatione, per pulverem
ætherarum stimulantium naribus attractum excitata.

275. Secundam narium conspirationem, quæ est
cum ventriculo, derivamus a vomitu, qui non raro se-
quitur majorem narium vellicationem, per eadem acria
inductam.

276. Tertius narium consensus, qui est cum inte-
stinis, est ipsis vetulis notus, quæ ex pruritu narium
apud pueros suspicantur de vermibus in intestinis, est-
que hoc signum junctis ceteris certum existentium in
intestinis vermium.

277. Faucium sive radicis linguæ conspirationem cum
ventriculo desumimus ex vomitu, qui excitatur per ti-
til-

tillationem faucium, plumula, digito aut alio instrumento factam.

278. Cor præter consensum, quem alit cum sensorio communi, cumque organis sensuum externorum, habet alium cum unaquaque minima corporis arteriola, nec mirum: quoniam est idem vas, & habet quævis arteriola suum a corde diastole.

279. Quartus vero, quem cor fovet cum volis manuum & plantis pedum, consensus est plus admirandus. Licet enim cor non sit ullis instructum nervis sentientibus sive animalibus; contingit nihilominus tamen, ut, rectis bene aut fotis calore volis manuum & plantis pedum, multum increascit cordis actio; atque ex opposito remittat ista pari modo, dum dictæ partes refrigerantur.

280. Pulmones conspirant primum cum renibus. Est consensus iste non alius, quam quod, comprobante id frequenti observatione, morbifica pulmonum materies feliciter evehatur per vias urinarias.

281. Altera pulmonum consensio est cum testiculis, quæ consistit in eo, quod materiam morbi inflammantem sibi mutuo transmittant, & abscedens ab alterutra harum partium invadat potissime alteram.

282. Tertia pulmonum conspiratio est cum artubus, priori similis. siquidem materies artritica revertens ex articulis, pulmones occupare solet; & vicissim materies, quæ astma, tussim &c. excitat, defertur sæpe ad artus relictis pulmonibus.

283. Quartum pulmonum consensum inferimus e similibus observatis esse cum cute: materies enim cruda in morbis exanthematicis, antequam ad corporis superficiem perferatur, in pulmonibus hærere videtur, difficilis respirationis &c. causa, evanescuntque ejusmodi affectiones pulmonis prodeuntibus exanthematicis. Si variolæ, morbilli, scabies, & similia per frigus, aut per unguenta &c. repellantur in circulum, ad pulmones se recipere solent.

284. Quinto conspirant pulmones cum tibiis. Quoniam, docente longa experientia, juste metuimus perniciosos pectoris morbos, si diu madentia tibiæ ul-

ce-

cera siccare incipiant, aut ab ignaris futuri mali consolidentur. In pectoris dein affectionibus, ab acrimonia irritante concitatis, nusquam, ut norunt experti, plus utilitatis præstant vesicantia, quam suris admota.

285. Ventriculus consentit, veluti antea exposuimus, *1mo* cum sensorio communi; *2do* cum capite; *3tio* cum naribus; *4to* cum faucibus. Præter consensum istum alit quintum cum quibuslibet visceribus abdominis. Siquidem in uniuscujusvis visceris inflammatione adest quoque vomitus. Non est autem consensus iste vertriculi cum ipso viscere, sed tantum cum membrana, quæ istud investit.

286. Sexta vero consensus ventriculi, quam cum utero observamus, videtur esse cum ipso uteri corpore. quandoquidem eodem mulieres quædam, quo concepérunt, die nauseam sentiunt, & vomunt aliæ.

287. Intestina fovent consensum *1mo* uti memini, cum capite; *2to* cum naribus; *3tio* cum ventriculo. His addendus est quartus, quem habet cum plantis pedum. Hanc demonstrant tormina & ipsæ intestinorum, inflammationes quæ perfrigeratas pedum plantas excipere solent. Nihil deinde plus confert ad fovenda calore intestina, quam fove plantarum pedum.

288. Intestinum rectum videtur nervos peculiare, & a ceterorum intestinorum nervis dispares, habere sibi intextos, per eosque peculiarem cum ceteris partibus retinere conspirationem, ut cum capite, de qua paullo prius dictum est, & dein cum vesica. quoniam stranguria est cum tenesmo intestini recti adeo consociata, ut illa istum, & iste illam fere semper excitet.

289. Tertium intestini recti consensum, qui est cum utero, indicat ideum tenesmus, qualis a multis pro certiori signo habetur fœtus in utero mortui.

290. Uterum conspirare scimus ex ante dictis *1mo* cum sensorio communi; *2do* cum capite; *3tio* cum intestino recto. *4to* cum ventriculo: Istis subjungendus est consensus quintus cum oculis, quem indicat lividus istorum color, qui mulierem ex utero laborare, atque istum vel in menstruationis negotio esse occupatum, aut gonorrhæam pati, semper fere significat.

291. Sexta uteri conspiratio est cum plantis pedum. Quandoquidem mulieres plethoricæ, dum præsentem fluxum promovere volunt, insistant pavimento frigido marmore strato.

292. Postremus uteri consensus sit cum mammis. hic adeo notus est omnibus, ut eum nemo in dubium vocare possit. Sit id solum in confirmationem ejus, quod nimium uteri profluvium pulchre remittat, aceto mammis linteorum ope applicato.

293. Præter enarratum hætenus consensum partium corporis diversarum est alius non mediocris, qui interest inter partes organismi pares, sive quarum structura æqualis est, oculi videlicet cum oculo, mammae cum altera, ren cum socio &c. Quoniam ex observatis constat, alterutra earum affecta, sociam quoque eodem vitio brevi postea affici.

294. Observamus non minus singularem partium consensionem, quæ fit e directo, sive inter partes corporis lateris ejusdem. Contingit nempe, ut unica solum gena faciei roseo in phlyti tingatur colore; supurationem indicante. Docuit dein Anatome, ejusdem lateris pulmonem fuisse absumptum, in quo rubebat facies. Hepatis porro lienisque inflammationes judicantur aliquando per hemorrhagiam narium, at solum per eam, quæ fit e nare dextero, si hepar; & contra in sinistro, si lien sit inflammatus. In eodem corporis latere sentitur hemicrania, tumor, & retractio testiculi, stupor pedis &c. in quo ren vellicatur a calculo.

295. Ex recensito hucusque partium consensu conficere licet, duplicem esse conspirantium partium rationem, aliam nempe, velut supra meminimus, per unicos nervos, & aliam per vasa simul majora. Colligimus ex eis quoque, consensum istum non solum per nervos interteneri animales, sed etiam per nervos organismi.

296. Enumeratis partibus, quæ consentiunt, facile est determinare partes, quæ consensum omnem elidunt, sunt autem istæ, quarum consensus non est adnotatus in hoc capite. Non consuevit videlicet sensorium commune cum ipso viscerum abdominalium corpore, ut he-

hepate, liene, & renibus. Siquidem obdurescunt ista
sæpe, & supuratione consumuntur, quin conturbetur
sensorium commune.

297. Haud conspirat deinde uterus cum corde. Vix
enim mutatur pulsus in uteri inflammatione; non quo-
que ipsum hepatis corpus ex eadem ratione cum corde.

298. Exinde norimus, quam parum sit in inflamma-
tione hepatis & uteri credendum pulsui? desumimus ex
eo quoque, febrim non esse semper individuum comi-
tem inflammationis, & supurationis, non nullaque
alia.




CAPUT SEXTUM.
DE
TERTIA CAUSA GENERALI,
SIVE DE ANIMA.

- | | |
|---|---|
| <p>299. Potentia tertia est anima ratiocinans,</p> <p>300 inclusa suo corpori,</p> <p>301 quocum componit hominem:</p> <p>302 non est dispersa per corpus universum.</p> <p>303 Triplex est ejus agendi ratio;</p> <p>304 vis autem ipsius omnis existit in nervis.</p> <p>305 Si in parte corporis pereat facultas animæ, non perit propterea etiam vita.</p> <p>306 Cor & arteriæ non sub sunt imperio animæ.</p> <p>307 Hinc anima non est causa vitæ.</p> <p>308 Operatur animus per res corporeas,</p> <p>309 per liquorem videlicet nerveum,</p> <p>310 qualem exempla demonstrant,</p> <p>311 & in nervis fluere perhibent.</p> | <p>312 Liquor iste est unicus instrumentum agentis animæ,</p> <p>313 & simul vinculum, conjunctam retinens cum suo corpore animam.</p> <p>314 Actio istius videtur esse posita in diverso fluidi nervei motu:</p> <p>315 Perscitur istud ex alimentis,</p> <p>316 estque tenuissimum.</p> <p>317 Non est anima per suos nervos diffusa:</p> <p>318 neque idem cum spiritibus vitalibus.</p> <p>319 Quamvis potestas animæ sita sit solum in cogitationibus & musculorum contractione,</p> <p>320 est nihilominus maxima,</p> <p>321 cumprimis in musculis</p> <p>322 istorum enim opera conservatur organismus,</p> <p>323 quem anima momento temporis perdere potest</p> |
|---|---|

- 324 Habet ista medio suorum musculorum vim in universum corpus ,
- 325 hacve ratione auxiliatur organismo suo
- 326 Est musculorum animalium actio ad conservandam valetudinem etiam necessaria ,
- 327 non tamen majorum ,
- 328 Sed sufficit interdum minorum.
- 329 Potest quidem anima accelerare fluidorum motum , non vero eum rursum reprimere.
- 330 Actio musculorum est sæpius noxia quoque ,
- 331 Si nempe stringantur musculi non constringendi ,
- 332 vel multi simul :
- 333 ex quo varii generantur morbi.
- 334 mala est pariter musculorum actio , inepto tempore instituta.
- 335 Altera animæ actio consistit in pathematibus :
- 336 In his sit vehemens Spirituum exagitatio
- 337 habetque per ea vim animus in cor ;
- 338 quæ prorsus mira est.
- 339 Sex numeramus animi affectiones ,
- 340 quarum aliæ dicuntur calidæ & aliæ frigidæ.
- 341 In amore & gaudio copiosi determinantur Spiritus in cor & ceteros musculos ,
- 342 Quare nocent , si modum excedant ,
- 343 immo interimunt etiam.
- 344 In ira Spiritus vi maxima pelluntur in musculos ,
- 345 & pervertuntur una humores corporis :
- 346 Ira non est a bile mota.
- 347 Per tristitiam videntur absumi Spiritus ,
- 348 in metu autem lente & inordinate moveri.
- 349 Sunt præterea pathemata alia ,
- 350 quorum potestas ex recensitis desumenda est.
- 351 Terror non est vera animi affectio.
- 352 Multa potest quoque animus per imaginationem.
- 353 Animi Pathemata sunt etiam sæpe utilia ,
- 354 siquidem pertinaces sæpius per ea extirpantur morbi :
- 355 Quin immo sunt necessaria.
- 356 Tertia potestas animæ consistit in cogitationibus ,
- 357 per quas consumuntur Spiritus ,
- 358 & quidem copiosissimi.
- 359 ex quo nascuntur morbi literatorum.
- 360 quocirca est moderatio in studiis adhibenda.

- | | |
|--|---|
| <p>361 Hinc dicitur animus sui corporis inimicus,</p> <p>362 non nullorumve deducitur ratio.</p> <p>363 Debet autem animus suo corpori esse amicissimus,</p> <p>364 ejusve in se sumere curam.</p> <p>365 Sunt ipsa quoque studia corpori sæpe proficua.</p> <p>366 Anima vacat ab actionibus tempore somni,</p> | <p>367 tametsi verus esset Spiritus.</p> <p>368 habet ea potestatem in organismum,</p> <p>369 eamque variam;</p> <p>370 habet item in naturam</p> <p>371 & etiam in heterogenea.</p> <p>372 officium animæ procurantis valetudinem sui corporis comparatur muneri aurigæ:</p> <p>373 ex hætenus dictis inferuntur quædam.</p> |
|--|---|



CAPUT SEXTVM

DE ANIMO AC PRINCIPIO COGITANTE.

299. **P**otentia Tertia, quam multorum effectuum tum
utilium, tum etiam perniciosorum, quocirca
diversorum quoque morborum genitricem esse diximus,
sit Anima rationalis, quam mentem, principium cogi-
tans &c. appellamus, distinguenda proinde ab anima,
quam vegetantem aliqui nuncupare solent.

300. Anima hæc, quantumvis, uti ejus evincunt ef-
fectus, purus sit spiritus; est nihilominus suo corpori
inclusa tota. Ubique igitur corpus est hominis,
ibi est ejusdem quoque anima. nec occupat spatium in
atmosfera majus, quam corpus, in quo existit, sit
istud pusillum aut maximum.

301. Non est autem anima corpori suo inclusa, quem-
admodum avis in cavea, sed cohæret ita cum eo, ut sit
ipsi intime admixta, unumque cum eo constituat, quod
appellamus hominem.

302. Quantumvis autem anima & organismus tam
arcto jungantur inter se nexu, ut unum componant;
existunt nihilominus partes in organismo, quibuscum
non videtur conjuncta esse anima, ut est cortex cerebri,
pulmo, hepar, lien, ren, & ossa. Partes enim istæ
omnes possunt vulnerari, consumique, quin anima id
sentiat.

303. Percipit ista affectiones sensuum externorum
ratiocinatur, &, ut commemoravimus, movet muscu-
los sibi subordinatos. tres sunt proinde actiones ani-

mæ: percipere utpote objecta externa; de iis, aliis que judicare; & suos movere musculos.

304. Dum nervus, qui a medulla cerebri vel a spina dorsali descendit ad musculum quempiam, animæ potestati subjectum, vel ad organum sensus, discinditur, pars infra refectum nervum privatur omni sensu omnique motu. Consistit ergo vis animæ sentientis, & moventis in nervis.

305. Tamet autem sensus intereat omnis, omnisque pereat motus in parte corporis, dum nervus, ad eam tendens, disseccatur, aut obstruitur in paralyti; non cessat nihilominus partem istam irrorare sanguis, non cessant vibrare arteriæ. Proinde nervi arteriarum & venarum non sunt animatæ sive tales, quibuscum nexum haberet anima.

306. Observamus præterea quoque, musculorum in corpore aliquos non se contrahere, nisi eos anima contractos esse velit; aliquos vero, ut cor & musculi ad respirandum pertinentes, in continua versari actione, quin ipsos moveat anima. Hinc clarum est, musculorum alios esse voluntatis imperio subjectos; quospiam vero extra hocce imperium constitutos.

307. Cum actio cordis, arteriarum, & musculorum respirationi servientium contingat sua sponte, non pendeat ideoque ab anima; sequitur, humorum per vasa circuitum sive vitam hominis non dependere, neque conservari ab anima; ista idcirco non est causa vitæ dicenda.

308. Quidquid anima percipit, id obtinet per organa sensuum, & quidquid exequitur, id efficit ope suorum musculorum. Igitur quidquid ea percipit, & quidquid exequitur, id percipit, & exequitur, quamvis esset purus Spiritus, per res corporeas,

309. Afferuimus non diu abhinc, nervos corporis esse instrumentum, quo anima accipit objecta, movetque suos musculos. Verum cum hæc in somno alto nullas, nisi vehementes, sentiat impressiones, in organa sensuum factas, licet eadem permaneat in somno nervorum structura, quæ fuerat ante somnum, inferendum est, non nervos ipsos esse instrumentum agentis

tis animæ & percipientis, sed fluidum aliquod in istis inesse debere, intertenens communicationem inter organa sensuum & medullam cerebri, atque inter hanc & musculos voluntati subditos, quamdiu vigilamus.

310. Confirmatur fluidi hujus in nervis præsentia per id, quod post majus corporis exercitium, postque longas vigilias sensus obstupefiant externi, musculique animales fiant ad agendum difficiles. Siquidem hoc non aliud significare videtur, quam per corporis exercitium perque vigilias diu protractas dissipatum fuisse liquorem nervorum.

311. Si cuidam mortalium magna profluat e vasis Sanguinis copia, decedit simul animæ facultas suos contrahendi musculos, visque excipiendi objecta per sensuum organa, immo ipsum quoque una deficit judicandi acumen; & si major adhuc pereat cruoris quantitas, subducuntur animæ omnes ejus agendi vires, homoque concidit, non amplius sui ipsius conscius; at si omnis penitus profuerit e corpore, interit homo, quamvis nervi omnes persisterent iidem, Hoc sane videtur evincere, liquorem aliquem existere in nervis, moverique, qui cum sanguine profluit, dum is emittitur e venis.

312. Admisso liquore aliquo per nervos fluente, erit is idem, quod vires nominamus corporis; erit is unicus quoque id, per quod anima objectorum accipit impulsus, suosque contrahit musculos; erit id, cujus ope cogitat, ratiocinatur, & meminit præteritorum; erit denique unicus id, per quod anima afficitur a rebus externis, ipsoque a suo corpore, & per quod omnes suas perficit actiones.

313. Concesso nervis liquore aliquo, non erit iste instrumentum solummodo, quo anima operatur; verum etiam, cum anima excedat e suo corpore, dum omnis ex hoc educitur sanguis, erit ipsum vinculum, quo anima & corpus conjunguntur, & juncta retinentur.

314. Si unicus nervorum liquor est agentis animæ instrumentum, actiones ejus consistunt in solo vario hujus liquoris motu. Sic, dum anima aliquid clarius auditu v. g. percipere vult, videtur plures propellere li-

quores nerveos ad organum auditus, ut major adesset in hoc sensu dicti humoris, impulsus excipientis, copia, inde dicimus intendi sensus, dum anima meditatur, id est, membranam nervosam tendi a copia spirituum.

315. Delassati & viribus spoliati committimus nos somno, dum lectum petimus; resurgimus autem mane plene refecti, & vigentibus sensibus omnibus tam internis, quam externis, promptique ad quaslibet actiones reviviscimus quasi. Per somnum ergo restituuntur vires interdiu absumptæ. restituuntur autem tanto magis, tantoque plures, quanto corpus pluribus idoneis, quæ rite digerebantur, alimentis est refectum. Ex alimentis ergo generantur vires sive liquor nerveus.

316. Humor iste nervorum cum fluat in tubulis, qui se non acutissimo pandunt microscopio, atque etiam cum sit instrumentum animæ, causæ utpote vere spiritualis, & denique, quia est ipsum vinculum, netens animam cum suo corpore; existimare convenit, eum esse tenuissimum, & ad supremam ejus, quam habere videtur, subtilitatem satis exprimendam, tametsi esset ex cibis crudissimis perfectus, spiritus vitalis nomine dignum.

317. Non videtur autem anima tali modo esse per suos nervos diffusa, ut sit in qualibet corporis parte, quæ sensu prædita est. Non est, inquam, censendum, ipsammet audire sonum, qui tympanum ferit auditus; ipsammet cernere objecta præsentem in oculis &c. audiret enim in somno quoque clarissime, ceteraque æquali sentiret ratione, qua sentit vigilans. Animæ ergo sedes videtur potius esse in origine nervorum sentientium & musculos moventium, sive in sensorio communi.

318. Sunt quidem non nulli, qui animam humanam nihil diversum esse ab ipso hoc nervorum liquore arbitrantur, adeoque ipsam vere esse ibi præsentem, ubi is existit liquor sive spiritus vitalis; eam ideoque ipsam esse, quæ videt in oculis, audit in auribus &c. Verum non concipio, quomodo quis existimare possit, alimentata, ex quibus perficiuntur spiritus vitales, posse per actiones organismi obtinere facultatem cogitandi, re-

miniscendi, se ad actiones libere determinandi &c. adeoque ipsum constituere principium cogitans?

319. Quum animæ potestas sita sit in solo diverso liquoris nervei motu, ejusque instrumentum sint tantummodo nervi sensuum & musculorum voluntariorum, sive liquor in eis fluens: clarum est, animam non habere vim aliam in suum alienaque corpora, quam solum per cogitationes, & per contractionem suorum musculorum, neque aliter posse affici, quam per nervos sentientes.

320. Quantumvis autem non aliam habeat anima potestatem in suum aliave corpora, nisi per cogitationes & motum suorum musculorum; habet nihilominus tamen omnino maximam, quemadmodum effectus, qui ab anima proficiscuntur, intuenti patet. ast contemplerur nos quoque hos effectus, & primum eos, qui ex musculorum animalium resultant actionibus.

321. Omnes totius corporis, excepto unico corde, aliisque paucis, muscoli sunt animæ imperio subjecti, copiosissimi proinde & vastissimi. Vis dein constringentis se muscoli est omnino magna. Collatis jam musculorum viribus cum eorundem copia, arguere licet, vim animæ per musculos esse certo maximam.

322. Non est concessum nobis, veluti vegetabilibus, fugere nostrum e terræ visceribus alimentum, sed cogimur istud e regno vegetabili & animali prius depromere, condire, masticare, & in ventriculo digerere; quam bibulis intestinorum vasis possit admoveri. Organismus proinde conservationem suam debet musculorum animalium actioni.

323. Cum nutrimentorum delectus & præparatio a voluntate pendeat libera, stabit in animæ arbitrio, noxia præponere utilibus, eritque in ejusdem potestate, venena infundere in suum corpus, istud paucis temporis intervallo perdentia: potest dein quisque violentas sibi inferre manus. Habet ergo anima vim per musculos in suum corpus tantam, ut hoc universum momento citius delere possit.

324. Si plures simul in actum compellimus musculos animales, accelleratur fluidorum itus per vasa, geminaturque cordis contractio. Hinc liquido constat, animam habere vim in cor ipsum, etsi non proximam, si-ve nullo intermedio, medio tamen suorum musculorum maximam, & sicuti in cor, ita in universum organismum.

325. Quantum utilitatis redundet in organismum ex simili per musculares actiones concitato humorum circuitu? perspicit omnis. Non augetur scilicet solum per ejusmodi actionem calor corporis, præcipuus co-ctionum promotor; sed increseunt simul secretiones & excretiones, unde crudorum perficitur elaboratio, & ocliissima contigit inutilium exterminatio.

326. Non utilis tantummodo, sed necessaria est cuilibet etiam frequentior musculorum animalium actio. Experimur enim, eos, qui multum parcent suis musculis ac viribus corporis, vitamque colunt sedentariam, fovere in sinu suo materiem, pessimorum morborum fontem, quem alii, qui musculos suos frequenter exercent, feliciter conterunt, & expellunt e suo corpore.

327. Sunt, qui ex utilitate, quam ipsis adfert major corporis motus, inferunt, peculiaria solum corporis exercitia, uti ambulatio, labor, equitatio, & similia necessarium concilient humoribus ad tuendam sanitatem motum. Verum si advertimus, dum loquimur, cantamus, legimus voce clara, & leves in cubilibus exequimur actiones, non paucos esse, qui tum agunt, musculos, negare nequimus, sufficere has quoque actiones debilibus & cumprimis illis, qui non nimium ingerunt, aut alias plus movent suum corpus.

328. Hinc facile est colligere, quantopere consulant sanitati suæ illi, quos aut officium aut aeris asperitas, aut adversa corporis valetudo &c a majori retinet corporis exercitio, si cantando, diutius loquendo, aut clara voce legendo &c suum interdiu exagitant fluidorum motum? certe non inanis est naturæ stimulus, quo aves caveis inclusæ compelluntur ad cantandum, aut elephas ad perpetuum vasti sui corporis motum.

329. Tametsi autem anima brevissimo temporis spatio possit adaugere fluidorum per vasa circuitum, non potest eum tamen, postquam jam multum est accelleratus, in pristinam pauco temporis intervallo reducere moderationem: unicum, quod conferre valet ad hoc rursus obtinendum, est id, quod possit admittere ad nervos, vel ipsis admiscere humoribus frigus ac talia, quæ motum auctum reprimunt.

330. Paria, immo majora adhuc sunt recensitis commodis mala, quæ causa hæc eadem inferre poterit suo corpori, si aut 1^{mo} musculos moveat non movendos; aut 2^{do} si multos simul & cum impetu constringat, 3^{rio} si exagitatoshumores per motum muscularem plus adhuc concitet, aut 4^{to} si liquores inepto tempore in motum agat.

331. Quando vulneratus stringit subjectos vulneri musculos, aut ipsos læsos, vel fracto offi adjacentes &c. non mediocria, quæ nemo non videt, inducit suo corpori mala per musculorum similium, (§ 330 1^{mo}) non movendorum, contractionem.

332. Notum est deinde, Phthysicos, hemopthysicos, plethoricos, inque similibus corporis affectionibus morbos constitutos, a nihilo in majus conjici discrimen, quam, si contractis pluribus simul musculis (§ 330 2^{do}) humores in repentinum & maximum una compellantur motum.

333. Per diu conservatum, a musculis animalibus exagitatum, liquidorum itum istos non privari solum parte sua tenuiori, reliquamque inspissari, & per nimium calorem quasi exuri, sed exustos etiam in vasa serie minora premi, eisque infigi, docet observatio. Unde (§ 330 3^{rio}) pertinaces inflammationes, rupturasque vasorum immedicabiles non raro promanasse, frequens testatur experientia.

334. Ex studiosa ejusmodi effectuum adnotatione compertum reddidimus nobis, muscularem corporis motum esse pariter ratione temporis (§ 330 4^{to}) perniciosum. Sic multum utilis major ante prandium corporis motus evadit noxius, indigestionem scilicet causans, si protrahatur, usque dum mensæ assidetur. Everti non minus chylicationem per vehementes actiones musculares,

lares, si, nullo interposito temporis intervallo, post sumptum prandium celebrentur, omnibus notum est.

335. Modus alter, quo anima agit in suum organismum, eumque diversè afficit, est per animi pathemata. Nam si grata quæpiam idea pervenit ad animam, grate is eam accipit, eaque tantopere delectatur, ut ipsam diu conservare admittatur. Dum circa jucundam hujusmodi ideam versatur animus, observamus, cordis tunc motum esse fortiolem, & solito, ast cum inoderatione celeriolem, respirationem quoque bonam, & musculos animales ad quamlibet actionem promptissimos. Major itaque fit tunc spirituum influxus in cor ceterosque totius corporis musculos.

336. Quotiescunque autem ingratae cujuspian rei aut personæ imago sistitur animo, percellitur is illico vehementer, notamusque cordis actionem eodem simul conturbari puncto temporis ita, ut modo sit citissima & simul fortissima; modo cita & debilis; non nunquam debilis & simul intermittens, & sic porro, pro varietate scilicet idearum, plus vel minus ingratarum, animum diversè afficientium, respondente semper respiratione: musculi vero animales sunt præter voluntatem aut restrictissimi, aut ex adverso vix constringendi, vel tremuli. Est ergo, regnante simili idea, influxus Spirituum in quosvis corporis musculos nunc impetuosus, nunc e contrario modicus, aut multum inæqualis.

337. Ex his pathematum effectibus colligimus, animum, sicuti is nullam habet potestatem in cor, nullo interveniente, volens, ita habere in id in animi affectionibus e temporis vestigio maximam, hocve præter suam voluntatem. Nondum enim fere appullit ad animum imago inimici, jam exasperatum est cor, pulmonesque jam profundissime spirant. Vix accipit mulier mortem dilecti sui filii aut mariti, jam concidit universa ejus corporis compages, jam contremiscit cor exhaustum viribus.

338. Qua ratione idea corporea animum, qui verus est spiritus, queat conturbari? quæve iste præter voluntatem possit liquorem nerveum, in cor fluentem, in quod nullam prorsus habet potestatem volens, nunc
cum

cum impetu propellere; jam vero multum retinere? &c. nemo concipit, opinor. Sat proinde nobis esse debet, scire ea; commoto per ingratas gratasque ideas animo evenire, etsi, quomodo contingant, haud mente consequamur.

339. Sex communiter numeramus animi pathemata, amorem nempe, iram, gaudium, tristitiam, spem, & denique metum. Horum tria sunt animo grata, amor utpote, gaudium, & spes; cetera vero tria ingrata, ac animum, & simul organismum conturbantia.

340. Præter istam pathematum divisionem habet ea quoque locum, quæ est ab istorum effectibus desumpta, in calida videlicet, & frigida. Amor, ira, gaudium, & spes, quia humorum adaugent motum, dicuntur calida; tristitia vero & metus ex ratione contraria vocantur frigida.

341. Amor, gaudium, & spes, nisi priora duo nimis valida fuerint, in æqualem fere gradum extollunt fluidorum in vasis cursum, in eum scilicet, qui est paullisper major organico, æqualem & diutius continuantem, ex quo calor una corporis fit aliquantum vehementior, secretiones item cum excretionibus copiosiores, atque multa simul spirituum in musculos omnes totius corporis determinatio. unde gaudentes propensi sunt ad cantandum & saltandum &c.

342. At vero si amor & gaudium excedant limites moderationis, humores exagitant admodum, digestionem cum ceteris coctionibus & secretionibus confundunt, delentque appetitum in esculenta. Spes autem, etiam maxima, quaslibet organismi actiones in debito semper conservat ordine; unicum malum, quod ista secumfert major, est somnus inquietus.

343. Discrepant trita hæc animi pathemata etiam in eo, quod gaudium vehemens, & subito exortum, hominem, veluti testantur exempla, enecet plane. Amor porro major, diutius perdurans, enervat amantem.

344. Ira deinde tanto cum impetu propellit liquorem nerveum in quoslibet corporis musculos; in cor ita, ut id se fortissime celerrimeque constringat; in reli-

liquos autem musculos adeo, ut corpus univ^{er}sum ri-
geat, tumeat, & in sudorem usque excandescat.

845. Observatum est quoque infantem epilepsia esse
comprehensum, qui frendentis ira nutricis duxerat u-
bera; item ab irato per morsum alteri lethale fuisse in-
flictum vulnus. Casus isti, nescio, utrum non sint in-
dicio, ipsos per iram everti humores. & venenatum
quasi induere genium? mirus profecto & non satis ex-
plicandus pathematis istius effectus!

346. Opinantur quidem non nulli, effectum iræ
provenire ab exagitata per eam, & ad humores per-
ducta bile. derivant assertum hoc suum a nausea, vo-
mitu bilioso, oris amarore, & diarhea, &c. quæ iram
sequuntur non raro. Qua de causa dabant etiam ad ex-
stinguendas hujus pathematis molestias purgantia, quæ
bilem, ut ajebant, eveherent succensam. Verum si in
animadversionem ducimus, effectus iræ haud quaquam
tales esse, quæ bili attribui possent in sanguinem de-
latæ, atque purgantia tanto minus sustulisse commemo-
rata iræ symptomata, iratoque fuisse opitulata, ut ma-
ximos potius, docente frequenti experientia, & perti-
naces suscitaverint morbos; perspicimus, effectus iræ
non esse bili per eam concitatae adscribendos.

347. Tristitia videtur absumere spiritus, aut saltem
admodum imminuere eorum influxum per nervos in cor
ceterosque corporis musculos. Nam cordis in hoc pa-
themate contractio est valde debilis & tarda, respira-
tio anhelosa, pallor faciei, frigus totius corporis, ma-
gnus reliquorum musculorum languor, coctiones & se-
cretiones inhibitæ, appetitus deletus, somnus turbatus,
judicii acumen fractum & similia.

348. Metus demum videtur inordinate prorsus, &
simul paucum dimittere liquorem nerveum in cor &
musculos reliquos, ex quo cordis fit palpitatio, respi-
ratio anxiosa, tremor totius corporis, spastica quorun-
dam musculorum contractio, frigus partium corporis
externarum, & calor urens internarum, sudor frigi-
dus, pallor faciei, coctiones & secretiones eversæ, &
sic porro.

349. Hæc præter animi pathemata sunt adhuc alla non pauca, ut odium, invidia, vindictæ studium, zelotypia, miseratio, & similia. Verum istæ ceteræque animi affectiones videntur esse ex nunc adductis veluti compositæ, ut odium ex ira & tristitia, prævalente tamen ira; zelotypia ex ira, metu, & amore, dominante super reliquas metu, & ita de ceteris.

350. Vis compositorum, ut ita dicam, ejusmodi pathematum in organismum non est tam facile exponenda, quam ex singulorum effectis depromi possit. Immo enarratis allatorum sex pathematum effectibus, notataque eorum potestate in organismum, superfluum esse existimavi describere turbas, quas reliqua pathemata concitare solent.

351. Terrorem adnumerant quoque medici animi affectionibus. Certum quidem est, cum terrore prorsus conturbari; ast non videntur effectus affectionis istius ab ipsa concitari anima, velut in ceteris accidit pathematibus, ideam ingratam removeere adnitente, sed potius per unicum violentum impulsu automaticum, in sensorium commune per nervos sensuum, cum primis auditus, factum, concuti ac commoveri universum systema nervosum.

352. Haud minus, quam hucusque recitati, admirandi sunt effectus, qui per imaginationem generantur, aut foveantur. Dum mulier valde mobilis videt ægrum medicinas epotantem, tantam capit abinde in animo suo turbam, ut ipsa purgetur. Similiter gravida, si fructus cujuscumque arboris desiderio prehendatur, eoque potiri nequeat, æternum imprimit sæpe fœtui nævum, expetiti fructus figuram referens.

353. Vidimus hucusque noxios animi pathematum effectus: disquiramus jam, utrum iidem non utilitati quoque interdum organismo esse queant? Non est enim quidquam adeo perniciosum, ut non etiam aliquando proficuum esse possit. Verum ita sane animi quoque pathemata videntur esse comparata. Quoniam mediocris humorum per iram exagitatio non potest senibus, & quorum temperies est admodum frigida, non esse salubris; nihil deinde reprimat iram potentius; quam
G metus,

metus, nihiloque magis infringitur plethora; quam tristitia. Et sic de ceteris.

354. Referuntur præterea passim ab authoribus medicis casus permulti, unde constat, tenacissimos et nullis prorsus obtemperantes remediis per iram, amorem, metum, aliaque pathemata feliciter fuisse radicitus evulsos. Casus ejusmodi sunt hodiedum adeo frequentes, ut sint omnibus propria observatione noti.

355. At non utiles solum sunt interdum animi affectiones, sed cuivis hominum prorsus necessariae. Nisi enim gaudio excitaremur sæpius, ideæ tristes non devitandæ, neque ulla ratione fugandæ, pessimas sæpe numero generarent in nobis affectiones corporis. Spes dein est cuique hominum ad tuendam sanitatem adeo necessaria, ut etiam in proverbium abierit, quemlibet hominum spe ali debere.

356. Tertia potestas animæ in organismum sita est in cogitationibus sive in meditatione. Labor iste mentis, qui pariter in diverso non explicando spirituum motu consistere videtur, non potest non exercere sæpe vim in organismum.

357. Dum quis se studio accingit, ac librum v. g. abstracta continentem perscrutandum suscipit viribus dives & vegetus, subsistit primum, si ambulet inter legendum; quærit paullo post, quo gravefcens suffulciat suum corpus; at neque hoc, et si suffultum, valent diu sustinere erectum vires superstites, sedebit proinde brevi postea. Non multo abinde ipsi etiam per dorsum decurrentes muscoli indicant meditati, privari se sensim liquore suo, nonque ultra sufficere elevato conservando corpori. Hinc jam dorso quoque et capiti adhibet fulcrum; idem porro accidit musculis etiam manuum. Neque sensibus externis parcat studium. Quoniam per hoc intensius tantopere obstupescunt eorum organa, ut meditationibus immersus vix aliud, quam librum suum, videat, vixque sentiat aliunde corpori illatas injurias. Cuncta ista clare demonstrant, per meditationes & studia absumi maximam spirituum copiam, atque dissipari.

358. Maximam hanc spirituum consumptionem per studia conjicimus evidentius adhuc ex eo, quod inter meditandum perferantur copiosi ac solito plures humores ad caput, ex quibus segregantur spiritus, ad continuanda studia necessarii. Non pereunt ergo per cogitationes ii solum spiritus, qui adferuntur a sanguine viribus organismi; sed spiritus etiam, qui omnibus quasi humoribus admixti sunt; siquidem copia fluidorum est maxima, quæ ad caput sub studiis promovetur. Friget enim, & lanquet corpus sub studiis universum, calente unico capite.

359. Per immodicam inter meditandum liquoris nervei consumptionem, nemo non videt, fieri debere, ut eorum, qui literis diu multumque vacant, frangatur admodum vis digestionis, retardetur alvus, corporisque totius pereat robur, nervi debilitentur non mediocriter, secretionesque imminuantur &c. unde humores degenerari, cruditates, aggregari, viscera obstrui, & cuncta corporis pessum abire, est necesse.

360. Quanto quis igitur magis insistit studiis, tanto magis frangit suum corpus; & quanto pluribus scientiis animum suum exornare enititur, tanto plus detrahit organismo. Qui proinde sanitati suæ consulere vult, studiis figat limites, caveatque copiosos, & camprimis tantos, ut ipse organismus eorum incurrat penuriam, meditando sæpius diffundere spiritus.

361. Ex his desumere licet, quo intellectu dicatur animus sui corporis inimicus? Quotidiana nos docent exempla, plurimorum eruditorum mala ab animo primam suam deducere originem, docentque eundem per studia diu protracta multorum jam sapientum perdidisse organismum vitamque.

362. Elucet non minus exinde ratio, cur homines, qui ab omnibus meditationibus vacuum, & a majoribus curis alienam, interque moderata et grata quotidiana corporis exercitia vivunt vitam, appetant diversissimi generis cibos, eosque cito & rite digerant? cur optime valeant, viribus abundant, aeris ceterarumve rerum injuriis facile resistent, et libera defruantur sanitate? item cur animalia quælibet escam,

quæ sæpius est crudissima & tenacissima, rite subigant? hujus enim causa præcipua esse videtur, quod bestiaë liquorem nerveum, potentissimum digestionis instrumentum, cogitando non amittant.

363. Quantumvis autem animus dicatur sui corporis inimicus, idque sæpius pessundet; nisi tamen se ipsi præbuerit amicissimum, immo sollicitum custodem; nisi, inquam, animo curæ fuerit suus organismus, eumque adversus lædentia defenderit, & nisi oppresso vel fracto suppetias tulerit, iste brevi temporis intervallo a malis, ipsum constanter impetentibus, conteretur universus.

364. Anima ergo tutetur suum corpus, ejusque sedulam gerat curam, non alia ei concedat, quam quæ natura deposcit, torpentem erigat organismum, lanquentem instauret, conturbatum in ordinem reducat &c, oportet. Hæc si præstiterit, non nuncupabitur amplius sui corporis inimicus, sed conservator.

365. Diximus non longe abhinc, animum per cogitationes & studia pessime sæpius afficere suum organismum. Verum sunt & cogitationes, sollicitudines, & studia, si dirigenti subsint rationi, utilissimæ non raro corpori. Non capit enim solummodo animus voluptatem e studiis maximam, quæ summe proficua est organismo; sed absomit simul etiam superfluos per ea spiritus, multorum malorum auctorem. Si equo v. g. bene pasto per repetita exercitia nimius nervorum humor non subtrahatur, sub freno retineri recusat. At si in isto in nimium paucis temporis spatio increscit spirituum copia, quanto non citius, & quanto non in majorem excrescet copiam hic idem liquor in homine, qui oppipare vivit, corpus suum cibis quotidie replet tenerimis & facile permutandis, otaturque, & cujus alioquin majoris, quam reliquorum animalium, molis cerebrum absque intermissione perficit spiritus copiosissimos.

366. Quamdiu vigilamus, percipimus objecta per nervos sensuum, cogitamus, ratiocinamur, diversosque pene constanter movemus musculos. Verum dum dormimus, sunt sensus externi omnis perceptionis expertes,

tes, silent quoque interni, & non unicus agit musculus animalis. Anima ergo, quamdiu vigilamus, operatur semper, & dum somno sopiti procumbimus, vacat ab omni actione.

367. Sunt quidem non nulli existimantes, animam, cum sit verus spiritus, non posse desistere ab agendo, sed debere dies noctesque operari, operarique reipsa, tametsi id haud advertamus. Verum si de anima, quantumvis sit spiritus, dici potest, posse corpore suo coerceri, licebit certo etiam asserere, eam, etsi esset vere spiritualis, posse tamen quandoque extra actionem constitui: at si potest; merito constituemus eam quoque extra actiones tempore somni, cum nullae observentur, quae alias illico patent.

368. Potestatem animae in organismum ex dictis adeo claram esse judico, quam quod est clarissimum, satisque haecenus demonstratum puto, quatenus ea actiones organismi promovere, conturbare, reprimere, & sistere; humores in diversas corporis partes propellere; ipsumque universum perdere valeat.

369. His adnectendum est, variare vires animae ratione diversae constitutionis organismi. Quandoquidem majorem semper habet vim anima in corpore debile, quam forte, citiusque, ut norimus, enervatur homo per studia, cujus corpus est tenerum, quam is, cujus est robustum; ocyus dein etiam compescet animus excultus conturbatum per pathemata humorum motum, quam rudis.

370. Animae potestatem in naturam perspicit is, qui attendit, quantum naturam cogere possit ad agendum, & quantum ei obsistere. Concitabit nempe animus naturam ad movendos v. g. instinctus famis, sitis &c. quotiescunque per musculare corporis exercitium dissipaverit liquidum humorum diluens, aut plasticum contriverit nutriendum; resistet autem naturae, dum erecto ab ea desiderio satisfacere recusat.

371. Habet deinde animus potestatem destruendi genitum in nobis vel assumptum acidum per alcalina & absorbentia; & e converso putrescentia per acidum; spissa porro quoque attenuandi per solventia, acrida

obvolvendi per spissa, & sic de reliquis. Habet ergo potestatem in heterogenea quoque maximam.

72. Cum igitur incumbat animo, ut procuret famam sui corporis conditionem atque organisini, naturæque moderetur actiones, non inepte prorsus assimilabimus illum, hoc in suo munere versantem, aurigæ, vel equitanti. Sicuti nempe dirigendus est equus ab insidente, atque modo calcaribus excitandus, modo refrenandus, nunc dextrorsum, jam vero sinistrorsum flectendus habenis: similiter debet animus suum dirigere organismum, ejusque humorum itum modo accelerare, modo reprimere, jam istos ad intestina, jam ad peripheriam corporis &c. promovere.

373. His præmissis est in aperto, quid scientia sive ars possit medica, quidve debeat in conservanda, & recuperanda corporis valetudine, quamque perperam opinentur, agantque Medici, qui artem ubique & in omnibus morbis naturæ pedisequam esse debere perhibent, istique unquam resistere nefas arbitrantur, artem ideoque plus excolere negligunt.



CAPUT SEPTIMUM.

D E

QUARTA CAUSA GENERALI
SIVE DE CORPORIBUS ALIE-
NIS.

374. **H**eterogeneum est
375 omne corporeum,
quod afficit organismum,
376 omnis nempe cibus,
medicamen, venenum &c.
377 Afficitur autem orga-
nismus ab heterogeneis
constanter.
378 Hinc utile est de istis
differere aliquantum.
379 Deprehendimus insu-
per etiam per eorum effe-
ctus morborum causas.
380 Non constitui pertra-
ctare materiam medicam,
381 sed referam solum mo-
dum inquirendi in effe-
ctus heterogeneorum.
382 Quocirca dico primo
accuratam cujuslicet re-
medii dosim esse adnotan-
dam,
383 cujus quidam medico-
rum sæpe non habent ra-
tionem;
- 383 Vires dein heteroge-
neorum pendent a varia
corporis humani condi-
tione.
384 Unde est, quod medi-
camina exerant aliquan-
do effectus oppositos iis,
quos ipsi therapia tribuit.
385 Quodve optima reme-
dia evadant quandoque
venena pessima.
386 Vis itaque heteroge-
neorum est conformis ir-
ritabilitati nervorum,
quos tangunt.
387 Edit præterea quodvis
heterogeneum effectus in
nobis peculiare,
388 ac proprios,
389 qui sunt signa latentis
in corpore causæ.
390 Dividenda sunt pri-
mum heterogenea
391 in simplicia,
392 & composita.

- 393 Multa, quæ simplicia vulgo dicimus, sunt composita.
- 394 Effectus heterogeneorum ante omnia connotandi sunt simplicium,
- 395 variata dosi propinatorum.
- 396 Effectus compositorum est semper unicus,
- 397 qui mutatur permutatis simplicibus, remedium componentibus,
- 398 Divisio altera heterogeneorum sit in ea,
- 399 quæ vim agendi habent a se ipsis;
- 400 & in illa, quæ vires suas ab organisino obtinere debent.
- 401 Priorum vires mutantur sæpe per organismum.
- 402 Hinc in definiendis heterogenei viribus circumspeditione opus est.
- 403 Alia præterea heterogenea sinunt se immutari ab organisino; alia vero non:
- 404 Illa sive nutrientia etiam blandissima venenatum aliquando induunt ingenium.
- 405 Quocirca non unicum est alimentum de se salubre.
- 406 Dividenda sunt item heterogenea in ea,
- 407 quæ superficiem solummodo afficiunt corporis;
- & in illa, quæ in vias secundas ingrediuntur.
- 408 Quid utilitatis ex hac divisione redundet in praxim? perspicit omnis.
- 409 Non est autem externa tantum superficies intelligenda, sed interiores quoque.
- 410 Heterogenea, quæ solum movent superficiem, sunt multa,
- 411 quibus etiam oleosa sunt adnumeranda
- 412 suadentibus observationibus.
- 413 Ex eo patet, quam parum possint absorbentia, si acidum sit in viis secundis;
- 414 & mucilaginosa spissa in morbis pectoris;
- 415 atque acida fortia in putridis.
- 416 Heterogenea, quæ vellicant superficiem, exagitant simul partes internas consentientes.
- 417 Ea, quæ intrant in circulum, sunt etiam varia.
- 418 Ex quo liquet, cur modicum efficiant sæpe decocta saturata?
- 419 Sunt demum heterogenea, quæ pro parte solum se insinuant in interiora corporis;
- 420 ex quibus desumuntur quorundam ratio,
- 421 Distri-

- 421 Distribuenda sunt pariter heterogenea in ea,
 422 quæ unicum movent organismum;
 423 quæ solum exagitant systema animale;
 424 & deinde in illa, quæ plures simul afficiunt potentias.
 425 Concitatur autem organismus quoque per la-
 cessitos prius nervos animales;
 426 & vicissim animus ab heterogeneis per exacerbatum antea organismum.
 427 Sunt porro etiam quædam, quæ animam cum organismo una exagitant;
 428 & demum aliqua, quæ omnes tres potentias simul confundunt.
 429 Utilitas distributionis istius clara est.
- 430 Unde varia deducuntur.
 431 Alia porro heterogeneorum dispositio sit in ea,
 432 quæ in vasa suas exerunt vires;
 433 quæ in humores;
 434 vel in utraque simul.
 435 Hujus partitionis necessitas patet cuivis.
 436 Calor & frigus habent aliquid peculiare,
 437 modoque singulari subeunt corpus humanum.
 438 quapropter diversos quoque exerunt effectus.
 439 Sufficiant ista de heterogeneis.
 440 Exinde patet, quanti intersit heterogeneorum effectus rite connotare,
 441 etsi id magnos deponat labores.





CAPUT SEPTIMUM.

DE

HETEROGENEIS.

374. **H**eterogeneum voco omne illud corporeum, quod organismum aut animam afficit, causando molestias, dolores, motum in humoribus; sive inducendo suavitatem, instaurationem, refrigerationem &c. id est: quodlibet corpus, vires suas in organismum exerens, quod non est pars ipsius organismi.

375. Est nobis proinde heterogeneum aer ambiens, cibus, potus, omne reficiens, omne medicamentum, venenum, ipsi quoque humores inquilini corrupti, stagnantes, quod alienam assumpserunt indolem, & quidquid est ejusmodi.

376. Cingimur aere nunc plus, nunc minus premente, nunc puro, jam diversissimis alienis corporibus scatente. Omnis dein generis sunt esculenta & poculenta, quibuscum varia deferuntur in sanguinem acria stimulantia, spissa, multiplici ratione organismum moventia. Hinc est evidens, organismum constanter affici ab heterogeneis.

377. Cum autem quodlibet corporeum, sive genitum in corpore nostro, sive in id delatum, seu extrinsecus ipsi admotum, adeoque etiam quævis causa morbi corporea, unumquodque remedium, quodlibet nutrimentum &c sit heterogeneorum classibus comprehendendum; clarum est, utile esse quam maxime, de iis studiosius tractare, eorumve effectus ac vires discutere, & æstimare.

378. Si præterea heterogeneorum effectus nobis intime notos reddiderimus, non comprehendemus solum

lum genuinas singulorum vires in organismum, sed cognoscemus insuper etiam ex symptomatibus, sive effectibus causæ morbificæ hanc ipsam. Nam si noscimus effectus heterogenei cujuslibet, absque omni dubitatione existimare poterimus, occurrente effectui singulari, materiam certam, notati effectus causam, existere in corpore nostro. Sic ex ructu rancido inferimus pingue rancescens viribus esse superiorem in ventriculo.

379. Opinabitur forsitan aliquis, me mecum constituisse, materiam hic pertractare medicam, aut expectabit a me fortassis effectus certos, sive signa certa causarum morborum? At neutrum est, quod in hoc capite proponere induxi in animum. Illud enim foret tædio maximo; istud autem non est hujus loci; & utrumque non capitulum, sed volumen deposceret.

380. Ea, quæ de heterogeneis referre, non inconvenientia fore, sum arbitratus, non sunt alia, nisi solum generalia, & non tam heterogeneorum effectus, e therapia satis cognitos, recensentia; quam potius tum partes organismi, in quas suam impendunt vim, indicantia: tum etiam non nulla, ad vires heterogeneorum spectantia, quorum medicum semper meminisse oportet. Enitar videlicet exponere modum, quo ego in adnotantis heterogeneorum effectibus, quos signa pathognomica causæ morbificæ nominamus medicari, sum usus. Notanda circa heterogeneorum vires sint ista.

381. Remediis solventibus adnumeramus salia v. g. media; inter antispastica et soporifera præcipuum, noscimus, sibi vendicare locum opiata, & sic porro. Verum tanto minus solvent spissum in corpore salia, tantoque minus compescet opium spasmos, si medicus in istorum excefferit dosi, ut illa potius, corpus nimium purgando, obstructum magis adhuc indurent; opiata vero anxietates plus augeant, inducantque nauseam & vomitum. Ad hoc igitur, ut a remediis vis illa, quam ipsis attribuit therapia, sperari liceat, & obtineri possit, accurata cujusvis est observanda dosi, & adhibenda,

382. Vulgarem & ipsis tyronibus in medicina notam hanc regulam non alia de causa adferendam duxi, quam ut ipsam revocarem medicis illis in memoriam, qui mirantur, cur solventissima remedia, & simul copiosa obstructions non reserent vasorum? aut quare opiata, majori dosi ægris propinata, quorum esset compescere spasmos et vomitum, eum magis adhuc promoveant?

383. Scimus quoque experientia frequenti, quosdam hominum a leni purgante multoties compelli ad exonerandam alvum; contra vero alios vix moveri a fortissimo. Norimus item, purgantia mediocria, cum primis salina in corpore non admodum mobili resolvere; his paullulum acriora movere lotium; validiora vero alvum; & demum admodum fortia eicere vomitum: per vinosa dein resciri debilem. At si debilitas nata sit a calore febrili, a plethora, vel humorum spissitudine, eam adaugere. Vis igitur medicamentorum, ceterorumve heterogeneorum dependet plurimum a peculiari dispositione corporum ægrorum, ista assumentium.

384. Fluxum menstruum promovent modo calefacientia, nunc refrigerantia, modo relaxantia, jam vero roborantia &c. Ea ergo, quæ causam auferunt retenti fluxus, merentur nomen Emmenagogorum. Amara movent appetitum in cibos, quapropter etiam stomachica audiunt; Verum si apepsia orta sit a bile acri v. g. regressa in ventriculum, infringet ipsum magis. Et sic de aliis. Effectus proinde heterogeneorum variant multum ratione causæ, morborum affectionem inducentis.

385. Deprehendimus etiam inter mortales tam peculiarem nervorum indolem, ut quidam a certis heterogeneis miro conturbentur modo. Sic prostant exempla, ex quibus constat, alium intumuisse ab assumptis cancerum lapidibus, alios convelli ab esu hepatis cujuvis animalis, quorumpiam everti ventriculum per certam pomorum speciem, fraga &c, alios rursus ab aliis tum cibis, tum remediis pessime affici. E similibus casibus patet, heterogenea, quæ alias inter egre-

gia recensentur medicamina, venenatas, ut ita dicam, induere vires in iis, quorum nervi similium heterogeneorum affectionem haud perferunt.

386. Neminem præterea medicorum latet, adeo singularem esse in unoquoque homine nervorum sentientium conditionem, ut singuli re peculiari delectentur, atque id, quod uni gratum est, sit alteri ingratum, quodve aliquem reficit, conturbet alterum. Effectus itaque heterogeneorum sunt pro diversa nervorum corporis, in quo agunt, constitutione prorsus dispares.

387. Quodlibet odorem spargens imprimit singularem & sibi proprium sensum in nervos olfactus ita, ut solo odore discerni possit a ceteris. Quid significat autem dispar iste odor? Non utique aliud, quam disparem ac peculiarem a singulis heterogeneis factam impressionem in nervos sensuum. Edit ergo unumquodque heterogeneum motus in corpore nostro singulares ac sibi proprios.

388. Si effectus spectemus, quos producant in nobis aqua, vinum, ejus destillatus igne spiritus, acetum, opium, cortex peruvianus, mars, mercurius, &c fateri cogimur, esse omnino peculiares sive tales, quos a non uno alio remedio expectare licet. Exerit igitur quodvis fere heterogeneum effectus singulares ac proprios.

389. Hos ipsos effectus peculiares, judico, esse eos, qui genuinas singulorum heterogeneorum indicant vires, & ex quibus, dum occurrunt in morbis, existimare licet, heterogeneum, cujus solius effectum notatum esse scimus, existere in corpore ægrotantis: Istos, inquam, quos symptomata vocamus in morbis, posse haberi pro signis pathognomicis causarum morborum. Sic rubedo major gingivarum signum est scorbuti; sic roseus faciei color est signum materiæ purulentæ, sanguini permixtæ.

390. Ad uberiores similium effectuum, sive signorum pathognomicorum notitiam obtinendam necesse est, dividere heterogenea in classes, & quidem primum in simplicia & composita. Alios utique ponunt effectus
sim-

simplicia, & alios composita, cum primis si ista fuerint pluribus simplicibus, aut etiam, ut sæpius fit, contrariis constantia.

391. In classem simplicium redigenda sunt olea pressa, destillata, & empyreumatica, resinae, pinguedo animalium, mucilaginosæ, omnis generis salia, acida fermentata, fossilia, succi vegetabilium, humores animalium, liquores vinosi, spiritus eorum ardentes, aqua, mel, absorbentia, calor, & frigus.

392. Composita sunt, quæ ex horum duobus coalescent aut pluribus. Numerus istorum, quemadmodum omnis perspicit, est prorsus infinitus. Siquidem ipsa remedia, quæ alias simplicissima dicuntur, sunt reipsa composita. Ita infusum unius herbulæ compositum est remedium ex succo videlicet herbæ & aqua: & si calide aut frigide sumatur, adest simul calor aut frigus, infusum una componens.

393. Pro composito etiam habendum esse huiusmodi infusum, patet omnibus. Alium enim ingerit humoribus motum, si fortius; & alium, si mitius: alium deinde calide; alium frigide sorptum. Hinc singulorum simplicium, remedium compositum constituentium, est habenda ratio.

394. Si igitur medicus rectam heterogeneorum virium agnitionem sibi comparare velit, necesse est, ut ante omnia simplicium effectus & motus, quod unumquodve edit in humano corpore, proprios, rite disquirat, & reddat sibi familiares.

395. Adnotandus est autem primum motus, quem heterogeneum simplex suscitatur in nobis, & effectus, quem exerit, dum hoc parca dosi exhibetur; porro si manu largiori; & demum si copiosum propinetur. Quoniam norimus, veluti ante meminimus, idem heterogeneum, magna copia sumptum, contrarios sæpe exercere motus illis, quos a mitiori ejusdem remedii quantitate generari animadvertimus.

396. Tametsi autem quodlibet compositum ratione simplicium, quibus constat, diversos producat in humano corpore effectus, est nihilominus tamen effectus (pace mea dixeris eum esse compositum) cujusvis remedii

medii compositi unicus & tanquam simplex, sive ut simplicis remedii sumendus. Motus enim, quem medicamina edunt maxime etiam composita, non potest esse in nobis, nisi unicus. Motus iste videtur esse similis directioni motus compositi, quam obtinet v. g. capis a causis duabus, inæqualiter in eum agentibus.

397. Hinc in aperto est, effectum heterogeneousorum, adeoque etiam remediorum omnium, esse alium, quodiescunque mutatur indoles simplicium, tale remedium componentium; sic v. g. si miscelæ alicui solventium & simul purgantium addideris paragoricum, alium hæc, atque prius, edet in nobis effectum. Liquet inde quoque, quid sit opinandum de remedio e cephalicis, peptoralibus, stomachicis &c, aut medicaminibus plurimum morborum specificis, studiose conquisitis, coalescente?

398. Altera, quæ pariter aliquem sibi vendicat locum, heterogeneousorum divisio est in ea, quæ vim habent propriam sive de se ipsis; & in illa, quæ vim agendi suam ab organismo acquirere debent, seu quæ late in actum deducit.

399. Vim propriam habent potissime sequentia: aer, aqua, vinum, ejus spiritus igne expressus, spiritus vegetabilium rectores, acida, salia, calor, frigus &c cuncta videlicet illa, quæ ipsum cadaver, dum ei applicantur, afficiunt.

400. Propriam itaque vim esse derogandam heterogeneousis iis, quæ cadaver non mutant, nemo inficiabitur. Sunt autem hujus generis omnia pene heterogeneousa, si nunc enumerata demas. Nam si unciam interram tartari emetici infuderis in ventriculum cadaveris; si universam ejusdem superficiem obtexeris acerrimo vesicante, nec vomitum, nec vesicam conspicies.

401. Quantumvis autem prioris classis heterogeneousa vires agendi habeant a se ipsis, mutantur eæ nihilominus admodum ab organismo, dum in usum vocantur. Unde vis eorum non est talis solummodo existimanda, qualem habet a se ipso, sive quam exerit in cadavere; sed advertenda, & adnotanda est ea, quam habet in corpore humano sive animato. Sic spiritus vini exsiccat quidem globulos sanguinis in cadavere, vasque

saque constringit; at non compellit simul liquida in motum, velut in vivente. Arcet dein spiritus iste corpus, vita privatum, a putredine; at vivo conciliat eandem, & ita de reliquis.

402. Hinc palam est, haud quaquam sufficere argumentum ad commonstrandas herbæ v. g. cujuscumque, imprimis recenter in usum deductæ, vires medicas, ex variis experienciis, extra corpus humanum factis, petitur. Non ideo certe resistit cortex peruvianus putredini humorum nostrorum, quia caro bovina, in ejus decocto suspensa, diu non corrumpitur. Hoc argumento forent alia alcalina egregia remedia antiseptica; & potus e converso subcalidus perniciosissimus in morbis acutis, & sic porro.

403. Non prætermittenda est quoque heterogeneorum distributio in ea, quæ se ab organisino permutari sinunt; & in illa, quæ non elidunt solum vim istius omnem, sed mutant insuper ipsum etiam sive pro parte, sive in universo; atque demum in ea, quæ neque permutantur ab organisino, neque eum afficiunt. Primæ classis heterogenea vocamus communiter nutrientia; secundæ condimenta, refocillantia, medicamenta, aut venena; tertiæ tandem appellamus inertia.

404. Referimus quidem unumquodque heterogeneum ad aliquam dietarum nunc classium, verum possunt & nutrientia, & condimenta, & medicamenta, si inepte adhibeantur, evadere venena pessima; & vicissim ea, quibus veneni nomen vulgo est impositum, optima fieri remedia, si rite in usum deducta fuerint. Aptæ ergo vel ineptæ heterogenei usurpatio definire debet, num istud nutrimenti, medicamenti, aut veneni appellatione sit dignum?

405. Inde liquet non unum inter heterogenea, quodquod illud fuerit, tanquam eximium nutrimentum, aut ut semper innocuum, aut ut excellens remedium jure dilaudari; & ex adverso vix ullum tanquam semper perniciosum damnari posse. Est unumquodque proinde bonum, si debite; & vicissim malum, si inepte fuerit adhibitum.

406. Re-

406. Recensitis iis, quæ de heterogeneorum viribus adferre, consentanea esse videbantur, transeundum jam est ad separanda in classes heterogenea secundum varietatem partium corporis humani, quas afficiunt.

407. Prima eorum partitio sit in heterogenea, quæ vires suas effundunt in unicam corporis humani; cui adnota sunt, superficiem, quin scilicet absorbeantur vasculis ejus bibulis; in ea, quæ penitus resorbentur, atque in internas solum corporis partes agunt; & denique in illa, quæ pro parte tantum absumuntur, viresque suas & superficiem corporis, quam tangunt, & internis quoque partibus, ad quas perveniunt, reddunt efficaces.

408. Quid utilitatis redundet in medicinam practicam ex hac animadversione? perspicit, opinor, quilibet. Incassum enim operaretur medicus, si in liquoribus mutationem inducere vellet per medicamina, quæ in vias, ut loquimur, secundas non penetrant; & vanum ex opposito, si partem aliquam corporis irritare volens, adhibet remedia, quæ venis bibulis absorbeantur. Si nempe corpus v. g. purgare intendens ea præscribit remedia, quæ secedunt in vasa chyliifera intestinorum. Nihil ideoque medico magis necessarium reputo, quam rite distinguere medicamenta, quæ absumuntur a venis haurientibus, ab iis, quæ non ingrediuntur in istas, sive quæ in superficiem solum agunt corporis; & quæ in venas patulas se insinuant, ac humoribus inquilinis admiscuntur: nihil quoque utilius, quam nosse modum, quo heterogenea, quibus ingrediendi in vias secundas negatur potestas, in istas perducere queant.

409. Cum superficiem corporis nomino, non intelligo per hocce vocabulum externam tantummodo, sed internas quoque, veluti est superficies oris, pulmonum, totius canalis intestinalis, uteri, & vesicæ, ad quas omnes medicamina, quæ vulgo externa vocamus, referri possunt.

410. Solam corporis superficiem afficiunt omnia illa, imo quorum diameter major est, quam sint ora vasorum resorbentium, ut est aer crassior, terræ ab-

H

soroen-

forbentes, cibi non satis attenuati, &c. 2^{do} quæ oscula obstruunt venarum bibularum, veluti mucilaginosæ, & similia spissa; 3^{io} quæ hæc vascula constringunt, & sibi ipsis ingressum in ea præcludunt, ut acida fortia, acerba, & hujusce generis plura. 4^{to} demum, quæ alliciunt humores suo stimulo, ut acria, purgantia, & similia irritantia.

411. Olea quoque ac pingua videntur esse talia, quæ oscula vasorum chyliferorum obliniunt, & obstruunt. Inde enim est, opinor, quod olea pressa multis, iis nempe, quorum bilis est minus acris, non satis ideoque oleosa resolvens, alvum reddant lubricam; minime vero ceteris sive illis, quorum humores sunt multum saponacei, aut multo sale inquinati.

412. Suffragantur opinioni huic ipsa observata, ex quibus constat, oleosa & pingua minus rancescere in ventriculo, minusque eum gravare, si salibus, saccharo, & similibus fuerint permixta. Demulcent quoque olea blanda magis pectus, si saccharo aut melle sint prius rite soluta; quam meraca.

413. Ex hac heterogeneousorum divisione desumimus, quid valeant absorbentia, dum acidum infringendum ipsis humoribus circulantibus est admixtum? quidve in morbis acutis, etsi eorum causam juxta mentem Helmontii acidæ semper indolis esse, admiserimus?

414. In aperto est dein pariter, mucilaginosæ & spissæ ad acre, quod pulmones vellicat, involvendum data, parum istis posse opitulari, si non fuerint antea satis in ventriculo, vel jam extra eum diluta.

415. Elucet item, quantopere fallantur medici, qui, ut putridam in morbis materiem, quamprimum fieri queat, enervent, copiosa & fortia simul acida ægrum potare jubent? Hi certe tanto minorem perferent sui medicamenti copiam in sanguinem, tantove minus consequentur optatam remediorum vim antisepticam; quanto plus acidi fuerit medicamento permixtum. Patet exinde quoque ratio, cur adstringentia fortiora alvum aperiant potius; quam constringant?

416. Diximus quidem antea, heterogenea, quæ non absorbentur, agere in solam superficiem corporis.

Ve.

Verum non est id ita sumendum, quasi nullam præterea haberent vim in interiores organiſmi partes. Est utique univerſa tum interna, tum etiam externa corporis ſuperficies inſtructa nervis ſentientibus, qui, per admota irritantia concitati, aliquando ſolam partem, quæ cum irritata conſpirat, in conſenſum rapiunt; quandoque autem integrum exagitant ſyſtema nervoſum: adeoque etiam univerſum organiſmum, ut emetica, purgantia, inflammantia &c.

417. Heterogenea, quæ ingrediuntur in oſcula venarum patentia, ſunt venena ſubtiliora, in acre volitantia, morborum Epidemicorum frequentes cauſæ, ſalia, rectores vegetantium ſpiritus, atque per fermentationem nati, mercurius, aquoſa, & quæquæ diluuntur aqua, & in hac ſuſpenſa retinentur, niſi fuerint admodum acria, valde acida, acerba, vel multum ſpiſſa.

418. Hinc exiſtimandum eſt, quid a ſuis remediis ſperare poſſint Medici illi, qui decoctiones vegetantium ſaturatiſſimas præſcribere habent in conſuetis? De corticibus ſane, radicibus, & herbis, quas decoqui jubent, non plus perveniet in ſanguinem, quam quantum aqua dilutum ac ſuſpenſum tenetur. Omne reliquum abit in fæculenta. Bonum eſt, quod pharmacopæi ejusmodi præſcriptionibus modum imponere ſciant, imponantque.

419. Recenſitis duabus heterogeneorum classiſibus clarum eſt, quæ ſint classiſ Tertiæ ſive illius ad quam pertinere diximus ea, quæ pro parte ſolum reſorbentur. Sunt utpote aut ex utriuſque classiſis heterogeneis compoſita, aut ſunt ſimplicia, quorum pars ſolum eſt ſatis attenuata, ſatis diluta.

420. Tertia iſta heterogeneorum classiſis demonſtrat caulam, cur voraces ſint potiffimum macres? cur obefi ſuam conſervent pinguedinem, etſi parum comedant? quia nempe in illis maxima ingeſtorum pars non ſoluta expellitur ruriſum per alvum; contra vero in obefis modicum, quod aſſumunt, deſertur in circulum, & mutatur in pingue corporis.

421. Distribuenda dein sunt heterogenea in ea quoque, quæ vires suas dirigunt in unicum organismum, intactis nervis animalibus, immutataque natura; in illa, quæ solos afficiunt nervos animales absque ulla mutatione in organismo; & denique in ea, quæ utriusque systematis sive utriusque, ut loquitur Sydenhamus, hominis tam interni, quam externi nervos exagitant, pluresque simul pertrahunt in actionem potentias.

422. In solum organismum agunt heterogenea, quæ vasis & fluidis mutationem inducunt, quin tamen istam advertat animus. Talia sunt alimenta facile digerenda, aqua tepida, olea blanda, mucilaginosa, leniter solventia, absorbentia, roborantia, mars, mercurius, & similia.

423. Animam laceffunt, & movent unicam heterogenea, quæ solos nervos vellicant sensuum externorum, ut est fluidum æthereum, quod oculum inflammatum acerbe ferit, dum ad eum admittitur, sive lux, aer, odorata, sapida, acria generis omnis, si nervos tangunt unicos sentientes. Ejusdem classis sunt ea pariter, quæ sensus mutant internos, ut narcotica, & quæcunque reminiscendi, aut judicandi evertunt facultatem.

424. Heterogenea, quæ utrumque simul hominem, animam scilicet & organismum exagitant, sunt triplicis speciei. Aliqua eorum perturbant organismum per nervos animales, prius exacerbatos; Alia movent animam per mutatum antea organismum; & denique alia adoriuntur illico utramque simul potentiam.

425. Conturbatur organismus per irritatos ab heterogeneo nervos animales, quando istos adeo rodit acre, aut distendit spissum, ut affectio communicetur cum nervis organismi, veluti accidit in terrore aut dolore vehementi, in convulsionibus; animi pathematibus, & sic porro.

426. Concitatur dein animus ab heterogeneis per exagitatum prius organismum, si stimulantia augeant humorum itum, vel refrigerantia cum reprimant adeo, ut animus id sentiat, & ita de ceteris.

427. Organismum eodem simul & animam tempore invadunt, & afficiunt v. g. vinosa. Siquidem & humores in motum compellunt, & animam una exhilarant; calor item externus, qui fluida commovet, & resolvit, inducit simul sensum caloris; similiter frigus est causa sensus frigoris eo ipso temporis momento, quo vasa stringit, & liquida inspissat.

428. Omnes tres simul potentias exagitant, organismum scilicet, animam, & naturam purgantia, & quæ veram generant febrem; Critica quoque materies, per naturam suo dimota loco, peculiari sæpe modo perturbat organismum & animam, &c.

429. Utilitatem, quæ ex hac divisione promanat in medicinam, dispicit, opinor quilibet illico, dum cogitat, quam sit necessarium sæpenumero, tam lente resolvere spissum in humoribus, aut tam placide purgare corpus, ut nervi animales, admodum quandoque irritabiles, non exasperentur. Non est dein etiam quidquam scitu magis utile, quam dignoscere remedia, quæ agunt in humores aut vasa majora, ab illis, quæ omnes suas vires in unicos nervos animales impendunt.

430. Ex divisione ista inferimus 1^{mo}. Non omnia prodesse, quæ sensus grate titillant, ut vinum: possunt enim obesse organismo; 2^{do} Non nocere e contrario cuncta, quæ sensibus displicent, vel dolorem augent, quia possunt aut vasis aut fluidis esse utilitati; 3^{io} Non quoslibet esse sanos, qui nullam sentiunt in suo corpore molestiam, quoniam malum est sæpe ipsis humoribus admixtum, vel latet etiam diu in parte corporis, omni sensu destituta; 4^{to} Neque reipsa morbo esse affectum semper eum, qui aliquam percipit incommoditatem, siquidem causa levissima, nervulum valde sensilem rodens, inducit sæpenumero speciem ægritudinis; 5^{to} Non semper juvamen a remediis organismo illatum adverti illico, ideoque haud esse juvandi facultatem medicamentis denegandam, si auxilium non statim cadat in animadversionem. Resolventia quippe, roborantia, & similia operantur in corpore, quin ea persentiat anima.

431. Tertia heterogeneousorum distributio, a partibus organismi, in quas exerunt suas vires, deprompta, sit vulgaris illa, non penitus a nobis prætermittenda, in classes, quarum unius heterogenea vim suam intendunt in vasa tantummodo; alterius vero in solos humores; & tertiæ in utraque simul.

432. Primæ classis heterogenea sunt emolientia extrinsecus adhibita, scindentia, rodentia, adstringentia, roborantia, & similia. Hæc videntur unica, intactis fluidis, permutare vasa.

433. Ad classem alteram pertinent diluentia, saponacea, salia lenia, & quæ citra turbas resolvunt, subacida, mucilaginosa, ceteraque inspissantia, mercurialia &c. Ista mutationem inducunt in humoribus, quin solida simul afficiant.

434. Tertiæ tandem classis sunt reliqua pene omnia, ut spiritus ardentes, qui humores & vasa exsiccant; Olea relaxant solida, & fluida simul efficiunt spissiora; Acida stringunt vasa, & dissolvunt una humores &c.

435. Necessitatem hujus partitionis heterogeneousorum multis comprobare eo magis supervacaneum esse, censeo, quo clarius est, eam ab omnibus prorsus Authoribus esse susceptam, & quia ab omnibus pertractatur, ipsam obiter tantum attigisse sufficiat.

436. Præter commemoratas heterogeneousorum divisiones non inutile fore opinor, adferre distinctionem caloris & frigoris (liceat interim utrumque heterogeneousis adnumerare, & tanquam corporeum facilioris explanationis gratia contueri) a ceteris heterogeneousis propter modum peculiarem, quo se insinuant in corpus nostrum, istudve pervadunt.

437. Singula heterogenea, excepto calore & frigore, non aliter perveniunt in circulum humorum, quam absorpta osculis venularum patentium, calor autem & frigus penetrant in intima corporis extra ordinem, & quin opus habeant vasis attrahentibus, ac in interiora devehentibus.

438. E distinctione Ista patet ratio, cur frigus permaneat sæpius in extremitatibus, quas primum occupavit, corporis, quin perveniat ad cor? Cur ipsa etiam
ossa

ossa permeet densissima, quin deferatur ad ea per arterias cum reliquis humoribus? Cur peculiarem quoque modum deposcat, si sit rursus expellendum, & partibus scilicet corporis humani congelatis?

439. Hæc sunt, quæ de heterogeneis in hocce capitulo adferenda duxi. Habere equidem adhuc quædam discutienda, uti modum, quo ista in organismum agere videntur, istèque vicissim reagere in illa, ex quorum actione mutua insurgunt effectus, solis hucusque heterogeneis adscripta; item, quæ cortex peruvianus & similia præstare in nobis, & quomodo operari videantur? Verum cum medicamenta, Artis utpote instrumenta, in tertia recurrant operis istius parte, illucque pertineant, eo transferenda retineo.

440. Quidquid de heterogeneis nunc recensuimus, id omne evincit, eorum effectus tum generales, tum singulares nos ducere in rectam agnitionem virium remediornm, atque simul in notitiam plurium causarum morborum. Hinc, opinor, nos tantocius intimiorem medicamentorum virium intelligentiam, pluraque causarum morbificarum signa pathognomica obtenturos, quanto studiosius institerimus perlustrandis, & connotandis singulorum heterogeneorum effectibus, quos ista exerunt in organismo, vel, si mavis, cum organismo.

441. Haud quidem inficior, conquisitionem istam multis esse difficultatibus irretitam. Verum tametsi hæc sint maximæ, non videntur tamen esse tales, quæ strenua disquirentium medicorum industria pedetentim superari nequirent, & cum investigatio effectuum heterogeneorum sit medenti summe utilis, ne dicam necessaria, deducatque eorum notio medicum in agnitionem causarum morborum absconditarum &c; spesve affulgeat, in istam tandem penetrandi cognitionem, in rite observandis, & accurate adnotandis singulorum heterogeneorum effectibus non viribus ullis parcendum esse iudico.

SECTIO SECUNDA.

D E

CAUSIS PROEGUMENIS.

CAPUT PRIMUM

D E

PRIMA CAUSA PRÆDISPO- NENTE SIVE DE ÆTATE DIVERSA.

442 **C**onsiderandæ jam
sunt causæ Pro-
catarticæ in corpore
Prædisposito.

443 Siquidem juxta diver-
sam istius conditionem
varia est vis illarum.

444 Agemus itaque primum
de ætate.

445 Principium hominis fi-
git minima spermatis mo-
lecula,

446 ex qua homo increfcit
in supremum usque vigo-
rem a quo abscedens
decrefcit sensim ite-
rum.

447 Hinc est evidens, per
ætatem corpus varie mu-
tari.

448 Primum, quod de ru-
dimento evolvitur huma-
no, est caput.

449 Unde istud est tanto
majus, quanto homo est
origini suæ vicinior.

450 Vasa corporis sunt in
principio mucro similia,

451 Tanto itaque laxiora,

452 tantoque pluribus re-
ferta liquoribus, quanto
homo minus abest a suo
primordio.

453 Accuratum proinde
æquilibrium est solum in
ætate media;

454 Competens autem est
in qualibet.


455 Quanto homo minus ab-
scellit a sua origine, tan-
to teneriora habet vasa,

456 hu-

- 456 humoresque tenuiores,
 457 & minus compactos,
 458 in senectute autem sunt
 valde mucosi,
 459 quocirca caute mer-
 candum est cum sangui-
 ne senum.
 460 Quo junior est homo,
 eo majus capit incre-
 mentum,
 461 plurique indiget ali-
 mento,
 462 sæpius ideoque etiam
 est interdum alendus,
 463 quare pueri non sunt
 ad comedendum strin-
 gendi.
 464 Appetitus in cibos mi-
 nuitur cum ætate.
 465 Quanto homo vicinior
 est ortui suo, tanto ve-
 locius moventur in cor-
 pore humores.
 466 Hinc pulsus senum
 non multum acceleratus
 magnum notat periculum.
 467 Variat etiam fluidorum
 determinatio ratione æta-
 tis.
 468 In puero enim ferun-
 tur humores ad caput;
 469 post pubertatem ad va-
 sa genitalia;
 470 in ætate media ad pe-
 ctus,
 471 veluti patet in exem-
 plis;
 472 in senectute ad pedes,
 473 & in ætate decrepita
 ad vias urinarias.
- 474 Contingunt præterea
 aliæ quoque mutationes.
 475 Quidam enim ajunt,
 hominem mutari quolibet
 septennio.
 476 Maxima autem muta-
 tio fit tempore puberta-
 tis,
 477 & omnino admiranda,
 478 cujus rationem nemo
 perspicit.
 479 Accidunt etiam quæ-
 dam interdum mulieribus
 effætis.
 480 Ex his clarum est,
 multas organismum sub-
 ire permutationes ratione
 ætatis,
 481 notatu maxime dignas.
 482 Videamus jam, quid
 Potentiæ valeant quoad
 ætatem.
 483 Organismi potestas va-
 riat multum,
 484 atque etiam naturæ
 485 cujus vis peculiaris fit
 jam in embryone conspi-
 cua,
 486 & in infante,
 487 unde desumuntur quæ-
 piam;
 488 porro quoque in pue-
 ro,
 489 atque in viro
 490 & demum etiam in
 sene.
 491 Varia est pariter pote-
 stas animæ ratione æta-
 tis,

- | | |
|--|--|
| <p>492 maxima vero in æta-
te virili,</p> <p>493. excepta perceptione &
memoria.</p> <p>494 Ipsa quoque pathema-
tum vis diversa est quo-
ad ætatem,</p> | <p>495 similiterque heteroge-
neorum.</p> <p>496 Ex hucusque recensitis
inferuntur nonnulla.</p> |
|--|--|





SECTIO SECUNDA.

DE

VIRIBUS POTENTIARUM IN INDIVIDUIS HOMINUM VARIE PRÆDISPONENTIUM.

CAPUT PRIMUM.

DE

ÆTATE DIVERSA.

442. **P**osteaquam Potentias, quoad exigebat ratio, operisque admittebat compendium, pertraximus in genere, ordo jam postulat, ut eas consideremus, ipsarumve vires expendamus in individuis nostrum, sive pro discrepantia conformationis organismorum, quæ est in variis varia.

443. Ex instituta hucusque potentiarum disquisitione compertum habemus, singularum vires esse maxime dispares in diversis hominum organis, atque a natura opem ferri non organisino forti, sed languenti, istive majores esse vires, si vasa ejus sint robusta, quam tenera, animam quoque exultam facilius resistere pathematibus, quam rudem, & denique eadem heterogeneorum stimulantium quantitate alio in diversis modo affici organismum.

444. Varietatem istam virium Potentiarum derivant omnes in sano corporis statu a quatuor causis, quas Proegumenas sive Prædisponentes appellat Pathologia, quod

quod diponerent organismum & idoneum efficerent excipiendis viribus Potentiarum, quas nominamus causas Accedentes seu Procatarticas. Causæ quatuor organismum disponentes sunt Ætas, Sexus, Temperies, & Consuetudo. His addunt aliqui Plethoram & Inanitionem: Verum cum istæ morbosam denotent corporis constitutionem, de qua in hac operis parte nobis sermo non est, ad alteram, quo spectant, relinqueamus ipsas. Hinc de prioribus solum tractabimus, & quidem primum de Ætate.

445. E minima spermatis molecula increfcit pedetentim corpus humanum in molem, quæ centum cum quinquaginta, & quod excedit, æquat quandoque pondere libras.

446. Posteaquam consecutum est molem istam, inque hoc statu aliquot annorum intervallo perseveraverat, deficit rursus, & obrigescit inde in annos sensim sine sensu iterum ita, ut tandem rigiditate intereat.

447. Incrementum istud & decrementum, etsi non alia intercederent, est unicum argumento maximo, organismum debere varias subire mutationes per vitæ decursus, diversoque modo esse in diversa ætate dispositum ad excipiendas potentias, in eum vires suas effundentes.

448. Partes corporis humani, quæ ante ceteras evolvuntur in recenter concepto semine, sunt cor & caput. In his primus contingit fluidorum motus, primus istorum circuitus. Ista deinde, siquidem cum ceteris crescentibus partibus simul increfcunt, magnum interim capiunt incrementum, donec reliquæ mediocres. Hinc est, quod caput embryonis multo superet amplitudine ceteras corporis partes, quodve adhuc in infante & puero excedat proportionem ad alias.

449. Inde clarum est, hominem habere tanto majus caput usque ad ætatem, in qua corpus universum debitam suam obtinuit magnitudinem; quanto est origini propior.

450. Rudimenta hominis sunt muco similia, fluidis ideoque potius, quam solidis assimilanda. Ista, postquam evoluta sunt, sunt firmiora in dies penè per omnem

annem hominis ætatem magis magisque ita, ut in ætate suprema sint rigidissima.

451. Hinc desumimus, vasa corporis humani esse tanto laxiora, quanto homo est ortui suo vicinior; & contra tanto esse rigidiora & firmitiora, quanto plus ab eo.

452. Vasa corporis, quæ in principio erant fluido similia, in longum porro latumque protensa replentur humoribus, repletaque permanent ad finem usque vitæ. At cum vasa rigescant pedetentim magis adeo, ut in ætate decrepita fiant prorsus rigida, necesse est, eo vires, respectu corporis, existere in ejus vasis humores, quo homo minus abest a sua origine, seu eo plus succerari solida a fluidis, quo homo est junior; & e converso fluida a solidis, quo est ætate provectior.

453. Quum autem in ætate prima excedant humores sua vasa, & in ætate postrema illi sint admodum pauci, certum est, non in alia ætate accuratum existere æquilibrium inter humores & vasa coercentia, quam tantummodo in media.

454. Accuratum dixi æquilibrium, ut distinguerem ab æquilibrio, veluti vulgo aimus, respectivo, quale, si sanitas persistat, in unaquaque esse debet. Non eveniunt ideoque humores æquilibrium in puero, tametsi excedat eorum copia vasa continentia. Quippe respectu vasorum, quæ sunt in puero pervia omnia, & liquoribus replenda, debet esse copia humorum in isto maxima, quæ si non adsit, turbata est æquilibratio, quamvis copiosi adhuc superessent in ejus corpore liquores: Similiter ex opposito humores pauci in senē sufficiunt implendis vasculis, in hoc adhuc perviis.

455. Ex eo, quod corpus humanum e minima molecula exsurgat in molem grandem, necessario inferendum est, vasa in principio fuisse tenerrima, quæ postea facta sunt amplissima, adeoque vasa esse tanto augustiora ante ætatem mediam sive antequam plenam suam conditionem sunt nata, quanto homo minus abest a suo exordio; & vicissim eo ampliora, quo corpus plus crevit.

456. Humores deinde respondent semper diametro fuorum vasorum, tenuiores sint eapropter in homine, quamdiu vasa sunt adhuc tenera, quam in vasis corporis, quod jam plenum suum obtinuit incrementi statum, est necesse: id est, tanto humores esse tenuiores, quanto homo est junior ante ætatem mediã.

457. Non crassiores solum esse liquores in ætate media, quam fuerint in antegressa ætatis serie, sed etiam plus compactos, ipsa svadet credere ratio. Vasa enim firmiora viri magis compingent utique humores suos, quam tenera multum infantis aut pueri.

458. Tametsi autem solida corporis ab initio ad terminum usque vitæ in dies ferme evadant firmiora, magisque obrigescant, non compinguntur nihilominus tamen humores pari ratione, plus nempe quotidie ad finem vitæ. Limites, quos isti observant suæ compactionis, sunt fixi in ætate media seu virili. Siquidem post istam non amplius compinguntur magis, verum neque attenuantur iterum; sed assumunt tenacitatem mucosam frigidam, quæ cum ætate superstita increseit semper.

459. Ex his arguere licet, senes rarius vera, si unicum demas rheumatismum, corripì inflammatione, sed ea sit potissimum spuria, qualis est peripneumonia ipsis familiaris. Patet item, quanta circumspectione sit opus, dum de repetenda in senibus missione sanguinis agitur quæstio?

460. Surgit in utero matris corpus humanum e nihilo quasi ad magnitudinem librarum circiter quindecim. Ad alias porro obtinendas libras quindecim non jam sufficiunt menses novem, sed tres pene requiruntur anni, & si his alias insuper libras quindecim corpori infantis addere velis, tempore iterum longiori opus habebis adeo, ut asserere cogamur, corpus humanum tanto velocius capere incrementum, quanto est ortui suo propius.

461. At vero si corpus humanum eo majus admittit augmentum, quo minus abscessit a sua origine, sequi-

quitur, ipsum tanto copiosiori indigere alimento ratione suæ molis, quanto est minus.

462. Verum si homo tanto majori nutrimentorum copia opus habet, quanto est origini vicinior, æquum est, ut tanto etiam major ipsi tunc obveniat. Cum autem ventriculus sit eo minor, visque digerens eo infirmior, æquo homo est junior; necesse est, ut iste tanto frequentius nutriatur, quanto minus abest a suo exordio. Inde est, quod infans noctu etiam poscat alimentum; puer dein non quidem amplius noctu, sed sæpius interdium; juvenis jam minus frequenter puero; vir autem satietur solo prandio in diem integrum.

463. Hinc elucet, quam inique consulant suæ soboli parentes illi, qui isti, adhuc teneræ & juveni, alimentum interdium recusant, aut parcissimum solummodo concedunt; quam dein etiam illi, qui pueros compellunt ad comedendum, dum mensæ assidetur.

464. Appetitus in esculenta non decrescit tantum usque ad ætatem virilem, in qua corporis cessat incrementum, sed deficit semper usque ad vitæ terminum. Nec mirum, quoniam alimenta non sunt solummodo ad cedendum corpori augmentum, verum etiam ad restituendum id, quod singulis diebus deteritur de corpore. Cum autem deficiente ætate sive ingruente senio minus semper præeat de corpore, minor copia sufficit in hac ætate alimenti.

465. Motum porro quod attinet cordis & arteriarum, cui respondent secretiones fluidorum & excretiones, est is: quanto homo plus distat a suo principio, tanto rariores contingunt cordis & arteriarum vibrationes ad finem usque vitæ, tantoque lentior humorum per vasa circuitus; & vicissim eo citior est cordis contractio, quanto homo minus abscessit a sua origine.

466. Tardior ista arteriarum vibratio in senibus significat nobis medentibus, pulsum arteriarum in decrepitis, qui est paullum celerior organico, vehementiorem indicare febrem; quam multum etiam velox in juvene & puero, versarique senem cum pulsu non admodum cito in majori discrimine, quam puerum cum pulsu celeri.

467. Variat non minus liquidorum determinatio in diversas corporis partes ratione ætatis, estque alia in juvene, alia in viro, in senectute inchoata, & denique alia in ætate decrepita.

468. In ætate prima usque ad pubertatem feri humores ad caput, docet frequens in puero narium hemorrhagia, ruber faciei color, & genarum pinguedo. Causa hujus determinationis facile colligitur ex eo, quod caput usque ad pubertatem excedat amplitudine ceteras corporis partes. Sunt præterea humores in hac ætate tenues & facile in altum tollendi.

469. Post pubertatem derivantur fluida corporis quædam in sexu virili, in muliebri autem fere omnia, quæ hætenus præter necessitatem pellebantur ad caput, in partes genitales. Hinc adolescentibus remittit, puellis vero puberibus cessat penitus narium hemorrhagia, fitque ejus loco in illis secretio spermatis; in istis autem fluxus menstruus.

470. In ætate deinde media, in qua omnia corporis vasa plenam suam firmitatem sunt adepta, minusque jam cedunt nimie humorum copię, necesse est, istam premi in viscera corporis minus resistantia, quale præcipuum est pulmo in viris, & ut aliqui volunt, uterus in mulieribus. Inde inferendum est, humores in viris determinari ad pulmones.

471. Confirmatur hæc fluidorum determinatio per id, quod hemophthisis, peripneumonia vera, phthisis, pleura, & similes morbi incidant potissime in ætatem mediam; atque per id, quod, docente experientia, sputum cruentum sit minus periculosum, minusque frequenter abeat in supurationem pulmonum in adolescente, quam in viro.

472. Superata ætate virili evadunt humores, veluti meminimus, plus semper mucosi, frigidi, minusque elásticos, cordis quoque vis fit debilior. Unde necesse est, majorem, atque prius, humorum copiam labi in aortam descendantem. His si adjunxerimus, majorem esse in senibus vasorum rigiditatem, minusque frequenter, quam antea, corpus moveri in hac ætate, & similia alia, concipimus, humores debere majori co-

pia feri in inferiores corporis partes, in eisque diutius commorari, in pedibus nempe, dum jam deficiunt pedetentim vires organismi incrementum senio.

473. In ætate demum decrepita observamus, magnam frequenter aggregari sanguinis copiam in partibus urinariis & hæmorrhoidalibus adeo, ut generatim fere sit adstruendum, fluidorum determinationem in ætate suprema esse ad partes nunc nominatas.

474. Præter commemoratas hucusque fluidorum solidorumve mutationes, quas subit organismus per decursum suum a principio ad finem usque juxta diversam ætatem, contingunt aliæ quoque, magis adhuc repentinae, notatu dignissimæ.

475. Vult quidem Celsus, organismum hominis subito & valde simul permutari primo circa diem ætatis quadragesimum, deinde mense septimo, tum anno septimo, maxime autem tempore pubertatis; Alii vero existimant, organismum quolibet septennio per universam hominis vitam in alium converti subito statum. Verum mutationes istæ, si eam, quæ in pubertatis tempus incidit, excipias, non sunt adhuc satis demonstratæ, ideoque prætermittendæ, usque dum magis patuerint.

476. Quanto levioris autem momenti sunt mutationes, quæ minus connotabantur hætenus, tanto majoris est illa, quæ accidit tempore pubertatis. Est enim ista tanta, ut ipse jam Hypocrates pro certo statuerit, morbos pertinaces, uti Epilepsia & similes, si per mutationem organismi, quæ ipsi obtingit in pubertate, non fuerint radicitus, evulsi, per omnem reliquam permanere vitam.

477. Effectus, quos mira hæc mutatio inducit in organismo, præcipui sunt sequentes: Humores, qui antea ferebantur ad caput, diriguntur nunc in partes generationi dicatas; Partes istæ ab allatis fluidis explicantur penitus, & distenduntur; Secernitur in eis sperma in adolescente, & liquores ad generandum necessarii in muliere; Cessat frequens narium hæmorrhagia, dolor capitis, dentium, & similes affectiones capitis; Eorum loco nascitur dolor in puella lumborum

ceteraque confurbationes, quæ menstruationem comitantur; sit viri cupida; juveni succrescit barba; perit vocis clangor, & plura hujusmodi. Majus præterea accipit non raro puer puellaque tunc duorum mensium spatio incrementum sui corporis, quam prius per annos plures.

478. Causam vehementis prorsusque admirandæ hujus mutationis organisini, per quam sæpius, testantibus pluribus exemplis, congeniti & ad omnia rebelles morbi feliciter sunt radicitus deleti, nemo, judico, perspexit hucusque.

479. Mutationibus istis adjungenda est ea, haud quoque spernenda penitus, quæ mulieribus, opipare viventibus; & sedentariam simul vitam colentibus frequentens est ætatis tempore, quo menstrua finire cessant. Siquidem sanguis, qui prius expellebatur per uterum superfluous, retentus deferitur ad vasa hemorrhoidalia, pedes, caput, aliasque corporis partes, diversarum affectionum auctor.

480. Recensita hucusque abunde declarant, maximas organisinum per vitæ decursum perferre permutationes tum in vasis, cum etiam in humoribus, inque istorum determinatione, atque motus velocitate adeo, ut adstruendum sit, hominem in qualibet ætate habere organisinum mutatum.

481. Quantum intersit, ut medicus expositas nunc organisini conversiones quoad ætatem diversam rite cognoscat, reminiscaturque in quibusvis suis ægrotis; quam capropter etiam sit utile, eas in capitulum congestisse, neminem latere potest.

482. Pertractatis iis, quæ ad mutationem pertinent, quam unaquaque ætas inducit in organisinum, videamus, quid quælibet potentia valeat, efficiatque juxta ætatem hominis diversam.

483. Potestas organisini. secundum variam ætatem æstimata, in naturam, animam, & heterogenea est prorsus, veluti omnibus notum est, diversa. Sic debilis infantis organisinus cogit naturam ad perficienda singularia; vincit deinde vis digerens in puero mucositatem

tatem lactis, acescentem fructuum horrhæorum indolem &c quam ventriculus senis non superat amplius.

484. Si effectus naturæ in contemplationem vocamus, quos ea exercit ratione ætatis disparis, licebit jam ante istorum disquisitionem opinari, eos, tanquam effectus tutricis sanitatis & vitæ, debere esse alios in fœtu, alios in infante, puero, juvene, viro, & in senē.

485. Inter effectus, quos natura exequitur in embryone, videtur etiam esse iste, quod ei, in aquis uterinis natanti, talem tribuat situm, qui dein ipsi evadit maxime commodus ad prodeundum in lucem. Naturæ adscribo effectum istum propterea, quod est ad facilitandum partum, conservandum utpote infantem, quod tutricem generis humani convenit; item, cum situs hicce fœtus sit generalis ac omnibus pene communis; & denique idcirco, quod a nulla causa corporæ, quantum mihi invenire licet, possit derivari.

486. Infans recenter genitus compellitur a natura ad petendum ejulatu cibum; scit, eadem concitante, istum ex uberibus nutricis esse depromendum; scit, hac ipsa docente, lac sugendi modum; movet, eadem instigante, omnia dum fasciis non stringitur, sua membra, ut circuitum promoveat humorum in vasis &c.

487. Ex hac ultima naturæ actione intelligimus, quam sit noxium, fasciis semper constrictum esse infantem; & vicissim quam salutare corpori ejus, libertatem motus concedere sæpius membris.

488. Pueris & adolescentibus ejicit natura cruorem superfluum per ruptam in naribus arteriolam; in puellis post pubertatem inducit fluxum menstruum; suscitatur appetitiones rerum, quæ tenues conservant liquores corporis, ut fructuum horrhæorum, rerum dulcium, & similium attenuantium.

489. Viri, movente natura, delectantur cibis duris, carnibus, nonnunquam acidis, putredini adversantibus; sunt autem minus cupidi fructuum horrhæorum, qui fluida attenuant, minus lacticeorum, ac eorum, quæ juvenibus sunt oblectamento.

490. Senibus porro parit natura aversionem omnium, quæ refringerant, aut plus mucosos efficiunt humores inquilinos; ingerit autem cupiditatem leniter stimulantium, ut vini, & quæ sunt generis istius.

491. Vim animæ in suum organifinum, ceterasque potentias variare quoad ætatem diversam adeo clarum est, ut nulli sit ignotum. Cum enim per organa sui corporis debeat operari, evidens est, vim ejus cum ætate crescente suum capere incrementum usque ad statum virilem, cumve eadem, rigescantibus videlicet sensim vasis minimis, debere iterum pari gradu imminui ita, ut tandem homo fiat iterum judicio similis puero, sive secundo puer.

492. Maxima igitur vis ratiocinantis animæ est in ætate media & in ingressu in senectutem, antequam scilicet vascula minora obstruuntur. Quantumvis itaque juvenes adeo sibi ipsis complacent in judicando, ut nulli cedere velint, sunt attamen semper tanto levioris ingenii, quanto se ceteris sapientiores arbitrantur.


493. Differt dein quoque memoria, differuntque organa sensuum externorum ab internis ratione ætatis. Quoniam vis perceptionis objectorum & memoria, sive nervi sensuum externorum & medulla cerebri, in qua fiunt impressiones imaginum objectorum, & in qua memoriam locatam esse animus, tanto vehementiores admittunt impressiones, quanto sunt molliores, sive in junioribus. Hoc est: Quantumvis potestas animæ judicantis maxima sit in ætate virili, est tamen facultas percipiendi ideas rerum, & eas memoriæ mandandi major in ætate juniore.

494. Pathemata quod attinet animi, in infantia & pueritia principatum tenet metus; huic succedunt gaudium & spes; in adolescentia, metu remittente, insurgit spes cum gaudio; in ætate porro virili dominantur ira, amor, aut tristitia; deficiente vero ætate deficiunt una vires animæ, gratas & ingratas ideas sibi repræsentantis, veluti omnes ceteræ ejus facultates.

495. Heterogeneorum vini in potentias reliquas esse pro ætatis varietate non minus diversissimas, notum

tum est pariter omnibus: Inde est, quod Pathologia in propinandis remediis ceterisque disponendis jubeat maximam in ægris habere animadversionem ætatis.

496. E recensitis patent rationes, cur infantibus noceant copiosa farinacea non fermentata? Cur juvenibus vina; viris autem & senibus lac? Cur puer aptior sit ad condiscendas linguas & ea, quæ sunt memoriæ; quam vir? Cur puer admodum enervetur per studia & scientias, quæ spectant ad judicium? Cur incrementum judicio imminuatur memoria? Cur pueris frequens corporis motus sit salutaris? Cur juvenibus profit alvus laxior; senibus vero strictior? Cur juvenibus & viris noceat aer ambiens, si multum caleat; conducat autem frigidus; & ex adverso senibus?



CAPUT SECUNDUM.

DE

ALTTERA CAUSA PRÆDISPO- NENTE, QUÆ EST SEXUS DISPAR.

- | | |
|---|---|
| <p>497 Discrepat Organismus quoad sexum.</p> <p>498 Hinc duplex est genus humanum.</p> <p>499 Quam ob rem variant vires potentiarum ratione sexus.</p> <p>500 Differt corpus virile a muliebri in ipsis etiam partibus communibus.</p> <p>501 in ossium videlicet firmitate,</p> <p>502 eorundemque conformatione,</p> <p>503 vasorum robore,</p> <p>504 humorum tenuitate,</p> <p>505 & corporis calore.</p> <p>506 Unde vir in acutis periclitatur magis, quam mulier.</p> <p>507 Discrepat pariter propter æquilibrium,</p> <p>508 perque fluidorum motus celeritatem,</p> <p>509 adeoque etiam per articularum vibrationem.</p> <p>510 Est præterea digestio melior in viro.</p> <p>511 Quare mulier non est</p> | <p>in morbis compellenda ad sumendos cibos.</p> <p>512 Varia est æque respiratio quoad sexum</p> <p>513 & sanguificatio,</p> <p>514 atque fluidorum determinatio.</p> <p>515 Hemorrhoides in viris non sunt comparandæ cum fluxu muliebri.</p> <p>516 Variant dein etiam secretiones ratione sexus.</p> <p>517 Quocirca fit mulier facile plethorica,</p> <p>518 facileque perfert sanguinis missiones.</p> <p>519 Differt vlr per spermaticum quoque liquorem a muliere,</p> <p>520 quamvis ista etiam conficiat similem.</p> <p>521 Hinc est, quod matrimonium utriusque sexus teneris sit nocumento.</p> <p>522 Examinemus jam fluxum menstruum.</p> <p>523 Quatuor sunt de hoc Authorum sententiæ,</p> <p>524 quarum prima est plethora universalis,</p> <p style="text-align: right;">525.</p> |
|---|---|

- 525 altera singularis uteri,
 526 qualis semper contin-
 git tempore menstruatio-
 nis.
 527 Videamus autem, num-
 ea sit fluxus menstrui
 causa?
 528 Verum non potest ha-
 beri pro causa, cruo-
 rem expellente,
 529 neque pro causa pe-
 riodi.
 530 Quare deflectunt ali-
 qui ad œstrum venereum.
 531 sed nec istud satisfacit.
 532 Hinc clarissimus Astruc
 533 adducit præterea li-
 quorem quempiam lacti-
 formem,
 534 tanquam menstruatio-
 nis causam.
 535 Verum neque is vide-
 tur sufficere.
 536 Non reddit enim ra-
 tionem periodi,
 537 Neque gaudet vi sangui-
 nem ex utero expellente,
 538 Nec dat rationes sym-
 ptomatum.
 539 Unicus subcruentus be-
 stiarum fluxus elidit re-
 censitas hætenus senten-
 tias,
 540 ipsaque uteri plethora.
 541 Causa hujus fluxionis
 adferenda
 542 quinque postulatis de-
 bet satisfacere.
 543 Examinemus primo in-
 dolem sanguinis menstrui:
 544 Optimus hic dicitur ho-
 die ab omnibus,
 545 & malus asserbatur
 olim.
 546 Videtur autem esse bo-
 nus in gravidis, & ma-
 lus in non gravidis.
 547 Inquiramus jam in cau-
 sam menstruationis.
 548 Semen vegetabilium est
 utero fecundo simile;
 549 Cotyledones ejus præ-
 bent nutrimentum plan-
 tæ,
 550 e terra attractum,
 551 & prius elaboratum:
 552 Similia observantur in
 utero fecundato.
 553 Siquidem etiam iste
 perficit magis suum san-
 guinem,
 554 quod ipsa uteri fabri-
 ca credere suadet,
 555 imbecillisque confir-
 mat mulier,
 556 mammarum quoque in
 gravidis intumescencia,
 557 atque albumen ovi,
 calore foti.
 558 Uterus ergo fecundus
 educit e suo sanguine
 liquorem nutrientem,
 559 ejusque tanto majorem
 copiam, quanto major est
 sanguinis in eo quantitas.
 560 uti desumere licet e
 muliere tenera & simul
 gravida,
 561 cui ipsi liquor hic nu-
 triens

- triens est utilitati,
 562 sicuti etiam ægrotan-
 ti,
 563 cujus cuncta, edito
 partu, revertuntur mala.
 564 Confirmatur hoc asser-
 tum magna lactis nutri-
 cum copia.
 565 Verum si uterus fe-
 cundus elaborat liquo-
 rem, idem perficit ute-
 rus quoque non grvida-
 tus.
 566 Est autem liquor iste
 ad fætum solummodo nu-
 triendum destinatus.
 567 Hinc debet coacerva-
 ri in utero mulieris non
 gravidæ,
 568 stagnansque corrumpi.
 569 atque fluxum induce-
 re mulierum.
 570 Inde jam liquido con-
 stat, cur sanguis men-
 struus in non gravidis
 sit malæ indolis?
 571 Si quis quæsierit ex
 me, cur hic liquor non
 nutriat mulierem non
 prægnantem?
 572 Respondebo, quod est
 tenacis indolis,
 573 qualis est albumen ovi.
 574 Causa hæc menstruatio-
 nis satisfacit supra dictis
 quinque postulatis,
 575 datque rationes sequen-
 tium, cur uterus non fiat
 illico post fluxum rur-
 sum plethoricus?
 576 Cur vasa hemorhoida-
 lia sæpe, simul turge-
 scant?
 577 Cur uterus ipse se con-
 stringat tempore men-
 struationis?
 578 & quidem universus?
 579 cur fluxus quarumpiam
 sit copiosus?
 580 multisque stipatus sym-
 ptomatibus?
 581 in eadem muliere sæpe
 variantibus?
 582 cur fluxio hæc emanat
 in morbis?
 583 cur concipere possit
 mulier, etsi nunquam
 fluxum istum fuisset per-
 pessa?
 584 cur sufficiat interdum
 fluxio liquoris albi?
 585 cur venæsectio sæpe
 noceat retentis menstruis?
 586 inde liquet, quæ flu-
 xum istum promovent,
 587 desumiturque causa flu-
 xus immodici,
 588 atque cur in hoc ob-
 sint sæpius adstringentia?
 589 & redditur ratio pe-
 riodi,
 590 cognoscimusque reme-
 dia emmenagoga,
 591 atque e converso, quæ
 fluxum inhibent,
 592 inter ista est pariter fe-
 bris.
 593 Ex hac nostra opinione
 deducitur quoque causa-
 multorum symptomatum,

- | | |
|--|--|
| 594 tum præcedentium, | 608 expellitque non raro materiem morbi per uterum. |
| 595 comitantium, | |
| 596 cum etiam sequentium. | 609 Si us fœtus in utero est naturæ pariter adscribendus. |
| 597 Simile aliquid videtur etiam esse causa fluxus uterini in bestiis. | |
| 598 Liquor nutritius discrepat ab œstro venereo. | 610 Subvenit ea parturientibus quoque, |
| 599 Unde liquet, cur fluxus menstruus cesset in effætis? | 611 quarum adauget vires, |
| 600 sitque signum fecunditatis? | 612 cumprimis fœtu mortuo; |
| 601 Cur item symptomata in effætis sint diversa a ceteris? | 613 succurrit dein etiam nutriticibus, |
| 602 atque aliorum desumitur ratio. | 614 inducitque febrim lacteam, |
| 603 Examinandæ jam sunt potentiæ quoad sexum. | 615 & determinat chylum ad glandulas mammarias. |
| 604 Natura exerit effectus alios in pueris, & alios in puellis, | 616 Variat pariter vis organismi quoad sexum, |
| 605 atque alios in adultis sexus disparis. | 617 atque etiam animæ. |
| 606 Effectus isti elucent adhuc magis in bestiis | 618 Sunt enim sensus externi acutiores in femina, |
| 607 Varia est etiam actio naturæ propter discrepantiam vasorum genitalium, | 619 ipsaque memoria; |
| | 620 vis autem judicandi est fortior in viro. |
| | 621 Varia est demum æque potestas heterogeneorum. ratione sexus. |





CAPUT SECUNDUM.

D E

VARIA ORGANISMI CONSTI- TUTIONE RATIONE SEXUS.

497. **S**tatuit Divina rerum Providentia in augendo humano genere, ut e copula duorum hominum resurgat tertius sive novus. Hinc fuerat necesse, duobus istis dispares dedisse organismi partes, generando novo homini dicatas.

498. Discrepantes istæ organismorum partes, quas comperimus in hominibus, effecerunt, ut gentem humanam, universe sumptam, dividamus in classes ac genera duo, in masculinum videlicet & femineum.

499. Cum organismus viri habeat partes, quibus destituitur organismus mulieris; iste autem sit instructus organis, quibus non ille: sequitur, debere vires quoque potentiarum differre ratione diversarum harum partium, sive ratione sexus.

500. At vero præterquam, quod machina corporis utriusque sexus sit peculiaribus instructa partibus, est & id, quod duæ istæ machinæ in ipsis etiam partibus, utrique sexui communibus, & in toto fere corpore non medioerem habeant differentiam, animadversu dignam.

501. Prima, quæ observatur in partibus communibus discrepantia, consistit in ossium firmitate. Est enim robur ossium corporis virilis longe majus, quam sit ossium corporis muliebris.

502. Differt dein organismus mulieris a virili in ossium conformatione. Quoniam ossa pelvis sunt multo ampliora, & plus extrorsum pateptia in muliere; quam

quam in viro. Os quoque sacrum est plus extrorsum
sexum in illa; quam sit in isto.

503. Tertium organismorum ratione sexus discrimen situm est in vasis, quæ sunt minora diametro, magisque laxa in corpore muliebri; quam sint vasa corporis virilis. Sunt item muscoli mulieris minus fortissimi, minusque tenaces, quam muscoli in viro.

504. Differentia quarta, quæ consistit in humoribus, facile intelligitur ex præcedente. Cum enim vasa corporis muliebris sint plus tenera & diametro minora, quam ea corporis virilis; sequitur, humores quoque debere esse tenuiores & minus compactos, quam sint humores in viro.

505. Ex solidorum laxitate humorumque majore tenuitate in muliere desumimus quinto, corpus femineum esse minus calidum corpore virili, difficiliusque eum caloris gradum obtineri posse a muliere, quem facile recipiscitur vir in suo corpore.

506. Hinc clarum est, virum in acutis inflammatoriis magis multo periclitari, ocyusve affici a causa putrida, epidemice regnante, pluraque in morbis perire acida; quam feminam.

507. Excedunt sexto humores sua vasa coercendi in organismo muliebri adeo, ut jure dicere possimus, vix unquam rectam existere æquilibrationem inter solida & fluida in muliere, quale frequens est in viris; sed fere semper solida superari a fluidis.

508. Minor vasorum omnium adeoque etiam corporis capacitas, conjuncta cum magna humorum copia, in corpore femineo indicat differentiam septimam, corporis nempe & arteriarum vibrationem esse in hac & debiliorem, & simul celeriores illa, quæ contingit in corpore viri; quapropter fluidorum quoque circuitum esse velociorem in muliere; quam sit in viro.

509. Inde colligimus, ad febrem determinandam, cognoscendumque ejus intensitatis gradum maximam esse animadversionem habendam sexus, atque febrem in viro sub pulsu longe tardiore in majorem conscendere gradum; quam in muliere sub pulsu veloci.

510. Si vasa corporis feminei sunt plus tenera, magisque laxa, & viscera ipsa minora, humores quoque minus compacti, minus calidi, quam in viro; necesse est octavo, digestionem ingestorum esse pariter in ista viribus minorem; quam sit in viris.

511. Ex hac observatione inferimus, mulieres debiles, aut ex gravi morbo infirmas minus esse cogendas ad sumendum cibum, quam viros, illasque tene-rioribus alendas, quam istos.

512. Nonam advertimus dissimilitudinem inter organis-
mos sexus in respirationis negotio. Quoniam re-
spiratio in viro peragitur plurimum per abdomen; in
muliere autem, cujus pectoris ossium compages minus
firma est, sed mobiliior; quam in viro, plus absolvi-
tur per contractionem & dilatationem pectoris, quam
abdominis.

513. Liberior ista mulieris respiratio videtur signi-
ficare decimo, humores in feminis facilius trajici per
fines vasorum pulmonalium, quam in viris, adeoque
sanguificationem esse meliorem in illis, quam in istis.

514. His insuper est fluxus mulierum menstruus,
qui undecimam indicat organisinorum discrepantiam,
consistentem in fluidorum determinatione diversa, quæ
est in corpore femineo ad uterum, qualis non contin-
git in viris.

515. Est fortassis aliquis, qui fluxum hemorrhoi-
dum, qui interdum etiam menstruus est, in compara-
tionem ducit cum fluxu hoc muliebri, atque inde ar-
guere vult, parem in viris accidere humorum deter-
minationem, ad partes scilicet corporis hypogastricas;
Verum is animadvertat, fluxum hemorrhoidalem esse
semper morbosum, adeoque nunquam fluxioni sangui-
nis muliebris assimilandum.

516. Demonstratum præterea est, feminam minus
transpirare; quam virum. Observatio ista cum fluxu
cruroris uterini docet evidenter, variare decimo orga-
nismos ratione sexus, in secretionibus videlicet & ex-
cretionibus.

517. Cum sanguificatio sit melior in muliere, at-
que etiam perspiratio parcior; quam in viro, facile
est

opinari, unde seminae, quamvis aliquæ pauca sunt nutrientia, tantam nihilofecius obtineant in finis menses humorum copiam, ut magnam semper jacturam absque virium dispendio facere queant? que non obstante hac jactura eam nihilominus multæ aggregent fluidorum quantitatem, quæ excedit solida, augetque plethoram?

518. Plethora hæc merito reputanda est causa, quod mulier multo vehementiores perferat sanguinis effusiones; quam vir, tardius ideoque tollantur in morbi a plethora procreati; quam in viro.

519. Discrepat dein etiam organisinus viri ab organo mulieris per liquorem illum, in viri solum genitalibus perfectum, quem sperma nominamus, humanum complectens rudimentum. Quippe communi sententia definitum est, universum hominis primum spermate virili contineri, nihilque de eo restare in femina.

520. Quantumvis autem verum sperma humanum in corpore femineo, videtur tamen in quoque fecerni liquor aliquis, isti similis, si rudimentum excipias hominis, illo contentum, tam videlicet dives spiritibus vitalibus, quam fere est humor viscosus. Hic etiam videtur esse causa æstri venerei in muliere, quemadmodum est in viro, excernique tempe copulæ in illa, sicuti excernitur in isto. Corroborat hunc sensum id, quod femina non minus, atque vir, per frequentiores complexus venereos enervetur, quæ plures adeo enervatas fuisse constat, ut viribus exhaustæ interierint.

521. Liquor iste, spiritibus nerveis ditissimus, & communibus utriusque sexus hominibus communis, qui juvenibus, matrimonii fœdere conjunctis, immoderate se diffunditur, est nobis argumento, plenam esse vitæ discrimine potestatem, quæ sit utriusque sexus juvenibus, ineundi matrimonium. Quandoquidem exempla pene quotidiana abunde testantur, ejusmodi vires adeo debilitari, ut reliquum suæ vitæ in languore transigant. Frequens hæc liquoris omnium optime excretio in matrimonio videtur esse quoque ratio, quod

quod viri in hoc constituti minus apti sint ad studia majora, si tamen sanitati suæ consulere velint?

522. Post expositam differentiam, quæ intercedit inter organisinos sexus disparis, explorandæ forent vires potentiarum quoad hanc differentiam. Verum cum peculiarem aliquem conceperim sensum, a ceterorum Physiologorum opinione discrepantem, de miro illo, qui multas sæpius facessit nobis medentibus molestias, fluxu mulierum menstruo, ipsum brevibus exponere prius in animum induxi.

523. Quatuor sunt præcipuæ de hoc fluxu Authorum sententiæ: Aliqui itatuunt pro ejus causa plethoram corporis universi; Alii vero eam solius uteri; Huic addunt aliqui œstrum venereum, ut causam, quæ uterum cruore scatentem pellicit ad sui contractionem; Postrema demum sit celeberrimi Astruc.

524. Prima medicorum opinio adeo jam est destituta fautoribus, ut vix supersit, qui ipsam retinisset; quum sit exploratum, mulieres pariter, in quibus inanitio potius, quam humorum notatur abundantia, hunc perpeti fluxum. Quapropter sententiam istam non ultra impugnandam esse judico. Si quis tamen plura adversus eam deponit argumenta, is illa, quæ contra plethoram uteri singularem mox adferam, huc revocet,

525. Ad hanc sive peculiarem uteri plethoram, quæ altera est Physiologorum opinio, quod attinet, ea tanto pluribus gaudet assertoribus, quanto pauciores conservavit prior, tantis videlicet, ut pene omnibus hodiernis.

526. Aggregari sanguinem in utero ante tempus menstruationis, plethoram ideoque singularem (si tamen plethoram compellare placet) uteri vere contingere, modo majorem, modo minorem in quibusvis sive etiam in non plethoricis mulieribus in menses singulos, docet anatome in feminis ante hunc fluxum mortuis instituta. Hinc quæstio, num uterus fiat plethoricus ingruente menstruationis tempore? dimittentem prorsus arbitror.

527. Constituto autem eo, quod sanguis aggregatur pedetentim in uteri vasis diebus fluxum menstruum præcedentibus, semperque hoc irrumpente adsit in isto plethoræ species, disquirendum est, utrum hæc plethora possit assumi pro causa expulsionis collecti cruoris, & simul pro causa periodi? sive utrum tanquam menstruationis causa possit, debeatque considerari?

528. Sanguis, dico, qui appropinquante fluxu congregatur in utero, non videtur posse conservari pro causa, uterum ad sui contractionem proritante. Quoniam *1mo* sanguis, qui profluit, dicitur ab omnibus pro die physiologicis optimus ac cetero simillimus, minime itaque acer & irritans uterum, qualis atamen esse deberet; *2do* Est is interdum adeo modicus, ut vix plethoram inducat, quare deberet ab utero multum; ut ajunt, laxo absque omni injuria diu, id est, in solutes menses posse retineri. *3tio* Quantumvis concedamus, tantam sæpe nasci in utero plethoram, ut vasa ejus multum distendantur, non cogimur nihilominus admittere, uterum ab hac sanguinis copia concitari ad se constringendum. Siquidem uterus non se finit exaggitari a maxima etiam sanguinis boni copia, quam sæpe suis vasis complectitur, veluti clare apparet in mulieribus gravidis. *4to* At demus insuper, uterum se contrahere propter nimiam contenti sanguinis copiam, rogo, cur sanguis iste non reprimatur cum reliquo revertente in circulum, quum uteri tunc contractio sit lenta & haudquaquam repentina?

529. Verum nec videtur plethora hæc uteri esse causa periodi. Nam *1mo* deberet fluxio ista esse non paucis solum, sed multis diebus mense maturior, immo paucis, postquam remisit, rursus redire diebus mulieribus plethoricis, & quarum corpus universum, adeoque etiam uterus, scatet humoribus. *2do* Mutaretur quoque fluxus iste in feminis, quæ vivendi generis permutant, ita ut in illis, quæ antea parce viverant, nunc vero laute vescuntur, multo citius reverteretur, quam antea; & ex adverso in iis, quæ prius opiparam ducebant vitam, nunc vero ad incitæ redactæ sunt, multo tardius, quam prius, contingeret.

3^{io} Uterus per gestationem semel distentus majorem deberet, atque antea, perferre posse sanguinis copiam, fluxus idcirco post gestationem non amplius fieri menstruus, sed longe tardior. 4^{to} Posset, sicuti quævis aliarum corporis partium plethora singularis, si non anteverti penitus per venæsectiones, saltem in longius protrahi temporis intervallum. 5^{to} Varium vitæ regimen, in unaquaque fere muliere peculiare, dispar quoque animi corporisque temperies, & similia multum variarent fluxum menstruum, ipsamque ejus everterent periodum. 6^{to} Non est unica singularis in corpore nata plethora, quæ continuo, atque nata est, servaret periodum & imprimis menstruum: Omnis victu lauto acceleratur; & contra eo parco, curis & laboribus prorogatur.

530. Medici, qui œstrum venereum volunt esse causam hujus periodi, ajunt, mensis potissimum spatio eam colligi in femina materiæ venereæ copiam, quæ sufficit ad pelliciendum uterum ad sui contractionem. Huic autem sensui obstant sequentia:

531. Si periodus fluxionis istius œstro venereo foret adscribenda, sentirent 1^{mo} plethoricæ & copiosis quotidie pastæ frequentissimum hunc fluxum; egestate vero pressæ rarissimum. Siquidem multa fit, ut norimus, dictæ nunc materiæ in illis elaboratio & secretio; in istis vero pauca: 2^{do} Lascivæ pariter citiorem perciperent eum; quam in curis perpetuis & ærumnis, quæ generationem hujus materiæ admodum inhibent, versantes. 3^{io} Mulieres deinde, per fortium virorum consortium debilitatæ, omni proinde sua veneris materia spoliata, hocce penitus carerent fuxu: Denique 4^{to} mulieres, quæ frequentiori commercio cum viro sunt assuetæ, si abstineant hoc usu post discessum a se maritum, vel eo mortuo, citius longe, quam antehac, menstruant propter copiosi liquoris istius collectionem.

532. Oestri veneri loco adfert celeberrimus Astruc materiem lactiformem pro causa tum expulsionis cruoris menstrui, cum etiam periodi, adeoque totius menstruationis, aitque, in vasis uteri vermicularibus flue-
re

re liquorem lactiformem, cujus, ut loquitur, pars tenuior progreditur, & redit in circulum, remanente in nunc dictis uteri vasculis parte spissiore atque coarctante, & postquam, (quod accidit intervallo quatuor communiter septimanarum) in eam conscendit copiam, ut vasa sanguifera sibi adjacentia comprimat, sistit cruorem in suis vasis decurrentem, & subin reprimat in vasorum appendices, in uteri cavum patentes, talique ratione fluxionem istam contingere perhibet.

533. Cessat porro, inquit, fluxus cruoris, quando causa, progressui sanguinis per sua vasa obstandi, ablata est, sive quando ipse quoque spissus liquor lactiformis simul cum sanguine effluxerat in uteri cavum: Emanet autem post menstruationem tamdiu (per quatuor utpote septimanas) usquedum novus rursus justæ quantitatis liquor lactiformis spissus fuerit in suis vasis congregatus.

534. Menstruationis dein symptomata & effectus derivat ab eodem liquore spisso ac premente, vultque ipsum esse, qui modo præcedit, modo sequitur fluxionem sanguinis; qui, revertens in sanguinem circumferentem, istum suo inquinat calore, ut apparet in chloroticis; qui in pectore oppressionem, in capite dolorem &c. adfert: Eundem sæpius arguit immodici, inordinati, & retenti hujus fluxus reum, si videlicet nimia spissitudine aut tenuitate peccet: Hunc ipsum dicit etiam esse causam, quod fluxus increseat in diem tertium, & post istum decreseat iterum, quia nempe, ait, major aggregatur dicti liquoris copia in diem usque tertium, post quem emulgetur ipse quoque una cum sanguine, & similiter de ceteris effectibus.

535. Verum enim vero, si explicationem istam acute intuemur, comperimus eam multis & maximis irritam esse difficultatibus, opinor. Siquidem liquor adstructus lactiformis neque, ut mihi videtur, pro causa periodi, neque pro causa expulsionis cruoris ex utero, neque etiam pro causa multorum effectuum & symptomatum potest statui.

536. Non pro causa periodi: nam si per otiosum & simul opipare vivendi genus quilibet liquor inquinus

increfcit copia; per vitam autem egeftate & ærumnis preffam parce & tarde generatur, accidet id quoque humori lactiformi. Atfi ifte per multos cibos augetur, & contra per inedia inihibetur, aut faltem retardatur, deberet in prioris claffis mulieribus fluxus ifte contingere mense longe citius, & in alterius claffis feminis longe tartius, adeoque vix unquam effe periodicus five menftruus, veluti de plethora argumentabamur. Si præterea periodus proveniret a fpiffitudine dicti liquoris lactiformis, quis non exiftimet, eum debere citius infpiffari in mulieribus ficcis, & tenaces humores habentibus, quam in iis, quarum fluida funt admodum tenuia, adeoque etiam fluxum ocysus in illis, & contra tardius multo redire in iftis? Quis dein non quoque opinetur, poffe per copiofa folventia, diluentia, balnea, & fimilia diffolvi tenacitatem liquoris lactiformis, atque fluxum aut in longius tempus retineri, aut prorfus anteverti?

537. Neque deinde videtur poffe commemoratum humorem lactiformem conftitui pro caufa, fanguinem ex utero exprimente. Nãm imo. liquor ifte non eft acer, non coget proinde vafa fua, in quibus moratur, ad contractionem, adeoque ad fui expreffionem. Permaneret itaque in vafis, in quibus ftagnat, immotus diutiffime, eaque obftrueret inftar alius liquoris fpiffi: Et fi propterea foret caufa fluxus menftrui, iftum confervaret, quamdiu ftagnat. 2do. Refert Cel. Author, vafa, quæ liquorẽm lactiformem continent, fe ocysus sæpe aperire, citiusque humorem fuum effundere, quam vafa fanguifera fuum fanguinem, veluti fluxus liquoris albi, fanguineum non raro antecedens, indicat. Verum fi vafa dicti liquoris vermicularia jam ante fluxum fanguinis deplentur, ceffat caufa premens vafa fanguifera, aut faltem minuitur jam ante ipfum fanguinis effluviũ. Hoc pofito, nulla fequeretur amplius, ablata videlicet caufa exprimente, fluxio fanguinis, multo minus augeretur. 3tio. Eft lactiformis hic liquor minus compactus, quam fint globuli fanguinis. Hinc in compreffione vaforum fibi contiguorum mutua, quorum aliqua ferunt fanguinem, & alia hu-
morem

morem lactiformem, ratio suadet credere, liquorem istum, minus utpote compactum, debere potius cedere pressioni liquoris plus compacti, sanguinis nempe; quam iste actioni illius: Quo statuto promovebit sanguis potius humorem lactiformem, moram in suis vasistrahentem, quam ut iste sanguinem in angustiora multum vasa reprimat.

538. Haud denique videtur liquor hicce symptomatum, quæ menstruationem comitantur, aliorumve ad eam pertinentium plenam reddere rationem. Cur nempe hemorrhoidalia simul vasa, etiam in non plethoricis mulieribus, turgeant aliquando tempore instantis fluxionis menstruæ? Cur universus tunc quoque in multis perturbetur humorum circuitus, nascaturque singularis, quam uterinam appellamus, febris? Cur magna sæpe profluat sanguinis copia sive tanta, ex qua arguere convenit, universum se fortiter contringere uterum? Cur verus sanguis, & non humor lactiformis, expellatur per nares, aures, pulmones &c dum natura liberat mulierem a suis molestiis, per retentum fluxum menstruum inductis? & sic alia, brevitatis causa prætermittenda.

539. Fluxus iste mulierum merito comparandus est cum fluxu mucoso & sæpe subcruento, qui notatur in feminis quadrupedum. In eundem enim finem sunt ambo instituti; uterque significat, feminam esse ad concipiendum idoneam; uterque, si diutius absit, indicat, feminam non esse ad generandum dispositam. Unica, quæ inter fluxum mulieris, & eum bestiarum intercedit discrepantia, est ea, quod ille sit menstruus, magisque cruentus; iste vero minus, & simul rarior. Differentia ista haud obstat, quo minus sit asserendum, utrumque habere causam similem effectricem. Quis est autem, qui eam dicat in bestiis esse inspissatum liquorem lactiformem, aut plethoram?

540. Si dein rationem, cur sanguis aggregetur in utero mulieris revertente fluxus tempore, nascaturque plethora uteri in feminis etiam minime plethoricis, periodum servans? ex aliqua adductarum opinionum depromere

mere velimus, ex nulla earum sufficientem derivare posse, cenfeo.

541. Percensitis resolutisque sententiis, super menstruationis negotio hucusque conceptis, inquiramus jam nos in causam hujus fluxus, ac discutiamus solerter cuncta, quæ ad eum pertinent, an forte causam aliquam vero similem depromere valeamus.

542. Quinque sunt præcipua, circa menstruationis negotium observanda ac requirenda, quibus causa ejus plene satisfacere debet. 1um. Cur aliqua semper generatur in utero plethora ante fluxum in enervatis quoque attamen sanis mulieribus; & non coaccervetur sanguis in utero solum, sed interdum etiam in partibus ei adnexis? 2dum. Quid est, quod universum adigit ad fortem sui contractionem, & contenti cruoris expressionem uterum? 3tium. Cur fluxus eam servat periodum in sanis, ut neque accelleretur multo tempore a cibis copiosis & valde nutrientibus, neque prorogetur in egenis, aut per venam sectam? 4tum. Talis sit causa menstruationis, ut ex hac sine mora eluceat ratio quorumvis effectuum, quæ fluxionem antecedunt, comitantur, & sequuntur; fluxus item imminuti, inhibiti, immoderati, & inæqualis, symptomatumque inde oriundorum, est necesse. 5tum sit deum istud: Causa menstruationis ea sit, oportet, quæ in fluxum quoque uterinum bestiarum derivari possit. sane unica & simplex, quæ his quinque postulatis satisfacit, quibus nulla expositarum, ut vidimus, satisfacit, est rationi plus ceteris consentanea, propriusve accedit ad veritatem. Videamus jam, utrum talem consequi valeamus.

543. Ante omnia oportere judico, examinare indolem sanguinis, num sit bonæ, adeoque reliquo similis, aut potius malæ? Vetustissima hæc quæstio, ac definita quasi, minime erat, scio, expectata multis, quod jam pro evictio & indubitato plerumque habetur, sanguinem istum neutiquam discrepare a reliquo, optimi proinde esse generis. Verum sit mihi concessum ruminare animo & expendere rationes, quæ veteres eo perduxere, ut asseruerint, sanguinem istum deflexisse indole ab altero, noxiumque idcirco esse.

544. Argumenta, quæ pro bono hujus cruoris genio pugnant, sunt ista: Non est ulla *1^{mo}*. ratio, inquiunt hodie Physiologi, qua sanguis menstruus impuritatis alicujus posset insimulari in muliere sana. *2^{do}*. Solerter examinatus exhibet omnes dotes sanguinis optimi. *3^{io}*. retentus in gravidis & lactantibus non unicum dat indicium affectæ cujuspiam partis corporis. *4^{to}*. demum, sanguis iste convertitur in gravidis & lactantibus in optimum nutrimentum tenelli embryonis & infantis, in quod certe nunquam posset transmutari, si ullius acrimoniæ esset particeps.

545. Medici, qui cruorem menstruum noxium esse definiverunt, sequentibus nitebantur rationibus: *1^a*. Retentus in non gravidis & non lactantibus, nondumque effectis certum inducit morbum, & si universos inquinat humores, partem corporis, quam occupat, pessime afficit. *2^a*. Affectiones istæ non tolluntur per repetitas etiam sanguinis subtractiones, etsi omnes aliæ plethora sive universali sive singulari concitatae. *3^a*. Recedunt istæ omnes illico, atque sanguis, qui retinetur, expulsus est quacunque de corpore via. *4^a*. Si remanens in corpore sanguis menstruus admiscetur circulantibus, non generat plethoram, sed cacochymiam. *5^a*. Tametsi cruor in quibusdam feminis sit tam medicus, qui profluit, ut plethoram conformare nequeat, excitat nihilominus interdum symptomata pessima, priusquam excernatur. *6^a*. Quamvis uterus adeo possit dilatari, ut maximam sanguinis copiam absque molestia perferre valeat, quemadmodum observamus in gravidis; non potest tamen paucum, qui sæpius expellitur, sine gravi retinere injuria in non gravidis. *7^a*. Denique, nunquam tantos, ajunt, adhiberet natura conatus in muliere non prægnante ad exterminandum cruorem menstruum remanentem, quos ipsam jam adhibuisse scimus, si noxiæ non foret indolis. Comparandum enim est, sanguinem istum per oculos, aures, gingivas, glandulas salivales, pulmones, vomitum, alvum, renes, mammas, ulcera, hemorrhoides; ruptam in genu, aliisque in partibus cutem &c fuisse expulsum.

546. Si utriusque Medicorum classis argumenta seorsum ponderemus, invenimus, iudico, esse ea ac talia, ut absoluta sententia super bonitate sanguinis menstrui dici nequeat. Quid igitur, ut rectum de eo iudicium ferre valeamus? id, opinor: Conferamus argumenta partis utriusque, & comperimus, ea esse a prioris classis medicis deprompta ex mulieribus gravidis & lactantibus; ab antecessoribus vero nostris ex mulieribus non gravidis & non lactantibus. Hinc concludendum censeo, sanguinem menstruum esse optimum & cetero similem in gravidis & lactantibus; contra vero sive noxium in non gravidis & non lactantibus.

547. Lata hæc de cruore menstruo sententia erat primum, quod me amovit ab opinionibus hucusque propositis, animumque incitavit ad conquirendam aliam causam menstruationis, ad eam videlicet primo comprehendendam, ob quam, sanguis, qui tempore menstruationis expellitur, evadit noxius, qui fuerat antea optimus, quin tamen hæc causa, sanguinem pervertens, existeret in gravidis, lactantibus, aut effætis. Inquiramus jam in causam miræ hujus fluxionis menstruæ.

548. Semen vegetabilium (in hunc modum sum argumentatus) non inepte assimilatur utero animalis fecundo. Cotyledones videlicet ipsi utero; Corculum seu rudimentum plantæ principio animalis concepti; & Hylum, quo corculum jungitur cotyledonibus, atque cujus ope obtinet succum nutrientem ab istis, funiculo umbilicali. Contemplemur nunc modum, quo rudimenta plantæ evolvuntur, & increseunt.

549. Dum Semen terræ mandatur, incipit id primo fieri mollius, & intumescit magis in dies magisque, donec eam natum est molem, ut arilo non amplius coerceri queat, unde isto, quod emolitur simul est, & quasi maceratum in terra, rupto dehiscit semen v. g. faba in cotyledones duos, molles, mole valde auctos, & humore quoque repletos. Explicantur subin plantæ partes, increseitque corculum unum cum cotyledonibus, dimittens rostellum & plumulam, seu figens radices, & elevans plantam. Posteaquam fixæ sunt radices, tanto plus exareseunt cotyledones
pede-

pedetentim, quanto planta majus capit incrementum, usquedum penitus aridi decidant.

550. In hoc observamus, cotyledones attrahere, ut populari utar vocabulo, succum aliquem e terra cingenge, eumque per plures dies suis conservare vasculis, priusquam ipsum tradant per hylum corculo; succum deinde istum, quo corculum explicatur, inque radices & plantam promovetur, generari e communi illo vegetantium alimento, terræ admixto; corculum porro tamdiu accipere nutrimentum suum a cotyledonibus, quamdiu non fixerat radices. At simul, ac inhærent radices terræ, suntque tantæ, quantæ sufficiens alimentum ex ea fugere valent, exsiccantur cotyledones, & cadunt de planta.

551. Si jam in animadversionem deducimus, quamlibet plantam, ut sunt heleberus, hyosciamus, glycyrrhiza, absynthium &c, proprium suum habere succum, quo nutritur unaquæque, existimandum est, corculum cujusvis plantæ non alio liquore explicari posse ac nutrirî, quam humore tantummodo plantæ proprio. Inde conficitur, cotyledones uniuscujusvis plantæ debere universale vegetabilium alimentum, quod e terra sugunt, prius elaborare, & in succum nutrientem, plantæ suæ proprium, convertere, antequam id ad evolvendum & nutriendum corculum dimittant.

552. Uterus similiter fecundatus increfcit in molem duplo majorem, quam antea fuerat, humoribus plenam, priusquam explicantur rudimenta concepti animalis: Continuat subin augeri eadem ratione, qua increfcit embryo in utero, usquedum foetus eam adeptus est conditionem & tantam sui corporis magnitudinem, ut jam ipse ingerenda digerere valeat suis viribus, tumque avellitur a suo cotyledone sive de utero, qui ipsi hucusque subrogavit alimenta. Genito dein animali uterus, dimissis suis, quos adhuc continet, humoribus, revertitur in statum pristinum.

553. Si porro contemplemur teneritudinem vasculorum embryonis animalis primis præcipue mensibus, observamus tantam, ut hæc non, nisi tenuissimos, minime nutriendos, & plene perfectos admittant liquo-

res. Hinc, opinor, quemadmodum cotyledones seminis plantæ transmutant susceptum e terra nutrimentum, crudum utpote, in liquorem plantæ ipsius, cujus est semen; ita in utero quoque animalis confici ex humoribus in eo existentibus liquorem, qui idoneus est ad evolvendum rudimentum & nutriendum embryonem, humorem videlicet tenuissimum & optime nutrientem.

554. Confirmare videtur assertum istud ipsa mira uteri fabrica, tota vasculosa, vasis admirando prorsus modo inter se contextis. Hæc sane non in eum solum finem, ut involucri munus obeat, sanguinemque adductum fætui tradat, & reliquum a nutritione reducat in circulum, sic constructa videtur. Est insuper spissus admodum minusque cetero perfectus sanguis ille, qui ad uterum defertur, unde existimandum est, sanguinem istum; si talis permaneret, ineptum omnino esse explicando primordio animalis, eoque fovendo, & nutriendo, adeoque eum debere magis attenuari, immutari, ac perfici in ipso uteri corpore, antequam embryoni utilitati esse possit: id est; debet ex sanguine, in uteri vasis commorante, elaborari humor quidam tenuissimus & maxime nutriens.

555. Intuemur mulierculam juvenem, teneram, in utero gerentem: Hæc, quæ cibos paullulum copiosiores non digerebat prius, cujusve vix suppeditabant vires in tot ingesta concoquenda, quot necessaria fuerant alendo corpori proprio. Hæc, inquam, muliercula sana & vegeta nutrit nunc, præter corpus proprium, etiam fætum, quem gestat, eumque lautissime. Id clare, judico, demonstrat, in utero potius, quam in ventriculo matris teneræ, confici nutrimentum embryonis & fætus.

556. Observamus præterea in gravidis, glandulas mammarum intumescere, & humoribus distendi, ac disponi ad lactandum infantem. Si porro horum & similium effectuum causam investigemus, opinor, haud eam posse conjici in plethoram. Siquidem in plethoricis non gravidis eadem accidere deberent. Non dein minor pressio, minorque resistentia in mammis dicenda est causa determinantum ad eas humorum copioforum.

Quo-

Quoniam eadem hæc minor resistantia vasorum uberum est æque in non prægnantibus. Humori proinde singulari, qui in gravidarum utero conditur e sanguine allato, sunt effectus isti adscribendi.

557. Cum albumen ovi non transeat in nutrimentum pulli, cujus continet rudimenta, nisi prius per callorem incubatus fuerit attenuatum, & in humores pulli ipsius conversum; existimare fas est, non etiam sanguinem spissum uteri posse transire in nutrimentum embryonis & fætus, si non fuerit antea summe dissolutus, & in liquorem singularem, optimeque nutrientem permutatus.

558. Censeo itaque, confici liquorem aliquem peculiarem, tenuissimum, & summe nutrientem e sanguine uteri gravidæ, per quem humorem rudimenta concepti animalis evolvuntur, suumque accipiunt incrementum, & sicuti uterus in principio statim educit liquorem peculiarem nutrimentum e suo sanguine, ita deinde per universum gestationis tempus adeo, ut fætum ejusmodi potissimum liquore ali, opiner.

559. Si vero uterus perficit e suo sanguine humorem summe nutrientem ac rescipientem, censendum est, eum tanto majorem elaborare similis liquoris copiam, quanto ditior est sanguine. Hoc statuto, maxima perficitur hujusmodi liquoris copia in utero, dum iste transfertur est sanguine copiosissimo.

560. Mulier tenera (de qua iterum) viribus exhausta, pallida, tristis, cibos vix appetens, vixque digerens, utprimum increscit moles sui uteri gravidati, fit fortis, jucunda, vorax, cibos quoslibet subigit optime, repletur humoribus, & egregie nutrit se ipsam suumque simul fætum. Unde, rogo, est hæc subita totius organismi mulierculæ mutatio? unde summæ ejus sub gestatione vires? anne a fætu? anne a paucis retento cruore menstruo? Utero sane tribuenda sunt hæc omnia, qui liquorem optime nutrientem ac instaurantem e suo conficit sanguine, ejusque partem magnam largitur matri ipsi.

561. Existimo videlicet, tantam elaborari e copiosissimo uteri cruore dicti nunc liquoris copiam, quæ non impenditur omnis in alendum fætum, quocirca pars ejus non modica defertur cum revertentibus ex utero humoribus in circulum, ubi reliquos, cum sit tenuissimus, multum attenuat, & succedit, ex quo coctiones, secretionesque promoventur, vires incrementum, animoque accedit hilaritas.

562. Eidem huic liquori, in sanguinem resorpto, tribuendum esse, opinor, quod gravidæ fiant plethoricæ, quantumvis magnam absumat fætus nutrimentorum copiam; quodve sanguinis missiones perferant largas; atque etiam, quod sub gestatione fiant spasticæ, quæ corpus antea multum vexabant, affectiones; absit melancolia; & denique, quod phyticæ melius valeant, quamdiu ferunt uterum &c.

563. Illustrant sententiam istam observationes dictis contrariæ. Continuo videlicet, atque partus est editus, abscedunt rursus cuncta bona corporis animique, quæ uterus antea induxerat imprægnatus, relabiturque mulier in statum pristinum tristem, & languentem, in quo fuerat ante graviditatem; Phyticæ pariter, quæ paullo prius commode valebant, ruunt enixò fætu in pejus, & fere semper moriuntur non diu postea.

564. Nutrix magnam largitur infanti copiam lactis, optimo liquore instaurante ditissimam, absque magno suarum virium dispendio. Liquor proinde hic reficiens, lacti admixtus, non videtur esse liquor nervorum matris ipsius, sed potius is idem, qui e sanguine uterino confectus est, & ad glandulas mammarias cum lacte delatus.

565. Verum enim vero, si e sanguine, in utero commorante ac fluente, conficitur in gravidis liquor quipiam singularis, optime nutriens, opinari fas est, uterum in non gravidis quoque mulieribus eadem esse præditum facultate, sive parem, etsi e paucò sanguine paucum solummodo, elaborare humorem nutrientem. Eadem enim est uteri structura in non gravidis, quæ est in gravidis, eadem vasorum complicatio, ne-

xus.,

xus, & conformatio, cui (quemadmodum in quovis alio corporis viscere) adscribenda est dicti liquoris confectio. Quippe capacitas uteri major in gravidis non videtur aliud conferre ad liquoris istius elaborationem, quam solum, quod majorem contineat sanguinis copiam, in commemoratum liquorem permutandam.

566. Datus est uterus ad excipiendum, fovendum, explicandum, & nutriendum concepti hominis primordium, quoadusque hoc excrevit in tantæ magnitudinis corpus, ut ipsummet cibos ore capiendos jam valeat subigere. Hinc liquor iste quoque uteri non erit in alium finem destinatus, quam tantummodo ad explicanda prima stamina humana, & ad nutriendum porro fætum.

567. Constitutis vero iis, quod liquor iste nutritius sit ad alendum unice fætum destinatus, quodve in quolibet utero, adeoque etiam in non gravidæ, constanter elaboretur ex advecto sanguine, sequitur, talem, cum non generetur in usum ipsius corporis mulieris, sed solum in utilitatem fætus, haud resorberi in non gravidis in circulum, unde fit, ut pedetentim aggregetur in utero non gravidato sive in quibusdam ejus receptaculis.

568. Atsi admiserimus, liquorem hunc aggregari in vasis uterinis non gravidarum, quin resorbeatur, & deferatur in circulum, admittimus eum stagnare in suis receptaculis. Verum si stagnat, non possumus abnuere, eum, tametsi esset blandissimus & optimæ indolis, debere mora temporis degenerare in corpore humano calido, & acrimoniam induere.

569. Si autem liquori huic nutricio & stagnanti accidat, ut acrimoniam assumat, existet in vasis quibusdam uterinis liquor acer, & irritans sua vasa coercentia, perque ista uterum universum. Unde necesse est, istum exagitari, & ad sui contractionem, irritantisque materiæ expulsionem cogi. En omnis, quæ mihi videtur, menstruationis causa. Hanc, præterquam quod sit simplicissima, existimo esse non rationi solum con-

conformem, sed talem etiam, quæ omnibus quæque §. 542. adductis postulatis plene satisfacit.

570. Eodem hoc ratiocinio, puto, me pervenisse ad rationem, ob quam sanguis menstruus in non gravidis sit indolis pessimæ; contra vero optimæ in gravidis & lactantibus. Quia nempe in istis adhibetur dictus liquor in alendum novum hominem, antequam ullam admittat acrimoniam; in illis vero non adhibitus stagnat, & corrumpitur, corruptusque inquinat, ac pervertit sanguinem, cui admiscetur, uterinum scilicet, quem etiam menstruum appellamus.

571. Quæret, scio, ex me aliquis, cur liquor iste, quum sit optimus & maxime nutriendus, haud nutriet mulierem quoque non gravidam, haudque reficiat, quemadmodum reficit gravidam, præterquam quod fætum egregie nutriet? item cum sit tenuissimus, cur non absorbeatur vasis uteri bibulis, & non devehatur in circulum, veluti contingit in gravidis & lactantibus?

572. Liquorem, respondeo, quem nutrimentum nominamus, non esse illico, ac confectus est, tenuissimum & optime nutriendum; sed adhuc admodum spissum, at facillimo negotio mutandum in tenuissimum & belle nutriendum, ultimo nostro humori, qui corpus uniuscujusque nutrit, non ab similem. Judico videlicet, liquorem nutrimentum, dum secernitur a reliquis uteri humoribus, esse albumini ovorum analogum, quod est admodum spissum, & simul calore incubatus in tenuissimum & optimum pulli nutrimentum convertendum. Constituto autem eo, quod dictus liquor sit albumini ovorum similis; clarum est, isto mulierem ipsam, in qua genitus est, haud refici, nonque facile vasis bibulis posse absorberi. Cur autem nutrimentum hic embryonis non attenuetur in utero mulieris non gravidæ? haud aliam assigno rationem, quam quod non sit datus ad ipsum mulieris corpus reficiendum.

573. Quemadmodum, inquam, albumen ovi, cum sit ad pulli tantummodo rudimenta explicanda, & explicata nutrienda productus, in non alium venit usum: similiter liquor nutrimentum in muliere, ceterisque animalibus feminis adhibetur a natura in evolvenda solum

stami-

stamina hominis, inque eorum incrementum. Sicuti dein illud, quamvis esset maxime nutriendum, non evolvit primordia pulli, nisi fuerit antea calore incubatus attenuatum; sic liquorem æque nutrientem debere, existimo, ut utilitati esse possit, prius dissolvi calore singulari, qui est in utero post conceptionem clauso, & non in hoc aperto. Veluti porro albumen, si non cecidat in nutrimentum pulli, sit, etsi esset blandissimum, mora putridum, adeoque acerrimum; pari ratione degenerat liquor nutriendus in utero feminae, si non adsit primordium hominis explicandum, vel infans nutriendus. Quemadmodum denique v. g. gallina tunc solummodo, tumque semper, accesserit ad ipsam gallus gallinaceus, seu non, apta est ad concipiendum, paritque ova, quando generatur albumen in ejus ovario; ita quoque mulier, ceterumve quodlibet animal femineum tunc tantummodo, quando liquor nutritivus, qui postea degenerat, prius natus est in ejus utero, dispositum est ad concipiendum. Videamus jam quoad satisfaciatur causa hæc nostra quinque postulatis supra §§. 542. commemoratis.

574. Prima ibi facta quæstio versatur in eo: Cur nempe aggregetur sanguis in utero, nascaturque species plethoræ, dum, neque prius, instat fluxus menstruus? Ad hanc respondeo, quia acer circa id tempus factus liquor nutriendus vasa sua coercentia irritando allicit humores corporis sive sanguinem, veluti quodvis aliud acre aliquam corporis partem vellicans, hac inflammans, unde partes affectæ vicinæque tument, rubentque.

575. Ex hoc responso clara desumitur ratio, cur uterus non statim post fluxum fiat iterum adeo plethoricus in mulieribus etiam toto corpore plethoricis, ut fluxum reducat? quia nempe abest causa irritans, & sanguinem ad uterum advocans.

576. Eodem e fonte emanat ratio, cur non solum uterus, sed vasa simul hemorrhoidalia ceteraque utero contigua repleantur sanguine in non nullis feminis? quia scilicet mulieres hujusmodi habent nervos admodum irritabiles, ex quo major contingit in eis affluxus san-

sanguinis ad uterum, partesque ipsi adjacentes; quam in aliis mulieribus.

577. Ad alteram §. 542. motam quæstionem, quæ videlicet sit causa, qua uterus ad se constringendum permovetur? patet responsio ex recenter allatis. Quippe norimus, quamlibet corporis partem, fibris muscularibus instructam, dum irritatur, se fortiter contrahere. merito id itaque concedemus utero quoque, per acrimoniam proritato.

578. Est fluxus iste primo die parvus, qui dein incrementum in diem usque tertium; (loquor de pluribus) post istum minuitur rursus, donec penitus cesset: & cur? en ratio. Liquor nempe nutritivus est primo die minus acer, cujus acrimonia tanto magis incrementum, quanto calor corporis est major, per copiosum adcurrentem & inflammantem sanguinem succensus. Posteaquam autem tertio fluxionis die uterus, per stimulum admodum exagitatus, tantopere se constrinxerat universus, ut plurimam liquoris nutritii acrefacti partem exprefferit una cum sanguine contento, debet remittere stimulus, igitur etiam fluxus, atque continuo in dies deficere, usquedum omnis acrimonia fuerit cum sanguine expulsa.

579. Inde facile porro sumitur ratio, quare mulierum aliquæ magnam fundant sanguinis copiam; e contrario autem aliæ parcissimam? quia in illis multus perficitur liquor nutritivus, copiosum proinde quoque acre irritans; in istis vero paucus, pauca idcirco etiam acrimonia. Sunt præterea mulierum aliæ plus ceteris plethoricæ, majorem ideoque liquoris nutritii copiam præbentes.

580. Eadem hæc major minorque liquoris nutritii, & subinde acrimoniæ copia est causa, quod fluxus menstruus in quibusdam mulieribus sit pessimis stipatus symptomatibus; in aliis vero decurrat absque multis molestiis.

581. Major hæc etiam minorque dicti liquoris quantitas manifestam reddit rationem, cur fluxus in eadem femina sit nonnunquam gravibus injuriis sociatus & doloribus; quandoque vero mitissimus? prout
scili-

scilicet plura vel pauciora, magis aut minus acris
 ingerunt instante fluxus tempore mulieres; aliquando
 eadem otiantur multum; non raro autem obruuntur cu-
 ris, vel majore corporis exercitio absument suos prius
 humores, unde necesse est (quod idem in aliis æque ac-
 cidit secretionibus) liquorem hunc nutrientem esse
 plus aut minus copiosum, plusque vel minus acrem.

582. Sicuti deinde non abundantiae sanguinis tri-
 buendum esse puto, quod plethoricæ & otiosæ mul-
 trum cruorem profundant tempore menstruationis, sed
 magnæ potius quantitati liquoris nutriticii acresciti;
 ita ex opposito non penuriæ sanguinis adscribendum
 esse judico, quod fluxus retineatur in morbofo corpo-
 ris statu, aut post morbum vehementem, sed defectui
 liquoris nutriticii.

583. De mulieribus illis, quæ sanam ducunt vitam,
 immo concipiunt, tametsi non unquam ullum senserint
 eduxum uterinum, dici poterit, liquorem prædictum
 perferri quidem in ipsarum utero, sed illico absorberi
 quoque, & in circulum deferri, non itaque coacer-
 vari, propter defectum fortassis receptaculi, in quod
 hic liquor esset deponendus & colligendus.

584. Admissa commemorati liquoris degeneratione
 in utero non secundo, patet necessitas fluxus menstrui
 in non gravidis, & non lactantibus, quantumvis fo-
 cet parcissimus: Patet item, non esse prorsus necessa-
 rium, ut fluor iste sit ruber, sed sufficiat eum esse
 mucosum, aut suberuentum: Liquet porro non minus,
 cur fluxus retentus in non gravidis & non lactanti-
 bus inducat cacochymiam ac morbos singulares, qua-
 les acre irritans suscitare consuevit? In aperto est de-
 mum etiam ratio, quare morbi, quos remanens in
 corpore sanguis menstruus gignit, neutiquam cedant
 venæ sectionibus, aut ceteris, quæ plethoram immi-
 nuunt tam universalem, quam etiam singularem?

585. Secundum hanc nostram sententiam iniquum
 agunt Medici, qui vomitum aut sputum cruentum,
 retento cruore menstruo natum, quem natura per spu-
 ta, vel vomitu ejicere molitur, opiatibus & adstringen-
 tibus sistere, aut venæsectionibus a pulmone aut ven-
 tri-

triculo avellere satagunt. Num autem æquus aut iniquus sit horum medicorum conatus? Viris in praxi firmatis definiendum relinquo. Ad me quod attinet, fateri cogor me observasse, sputum ejusmodi, diluentibus conservatum, vindicasse ægras ab omnibus earum malis.

586. Juxta eadem istam opinionem nostram non promoveant semper fluxum menstruum medicamina, quæ Therapia nominat emmenagoga. Adaugent quidem acrimoniam liquoris nutriticii, proinde etiam fluxum, aromata; ceteraque acria; at non semper. Hinc ea potius, quæcunque demum fuerint, sunt emmenagoga vocanda, quæ memorati liquoris adjuvant secretionem, & simul tollunt causam, a qua fluxus inhibetur.

587. Si quis porro effectricem a me posceret fluxus immoderati, adducam rursus acrimoniam majorem, dicamve, humores inquilinos esse multum acres, qui deinde admixti liquori nutriticio degenerato non poterunt non gemminare vires ejus stimulant, quæ humores inquilinos plus æquo alliciunt, & uterum ad vehementiorem solito sui contractionem compellunt. Est mihi autem sermo de pluribus, siquidem nimia humorum abundantia, aut maxima vasorum laxitas, vel summa nervorum mobilitas, & similia sunt etiam interdum causa fluxus immodici.

588. Verum si acrimoniæ humorum est in multis mulieribus tribuenda nimia sanguinis per uterum profusio; minus certe probanda est generalis in fluxu copioso quorundam medicorum cura, consistens in repetitis sanguinis missionibus, alumine, aceto, narcoticis, ac similibus potentissimis constringentibus.

589. Causam periodi, (quod tertium est §. 542. postulatum) eadem ratione posse in liquorem nutriticum confici, qua ipsam conficiunt quidam medicorum in plethoram uteri; in cæstrum aliqui venereum; vel Cl. Astruc in liquorem lactiformem, nemo non videt. Si enim hi omnes jure definiunt mensis spatium ad congregandam debitam in utero sanguinis, cæstri veneri, vel liquoris lactiformis copiam; æquius nos certe idem determinabimus temporis intervallum ad degenerandum liquorem nutriticum. Quandoquidem &

san-

sanguinis, & œstri venerei, & humoris lactiformis aggregatio, veluti supra exposuimus, lauto vivendi genere multum augeri; atque contra parco prorogari potest. Ast degeneratio, nisi fuerit impedita, indiget pêne omnis definito temporis spatio.

590. Verisimilem efficit hanc nostram periodi causam id quoque, quod illa, queis degeneratio liquoris cujusvis inquilini stagnantis, adeoque etiam nutritiæ, accelleratur, ancellerent quoque fluxum; & ex adverso quæquæ degenerationem istam inhihent, retardent pariter fluxum.

591. Causa citioris solito fluxionis hujus est derivanda secundum hanc nostram sententiam non a plethora, cum pleræque. feminæ, tametli corpora earum seaterent humoribus, debitam observent periodum; sed rectius ab acrimonia singulari, sanguini permixta, & cum liquore nutriente secreta in utero, quæ degenerationem liquoris istius promovet. Ratio porro fluxus retardati desumi potest a contrariis, ab iis videlicet petenda est, quæ degenerationem impediunt liquoris nutritiæ, ut sunt mucosa, acida, refrigerantia & similia.

592. Si quis effatum hoc nostrum ideo in dubitationem vocaret, quod per febres continuas vel intermittentes, in quarum calore degenerant humores inquilini fere omnes, cohibetur fluxus menstruus; Is, cupio, meminerit, in febrili corporis calore plurimum simul fluidorum turbare elaborationem, quoniam ne quidem vilissimus perficitur tempore febris in pulmonibus aut naribus mucus. Verum si liquor nutritivus non conficitur, aberit causa menstruationis, quamvis omnes degenerent in corpore humores. Gallina pariter haud recte valens ova non parit.

593. Dum corruptum liquorem nutritivum, vasa sua sine remissione rodentem, nobis ob oculos sistimus, videmus, istum se constringere, ac quasi inflammarî, unde necesse est, ut universus uterus, immo ipse quoque organismus trahatur simul in consensum, atque commoveatur. Hoc statuto facile concipimus rationem quorumvis symptomatum (quod quartum est §. 542.

L

postu.

postulatum) menstruationem præcedentium, veluti sunt dolores lumborum, lassitudo corporis, calor circa inguina, inquietudo, capitis, pulmonum, ventriculi &c spasticæ affectiones, pulsus mutatus, dicrotus, quem nominamus uterinum, & similia.

594. Præter hæc symptomata notamus quoque in non paucis mulieribus lancinantes quarundam partium dolores, epilepsias, pustulas in facie, passimque in earum corporis superficie prurientes, supurantes &c, priusquam menstrua erumpant. Est etiam ejusmodi effectus feminis signum certissimum instantis fluxus menstrui. Verum quid designant affectiones istæ fluxionem præeuntes? non profecto aliud, quam partem aliquam acris sive degenerati, opinor, liquoris nutrientis fuisse resorptam, & subin ad dictas corporis partes depositam.

595. Si porro cogitemus, incrementum acrimoniae liquoris nutriticii, tantopere irritari vasa coercentia, utrumve in consensum simul abripi, ut is se fortiter constringat, perspicimus, cuncta ea debere necessario oriri symptomata, quæ fluxum comitantur; debere videlicet mulieres admodum mobiles pessime affici, aut interdum etiam convelli, antequam sanguis ipse prodeat: superata vero resistantia, quam cruor, per minima uteri vascula exprimendus, non raro invenit in iltis, & expulsa simul parte aliqua acris irritantis cum sanguine, debere remittere pessima nunc dicta symptomata.

596. Faciles damus dein etiam rationem ex hac nostra menstruationis sententia, cur in quibusdam feminis mucosus primus, & post istum suberuentus prodeat ex utero humor, antequam sanguis ipse exprimatur? item cur pari, qua cepit, ratione fluxio remittat iterum, & terminetur? Accidit id illis nempe mulieribus, quarum uterus lente ac in dies magis magisque se constringit, non itaque subito vehementer universus, parique lento modo relaxatur remittente fluxu.

597. Consimilem causam (quod ultimum est postulatum §. 542.) fluxus mucosi & suberuenti in bestiis adstrui posse, nemo inficiabitur, existimo. Quin im-

mo ad verisimilitudinem maxime videtur accedere, dum asseritur, liquorem aliquem blandum, albumini ovorum analogum, in utero bestiarum pedetentim e sanguine secerni, & porro in quibusdam, in viliorum scilicet animalium generibus citius, in aliis vero tardius generari, degenerarique, atque subin uterum ab eo proritari, copiososque sive tantos ab eodem allici humores, qui uterum partesque ipsi contiguas fluidis replent, & in tumorem elevant, taliterque aptum efficiunt eum ad concipiendum. Accedit & stimulus ad venerem, ab œstro venereo, per exagitatum ac leniter inflammatum uterum commoto, inductus. Dum hæc contingunt in bestiis, disponuntur istæ, ad coitum, & si coeant, concipiunt.

598. Opinari quis posset, cum causam menstruationis dicam esse parem causæ fluxus mucosi in bestiis, quem pene omnes ab œstro venereo derivatam volunt, eandem veneris materiem intelligi a me per liquorem nutricium. Verum adeo minus hos ego duos liquores unicum ac eundem esse censeo, ut eos potius diversissimos reputem. Liquores sane, qui dispares maxime exerunt effectus, non possunt esse indole æquales. Differentia, quæ intercedit inter hos duos liquores, est ista: 1^{mo} Liquor veneris sive œstrum venereum invitat mulierem ad copulam quemadmodum virum; neutiquam autem liquor nutricius. Est ille 2^{do} semper talis genio, ut titillet; iste vero est in principio blandissimus, & postquam acer factus est, non titillat grate, sed rodit, & inflamat partem, in qua hæret. Ille 3^{to} excernitur in quovis coitu, in quo satisfiit cupiditati venereæ; iste autem tantummodo tempore fluxus menstrui. 4^{to} Excernitur ille in gravidis quoque & lactantibus, dum viro junguntur; iste autem transit in his omnis in nutrimentum homuncionis. Ille 5^{to} si immodice excernatur, enervat mulierem; Iste vero exprimitur universus sub qualibet fluxione menstrua sine virium jactura. Ille 6^{to} si non excernatur in non gravidis & non lactantibus, ingreditur in circulum, succenditque humores inquilinos; Iste autem in non gravidis, veluti supra vidimus, non excretus,

& in sanguinem delatus, pessimos gignit morbos. Est ille 7^{mo} copiosus in lascivis, & modicus in ceteris; Iste copiosus in plethoricis, etsi non lascivis, & par-
 cior in non plethoricis, etsi lascivis. Ille denique 8^{vo} perficitur in effœtis quoque; Iste vero in his non am-
 plius.

599. E differentia postremo nunc loco allata cla-
 rum est; causam, ob quam fluxus menstruus desinit
 circa annum ætatis quinquagesimum, referri a nobis
 in obliterata & rigefacta vasa illa minima, in quibus
 nominatus sæpius liquor nutriticius perficiebatur antea,
 & secernebatur. Effœtas proinde non plus esse fluxui
 menstruo obnoxias propter defectum liquoris istius.

600. Hinc prodit ratio, quare menstrua habeantur
 pro signo fecunditatis, puellaque sit idonea ad gene-
 randum, quamprimum fluxus hicce adparet; contra
 vero mulier, dum iste desit, non amplius concipiat,
 quamvis plethorica permaneat & viri cupida: Cur
 item fluxus iste non sit signum fecunditatis adeo gene-
 rale, ut exceptionem non admittat? Sive cur feminæ
 maturæ, quantumvis nunquam senserint fluxionem ute-
 rinam, concipiant nihilominus tamen?

601. Deducta porro causa deficientis fluxus men-
 strui in effœtis ab inopia liquoris nutrientis, agnosci-
 mus rationem, propter quam morbi & symptomata,
 quæ in effœtis notamus, postquam fluxus iste desit,
 sint diversissima ab illis, quæ retentionem hujus flu-
 xionis sequuntur in junioribus non gravidis? Cur etiam
 prioris generis morbi subigantur remediis, quibus nec
 quidem imminuuntur morbi generis alterius.

602. Ex hucusque dictis desumitur pariter ratio
 sequentium: Cur nempe mulier, quæ paullo ante flu-
 xum menstruum concepit, raro foetum conservet? Cur
 conceptus sit firmissimus fluxu terminato? Cur uterus
 non irritetur in gravidis, ut se constringeret, tametsi
 turgeat humoribus? Cur causa abortus non sit semper
 plethora? Cur is non semper impediri possit venæsecti-
 onibus & adstringentibus? Cur nutrientia blanda, quam-
 vis plethoram adaugeant, rarius efficiant abortum? Cur
 sub fluore albo sæpe emanat mensstruus? Cur mole-
 stiæ,

stia, quas remanens in corpore sanguis menstruus suscitare consuevit, non accidunt sub fluore albo, tamen menstruus desit? & ejusmodi plura.

603. Absoluto menstruationis negotio, expositaque discrepantia organismorum ratione sexus, transeamus ad potentiarum vires pro disparitate sexus æstimandas. Cum enim maxima sit differentia inter organismos quoad sexum, tanquam causam prædisponentem, debent necessario potentiæ, causæ utpote procatarcticæ, disparem habere vim in organismum, diverse dispositum.

604. Prima sexus animadversio, cujus natura rationem habet, est in ætate puerili. Quoniam sapientissima illa vitæ conservatrix inflamat jam puerum ad assumendas actiones, quæ corpus ejus sensim roboratur, & idoneus fit perficiendis postea actionibus virilibus; ubi ex adverso puellam relinquit otiosam: Illi inspirat gaudium in lusiis, quibus corpusculum exercetur; isti vero delectationem in lusiis minime defatigantibus.

605. Similes istis erigit natura instinctus in adultis, facitque, ut vir delectetur actionibus, quæ majorem deposcunt musculorum robur, scientiis, peregrinatione, & quæ hujusmodi sunt; mulier autem gaudet in suis prolibus, in rebus & curis domesticis, in quiete corporis, & similibus.

606. Discrepantia istius generis actionum, a natura concitatarum, elucet adhuc magis in animalibus ratione destitutis: In his enim natura tam dispares movet instinctus agendi, ut alios prorsus suscitet in mare, & alios in femina, quemadmodum quilibet ea facile dispicit.

607. Si deinde ad dissimilitudinem organismorum, quantum ad sexum, convertimus animum, haud miramur, quod natura, ut suo vitam tuendi munere rite defungatur, aliter operetur in viro, & aliter in muliere, atque in ista materiem morbi sepe numero expellat cum cruore menstruo, veluti non raro contingit in morbis, in quibus natura materiem sive crudam, sive coctam hac via eliminat.

608. Verum non in morbis solum, sed in sano quoque corporis statu elicit natura noxium e corpore per uterum. Exterminanti enim naturæ materiam podagricam cum sanguine menstruo adscribendum esse videtur, quod feminæ rarius vexet podagra, quamdiu fluxu menstruo sunt obnoxia.

609. Neque dein etiam causæ corporeæ, sed naturæ magis, cuncta in nobis rite ac utiliter disponenti, in acceptis referendum esse judico situm embryonis fœtusque in utero maxime commodum, & partui futuro, faciliiori reddendo, accommodatum.

610. An natura subveniat parturientibus? sive an omnia, quæ circa partum occurrunt, ad mechanismi leges referri possint? ipsi definiant Physiologi. Titubamus certe, dum omnia ista secundum leges hydraulicas, aut hydrostaticas exponere volumus, ut sunt dispositio viarum, quæ transitum infantis multum levat: singulares rerum utilium instante partu appetitiones; dolores partum præeuntes; conspiratio omnium totius corporis musculorum, & similia.

611. A natura diximus capite primo debilem adjuvari organismum, dum est in actionibus ad conservandam vitam necessariis constitutus: id ipsum videtur præstare non nunquam in partu quoque. *Totam quandoque familiam, ait Illustriss. p. m. L. B. van Swieten in comment. ad §. 1296., vidi desolatam, dum metuebant, ne ob torporum & debilitatem matris unquam felix succederet partus. Ubi tamen veri partus dolores urgerent, omnis torpor cedebat, vires antea suppressæ redibant illico, & faustum sequebatur puerperium.*

612. Disceptatur inter Physiologos, utrum partus fiat per unicas infantis, aut potius per solas uteri parturientis actiones? Pro utroque pugnant rationes pene pares. Pro utero decernat peculiaris ejus conditio, humorumque influxus in eum tunc maximus, atque prætervoluntaria omnium musculorum animalium contractio, cum primis vero fetus mortui feliciter editi: Pro fetu autem stant rationes istæ: pulli avium propriis viribus referant suum claustrum, & exeunt ex ovis; prosperi deinde partus sunt sæpe observati mor-
tuis

tuis antea genitricibus. Verum si utrumque casum intime contemplati fuerimus, extra dubium esse cenſeo, in utroque ſuum præſtrare auxiliatricem naturam. Compellit, inquam, natura pullum in ovo, dum is ad maturitatem pervenit, ad confringendum roſtello receptaculi ſui corticem, concitatque in fætu maturo niſum, quem impendit, dum carcere ſuo liberari deſiderat, ipſumque dirigit enitentem: Contra vero aſſumit fetu mortuo vices uteri, adjuvatque partarientem modo ſingulari, cujus vires quoque adauget, & excitat.

613. Quantumvis liquori nutricao in ſanguinem deveſto dederimus, quod ubera gravidarum tumeant & diſponantur ad lactandum; contingunt nihilominus tamen quæpiam poſt partum, quæ a nulla cauſa corporea deſumi poſſe videntur, veluti eſt febris lactea, & lactis ad ubera determinatio.

614. Cauſam febris lacteæ eſſe proſus ſingularem, omnium eſt ſententia. Derivant eam quidem medici, qui mechanismo litant, a revertente in circulum ex utero poſt partum ſanguine. Verum utrum hæc ad id credendum ſufficiat ratio? judicent ipſi hujus aſſertores. Mihi, fateor, talis haud quaquam adparet. Si quidem recedens ex utero ſanguis deberet aut ſolum plethoram, aut febrem, ſi tamen aliquam ſuccendere poſſet, ſuſcitare ceteris ſimilem. A natura itaque potius eſt derivanda peculiaris hæc febris, in conſervationem neonati erecta.

615. Determinationem porro lactis ad ubera provenire a natura e ſequentibus conjiciendum eſſe rationibus opinor. 1^{mo} Eam mammarum laxitati attribui haud poſſe judico, quia idem deberet evenire in quavis muliere; imprimis vero in illa; quæ jam lactaverat. 2^{do} Determinatio iſta ſumit initium cum febricula ſingulari, quam abinde lacteam nuncupamus, cujus effectricem nunc aſſeruimus eſſe naturam. 3^{io} Tanta ſecernitur lactis quantitas diebus ſingulis, ut quis exiſtimet, eam eſſe fere æqualem copię chyli nutricii. Quis eſt autem, qui rationem adferet e mechanismo corporis mulieris, cur chylus pene omnis quotidie de-

educatur ad arterias mammarias, secernendus in istarum glandulis? Vix ullus, opinor. 410 Demum si determinationem sanguinis majorem ad caput, dum inensus meditatur, naturæ referimus in acceptis; hæc æque eidem ob easdem rationes est referenda.

616. Organismi, tanquam potentiae agentis, vim discrepare inter sexum adeo clarum est, ut neminem præterire possit. Quoniam in aperto est illum organismum minoribus viribus subigere ingesta tenacia, cujus vasa sunt firma, qualia sunt in organismo viri; quam cum; cujus vasa sunt admodum tenera, veluti sunt corporis muliebris: Ex adverso autem diutius multo resistere organismum muliebris, propter humores valde frigidos & vasa laxa, acrimoniae putridæ vel inflammanti; quam organismum viri, & sic porro.

617. Est animæ quoque potestas varia quoad sexum. Cum enim minus longe sit musculorum robur in feminis, quam viris, clarum est, haud unquam mulierem ea posse perficere viribus suorum musculorum, quæ vir valet per suos.

618. Habet etiam mulier systema nervosum: plus multo sensibile plusque mobile; quam vir. Habet ea propter sensus externos acutiores, perceptionemque objectorum majorem, & impressiones idearum vehementiores; quam ob rem est pronior ad terrorem, animique affectiones, atque propter magnam spirituum mobilitatem celerior in judicando, & ad loquendum faciliior; quam vir.

619. Ob majorem vero medullæ cerebri molliem habet mulier memoriam quoque viro meliorem; & cum objecta, per organa sensuum ad sensorium commune delata, magis imprimantur in medullam cerebri mulieris, debet vis etiam imaginandi, & pertinacia in proposito, ac similia esse vehementiora in femina; quam in viro.

620. At minor nervorum firmitas in muliere cum copiosorum humorum determinatione ad uterum indicant, feminam esse minus aptam ad studia & meditationes acutas, inque longius temporis spatium continuandas. Siquidem ad profunde meditandum est &

nervorum ac medullæ cerebri robur necessarium, & major simul, quam sit organismi, liquidorum appulsus ad caput.

621. Summa nervorum irritabilitas in muliere, quanta rarius observatur in viris, est causa, quod femina convellatur ab heterogeneis stimulantibus, quæ virium vix movent; e contrario autem majus humorum frigus in muliere est causa, quod alcalina & inflammantia minus afficiant organismum muliebrem, quam virilem. Hinc clarum est, potestatem heterogeneorum in organismum maxime pariter variare ratione sexus.



CAPUT TERTIUM.


DE

TERTIA CAUSA PRÆDISPO-
NENTE, SIVE DE TEMPERIE ET IDIO
SYNCHRASIA.

- 622 **D**iscrepat organi-
smus per tempe-
ramentum,
623 estque istud causa, quæ
illum disponit ad mor-
bos.
624 Differentia inter orga-
nismos quoad temperiem
est prima in vasis,
625 Deinde in humoribus,
626 eorumve conditione va-
ria,
627 inque ipsis visceribus.
628 Unde quorundam re-
fertur ratio.
629 Alia porro dissimilitudo
organismorum petenda est
a diversa consuetudine,
630 alia ab æquilibrio cor-
poris universi,
631 vel partis singularis,
632 cujus etiam meminisse
oportet in praxi.
633 Quampiam discrepan-
tiam inducit abundantia
humoris quoque peculia-
ris,
634 aliam inopia ejusdem,
- 635 aliquam porro varia ir-
ritabilitas nervorum ani-
malium,
636 & aliam nervorum or-
ganismi.
637 Varietatem corporum
humanorum nihil clarius
demonstrat,
638 quam canis domesticus.
639 Differt ideoque genus
humanum ratione condi-
tionis organismi ab omni
alio animalium genere.
640 Inde maxima patet tem-
peramentorum varietas,
641 & morborum quoque
ab una eademque causa
productorum.
642 Est proinde temperies
ægri medico cognitu ne-
cessaria prorsus.
643 Quocirca jam veteres
disposuerunt genus huma-
num in classes, sive in
temperamenta,
644 hasque primum juxta
humoris cujuspiam singu-
laris dominium,

645 dein-

- 645 deinde juxta humores simul acceptos,
 646 quibus alii porro ad-
 647 junxerunt vasa quoque,
 648 quidam vero a pluribus
 corporis partibus tempe-
 riciem desumendam esse per-
 hibent.
 648 Dissentiunt Authores in
 numero pariter classum.
 649 Dominium quod attinet
 liquoris supra alios pe-
 culiaris cogitatione fictum
 est.
 650 Neque universum ge-
 nus in quatuor solum clas-
 ses se finit constringi.
 651 Fusior dein temperiei
 expositio est multum mo-
 leita;
 652 temperamenta vero
 composita nihil certi de-
 signant.
 653 Est alia proinde tem-
 peramentorum distribu-
 tio instituenda.
 654 Temperiesque organi-
 smi separanda a tempera-
 mento animi,
 655 & juxta vasorum con-
 ditionem disponenda,
 656 cum primis vero secun-
 dum variam corporis sta-
 turam,
- 657 suadentibus observatio-
 nibus.
 658 Altitudinem igitur cum
 pinguedine corporis spe-
 ctemus in distribuendis
 temperamentis,
 659 adnexo utriusque gradu.
 660 Exinde novem ema-
 nant temperamenta,
 661 Habet quidem hæc,
 quoque distributio suas
 difficultates,
 662 quæ tamen imminui
 possunt
 663 per vocabulum admo-
 dum.
 664 His subjungenda est
 peculiaris nervorum con-
 ditio.
 665 Animi temperamenta
 numeramus quinque,
 666 ab animi affectibus de-
 prompta.
 667 Organismi, & animi
 temperamenta sunt con-
 jungenda,
 668 dum ægrotantis descri-
 bitur temperies.
 669 Vires potentiarum va-
 riare debere quoad tem-
 peramentum, patet ex
 supra dictis.





CAPUT TERTIUM.

D E

TERTIA CAUSA PROEGUMENA SIVE DE TEMPERAMENTIS.

622. **P**ræter ætatem & sexum interest ea quoque disparitas inter hominum organisinos, quæ est quoad vasorum humorumque conditionem, nexum, proportionem partium organismum constituentium in variis variam, seu quoad corporis conformationem, quam nomine temperamenti, idiosyncrasiæ, aut ad mentem medicorum mechanicorum naturæ, cuivis hominum propriæ, exprimere solemus.

623. Vires potentiarum sive causarum procatarcticarum secundum diversam solidorum fluidorumque corporis conditionem variare, latet neminem. Quare recensent Authores medici temperiem inter causas prædisponentes. Utile proinde agemus nos pariter, si causam istam præegumenam, quantum operis postulat ratio, perscrutati fuerimus.

624. Differentiam primam quoad temperamenta efficiunt vasa corporis. Sunt enim quidam hominum habitus laxissimi; contra alii strictissimi; non pauci autem inter hos medii. Sunt præterea aliqui corpore forti & robusto; alii e contrario debiles & multum teneri. His insuper discrepat corporum statura ita, ut quipiam sint corpore alti; alii pusilli, & multi mediocres.

625. Altera inter organisinos dissimilitudo sita est, veluti ex antegressis desumitur, in humoribus. Siquidem fluida non possunt non respondere vasis suis coercentibus, non utique, nisi tenues, fluere in vasis angustis; in corpore robusto non esse alii, nisi multum; & e converso in tenero non nisi minus compacti.

626. Ad-

626. Admifcent dein humoribus fuis varii hominum varia nomine cibi, potus, condimenti &c, per quæ liquores corporis attenuantur, vel inſpiffantur; unde fiunt plus vel minus elaflici, & ad motum faciles vel torpentes; non raro inquinantur etiam acrimonia falina, putrida, acida, celtica, podagrica, aliaque.

627. Difcrepantia organiſmorum quarta deſumenda eſt a diſpari viſcerum conditione. Quoniam exploratum eſt, quemlibet fere hominum habere aliquam ſui corporis partem ceteris debiliorem, quoſpiam videlicet caput, alios pectus, non nullos viſcera abdominis, & alios aliam. Eſt autem illa potiffimum pars corporis debilior reliquis, quæ aut plus uſu vexabatur in ſanitate, ut nervi a literatis, pulmones a cantatoribus, artus ab opificibus &c; aut quæ deterebatur multum per antegreſſum morbum, ut ventriculus per copioſum vomitum, uterus per partum difficilem & ſic de ceteris.

628. Ex obſervatione iſta prodit in lucem prædiſponens multorum morborum cauſa, derivaturque ratio, cur literati, aut longis curis conſecti frequentibus crucientur ſpaſmis? cur opifices, dum poſt plurimorum annorum exercitia corporis majora fructum ſuorum laborum carpere volunt, ab exercitio ideoque deſiſtunt, articulorum morbis corripi ſoleant? Cur alii ad anginam, alii ad colicam, & ad alias alii corporis affectiones morboſas ſint multum proclives?

629. Quantam differentiam inter organiſmos, quæ ſit quinta, inducat conſuetudo diverſa, comprehendit omnis, qui animadvertit, quid ea poſſit in corpore humano, quamque diſpares quilibet aſſumpſit carum.

630. Eſt præterea ſexto æquilibrium tum univerſale, tum ſingulare, quod efficit, ut Organiſmi, quamvis eſſent in reliquis ſimiles, differant inter ſe. Illi etenim, qui opiparam & ſimul otioſam vivunt vitam, non poſſunt, ſi coctiones debite procedant, non fieri plethorici; ſicuti e contrario illi nunquam nimis gravantur humoribus, qui vix tanta ingerunt, quanta percunt de ipſorum corporibus.

631. Plethora singularis contingit iis laute viventibus, qui aliquam sui corporis partem habent ceteris infirmiore, adeoque minus resistentem pressioni aliquorum humorum. Quemadmodum igitur ad plus relaxatam corporis partem liquores pressi undequaque ruunt; ita clarum est, debere istam, vel modice incrementum sanguinis copia, humoribus aggravari, ac plethoricam fieri.

632. Quantæ animadversionis digna sit in praxi hæc plethora particularis reminiscencia, norunt omnes in medicando profecti. Quandoquidem non solum acrimonia humorum, aut crudum sanguinis, sed ipsi etiam optimi liquores inquilini, dum copia eorum magna est, deponuntur ad relaxatam supra modum corporis partem.

633. Disparitatem septimam facit nimia fluidi cuiuspiam singularis inquilini, ut muci, bilis, pinguedinis, aquæ, spermatis &c abundantia. Quoniam unusquisque humor seorsum potest eodem modo, quo sanguis ipse ruber, cujus abundantiam peccantem plethora nomine inscribimus, superare copia liquores, atque discrepantiam inferre inter organismos. Sic major spermatis v. g. copia succendit magis humores corporis; quam minor.

634. Octava deinde organismorum dissimilitudo deduci potest ab inopia cujusdam humoris inquilini. Quid est enim, quod alvum in sicca temperie duram efficit, & raram, nisi defectus muci, intestina illinentis? Quid ex adverso est causa interdum torminum intestinorum, nisi hæc eadem muci absentia? Ianquet quisque amissa multa materia spermatica.

635. Si porro convertamus oculos ad diversam in variis hominum nervorum mobilitatem ac irritabilitatem, deprehendimus nono tantam discrepantiam inter organismos, ut idem remedium, quod aliquorum nervos sentientes vehementer exagitat, alios vix moveat. Unicus levissimus & multis gratus quoque odor v. g. rosæ quorundem systema nervorum animale conturbat universum.

636. Æqualis huic advertitur varietas irritabilitatis decimo in nervis etiam organisini. Quippe quotidiana docti experientia notimus, quospiam a lenissimo purgante ad numerosam compelli alvum exonerandam, quale aliquos ne quidem semel evacuet.

637. His major adhuc utriusque systematis nervosi differentia elucet inde, quod quisque fere hominum peculiaris rei odore aut singularis cibi sapore recreetur. Est, inquam, semper aliquid, quod singulos nostrum plus ceteris grate afficit, plusque instaurat; & contra est quilibet hominum ita comparatus, ut re eadem, quæ alios pulchre reficit, ingrate moveatur.

638. Canis domesticus solo odoratu quærit herum suum in hominum congerie perditum, & invenit etiam amissum. Hinc est evidens, effluvia cujusvis humani corporis esse odore diversissima, ac cuivis propria. At vero cum effluvia hominum discrepent inter se, necesse est, ipsa quoque corpora tum quoad liquida, cum etiam quoad solida esse inter se distincta.

639. Varietas ista transpirationis corporum humanorum significat, organisinos hominum differre ab organisinis animalium ratione destitutorum in eo, quod quilibet humanus emittat effluvia odoris prorsus singularis; non sic autem corpora bestiarum. Istæ enim, quæ ejusdem sunt speciei, habent effluvia odoris penitus æqualis, veluti canis venaticus indicat, qui alium credit sonum latratus, dum leporem, & alium dum cervum, aut vulpem persequitur.

640. Collatis omnibus hucusque dictis est in aperto, tantam existere inter hominum organisinos ratione temperamenti discrepantiam, ut vix duos reperias pares; sive tantam, ut merito statuendum sit, quemlibet hominum habere organisinum singularis conditionis, & ceterorum omnium constitutione abludentem.

641. Ex hætenus adductis liquido patet, varietati huic organismorumtribuendum esse, quod eadem causa morbifica, idemque peccatum in sex rebus non naturalibus commissum, diversos in variis suscitet morbos, eosque gradu maxime dissimiles.

642. Est igitur temperies non minus, atque alia quævis causa prædisponens, id, quod morbos designat, in quos pronus est unusquisque organismus; quod ideoque ducit medicum in agnitionem causæ morbificæ; quodve insuper nobis indicat cibos, remedia, & ipsum regimen in singulis ægris in usum vocanda. Si quid itaque medenti est cognitu necessarium, est certe ægotantis temperies.

643. Necessitatem istam notionis temperamentorum agnoverunt jam antiquissimi medicinæ Cultores, quam ob causam intendebant vires suas in id, ut universum genus humanum, etsi unusquisque peculiarem ac propriam haberet corporis conditionem, in classes quaspiam sive temperamenta constringerent, quibus deinde singulis peculiare imposuere nomen.

644. Desumpserunt hanc classium dispositionem quidam Authores a solis humoribus inquilinis, assercbantque aliquem eorum dominari præ ceteris in humano corpore, & quasi imperium tenere in corpus universum. Fluida, quibus supremum ejusmodi concedebant imperium, erant bilis flava, eadem atra, sanguis ipse ruber, & mucus sive phlegma, a quibus classium nomenclationem deduxerunt, dixeruntque, hominem, in cujus corpore superat, veluti credebant, copia & viribus humores reliquos bilis flava, esset temperamenti Cholericum; in quo bilis atra, Atrabiliaris; ubi sanguis, Sanguineus; & demum ubi phlegma, Phlegmaticus.

645. Dominium istud unici liquoris supra integrum corpus humanum haud arridebat successoribus. Unde isti rectius se acturos rati distributionem hanc instituerunt secundum conditionem omnium simul consideratorum fluidorum, atque, retentis iisdem classium denominationibus, voluerunt appellari temperamentum cholicum, dum fluida corporis sunt calida & simul sicca; Atrabiliare, cum sunt frigida & sicca &c.

646. Successores porro istorum necessarium arbitrabantur, ipsa quoque vasa corporis in animadversionem simul sumere, eorumve rigiditatem & laxitatem cum humoribus conjungere: Qua de causa statuunt, in homine temperamenti cholericum fluere humores calidos in
tem.

vasis rigidis; in temperie sanguinea liquores calidos in vasis laxis, & sic de ceteris.

647. Sunt præter istos aliqui, quibus hæc pariter temperamentorum dispositio minime sufficiens videbatur ad describendam hominis temperiem, quod nempe brevis minis esset. Quocirca longam confecerunt cujusvis temperiei descriptionem, tum a solidorum fluidorumque conditione, capillorum colore &c; tum etiam a diversâ animi in suos affectus proclivitate petitam.

648. Quemadmodum dissentiunt medicinæ Institutores in definiendis temperamentis; ita non magis concordant in determinando eorum numero: Boerhave recenset istorum octo; multi adstruunt solummodo commemorata quatuor; non nulli vero, quibus quatuor ista omnibus prorsus hominibus comprehendendis haud sat capacia adparebant, ajunt, plures hominum e duobus vel tribus temperamentis aliquid participare, ideoque habere temperiem e pluribus compositam. Ad istorum mentem est numerus temperamentorum magnus. Videamus quid de his auctorum institutis existimare liceat?

649. Assertum veterum, dominari videlicet præ ceteris liquorem in nobis aliquem, qui causâ foret temperamenti sive effectuum, quos organismus animusque excrunt ob temperiem corporis, jam exolevit, quapropter istud attigisse tantummodo sufficiat.

650. Solis quatuor classibus universum complecti genus humanum, atque per unicam vasorum rigiditatem & laxitatem cum humorum calore & frigore temperamentum plene exprimere velle, nimium esse, clare patere judico. Proinde hanc pariter distributionem humanæ gentis absque multa refutatione dimittendam esse, sum opinatus.

651. Per fusam deinde corporis descriptionem, ejusque partium enumerationem, atque animi insuper affectionum expositionem simul definire quodvis temperamentum, esse non tantum multis onerare memoriam, sed etiam nec satis firmum; neque sufficiens, existimo. Potest enim aliquis duorum aut plurium simul temperamentorum habere signa.

652. Superfunt Temperamenta composita: Verum quid dicamus de istis? ego, confiteor, nullus assequor mentem medicorum, qui in describendis morborum casibus assignant ægroto temperiem sanguinco-melancolicam, aut phlegmatico-sanguineam &c. ignoro enim, quid hi per vocabulum antecedens, quidve per consequens intellectum velint? vasane? an vero humores? vel fortassis utraque simul? At si temperiei expositio e duabus compositæ tam est obscura, qualis, quæso, non esse debet, quæ e tribus coaluit.

653. Temperamentorum distributionem ac totius gentis humanæ constrictiorem in classes maximis implicitam esse difficultatibus, nullum latere potest. At tamen cum temperamenti ægri sit medico prorsus necessaria, videamus, utrum non aliquam temperierum dispositionem deprehendere, sive cujusvis infirmi temperiei descriptionem, quoad medico est cognitu necessaria, adferre valeamus.

654. Ad classes has construendas, ex paullo antedictis confeci, oportere, *imo*. separare systema nervosum animale ab organisimo, sive in alias disponere classes conditionem nervorum, quæ animæ subsunt imperio; & in alias constitutionem organismorum. *2do*. Ipsum quoque organisinum ita dividere, ut alia nervis ejus obveniat classium dispositio; & alia vasis majoribus. Tractabimus itaque primo de temperamentis organismorum quoad vasa majora; secundo quoad eorundem nervos; & postremo de temperamentis, ut aimus, animæ.

655. Laxitatem vasorum & rigiditatem plurimum valere ad describendam corporis conditionem adeo clarum est, quam quod clarissimum. Hinc ea quoque ordinandis temperierum classibus retinenda esse, nullus dubitavi. Verum cum sæpius a medicis ignaris; atque earum, quæ ad plenam ac necessariam morborum status descriptionem pertinent, insciis deprecatur medicorum per literas consilium, non quidquam magis necessarium esse sum arbitratus, quam temperamentorum definitiones ita instituere, ut omnibus liquido pateant, proinde illis etiam, qui artem medicam docti non

non sunt, ut hi quoque debitam ac necessariam ægrorum temperici notitiam medicis a se remotis per literas dare queant. Quare loco verborum *laxum & rigidum* substituere vocabula *pinque & macre*, vocabula utpote omnibus notissima, satius esse duxi.

656. Præter laxitatem autem & rigiditatem vasorum judico ipsam etiam corporis staturam esse ad disponendas temperamentorum organisini classes adhibendam. Siquidem cogitanti palam est, humores ad obeundum suum circulum per corpus universum tanto longiori opus habere temporis intervallo; quanto altior est corporis statura; & vicissim eos tanto citius absolvere suum circuitum, quanto corpus est, in quo fluunt, statura minus. Unde sequitur, sanguinem eodem temporis spatio tanto rarius feri per pulmones, tantoque minus subire vehementissimam istorum actionem, seu tanto minus compingi ac perfici; quanto corpus est magis procerum; e contrario autem tanto melius elaborari; quanto istud est brevius.

657. Illatio ista corroborari videtur per id, quod homo sit eo agilior, eo loquacior, eo calidioris indolis, eoque pronior in animi affectiones, si tamen corpus ejus non fuerit male constitutum; quo est statura minor. Cuncta ista significant, humores esse in pusillo magis compactos, plusque elasticos; quam in homine staturæ multum proceræ.

658. Mea igitur opinione satis est expressa organisini conditio, quæ, quoad temperamentum, medico scitu est necessaria, si designetur altitudo corporis ægri cum pinguedine: si videlicet referatur, ægrum esse v. g. altum corpore & simul macrem; aut pusillum & unapinguem &c. Nam ex harum relatione priori cognoscit medicus, ægrotantem habere vasa rigida & humores spissos frigidosque, quales vocamus atrabiliares, perspirationem maximam & quæ sunt ejusmodi: ex altera vero, vassa in infirmi esse laxa, & humores blandos, copiosos, tenues, & calidos, quales damus temperamento sanguineo, transpirationem dein minus copiosam, & sic de reliquis.

659. Quum autem tam statura corporis; quam etiam vasorum laxitas admodum varient, sitque statura non

omnibus aut procera, aut parva, sed multis mediocri: similiter pinguedo: Existimo, vocabula *medium* & *neutrum* esse adnectenda prioribus ita, ut, si æger describendus sit staturæ mediocris, hæc exprimeretur per adjunctum verbum *medii*: & si neque pinguis fuerit neque macilentus, addendam esse vocem *neutrii*.

660. Classes itaque, in quas genus humanum ratione temperamenti, quantum ad medici notionem, est distribuendum, sic disponendas esse judicavi, ut classe *1ma* complecterentur *Alto-macres*; *2da Alto-pingues*; *3ta Parvo-macres*; *4ta. Parvo-pingues*; *5ta. Medio-macres*; *6ta Medio-pingues*; *7ma Alto-neutros*; *8va Parvo-neutros*, & tandem *9va Medio-neutros*, sive illos, qui sunt staturæ mediocris, neque simul pingues vel macilenti; sed conditionis inter pinguedinem & maciem mediæ.

661. Distributionem istam, quantumvis esset satis ampla, suas nihilominus, haud ignoro, patitur difficultates, quemadmodum quælibet vegetabilium, fossilium, & animalium in classes & genera dispositio: siquidem & altitudo corporis, & laxitas vasorum tantopere variant, ut nihil magis. Sunt enim aliqui hominum valde; alii vero minus alti: quidam admodum; alii vero minus pingues aut macres. His insuper sunt aliqui compaginis tenerrimæ; non pauci autem corpore robusto & firmissimo.

662. Difficultatibus istis obviam nos venturos spero, si in describendo ægri corporis temperamento (hunc enim unicum in finem sunt classes temperamentorum institutæ & instituendæ) addiderimus, & addendum ab aliis expetiverimus, ubi opus fuerit, verbum *admodum* vocabulis altitudinem vel pinguedinem exprimentibus. Juvabit dein etiam subnectere, num infirmus sit corpore tenero vel robusto? Quoniam & id medici scire interest.

663. Existimo videlicet, designationem temperamenti, quantum ad organismum, qua definitur altitudo, pinguedo, & robur corporis, cum primis si ipse istorum gradus simul fuerit notatus per vocabula *multum*, *admodum* &c esse sat amplam. Igitur si designationi huic adnexa fuerit ægroti ætas, sexus, & consuetudo, descriptio-

scriptionem describendi organismi esse omnibus, medico scitu necessariis, absolutam, opinor.

664. Conditionem nervorum organismi propterea §. 654. ab ejus vasis majoribus separandam, & peculiariter adnotandam esse judico, cum non teneri solum, sed robusti quoque corpore habeant nervos admodum mobiles; & e converso teneri sint animo sæpe fortissimo. His accedit quod uniuscujusvis systema nervosum sit peculiariter dispositum sive ita, ut quodlibet pene a rebus singularibus, de se minime irritantibus, miro perturbetur modo. Quam ob rem priori temperiei descriptioni subjiendum est, num corpus, de cujus restituenda agitur valetudine, sit multum vel parum mobile? atque quibus rebus grate & quibus ingrata afficiatur?

665. Animi porro temperamenta, quamvis ex corporis altitudine & pinquedine utcunque possint conjici, seorsim nihilominus eas exponere, & in suas classes redigere, haud inconveniens, immo necessarium existimo. Quinduplicem autem esse rationem opinor, qua animus quoad conditionem, quam temperamentum appellamus, in animadversionem duci potest. Aliquos enim hominum notamus esse proclives in iram; alios in tristitiam; quosdam constanter fere jucundos; non paucos a quavis idea movente sive grata seu ingrata illico multum exacerbari; & denique non nullos vix majore percelli animi affectione.

666. Primum itaque animi temperamentum judico esse cholericum, quo designatur hominem esse pronum in iram; Alterum melancolicum; Tertium sanguineum; Quartum mobile; Quintum indifferens sive phlegmaticum. Est, inquam, Alius animo iracundo seu cholericus; alius tristi sive melancolicus, Quidam jucundo sive sanguineus; alter mobili; & demum alius animo indifferens seu phlegmaticus.

667. Quantum hæc animi temperamentorum expositio addat lucis cognitioni temperiei universæ cujuslibet ægroti, tanquam causæ prædisponenti? Quantum dein quoque intersit, separasse temperiem animi a temperamento organismi? denique quamque clara possit per duplicem hanc, organismi scilicet & animi

temperierum expositionem fieri ægrotantis status descriptio, medico facienda? perspicit quisque.

668. At vero si medico, qui per literas consulitur, necessaria est plena sive talis, qualem nunc adduximus, & animi videlicet, & organismi, & istius nervorum conditionis, quam temperiem nominamus, accurata designatio, manca erit omnis illa curandorum morborum medico facienda relatio, cui debita non est præmissa ægrotantis temperamenti expositio. Utrum proinde prætermissæ justæ temperierum ægrorum descriptioni non sit tribuendum, quod e casibus, quibus volumina sunt repleta, morborum feliciter a medicis curatorum tam exiguos fructus carpere ac in utilitatem convertere valeamus? peritis in arte definiendum relinquo.

669. Vires deinde potentiarum quoad temperamenta expendentibus manifestum est, eas esse maxime dispares. Plus utique potest organismus in corpore alto-neutro, quam in parvo-macri: natura autem e contrario, adjutrix quippe organismi, plura præstrare adigitur in corpore parvo-macri; quam in alto-neutro: Heterogencorum quoque vis est multo vehementior in priore; quam in altero: major in corpore isto sive forti; quam in illo seu debili.



CAPUT QUARTUM.

DE

QUARTA CAUSA PRÆDISPONENTE, QUÆ EST CONSUETUDO.

- | | |
|---|---|
| <p>670 Consuetudo disponit corpus ad morbos.</p> <p>671 Est igitur de ea quoque differendum.</p> <p>672 Quid per consuetudinis vocabulum intelligatur, patet omnibus.</p> <p>673 Quilibet hominum inductam habet consuetudinem,</p> <p>674 & quidem peculiarem.</p> <p>675 Vires consuetudinis sunt præpotentes.</p> <p>676 Amittit enim per eam ipse organismus agendi facultatem,</p> <p>677 quam ei unica reddit res assueta,</p> <p>678 & quidem illico.</p> <p>679 Magni proinde facienda est omnis consuetudo,</p> <p>680 maxime in ægris,</p> <p>681 atque in prognosi.</p> <p>682 Organismus debilitatur re assueta,</p> <p>683 quod adversus eos, qui id negant,</p> <p>684 demonstratur.</p> <p>685 & exemplis corroboratur.</p> | <p>686 Hinc noxii sunt potus stimulantés,</p> <p>687. cunctave irritantia in consuetudinem deducta,</p> <p>688. cum primis autem medicamenta.</p> <p>689 Est itaque omnis rerum acrium consuetudo perniciofa.</p> <p>690 Triplicis generis videtur esse consuetudo.</p> <p>691 Actionis videlicet,</p> <p>692 qua parti corporis inducitur segnities.</p> <p>693 Unde desumitur effectus venæsectionis in antevertendis quibusdam morbis,</p> <p>694 atque validæ consuetæ corporis exercitationis.</p> <p>695 Alterum consuetudinis genus est Rei,</p> <p>696 in quo idem obvenit organismo,</p> <p>697 veluti conjicitur ex exemplis.</p> <p>698 Hinc optimæ quoque rei consuetudo est vitanda.</p> |
|---|---|

- 699 Tertium consuetudinis genus est temporis,
 700 distinctum a prioribus.
 701 quia est horæ fixæ obstrictum.
 702 Unde quorundam emanat ratio.
 703 Consuetudo ista peculiarem infert conditionem organisino,
 704 maxime nervis,
 705 quorum liquor majori solito copia videtur hora certa secerni,
 706 cujus causa est duplex,
 707 Ordo nempe, quem servat organisinus in agendo,
 708 & observaret constanter, nisi conturbaretur.
 709 Altera causa est Character.
 710 Causæ istæ duæ simul excitant effectus consuetudinis temporis.
 711 Ad quorundam mentem sufficeret character.
 712 Verum non is unicus videtur reducere paroxysmos febris intermittens.
 713 Quocirca cortex peruvianus non delet characterem intermittens.
 714 Afferunt quidem characteris Fautores,
 715 nihil crudi remanere in corpore post paroxysmos,
 716 Adeoque cortice non dissolvi causam febris corpoream.
- 717 Sed roborari solum nervos infirmos.
 718 Respondeo autem, corpus ægri non esse liberum a cruditatibus tempore intercalari.
 719 Subigi proinde cortice ipsam materiam febris
 720 per id, quod vires adaugeat organisini.
 721 Crudum enim videtur incrementum tempore intercalari,
 722 cujus incrementum inhibet cortex.
 723 Uti ex effectibus colligitur.
 724 Ex quo non nullorum patet ratio.
 725 Simile aliquid evenit in consuetudine temporis.
 726 Quævis consuetudo est extirpanda.
 727 Duæ priores tolluntur facilius.
 728 Omnis autem non nisi sensim vincenda est.
 729 Unde quædam inferuntur.
 730. Consuetudini temporis similis est quilibet morbus periodicus,
 731 aut qui characterem habet,
 732 Consuetudo mutat admodum vires potentiarum.
 733 Ex dictis quorundam depromitur ratio.

CAPUT QUARTUM.
DE
QUARTA CAUSA
PROEGUMENA
SIVE
DE CONSUETUDINE,

670. Omnes omnino Præceptores medici jubent juniores practicos studiosam habere cujuslibet accuræ suæ commissi tum ad tuendam, cum etiam ad restituendam valetudinem consuetudinis animadversionem, & exactam ejus disquisitionem, nec mirum: tantam enim agnoverunt vim in consuetudine, ut ipsam inter causas proegumenas retulerint.

671. At si consuetudo causa est prædisponens, si, inquam, dimidiam constituit morborum causam, haud perdemus operam, quam in discutiendas hominum consuetudines, earumque vires lustrandas impendamus.

672. Quid consuetudo sit? siue quid per hoc vocabulum intelligatur? manifestum est omnibus; Summam etiam hanc ipsam consuetudinis ideæ perspicuitatem existimo esse causam, quod authores eam fusius exponere, nec studio de ipsa differere intermiserint.

673. Vivimus in aere, nos undique ambiente, ast ita, ut aliqui vitam suam plurimam agant in atmosphaera gravi; alii in leviori; plures in recente rurali; non pauci in urbano &c. Vescimur quoque cibus & conditione & copia distinctissimis: Multi in perenni sere sunt corporis exercitio; alii contra otiantur pene constanter, & sic porro. Singulis istis ita unusquisque assuescit, ut alienis lædatur. Habet ergo quilibet hominum inductam consuetudinem.

674. Tanta est aeris, esculentorum, poculentorum &c varietas, tantus quoque, rerum ad nutrimenta non per-

tinentium, veluti sunt, potus caffè, pulvis & fumus herbæ nicotianæ &c. in consuetudinem delatarum numerus, ut fas sit asserere, unumquemque hominum peculiare induisse consuetudines.

775. Dum pulvere v. g. nicotianæ assuetus hoc destituitur, maximas sentit in suo corpore perturbationes: lanquet nimirum appetitus in cibos; abest potus suavitatis; est corpore debilis; animo inquietus, tristis, & continuo fertur dictum pulverem sumendi desiderio. Similibus vexantur vinipotæ, si vini penuria laborant; similibus etiam mulieres, quæ potu quotidiano fabarum arabicarum sunt assuefactæ, si eo careant, & ita de ceteris rebus in consuetudinem deductis.

676. Hæc & reliqua inhibitæ consuetudinis Symptomata significant, partem organismi, in quam res assuetæ suas effundunt vires, sic sensum earum usu continuato mutari, ut vim propriam agendi, quam ante conceptam habebat consuetudinem, amittat, quin amplius actione sua sine re assueta rite possit defungi. non subigit nempe vinipotarum ventriculus cibos absque vino; non solvitur alvus mulieribus, quotidiano potu caffè assuetis, sine isto.

677. Sunt deinde hæc symptomata, tam pertinacia, ut nullis remediis, præterquam rei, quæ est in consuetudine, aut ei maxime similis, cedant. Non alia videlicet stomachica tollunt languorem ventriculi vinipotarum, nisi vinum, aut liquor fermentatus &c. Unica proinde res assueta pollet viribus nunc recensita fuggandi mala; unica hæc restituit facultatem & vires agendi parti, rei assuetæ penuria torpenti.

678. Quam sunt autem pertinacia consuetudinis symptomata, tam cito tamque facile abiguntur per rem assuetam, pauca pulveris nicotianæ grana, naribus attracta, tollunt temporis puncto omnes prorsus ingratissimas corporis affectiones, ob inopiam hujus pulveris erecta.

679. Hinc liquet, quam infirma sint remedia, etiam selectissima, quamque minus reficientia, optima alias, nutrimenta, quæ non sunt ad consuetudinem ægri conformata; & ex adverso quam efficacia utraque, si fuerint

rint juxta consuetudinem: inde patet, quanti facienda sit disquisitio consuetudinis in ægris.

680. Promeretur autem investigatio ista tanto majorem solertiam, quanto frequentiora occurrunt in morbis symptomata, solis rebus assuetis suprimenda. Quæ præterea deponat in infirmis consuetudo? norunt in arte versantes. Non raro enim accidit, ut in ipsa febre acuta ad impetrandam crudi coctionem vini potum indulgere debeamus. Carnibus assueti non alio in ipsis morbis putridis magis reficiuntur alimento, quam jure carnis.

681. Est dein etiam non modicum, quod consuetudinis animadversio in morbis adfert ad prognosim. Quoniam indubitatum fere revertentis sanitatis indicium est resurgens, morbo sublato, desiderium accersendi res assuetas in usum pristinum; sicuti certum signum est latentis in corpore morbi sive materiæ morbificæ, si concupiscentia rerum, quarum usus antea fuerat frequens & copiosus, subito pereat.

682. Modus, quo consuetudo disponit organismum ad morbum, intelligitur ex supra (§. 676.) dictis. Cum enim per rem consuetam dematur agendi facultas parti corporis, in quam res ista suas vires exerere solet; evidens est, morbos debere generari ea in parte, quæ operandi facultatem perdidit, dum homo rei assuetæ inopia laborat. Quum scilicet v. g. vinum, cum primis fortius, quotidiano usu assuetum adeo debilitaverat ventriculum, ut is absque vino non jam conterat cibos ingestos, perspicit quisque, indigestiones & cuncta exinde oriunda mala emanare debere, si vinum non fuerit in auxilium vocatum.

683. Vulgaris, dicet fortassis aliquis, ac omnium est sententia, vinum tanto minus enervare ventriculum, ut eum potius quam maxime roboret, & digestionem mirum in modum promoveat, ipsam, subjunget, audiamus experientiam quotidianam, quæ abunde testatur ventriculum vinipotæ non satis ingesta digerere sine vino; & si hic plura solito comedebat aut dura, tenacia, dissolvit, & subigit ea vinum fortius ac spiritibus dives.

684. Vino, respondeo, promoveri digestionem nullus unquam negabo. Verum hoc ipso enervat simul ventriculum, quemadmodum omnis res longo usu in consuetudinem deducta partem corporis, in quam hæc agit, magis in dies magisque debilitat, veluti paullo antea §. 676. diximus. Quid enim significat id, quod ventriculus vinipotarum cibos non satis concoquat absque vino, aliud, quam vires istorum digerentes consuetudine potus vinosi esse fractas, & infirmatas?

685. Contucamur e contrario ventriculum aquæpotarum: Hic certe cibos tenacissimos, nisi alia corporis obstat affectio, facile conterit ocylissimeque; aut æstimeamus vires digerentes potatorum: nonne tanto paucioribus satiantur isti cibus, nonne tantove difficilius subigunt assumpta; quanto plura, quantoque fortiora vinapotare consueverunt?

686. Hinc liquet, quam male consulant sanitati suæ inprimis vero longævitati, qui ad cibos intimius attenuandos, & aptius subigendos delectum adhibent in mensa vinorum ad sitim reprimendam, aut transacto prandio sumunt quotidie vina insuper fortissima vel eorum spiritus ardentis. His sane non potest, nisi majus succedat corporis exercitium, non laxari, vasorum firmitas, ac imminui.

687. Quidquid de vino nunc agebamus, id omne convenit potui quoque forti fabarum arabicarum, aromatibus, fumo nicotianæ, & quæcunque sunt ejusmodi stimulantia, in consuetudinem usque delata: par enim, quæ pro vino copiosis spiritibus referto pugnat, stat pro istis quoque ratio, parique modo infirmant ista ventriculum; quo vina præpotentia.

688. Verum si vina fortia fortisque potus quotidianus caffè & similia leniora robur confringunt ventriculi, quid, quæso, existimare licet de tincturis, pilulis &c stimulantibus, & purgantibus, quæ quidam adaugendæ digestionis aut alvi exonerandæ causa sumunt in dies singulos?

689. Est igitur nihil magis infestum organisimo humano, quam longa acrium stimulantium confirmataque consuetudo; nihil pejus, quam ea, quæ instar medi-
ca-

camentorum, solis utpote necessitatis temporibus, essent usurpanda, in consuetudinem usque deferre; nihil denique perniciosius, quam ipsa medicamina irritantia in frequentem ac pene quotidianum deducere usum.

690. Si consuetudinis varietatem contemplemur, deprehendimus eam esse omnino multiplicem: attamen si eam ad genera, velut oportet, referre velimus, comperimus in tria ipsam posse disponi: in consuetudinem nimirum actionis; rei; & denique temporis.

691. Consuetudini illi vocabulum actionis adjudicandum opinor, quæ spectat ad actionem aliquam. Sic dum quis vehementi corporis motui, aut e converso diuturnæ sessioni, lusui, meditationibus &c. quotidie indulserat, consuetudinem similem actionis vocandam censeo.

692. Si porro consuetudines seorsim sive juxta genera discutere velimus, videtur consuetudo actionis consistere in eo, quod per frequentem eandem actionem inducatur vis corporis, quæ ad talem actionem adhibentur, segnities ac stupor, quo fit, ut organismus non amplius possit satis commode defungi quibusdam actionibus, nisi per consuetam actionem adjutus. Inde est, quod in homine, qui medicamento alvum sæpius aperire solet, tanto segnior sensim evadat motus intestinorum peristalticus, quanto frequentior & longior est purgantium usus. Similiter is, qui crebris venæsectionibus est assuetus, non jam facile absundet humores superfluos, immo tantocumque congregabit istos rursus post sectam venam, quanto frequentius sanguinem miserit.

693. Hinc clara est vis venæsectionum ad prævertendum sanguinis sputum, hæmorrhagiam narium, hæmorrhodium & immoderatum fluxum menstruum &c. Non revertitur solummodo citius emissæ per incisam venam sanguinis copia; sed attenuatur simul etiam plus semper sanguis ipse, idoneusque idcirco magis fit subeundis vas minoribus

694. Conjicitur exinde quoque, quam sit erronea illorum opinio, qui existimant, corpus humanum per vehementes exercitationes ita firmari, ut id non tantum

acris

acris ceterorumve injuriis maximis obsistere queat, sed disponatur simul etiam ad vitam longam. Hi certe copius conterunt suum corpus; quo durius istud tractaverint, unde evenit, ut continuo, ac desisterint ab hujusmodi motu, indigestionibus, articulorum morbis, & malis inde ortis laborent.

695. Altera consuetudinis species est rei, sive dum quis rem aliquam ita sibi longiori usu reddidit familiarem, ut sine hac inquietudo nascatur in animo, & in organisino perturbatio. Res generis istius sunt numero infinitæ.

696. Idem, quod in priori, videtur in hac pariter consuetudine accidere organisino; infringi videlicet vires vasorum, in quæ agit res frequenter adhibita. Nisi nicotianæ pulvis nervos narium crebrius vellicet in assuetis, non solum nullus secernetur in iis mucus, sed universum una torpescit ad actiones systema animale.

697. Corroborant hoc effatum exempla, e quibus constat, eo acerbius affici animum inopia rei assuetæ, eoque magis inhiberi functiones organisini, atque etiam eo gravius lædi & animum & organisinum re assuetæ contraria, etsi hæc melior esset indole; quam res consuetæ; quo diuturnior & frequentior fuerit rei assuetæ usus.

698. Hinc clara emanat ratio, quare Celsus non suadeat, ut homo semper fruatur aura rurali, neque, ut quisque corpus suum constanter exerceat; sed potius modo esse ruri, modo in urbe, nunc corpus movere, jam vero quiescere? & sic porro. Agnovit enim & indicat per id perniciem consuetudinis rei etiam saluberrimæ atque actionis.

699. Tertium consuetudinis genus voco temporis, quia fixum diei, mensis, vel anni tempus respicit. Est, si quis assuetus est certa diei hora rem aliquam in usum deferre, vel actionem ponere, ut prandere, corpus movere, ludere, dormire &c.

700. Habet ista consuetudinis species id diversum a duabus præmissis, quod desiderium rei vel actionis, quæ est juxta consuetudinem, non increseat semper, veluti contingit in prioribus; sed remittat iterum labente hora, qua

ua consuetudinis cupiditati satisfacerebat quotidie, relictis omnibus malis, quæ ob defectum rei assuetæ remanere solent. Sic qui determinata diei hora prandere habet in consuetis, abscedit cum ea, si prandium non assumat, comedendi voluptas, permanente inanitione, debilitate, tristitia & similibus, quæ alimentorum inopia suscitare consuevit.

701. Est & id singulare in hac consuetudinis specie, quod, si res assueta non ipsa fixa & in dies observata hora, sed post istam, in usum deferatur, res hæc tanto jam minus opituletur torpenti organismo, et ipsum magis adhuc aggravet, & conturbet. Quotiescirca, si assuetus non assumat cibos constituta diei hora, isti prætervoluto hoc prandendi tempore non solum non reficiunt corpus, sed onerant insuper ventriculum, non facile digerendi.

702. Hinc est in aperto ratio, cur venæsectionibus, scarificationibus: purgationibus &c assueti non liberentur ab affectionibus, quas plethora, vel collecta humorum saburra suscitavit, per sectam venam aut purgans, si ista, statuto tempore prætermissa, sive hoc jam præterlapsa adhibeantur, sed aut repetita venæsectione, aut continuatis opus sit purgationibus?

703. Quemadmodum autem hæc consuetudo diversos penitus a prioribus duabus exerit effectus; ita videtur etiam aliam & prorsus disparem inducere organismo conditionem ab illa, quam inducunt priora consuetudinis genera.

704. Ex eo, quod in hac consuetudine, appropinquante consueta v. g. prandendi hora, surgat appetitus in cibos; & hac recedente, si prandium non sit sumptum, recedat iterum, cibique, qui alias definita hora ingesti facile digerebantur, non jam subigantur; non videntur tam ipsa vasa majora per consuetudinem itam, velut in prioribus, subire mutationem; quam potius nervi sive liquor in his existens.

705. Videntur scilicet consuetudinis istius effectus medicare in exemplo citato, certa quotidie hora copiosos liquores gastricos, cum primis nerveos, influere in ventriculum, qui tum excitant comedendi desiderium;

& deinde, si ingestum non fuerit, effluere rursus ex eo, ipsum viribus destitutum relinquentes, impari ideoque coquendis cibis, qui tardius assumuntur.

706. Rationem, cur fixa quotidie hora contingat in hac consuetudine copiosior succi gastrici influxus, neque citius vel tardius? & cur transacta hora remittat iterum? derivandam esse judico a causis duabus, ab ordine videlicet, quem organismus servat in omnibus suis actionibus; & deinde a singulari impressione per rem, quibusvis diebus usurpatam, vel actionem definita quotidie hora peractam, in nervos facta, sive a peculiari istorum conditione ac dispositione, qualem alias characterem nominamus, per consuetudinem inducta.

707. Ordo exactus, quem organismus semper observare intendit, servaretque, si non turbaretur a ceteris potentiis, assidue fere in eum agentibus, patet inde: 1^{mo}. Est is machina, a machinis reliquis artefactis & rite constructis, in quibus omnia ordinatissime peraguntur, nihilo quasi aliena. Hinc 2^{do}. organismus, veluti ratio credere suadet, si non confunderetur modo ab anima, modo ab heterogeneis, modo ab ipsa quoque natura, ordinate suis semper defungeretur actionibus. 3^{io}. Organismus absolvit sua, in quibus non conturbatur, ex ordine. Sic per novem communiter menses perducit rudimenta homuncionis in utero ad maturitatem; fixo pene ætatis anno protrudit dentes in infante; circa annum decimum quintum explicat vasa generationi dicata, & cetera, quæ pubertatis tempore accidunt, profert, & excitat; circa annum ætatis quinquagesimum cessat fluxus menstruus in mulieribus. Maxime autem elucet 4^{to}. accuratus, qui organismo competit, ordo in morbis acutis, dum iste non turbatur in coquenda materia cruda.

708. Si plenam proinde quis posset facere potestatem agendi organismo, atque omnia prorsus animi pathemata, studia, & quidquid organismum conturbat, antevertere, cuncta, opinor, abolveret is ordinatim. Unde etiam esse videtur, quod in hominibus, qui ordinatam, ut loquimur, agunt vitam, omnia, quæ sunt organismi, fiant ex ordine.

709. Altera consuetudinis istius causa videtur esse, quemadmodum non diu abhinc diximus, singularis nervorum conditio, per iteratum ejusdem rei usum, vel repetitas easdem actiones organismo conciliata. Existimo videlicet, sicuti per unicum in nervos sensuum factum rei eis admotæ impulsus sit aliqua in isto impressio ita per iteratos sæpius impulsus rei ejusdem vehementem fieri impressionem in nervos. Humana sic effigies insigitur tanto magis memoriæ alterius; quanto frequentius perfertur ad istius animam.

710. Peculiaris ista nervorum conditio, per eandem quotidianam impressionem ejusdem rei eis conciliata, videtur cum paullulum antea exposito organismi ordine absolvere consuetudinem temporis: Conditio nimirum sive character videtur vices agere causæ prædisponentis; ordo autem sive copiosus influxus liquoris gastrici hora determinata in partes corporis, quæ consuetudini sunt obnoxia, vices causæ excitantis.

711. Possem equidem totum hujusce consuetudinis negotium ad unicum nunc expositam vasorum conditionem, quam characterem appellamus, referre, ac dicere, characterem istum virtute propria suscitare certa diei hora motus omnes, quos in hac consuetudine observamus, veluti character febris intermittens, conditioni huic nervorum & vasorum merito assimilandus, dicitur propriis viribus suscitare, ac revocare paroxysmum. Verum cum character iste non videatur earum esse facultatum, ut virtute propria febrim valeat succendere, consuetudini pariter, in dies singulos reducendæ, imparem esse censeo unicum hujusmodi characterem.

712. Pluribus exemplis compertum habemus, febres intermittentes, imprimis quartanas, cortice peruviano fugatas, recruduisse sæpe post trium etiam mensium intervallum ob levem commissum errorem. Permanserat ergo in his casibus dispositio corporis ad hanc febrim per universum tempus intercalare, & mansisset etiam ultra sine feбри, nisi error admissus supervenisset. Ille igitur, & non character febrilis, suscitavit denuo in his exemplis paroxysmos.

N

713. Con-

713. Constituto autem eo, quod character intermittentis permaneat corpori impressus ægrotantis, cujus febris cortice suppressa est; erronea est medicorum illorum opinio, qui arbitrantur, characterem hujus febris deleri cortice; infirma proinde est potentissimi alias istius remediî vis, si id ad delendum characterem ægris propinetur. Nam, si cortex obliteraret characterem febris intermittentis, deberet etiam dispositionem epilepticam, ac similem, si non delere, saltem infringere; Ipsam dein etiam imminueret memoriam hominis, aboliendo infixas in eam ideas perceptas.

714. Argumenta, quæ characteris istius fautores adferunt, ut demonstrarent, eum viribus propriis reducere paroxysmos, & cortice dato aboleri, ac tali modo febrim intermittentem subigi, præcipua sunt sequentia.

715. Primum: Intermittente correptus liberrime exequitur actiones suas omnes tempore inter paroxysmos medio, quin scilicet ullam sentiret in corpore molestiam aut difficultatem. Hinc inferendum esse ajunt, nihil crudi peccantis existere in ægro tempore intercalari, sed quidquid fuerat noxium febrile, id omne in unoquoque paroxysmo attenuari, & cum sudore exterminari semper e corpore. Quam ob rem concludunt, character esse debet causa revertentium paroxysmorum.

716. Secundum: Certum est, & innumeris fere comprobatum exemplis, corticem esse nocumento, si corpus febris jactantis non sit ab omni crudo rite purgatum. Non resolvit ergo, inquiunt, cortex causam morbi corpoream, non scilicet materiem febris intermittentis. Dum igitur antevertit paroxysmos in corpore impuro, exstinguit characterem, relicta intacta materia in corpore cruda, quæ subin obdurationses viscerum, cacochymiam producit & similia.

717. Tertium est: Longa plurimorum expertissimorum virorum observationibus instituti scimus, cortice peruviano egregie roborari nervos, qui per animi motus aut studia sunt contriti; debiles item eodem hoc medicamine instaurari modo prorsus singulari. Non est proin-

proinde, continuant characteris Defensores, vis alia in hocce remedio, quam firmandi nervos debiles & erigendi debilitatos: Non aliter ergo retinet paroxysmos intermittens, quam delendo characterem, cum nervos roborat, & adversus imminensem paroxysmum confirmat.

718. Ad argumentum primum respondeo: Quantumvis intermittente correptus non vehementes percipiat affectiones in suo corpore tempore intercalari, sentit attamen quilibet aliquas. Languet enim, & pallet &c. Hæc certe sunt indicia latentis in corpore materiæ crudæ peccantis. Verum etsi nihil prorsus animadverteretur in ægro dictis temporibus ab alienatum a sana corporis constitutione, non probat id nihilominus, corpus ægroantis esse ab omni crudo purum. Potest enim crudum delitescere in corpore diutissime, quin id sui manifestet præsentiam, quemadmodum latet, ut scimus, in corpore per annos plurimos materia celtica, podagrica, epileptica &c; non minus viscida in visceribus obstruens & obdurans.

719. Ad secundum dico, perniciosum esse corticem, quando corpus scatet impuris humoribus, aut adsit vaporum obstructio. Noceere nimirum eum, si materies cruda sit ea copia vel tenacitate, ut per motum febriem, quem cortex restringit, attenuari debeat, & percoqui; non autem si materies hæc sit modica & simul genera sive talis, quæ per unicas organismi actiones, quas cortex magis adhuc adauget, se permutari sinit, quas videtur esse materia febris intermittens, sive causa istius corporeæ. Satis est igitur corpus febre correpti ille tempore intercalari per salia & evacuantia a spissiore ac tenaciore materia depurgatum, antequam cortex adhibetur.

720. Ad Tertium demum repono, me existimare, laborari quidem, ut suscepto a pluribus vocabulo nar, nervos &, si mavis, vasa quoque corporis per corticem, aut hoc solum sensu, quod adaugeat vires organismi languentis, sicque coctiones, secretiones promoveat; non autem eo intellectu, quod nervos ipsos

efficiat plus rigidos, aut exstinguat impressiones in istis factas. Verum de his alibi.

721. Ad id magis declarandum dico, me opinari, majorem quidem partem materiæ, sive causæ corporæ febrilis, non autem eam omnem concoqui per motum febrilem, & expelli cum sudore, aliquam ideoque semper remanere in corpore, quæ humores sanos tempore inter paroxysmos medio magis sensim magisque ac plures corrumpit, usquedum tanta humorum copia est depravata, quanta sufficit suscitando novo paroxysmo.

722. Cortex itaque peruvianus non efficit, meo judicio, aliud in ægroti corpore tempore intercalari, quam quod impediatur confectionem novæ materiæ morbificæ, seu ita adaugeat torpentes tunc organismi vires, ut is non cohibeat solum degenerationem suorum humorum, sed subigat ipsum etiam crudum, fluida corporis pervertens, istudque sensim immutet.

723. Illustrat hanc opinionem id, quod cortex longo temporis spatio post suppressum jam paroxysmum sumi debeat ad præcavendum novum, tamdiu videlicet, donec omnis materia febris est extirpata & subacta. Profecto, si corticis uncia, quæ paroxysmum antevertit, deleat characterem febris, corticis usus foret abolito characterem prorsus supervacaneus.

724. Admisso eo, quod cortex tollat causam materiale sive procatacticam, & non prædisponentem, facile concipimus, quare febris intermittens per corticem sopita post plures etiam menses leviori peccato in sex rebus non naturalibus commissio recrudescat? Quare purgantia ceteraque stimulantia reducant suppressum cortice paroxysmum? Quare hæc ipsa cortici admixta istius frangant vires? Quare interdum? & quando necesse sit similia adjungere cortici? &c.

725. Quemadmodum autem non unicus character excitat paroxysmum febris intermittens, sed necessaria est causa accedens; ita ad consuetudinem æque temporis explicandam non sufficit unica vasorum corporis conditio peculiaris ac dispositio, sed necessaria videtur esse causa excitans, seu influxus major humorum,

cum-

Imprimis forte liquoris nervei, in partem corporis, quæ per consuetudinem mutata est.

726. Cum quævis prorsus consuetudo, imprimis longior, sit perniciofa organismo, corpusque disponat ad morbos, quia organismi infringit facultatem agendi; omni studio enitendum est, ut inducta consuetudo, rei etiam vel actionis saluberrimæ, maxime in ætate hominis ea, in qua de viribus organismi multum adhuc sperare licet, extinguatur rursus, pristinaeque restituantur vires corporis.

727. Prima duo consuetudinis genera, cum in eis nullus adsit character, sed unicus torpor in vasis, facilius possunt, nisi fuerint inveterata, ocysque deleri; quam genus tertium, in quo præter characterem est organismus ordini obstrictus adeo, ut non sine magna perturbatione ex eo se educi patiatur.

728. Modum, quo quælibet consuetudo est evellenda, jam Antiqui præscripserunt, eumque non nisi lentum esse debere asseverabant. Non est itaque quidquam magis damnandum, quam subito & ad semel denegare organismo rem vel actionem consuetam; aut, quod isto plus adhuc detestandum, re vel actione consuetæ opposita consuetudinem extirpare velle.

729. Inde liquet, num sanitati prolium consulant parentes illi, qui nutricem, quæ cibis duris copiosisque, aere libero, & perpetua fere corporis exercitatione assueta est, alimentis paucis, iisve facile digerendis vesci; in aere cubilis, humana transpiratione depravato, constanter versari; & ad latus infantis absque omni corporis motu esse jubent?

730. Quidcunque de consuetudine temporis retulimus, id omne, judico adhiberi posse ad morbos, qui periodum servant, explicandos curandosque. Videtur nempe in his quoque adesse & causa prædisponens, & causa simul excitans, sive & character vasis infixus, qui corpus ad morbos conservat dispositum: & causa corporea, tempore revertentis affectionis morbosæ in actum deducta, seu characterem suscitans.

731. At vero non in his solum morbis videtur explicatio ista habere locum, sed etiam in multis aliis

periodum non servantibus, veluti est Epilepsia, Clavus hystericus, aliæve frequentiores, ejusdem semper partis affectiones. In his enim existit perennis dispositio in morbos, quibus sunt obnoxii; cui si causa superveniat excitans, dispositio in actum fertur, morbusque prurumpit.

732. Quantum consuetudo valeat in vires Potentiarum, easque mutet? desumitur ex hucusque dictis. Organismum consuetudine permutari nemo dubitat. Heterogencorum dein vires esse pariter ratione consuetudinis maxime dispares, atque eodem, quo consuetus suamissime afficitur, insuetum confundi penitus, palam est. Animus porro ipse, ingratisissimis ideis perpetuo laceratus, ita pedetentim assuescit eis, ut quasi obdurescat ad novas affectiones. Natura demum, cui attribuimus instinctus deposcendi rem assuetam ab animo, diversos utique motus erigere debet in consuetudine diversa.

733. Ex hucusque dictis emanat ratio, cur ii, qui spirituosos multum indulgent, debilem habeant ventriculum? Cur coenæ assuetus non dormiat, nisi coenet? Cur angatur in acre clauso, qui in libero degere solitus est? Cur purgantia crebrius sumpta efficiant alvum tardiorum? Cur medicamina diu continuata suas tandem amittant in corpore vires? Cur plethora tantocypus increseat denuo; quanto frequentius fuerit celebrata venæsectio? &c.



SECTIO TERTIA.

DE

PRÆCIPUIS POTENTIARUM EFFECTIBUS.

CAPUT PRIMUM.

DE

CALORE HUMANO.

- | | |
|--|--|
| <p>734 Præcipuis potentia-
rum effectibus ad-
numerandus est corporis
calor,</p> <p>735 duplici sensu accipien-
dus,</p> <p>736 ad quem medicus su-
am conformat medicandi
rationem.</p> <p>737 Triplex est de caloris
humani causæ opinio.</p> <p>738 Hinc primæ classis me-
dici ad reprimendum ca-
lorem immoderatum præ-
scribunt, quæ attritum
imminuunt.</p> <p>739 Secundæ porro classis
remedia, quæ putrescen-
tiam compescunt.</p> <p>740 Tertiæ demum diapho-
retica.</p> <p>741 Dissentiunt quoque
medici in ipsa caloris
materia,</p> <p>742 in tresque abeunt sen-
tentias.</p> | <p>743 Quare asserunt aliqui
materiam ignis esse e cor-
pore multum calente ex-
pellendam.</p> <p>744 Unde ortum ducunt
decantata tot alexiphar-
maca.</p> <p>745 Aliqui vero accensum
sulphur esse exstinguen-
dum;</p> <p>746 Et denique alii leni-
ter refrigerantibus tum
pugnandum esse ajunt.</p> <p>747 Materia caloris non
est æther,</p> <p>748 non quoque fluidum
elementare,</p> <p>749 neque etiam phlogi-
ston chemicorum,</p> <p>750 sed potius ipsæ parti-
culæ corporis calentis.</p> <p>751 Causa dein caloris ge-
neralis non est attritus,</p> <p>752 neque putrescentia hu-
morum,</p> |
|--|--|

- 753 nec est is nobis innatus.
 754 Hinc coloris causa est varia.
 755 Istam discussuri dividamus calorem in naturalem, & præternaturalem.
 756 Causa illius non est putrescentia,
 757 Humores enim corporis non putrescunt, quamdiu sunt in motu.
 758 Nec probat quidquam sanguis piscium.
 759 Attritus ergo est causa caloris naturalis.
 760 Adversus istum obijciunt aliqui aquam humoribus admixtam.
 761 Verum hæc temperat solummodo calorem.
 762 Calor præternaturalis est alius ad sensum, & alius ad thermometer.
 763 Ille mutat sensum; & iste mercurium.
 764 Quidquid igitur infert sensum caloris, est illius causa,
 765 quæ proinde est diversissima.
 766 Mercurius ascendit in tubo, dum rarefit.
 767 Unde causa istius variat pariter.
 768 Causa itaque caloris est disquirenda semper in ægris,
 769 Calor ad sensum est aliquando conjunctus cum altero.
 770 estque verus, aut spurius.
 771 Quam ob rem sæpe fallit,
 772 veluti etiam calor ad thermometer.
 773 Hinc ratio talem determinare debet.
 774 Ex his patet, quæ corpus refrigerant.
 775 Examinemus jam frigus.
 776 Duplicem pariter fovent medici de hujus materia sensum.
 777 Ista est peculiaris,
 778 uti demonstrant observationes medicæ.
 779 physicæ,
 780 & consuetudo.
 781 Hinc potus glacie frigidus est multis proficuus,
 782 morbike a refrigeratione nati non sunt vere putridi.
 783 Liqueat e dictis quoque, cur calida refrigeratis obsint?
 784 Frigus est æque duplex.
 785 Causa frigoris ad sensum est varia;
 786 aliis vero sive ad thermometer causa est imminutus calor in superficie corporis,
 787 ideoque diversa.
 788 Quocirca fallit & sensus frigoris, & thermometer.

- 789 Expendamus nunc effectum tum caloris, cum frigoris.
790 Calor multum adfert ad nutriendum corpus,
791 aut moderatus.
792 Est hic causa quoque digestionis,
793 ceterarumve coctionum.
794 Ergo, dicit aliquis, calor in acutis non concoquit crudum.
795 Duplex, respondeo, est coctio,
796 Unde derivamus aliquam in acutis prognosim.
797 Effectus caloris sunt multiplices,
798 cum primis ratione ejus magnitudinis.
- 799 Frigoris effectus sunt nunc dictis contrarii.
800 Habet insuper frigus vim solventem,
801 Et, ut calor; inspissantem.
802 Calor expellit loco, quem occupat, frigus, & vicissim.
803 Modus, quo utrumque in corpus ingrediuntur, est singularis,
804 Calor, secundum potentias examinatus, est varius.
805 Frigus vero fit solum, vel ab anima, vel ab heterogeneis.
806 Ex hucusque dictis inferuntur quædam.





SECTIO TERTIA.

DE IIS

POTENTIARUM EFFECTIBUS

QUI SVNT

AUCTORES

ALIORUM RURSUS MOTUUM
ET SYMPTOMATUM.

CAPUT PRIMUM.

DÉ

CALORE HUMANO.

734. **P**rimum inter potentiarum effectus, de quibus præcipuis in hac tertia partis istius sectione agere, atque ipsos, quantum ad praxim spectant, operisque indulget brevitatis, discutere statui, sit calor, quem in nobis observamus, sive id, quod calorem nominamus.

735. Est calor iste tum effectus causæ peculiaris in nobis existentis, tum simul etiam causa efficiens multorum aliorum motuum. Quocirca duplici ratione considerandus est, tanquam scilicet effectus causæ alius; vel tanquam causa ipsa effectuum aliorum. Contemplabimur eum prius ut effectum, subinde ut causam.

736. Opinio, quam quisque medicus concepit de causa effectrice caloris corporis nostri sive humani, est tanti in praxi momenti, ut major ab ea pendeat medicandi norma. Qualem enim de hac causa cepit medicus conjecturam, talia, hac ductus, præscribit medicamina ad reprimendum calorem nimium,

737. Triplex est Medicorum super hac caloris humani causa conceptus sensus. Aliqui existimant eum concitari per attritum solidorum ad fluida; Quidam repetunt ipsum ab humorum inquilinorum, potissimum vero ingestorum putrescentia; & demum Alii volunt eum nobis esse congenitum.

738. Primæ proinde opinionis medici conatum suum in tractandis morbis acutis in id plurimum intendunt, ut attritum inter solida & fluida, tanquam immoderati caloris causam, infringere. Emittunt ea propter ægris maximam sanguinis copiam, propinantque eis aquosa, mucilaginoso, olea non nulli pressa, & quidquid affricum posset imminuere; abstinent simul ab omnibus adstringentibus, roborantibus, cortice peruviano ac similibus.

739. Secundæ porro classis Fautores ad infringendum in acutis calorem nimium vires suas dirigunt in compescendam humorum putrescentiam. Hinc universalialia pene istorum in acutis medicamenta sunt accrescentia, acidaque ipsa, liberrima manu propinata, cortex peruvianus, arnica, præcipua quippe antiseptica, & similia.

740. Tertiæ demum sententiæ Practici, sprete utraque commemorata acutos tractandi methodo, damnata nimirum sanguinis detractione, rejectisque remediis acidis, perhibent morbos auctos curandos esse absorbentibus & diaphoreticis.

741. Non dissentiunt autem Medici in causa solummodo caloris corporis, sed etiam in ipsa materie caloris. Quidam enim, ajunt, istam esse fluidum singulare, & a ceteris indole distinctissimum, quod igneum vocant; Alii vero asserunt, eam esse non aliud, quam ipsum oleum seu pinque corporis humani inflammatum & quasi succensum; Aliqui denique existimant, hanc esse ipsas corporis nostri partes minimas, in motum conturbatum abreptas.

742. Pioris (§. 741.) sententiæ Authores discrepant rursus inter se ita, ut quipiam eorum statuunt, fluidum igneum esse idem cum materia lucis sive cum æthere, in confusum motum actum; Alii autem opinantur, id
esse

esse liquidum peculiaris prorsus indolis, consistens in particulis subtilissimis, durissimis, per omnia tellurem componentia corpora diffusum, & se ipsas virtute propria in motum conturbatum constanter agentibus, & agere adnitentibus.

743. Practici, quibus materia ignis sive caloris est æther, solis refrigerantibus pugnant adversus calorem immodicum: Illi vero, qui fluidum igneum adstruunt esse materiam singularem, eam per cutis spiramina expellendam, & simul causam, quæ istam extricat e vasis & liquoribus corporis ægri, tollendam esse statuunt.

744. E postrema ista sententia ortum suum ducunt, suamque maximam obtinuerunt existimationem tot tantæque alexipharmaca & alaxiterica remedia. Inde est quoque mos, qui hodieum viget inter vulgus, expri-mendi sudorem, quamprimum calor aliquis major, morbum denunciatus, observatur in homine.

745. Chemiæ cultores, quum materiam ignis velint esse partem oleosam (§. 741.) corporis inflammata, quam sulphur nominant seu phlogiston, rejectis sudoriferis, & quæcunque plus augent fluidorum motum, suadent in calore nimio potum frigidum, auramque talem, aquosa, & quidquid accensum in corpore sulphur exstinguit, vitando simul studiose cuncta pinquua, & similia.

746. Illi tandem Medici, qui calorem non aliud esse autumant, quam conturbatum motum ipsarum minimarum partium corporis calentis (§. 741.), abstinere tum a stimulantibus, cum etiam ab admodum frigidis, sed solis leniter refrigerantibus humorum motum immoderatum pedetentim reprimendum esse asserunt. Videamus jam, quid de singulis his opinionibus sit sentiendum?

747. Materia caloris non esse solum ætherem ipsum, liquet vel solum inde, quod iste tantæ subtilitatis esse fertur, ut densissima telluris corpora, metalla nempe, & saxa absque difficultate pervadat. Hoc statuto nunquam posset coerceri corpore, nunquam morborum acutorum, per plures dies continuantium, fovere calorem.

748. Ignis deinde materia non videtur esse fluidum singularis (§. 742.) genii. Nam *Imo.* non posset, cum sit tenuissimum, & cuncta compactissima corpora permeet negotio facillimo, ita coacervari in corpore humano, ut febrim ardentem excitet. *2do.* Etsi maxima congregaretur ejus copia in corpore ægri, non permaneret in hoc congregatum per dies quatuordecim & plures continuos, sed reponeret se brevi temporis intervallo in æquilibrationem cum aere ambiente, ægrique corpus defereret, quemadmodum deferit omne aliud compactissimum, & maxime etiam calens, dum id auræ frigidaë exponitur. *3io.* Non facile, opinor, demonstrabitur, unde tot tantique & simul tamdiu perseverantes extricentur ignes elementares in morbis acutissimis?

749. Si demum pars oleosa esset materia caloris (§. 745.), veluti est nutrimentum flammæ, ægri pinques multo vehementiorem sentirent in acutis, foverentque calorem; quam macilenti. Intueamur deinde radios solares in focum constrictos, quis credat, copiosissimum in isto existere sulphur inflammatum? Materia proinde ignis non est phlogiston seu sulphur.

750. Est itaque verisimilius, materiam caloris esse partes ipsas minimas corporis calentis, in perturbatum motum concitatas. Dum chalybs atteritur silici, avulsæ utriusque particulæ efficiunt scintillas & ignem. Dum radii solares in focum aguntur, isti succendunt corpora, objecta foco. Similiter videtur esse judicandum de materia caloris humani; abrasas videlicet ipsas vasorum humorumque partes minimas, & in confusum motum raptas, constituere materiam caloris. Aggrediamur jam ad ipsam caloris causam.

751. Pulsus est in morbis vere putridis tam parvus & simul tam debilis, ut nunquam ex hoc arguere possimus, opinor, tantum fieri attritum solida inter & fluida, quantum calor in his quandoque morbis, non fere tollerandus ab ægris; indicat, sive tantum; quantus ab unico affricu humorum ad vasa jure semper posset repeti. Non est ergo attritus inter solida & humores semper causa caloris, non ideoque istius causa generalis.

752. Si deinde putrescentiam liquidorum corporis nostri adstrueremus pro causa caloris cujusvis in nobis geniti, cogereimur admittere quoque, putrescentiam e minimo in maximum gradum subito conscendere, dum ira excandescit homo, aut erubescit puella, vel repentino spasmo arctatur hypocondriacus &c. Quis id autem admittat? Postquam nives aliquamdiu tractavi, manus manibus, calent istæ multum non diu postea. Quis jam credat, putrescentiam humorum tunc esse in vasis calentium manuum majorem? Quis asserat, eam esse adaucti tum caloris causam?

753. Contra tertiam (§. 737) super causa caloris latam sententiam, qua statuitur, istum esse nobis innatum, sufficere dixisse, opinor, cum calor humanus augeri possit per res corporeas, & imminui, existatque calor in corporibus non animatis, quibus utique innatus non est, esse pariter existimandum, calorem humanum habere quoque causam vere corpoream. Si innatus esset humano corpori calor, non desineret certe in cadavere.

754. Cum autem neque attritus, neque putrescentia humorum possit constitui pro causa generali sive cujusvis caloris, qui observatur in nobis; inferendum est, causam caloris non esse unam eandemque in quibusvis circumstantiis, sed eam variam esse debere.

755. Adprehendendas, & rectius demonstrandas caloris causas sejungamus calorem organismi, qualem communiter naturalem vel humanum appellamus, a calore majori seu præternaturali nominato, & subinquiramus primo causam caloris illius sive organismi, & deinde istius sive adaucti.

756. Si mentem ad putrescentiam applicamus, fateri quidem cogimur, tanto majorem notari calorem in nobis sanis; quanto plus comedimus; atque etiam ingesta acescentia contrariam assumere in nobis indolem, putrescentem videlicet; denique & id, quod motus intestinalis ingestorum, incipiens nimirum fermentatio & putrescentia contingat in ventriculo, perque hunc motum cibos permutari: non adigimur nihilominus putrescentiam sive motum nunc dictum intestinum admittere

pro

pro causa caloris organismi. Siquidem opinari licet, calorem majorem, post plura solito assumpta natum, provenire a chylo copiosiore, minusque, quam alias, elaborato, in cor delato. Vires deinde coquentes, organismi, & non putrescentia humorum, mutant chylum in humores inquilinos, acescentemque eorum indolem in calcaescentem. Possunt denique cibi putrescere quiescentes in ventriculo; non vero chylus sanguini intime adnixtus, & in motu rapaci constitutus.

757. Feruntur quidem suapte fluida nostra in putridum, & putrescunt etiam sibi relictis. Verum non est hæc fluidorum dispositio ita sumenda, quasi continuus in eis inesset motus intestinalis, in putredinem tendens; sed sic tantummodo intelligenda videtur, ut, si quiescant, & corruptioni dentur, non fermentent, sed putrescant. Profecto, si intestinalis putrescens motus continuus inesset in humoribus nostris, isti brevi temporis spatio putrescerent in ipso suo motu constituti.

758. Præcipuum putrescentiæ fautorum argumentum desumptum est a piscium amphybiorum, ac simillium sanguine, quem propterea frigidum esse reputant, quod horum generum animalia parum vorent, desit ideoque materia putrescens. At vero, quantumvis pauca sumant alimenta, assumunt tamen aliqua. Hinc, etsi non magnus, aliquis attamen in eis animadverteretur calor, si hic generaretur ab ingestis. Ea piscium genera, quæ minioribus vescuntur, vorant non modicum. Est deinde sanguis istorum maxime pronus in putredinem; quocirca major etiam deberet in his notari calor; quam in ceteris bestiis. Igitur censendum est potius, propterea in piscibus &c abesse calorem, quia fluida eorum sunt minus compacta, ac multum aquosa, quocirca ad elicendum calorem inepta.

759. Attritus proinde unicus inter solida & fluida est conservandus, & pro causa caloris organismi, sive moderati illius, quem communiter naturalem appellamus, statuendus. Est deinde causa ista talis quoque, ut omnes effectus caloris humani moderati ad eam referri possint.

760. Adversus hanc caloris causam sive attritum opponunt aliqui aquam humoribus nostris permixtam, ajuntque, hac, etsi copia ejus longe minor esset, ac sit, omnem inhiberi affrictum vasorum ad fluida, quemadmodum videmus in molis aliisque machinis, in quibus per paucas stillantis aquæ guttas ad corpora dura, sibi mutuo fortiter attrita, omnis prorsus arcetur affrictus omnisque calor.

761. Aquæ, respondeo, copia non est in humoribus nostris tanta, quanta affrictum liquorum ad vasa impediret. Sunt enim humores nostri adeo compressi, sunt globuli quoque sanguinis ac feri adeo elastici, & ad eliciendum calorem apti, ut, nisi aqua eis foret admixta, multorum globulorum affrictum mutuum inhibens, vehementissimus & fortassis non perferendus, nasceretur sæpius in nobis calor.

762. Majoris dein sive præternaturalis caloris causam diximus non diu abhinc esse non unicam, sed plures. Ad has conquirendas necessarium esse censeo, hunc ipsum adauctum rursus dividere in calorem, qui est ad sensum; & in illum, qui est ad thermometrum.

763. Illum dico esse, quando aliquem percipimus in corpore nostro, fuerit tunc mutatus in thermometro mercurius; vel non. Per calorem autem ad thermometrum intelligendum esse puto eum, qui mercurium extollit supra gradum 92. in thermometro Fahrenheitiano.

764. Prior consistit in ejusmodi affectione nervi sentientis, qualem caloris vocabulo exprimere solemus. Igitur quidquid infert sensum caloris, est causa caloris. Sic partium oleosarum confusus in flamma motus; sic radii solis; sic acida mineralia; sic spiritus vini & similia urentia corpori humano admota; similiter acris assumpta, ardoris in corpore sensum excitantia, sunt causæ caloris ad sensum.

765. Inde manifestum est, causam caloris istius sive ad sensum esse omnino variam ac multiplicem: Quodlibet nimirum acre urens, omne calefaciens, & quidcunque ita vellicat nervos corporis, ut eis imprimat sensum caloris, causa istius dicenda est.

766. Mer-

766. Mercurius ascendit in tubo, quando plus rarefit per ingressum calorem, seu quando partes ejus minores in conturbatum motum conjiciuntur a particulis alienis minimis, in parem antea motum actis. Ad hoc proinde, ut mercurius, ad experiendum humanum calorem corpori applicatus, rarefiat, necesse est, ut calor, sive particulæ corporis humani calentis egrediantur ex eo, & se insinuent per vitrum in mercurium.

767. Calor iste non est amplius affectio nervi sentientis, sed est motus singularis, quem conturbatum nuncupamus, partium minimarum corporis nostri. Causa itaque hujus caloris est omne, quod liquidorum particulas in dictum compellit motum. Cum autem causæ istæ sint variæ, sequitur causam adaucti in nobis caloris esse pariter non unicam, sed plures. Adeoque non solum attritus, nonque solum putrescentia humorum, sed vina quoque, aromata, salia, quæ volatilia nominamus, & similia subtilissima corpora, quibus tenuiores humorum nostrorum partes in motum conjiciuntur, quem calorem appellamus.

768. Quantum interfit rite in praxi dispicere quamlibet adaucti caloris causam? neminem latere potest. Quandoquidem aliter suprimendus est, qui succenditur per affrictum; aliter, qui excitatur a putrescentia humorum; & denique aliter, qui a spirituosis, salibus volatilibus ac similibus est concitatus, in quo neque humorum simul adest putrescentia, neque major attritus.

769. Calor ad sensum est interdum conjunctus cum calore ad thermometrum, non raro autem contingit, ut alteruter solummodo notetur in humano corpore. Calor ad sensum adest sine altero, dum calida, vel urentia nervos afficiunt corporis; calor autem ad thermometrum sine priore observatur, quando æstatis tempore, vel in morbis ita sensim obdurefcit animus affiduitate caloris, ut eum vix amplius sentiat, etsi thermometrum ipsum auctum esse designet.

770. Hinc colligitur, calorem, qui est ad sensum, esse aliquem verum, eum nempe, qui est cum accelerato simul fluidorum motu, sive ab hoc ipso genitus;

& alium spurium seu illum, dum soli nervi afficiuntur, quin auctus simul adsit liquorum itus.

771. Inde porro conjicimus, sensu caloris nos sæpenumero falli, istumque non esse semper argumento, humores corporis in solito celeriore ferri motum. Si motus fluidorum eotum responderet vehementiæ caloris, quem ægri sentiunt aliquando in morbis, foret is tantus, qui vasa corporis pauco temporis intervallo contereret penitus.

772. Quum deinde mercurius in thermometro non ascendat, nisi calor major pertingat ad superficiem corporis usque; evidens est, istum non ascendere, si calor vehemens interna solum corporis occupat. Ergo non semper exprimit thermometrum gradum caloris; ergo neque isti semper fides habenda est.

773. Ad dignoscendum igitur determinandumque calorem in ægris neque sensus sufficit, neque thermometrum. Judicium proinde medicum sive ex alterutro, si unum videlicet fallere videretur; sive ex utroque simul sumpto eum definire debet.

774. Ex his liquido patet, non ea, quæ vulgo refrigerantia vocamus, corpus humanum vere refrigerare; sed illa potius, quæ causam abigunt ipsam adaucti caloris. Quocirca sunt modo mulcilaginosæ, modo acidæ, modo aqua tepida, nunc excitantia antispastica, nunc vero ipsa vesicantia &c. quæ calorem temperant ægrotantis.

775. Post definitam caloris materiem, postque demonstratas caloris tum moderati, cum etiam vehementioris causas, investigemus hac occasione frigoris quoque causas effectrices, disquisitu, ut opinor, dignissimas.

776. Duplicem pariter tuentur Physici de frigoris materia opinionem. Aliqui volunt eam esse spicula minima conditionis prorsus singularis, quæ a refrigerantibus nitri vulgaris viribus mutuata compellatione vocamus nitrosæ; Alii vero asserunt, frigus nihil esse per se, non utpote aliud, quam unicam caloris absentionem.

777. Frigus non esse solam caloris, ut ajunt, privationem, sed veram materiam peculiarem, demonstrat congelatio artefacta. Nam hujus explicatio est verisimilior ea, dum dicitur, materiam frigoris ope ignis glaciej circumpositi pelli ex hac in vas defossam in glaciem, liquore congelando repletum, talique ratione istum condensari; quam sit illorum, qui inquirunt, ignem egredie congelando liquore, sicque istum congelari. Dum glacies in hac operatione conspergitur sale marino, solvitur, & majus simul notat frigus. Videtur itaque salibus extricari materies frigoris, & in actionem commoveri.

778. Asserto isti ipsæ suffragantur observationes medicæ. Illi enim medici, qui frigoris materiam negant, ac propterea congelatas humani corporis partes, ut frigore sive ignis inopia inspissatos in eis humores rursum dissolverent, calore fovebant, gangrena eas perdidit: Contra vero illi, qui secundum opinionem alteram applicatis ad congelatas partes nivibus aut linteis, aqua glaciali humectatis, materiam frigoris evocare moliuntur, eas conservant, vitamque ipsis restitunt. Optimo sunt etiam indicio spicula minima, quæ in superficie partis congelatæ post usurpatas aliquamdiu nives prodeunt in conspectum.

779. In horum confirmationem sint ista: Caro animalium occisorum fit per congelationem tenerrima; qualis non fit per ignem. Omne dein genus fructuum arborum amittunt congelando suum saporem, quem tamen ipsis non adimit ignis. est ergo frigus cum materia quadam peculiari conjunctum; calor vero cum nulla.

780. His addendum est, ventriculum eorum, qui potu glaciato sunt assueti, non digerere cibos sine tali, tametsi ad finem prandii sumatur potus castæ. Materies ergo quæpiam est admixta aquæ glaciata, quæ digestionem promovet in assuetis, & ingesta, quemadmodum de carne frigore indurata nunc dissierebamus, dissolvit.

781. Ex his derivatur ratio, cur eos ægrotos, quibus frequens fuerat rerum glaciei frigore penetratarum in sanitate usus, mirum in modum levet in his quo-

que regionibus nostris potus glaciei frigore mixtus, dum ipsa febris acuta laborant?

782. Admissa hac sententia, materia videlicet frigoris singulari, non sunt morbi acuti, qui a corporis refrigeratione ortum ducunt, vere putridis adnumerandi, & neque ut tales tractandi.

783. Patet inde etiam ratio, cur sit admodum noxium, calens valde ingredi hypocaustum, aut ad fornacem, dum is multum calet, accedere, quando corpus humanum est copioso frigore prehensum? Videtur enim materia tunc frigoris pelli, quemadmodum sit in congelatione artificiosa, e partibus corporis externis ad interna, in quas postea crudeliter sævit.

784. Si frigoris causas quoad variam ejus magnitudinem discussimus, deprehendemus pariter, ad eas rite determinandas necessitatem distinguendi frigus in id, quod est ad sensum; & in alterum, quod est ad thermometrum.

785. Frigus ad sensum, quod simul est spurium, sive absque imminuto sæpe humorum per vasa motu, excitatur in nobis a causis diversis, potissimum vero ab applicatione heterogenei, quod minus calet; quam pars corporis, quam id tangit; & deinde a spasmodicis affectionibus, quales contingunt frequentes hypochondiacis & hystericeis, velut est frigus, quod istæ conturbatæ percipiunt in vertice capitis.

786. Frigus ad thermometrum dicitur illud, quando mercurius axillis humanis admotus non assequitur gradum caloris organismi sive gradum. significat proinde, minorem esse sub axillis calorem, quam sit organismi seu naturalis, vel simul sæpius, etsi non semper, totius corporis, seu fluidorum in isto circuitum tardiozem.

787. Ortum iste suum ducit vel a lentiori sanguinis per vasa motu, vel a spasticis affectionibus partium corporis externarum. Quidquid igitur tardiozem efficit liquidorum in corpore motum, aut spasmos inducit, est causa frigoris ad thermometrum.

788. Hinc liquet, quam parum sit in frigore quoque, quod infirmus accusat, examinando sive sensibus,
sive

sive thermometro fidendum: patet item, quanti roboris sint argumenta e thermometro deprompta (primum morientibus, deinde mortuis applicato, & in illis acutissima febre jactatis non majorem caloris gradum designante; quam in istis, id est, post mortem) ad evincendum, putrescentiam humorum esse causam caloris humani.

789. Discussis caloris frigorisque causis, definitaque eorum materia; examinemus ipsorum vires & effectus. Sive posteaquam calorem & frigus sumus contemplati tanquam effectus aliarum causarum; intueamur jam ea tanquam causas aliorum in humano corpore effectuum primo caloris & demum frigoris.

790. Albumen ovi per unicum calorem incubatus ita perficitur, ut rudimenta pulli explicet, nutriat, & ad maturitatem perducatur. Hinc credere fas est, liquorem æque plasticum, qui corpori humano est nutrimento, solius caloris inquilini viribus converti in corpus nostrum, idve nutrire.

791. Cum ad permutandum albumen ovi in humores pulli certus ac definitus sit necessarius caloris gradus, determinatus videtur quoque necessarius esse ad nutriendum corpus humanum. Hinc non mirum, quod corpus emaciatur hominis calore vehementi.

792. Ignis sive calor culinæ mutat indolem rerum, quæ decoquantur: permutabit proinde is ingesta pariter in ventriculo: Est itaque causa potentissima & simul necessaria digestionis. Verum de hoc satis dicta sunt in Physiologia.

793. Calore percoqui materiam crudam in morbis acutis adeo manifestum est, ut id nemo in dubium vocet. Est ergo calor in nobis causa coctionum quoque fluidorum, in ipsis arteriis existentium.

794. Dicet forsitan aliquis, cum certus isque moderatus solum calor sit nutriendo corpori utilis, hocque unico converti liquorem nutrientem in nutrimentum, sequitur, calorem, qui isto est vehementior, qualis est in quovis morbo acuto, non posse concoquere crudum, & in humores inquilinos permutare.

795. Aliud, respondeo, est materiam morbi 'concoquere; & aliud humores inquilinos plus elaborare, aut chylum in istos convertere, In prima enim coctionis specie mutatur quidem indoles liquoris crudi, ast non in conditionem humoris inquilini, sed tantum in blandiorem, atque antea fuerat, ad quam permutationem necessarius est major caloris vis; quam sit moderatus organismi. In coctionibus vero, dum chylus in serum sanguinis est transmutandus, vel istud plus attenuandum, non alius utilis est calor, quam dictus organismi.

796 Ex hac coctionum differentia certum nobis reddimus, tanto minus sperandam esse benignam materiæ morbificæ resolutionem, quanto calor est vehementior, adeoque tanto certius expectandam nobis esse evacuationem criticam; quanto febris est major, atque tanto magis venerendum, ne morbus recrudescat, quanto fuerat, comparate ad febris antegressæ magnitudinem, paucioris materiæ coctæ facta expulsio die critico.

797. Quandoquidem ideam caloris constituimus in motu perturbato partium minimarum ipsius corporis calentis, sequitur, caloris effectus esse corporis humores rarefacere, promovere, dissolvere, immutare, liquidiora dispellere, vasa deterere, & relaxare.

798. Effectus istos ratione diversæ magnitudinis caloris esse diversissimos, atque etiam sæpe oppositos, notum est omnibus. Sic calor moderatus resolvit humores; major autem inspissat eos: moderatus promovet coctiones organismi; excedens autem evertit ipsas.

799. Frigoris porro effectus esse recensitis oppositos, est evidens. Quandoquidem rarefactos calore humores corporis & in motum actos reprimit, aut penitus sistit, atque condensat, vasaque constringit, & eorum inhibet actiones.

800 Præter effectus istos videtur materia frigoris habere vim maxime omnium solventem, si accedente calore in motum compellatur. inde est, quod gelu penetrata maciati animalis caro fiat, dum decoquitur, tenerrima; quod membra humani corporis congelata solvantur in mephitim putridissimam, si calore soveantur

tur; quod poma, pyra, ceterique fructus vegetabilium congelati perditis odore saporeque pristino, abeant, admisso calore, in pulvem inspidam; & denique quod aqua glaciei frigore assuetorum coctiones multum adjuvet, & similia.

801. Diximus paullo antea & calore, & frigore inspissari humanum sanguinem: verum contrariæ hæ causæ efficiunt istum spissiore modo prorsus dispari. Quoniam ille ejecta parte sanguinis tenuiori indurat, & exurit partem reliquam seu crassiorem; frigus autem videtur suis spiculis globulos sanguinis & feri figere, conjungere, ac in unum cogere, velut cogit partes aquæ in corpus solidum, dum ipsam in glaciem convertit.

802. Hos præter effectus caloris & frigoris est is quoque notandus, quem hæc duo exerunt in se mutuo. Expellitur nempe alterum ab altero, ab eo videlicet, quod præstat viribus, loco, quem occupat, attamen ita, ut, si frigus viribus excedens ejiciat calorem, non accadat aliud, quam quod imminuatur motus in partibus antea calentibus; e converso autem, si calor vincat frigus, vera materies peculiaris, quam frigoris materiam appellamus, expellatur, quod dein subit partes vicinas, eisque sua infigit spicula.

803. Modum, quo calor & frigus ingrediuntur corpus humanum, exposuimus non diu abhinc, ubi diximus, neutrum absorberi vasis bibulis, veluti cuncta cetera heterogenea resorberi debent; sed se absque ordine insinuare in solida simul & fluida corporis nostri, ad quæ perveniunt.

804. Calor ad potentias relatus, & tanquam earum effectus consideratus, est ita sumendus, ut, si fuerit moderatus, sit ab organisimo; si autem fuerit isto major, & repente in altum elatus, perque ideam gratam vel ingratham concitatus, sit ab anima; idem vehementior sive cito sive lente increscens, a causa stimulante inductus, est ab heterogeneis; & denique major pedetentim increscens, inque finem salubrem succensus, est a natura.

805. Frigus porro secundum potentias, tanquam earum effectus, examinatum est semper aut ab heterogeneis, aut ab animo productum: nunquam ideoque a natura; nunquam ab organismo.

806. Ex iis, quæ in hocce capitulo sunt recensita; fit manifestum, cur admissio majori ad ventriculum frigore evertatur digestio, quæ calore postmodum adhibito non facile plene restituitur? Cur potus gelidus sit in calore febrili insuetis multum noxius? Cur talis in his morbis augeat putrefactionem humorum, & non inhiebeat? Cur cataplasinata emolientia calida adaugeant inflammationem, a frigore genitam; etsi alius generis inflammationis dolorem pulchre leniant? Cur balnea pedum, alias summæ proficua, obsint in dolore capitis rheumatico? & sic porro.



CAPUT SECUNDUM.

D E

COCTIONIBUS.

- 807 **A**lter discutiendus
organismi effectus
fit Coctio,
808 quæ duplicis est ge-
neris,
809 Alia nimirum in cor-
pore sano, & alia in æ-
groto.
810 Expendamus utranque.
811 Alimenta in contrariam
permutantur in nobis in-
dolentem.
812 Permutatio ista fit per
gradus coctionis tres,
813 per chylicationem
nempe, sanguificationem,
& ultimi liquoris elabo-
rationem.
814 Chylicationis instru-
mentum principale sunt
humores inquilini,
815 inde est, quod chylus
fit in quovis homine pe-
culiaris,
816 ejus videlicet conditio-
nis, cujus sunt liquores
mutantes:
817 ex quo patet ratio,
quare Decocta demulcen-
tia parum sæpe efficiant
in ægris.
818 Liquori gastrico est pa-
riter tribuendum, quod
aliqui hominum pingue-
scant, & contra alii ema-
ciantur?
819 Nimia ingestorum co-
pia depravat chylum.
820 Quamobrem virium di-
gerentium habenda est
ratio,
821 noxiaque possunt esse
ipsa jura carniū spissio-
ra.
822 Cibus agat simul vices
remedii,
823 nisi natura alium de-
poscat.
824 Alimenta sunt ad tem-
pus æque conformanda.
825 Vitanda scilicet in fe-
bri ipsa.
826 Est dein cepta bene
chylicatio solícite con-
servanda.
827 Sanguificatio peragitur
potissimum in pulmoni-
bus,

- 828 in quibus materia singularis sanguini admiscetur,
 829 ex aere inspirato deprompta,
 830 quæ frigoris materies esse videtur.
 831 Quare opitulatur sanguificationi. aer frigidus,
 832 & obest calidus.
 833 Lac dicitur referre indolem ingestorum,
 834 quod attamen de lacte bestiarum carnivorarum asseri nequit,
 835 quarum lac assumit genus liquoris gastrici.
 836 Est proinde humor quidam in istarum sanguine acescens,
 837 qui conditionem suam debet fortassis frigori.
 838 Hoc posito, est chymus quoque humanus fluidum animale,
 839 ut ipsa observata opinari suadent.
 840 Disquiramus id, quod sanguini admiscetur in pulmonibus,
 841 Hoc non est acidum per omnia diffusum,
 842 sed materies singularis,
 843 sanguificationis causa præcipua,
 844 at non sola,
 845 sed cum calore conjuncta.
 846 Coctio tertia est ultimi liquoris confectio,
 847 cujus causa est unicus calor.
 848 Juvat adsignare tempus coctionum.
 849 Digestio aliqua est perennis,
 850 majoris autem tempus certum figi nequit,
 851 commune est spatium horarum trium,
 852 non tamen in omnibus.
 853 Ex hoc tempore statuto quorundam morborum deducuntur causæ.
 854 Sanguificatio perdurat horis pariter quasi tribus,
 855 Est etiam aliqua continua.
 856 Hinc patet, cur motus sanguificationem promoveat?
 857 non nullorumve symptomatum deducitur ratio.
 858 Coctio ultima fit tantum in somno,
 859 absolvitur ideoque spatium horarum septem,
 860 exceptis tamen aliquibus.
 861. Causa coctionum est organismus unicus,
 862 Unde quædam inferuntur.
 863 Adjuvat digestionem interdum natura,
 864 & sanguificationem,
 865 atque etiam ultimi liquoris confectio;
 866 Ani-

<p>856 Animus quoque pro- movet aliquando coctio- nes, 857 itemque heterogenea.</p>	<p>868 Causa coctionis in mor- bis, patet ex dictis, 869 ex quibus alia quo- que derivantur.</p>
--	---





CAPUT SECUNDUM.

D E

C O C T I O N I B U S.

807. **A**lter organisimi effectus & simul auctor aliorum multiplicium effectuum tam utilium, quam etiam noxiorum est coctio sive transmutatio crudorum in liquores inquilinos, aut saltem in blandos, inquilinis lenitudine similes.

808 Duplex proinde contingit in nobis coctio: Alia nempe, qua nutrimenta convertuntur in serum sanguinis, isque magis magisque perficitur; & alia, qua crudum sic attenuatur, & permutatur, ut fiat blandum ac innocuum, non tamen humor indigena.

809. Illa peragitur in corpore sano, vocaturque chylicatio, sanguificatio, vel alius humoris coctio; Ista vero in ægrotantibus, diciturque etiam maturatio, vel mitificatio, aut interdum supuratio. Illa perficitur ab unico pacato organisimo; Ista vero per auctum humorum motum. Illa nullis stipatur symptomatibus molestis; ista multis: Perstant in illa rerum appetitiones, secretiones, & excretiones omnes; In hac autem pervertuntur plurimæ.

810. Non vanum igitur nos æturos opinor, si coctiones, quantumvis omnibus essent abunde cognitæ, paulisper ruminaverimus, atque eas primò, ut modum, quo corporis conservatur conditio sana; deinde, quo infirmus a suo morbo vindicatur; porro ut diversorum morborum fontem; & denique velut effectum potentiarum fuerimus perscrutati.

811. Cuncta, quæ nomine alimentorum assumimus, in humores inquilinos permutanda, sunt prorsus cruda, immo pleraque indolis plane oppositæ illi, quæ est fluidorum nostrorum, quippe accrescentis. Quocirca
sunt

ut ingesta ita per coctiones immutanda, ut deposito acori genio, acescente videlicet, contrarium seu alcaliscentem induant.

812. Metamorphosis hæc alimentorum tanta est, ut unica coctione absolvi nequeat; & si unicam applicare velis, procedit ea per gradus plures, usquedum usque evadat nutrimentum corporis. Coctionem proinde istam dividimus in tres, in chylicationem, sanguificationem & in ultimi liquoris elaborationem.

813. Chylicationis porro duos complectitur coctionis gradus, digestionem scilicet sive transmutationem alimentorum in chymum, & subinde istius in chylum. Sanguificationis vero gradus tres, conversionem nimirum chyli in lac; hujus in serum sanguinis; & istius in liquores profectiores. Ultima demum coctione transeunt humores corporis in ultimum plasticum nutrimentum, qui processu similis est albumini ovorum in eo, quod solo calore organismi, dum dormimus, mutetur in nutrimentum corporis, & in spiritus nerveos.

814. Instrumentum chylicationis præcipuum constituent ipsi humores inquilini. Calor proinde corporis; motus ventriculi vermicularis; actio musculorum respirationi servientium; motus ingestorum intestinus, quem fermentationem incipientem vel putrescentiam dicimus; tandemque condimenta stimulantia & solventia sunt ipsæ digestionem solum adjuvantes.

815. Quum autem humores inquilini sint principalis causa chylicationis, sequitur, chylum in unoquoque personarum esse indolem peculiarem propter singularem singulis, quam in capite de temperamentis exposuimus, humorum conditionem.

816. Hinc clarum est, cur multi hominum acrem bibant sanguinem, tametsi blandissimis vescantur? item decoctiones plantarum demulcentium & inviscantem copiosam parum sæpenumero possint, efficiantque per se acris fluidis permixtum? Ipsæ enim radices & cortices decoctæ mutantur potius, velut cibi, in indolem humorum corporis acrium, sive a liquore gastrico ceteris; quam ut istos permutent, & corrigant.

817. Qua-

817. Qualis igitur est liquor gastricus, talis indole est etiam chymus, & deinde qualis est bilis chymo se adjungens, talis est quoque chylus. Quocirca si fluida corporis debitam habent conditionem, bonus erit pariter & chymus & chylus; e converso autem, si liquores mutantes fuerint pravi, necesse est, chylum æque depravari.

818. Peculiari dehinc liquoris gastrici genio potissimum & bili tribuendum est, quod alimenta transcant in quibusdam in mucum, in aliis in sanguinem rubrum, in non paucis in pingue, in aliquibus in bilem, in multis vero in acrimoniam. Si proinde hujusmodi transmutationem ingestorum emendare volumus, ipsos humores mutantes præpotentibus prius remediis corrigamus, oportet.

819. Accidit sæpenumero, ut aut tenacia, aut plura ingeramus, quam vires digerentes superare queant. Hinc necesse est, vel chylum tunc permanere crudum, vel cibos degenerare in ventriculo, & acrem componere chylum. Quid autem ab hujusmodi chylo sit expectandum? prævidet omnis.

820. Inde est evidens, nihil magis incumbere medico sive morbum curanti, sive sanitatis curatorem agenti, quam prospicere chylicationi. Qualis enim, ut commune & omnibus probatum fert assertum, est chylicatio, tales sunt cæteræ quoque coctiones.

821. Ex hoc porro liquet, quam perniciosus sit mos vulgi, quod ægrotos exantlatis corporis viribus per frequentia, eaque spissa carniū jura & cibos farinaeos ac similes reficere contendit, atque ipsos ad talia ingerenda compellit.

822. Quemadmodum autem humores inquilini pervertuntur per alimenta inconvenientia; ita nihil ocysus corrigit eos vitiatos, quam esculenta & poculenta, quæ vitiis liquorum inquilinorum adversantur, eaque tollunt. Hinc medicus in id quoque intendat, ut alimenta vices simul agant medicamentorum.

823. At vero, sicuti non est lex ulla, quæ omnem respuit exceptionem; ita hæc etiam patitur suas. Quantumvis enim ratio medica suadeat usum alimentorum, quæ

quæ opposita sunt vitiis humorum corrigendorum, contingit nihilominus frequenter, ut aut consuetudo, aut natura ipsa, quæ singularium sæpe rerum utilissimarum, rationi minime conformium, suscitatur instinctus, alia deposcant, ægris neutiquam deneganda.

824. Ad chylicationis commodum pertinet & id, ut cibi potusque apto etiam tempore propinentur tum sanis, tum infirmis. Quoniam teste experientia norimus, chylicationem labefactari, si calens a motu, ab ira, vel a studiis, aut magno frigore prehensus &c. mensæ assideat pransurus.

825. Inde derivamus legem practicam, qua vetatur nutrientia copiosa in ipso vigore febris vel paullo ante eum. Sunt hæc igitur porrigenda ægris cessante, si intermittat, aut remittente, si sit de genere remittentium, febris; in hoc vero continuante tanto parcius est nutriendus ægrotans, quanto ejus corpus majori fervet æstu.

826. Quantumvis autem multum intersit, rectum facere alimentorum delectum, haud satis tamen præstitit medicus chylicationi, si animum non simul intenderit in id, ut rite cepta in eodem perseveret. Si quidem optime etiam inchoata ita pervertitur sæpe numero, ut pessimus exinde emergat chylus. quippe minus haustus gelidæ, modicum frigus, levis animi perturbatio &c. evertunt chylicationem.

827. Coctio altera, quæ est sanguificatio, peragitur pene omnis in arteriis, potissime in pulmonalium finibus. Per solum videlicet transitum fluidorum per pulmones convertitur chylus in lac, & hoc in serum sanguinis, isteque magis perficitur.

828. Cum autem humores indigenæ, imprimis sanguis ipse ruber tantam subeat mutationem in dicto transitu, ut fiat multo tenuior, magis compactus, magisque rutilans; accedat aliquid peculiare corporeum ad sanguinem in pulmonibus, quod istum sic immutat, est necesse. Quis enim concedat unicæ compressioni temerrimarum visceris istius arteriolarum vim tantam, tamque singularem?

829. At si aliquid corporcum admiscetur humoribus, dum per fines vasorum pulmonalium feruntur, debet id contingere in inspiratione, sive extrinsecus advenire, cum aere nempe inspirari, adeoque isto prius contineri. Quæritur jam, quid hoc accedens ad sanguinem pulmonis, eumque permutans esse videatur?

830. Diximus capite præcedente, calorem esse unicum & frigus inter heterogenea, quæ per solida & fluida defissima pervadunt, quin resorbeantur. Demonstravimus præterea ibidem, frigus consistere in spiculis minimis prorsus singularibus, per easque, si vincant calorem, humores figi; si vero superentur ab eo, abripi in motum, & fluida corporis peculiarem omnino in modum attenuare, dissolvere, & permutare. Exploratum dein est etiam, gravari respirationem multorum in aere calido, sanguinemque perverti eorum, qui in tali potissimum degunt; contrarium vero obtineri in aura subfrigida, levare nimirum omnem, ipsumve insuetum, atque sanguinem sub cælo frigido, si una corporis accedat motus, optimo tingi colore. Hæc & similia videntur demonstrare, spicula frigoris, se in globulos sanguinis insipientia, esse id corporeum, quod istum, dum per pulmones fertur, mutat, & perficit.

831. Stante hac sententia prodest tempore sanguificationis aer leniter frigidus, motus quoque levis in aura recenti; nocet aer calidus, aut effluviis animalium ceterarumve rerum inutilium refertus; præstat somnus in cubili subfrigido, quam calido, & sic porro. Verum ipsa quotidiana experientia, omnia nunc recensita & similia reipsa ita esse, contestatur, nostramque ea propter corroborat opinionem.

832. Hinc desumimus, quantum intersit, mutare sæpius aerem cubilis in morbis, maxime in putridis: Colligimus inde quoque, quam male procurent suam valetudinem illi, qui conclavi multum semper calenti inclusi noctes diesque vel modice frigidos, potissimam ideoque partem anni consumunt.

833. Lac esse liquorem indole medium inter chylum & sanguinis serum ita tamen, ut plus accedat ad ingenium chyli, quam feri, docet Physiologia, est enim
li-

liquidum acescens & non alcalescens. Conditionem istam habet lac humanum, vaccinum, caprinum, asininum, & propter maximam analogiam absque omni dubio lac etiam caninum, lupinum, vulpinum, ceterarumve quadrupedum.

834. Verum si lac vulpis, lupæ, & similibus bestiarum, quæ solo carne vescuntur, acescentis est indolis, est chylus, ex quo eorum lac conficitur, plus adhuc ito acescens. Quod si ita est, quemadmodum ipsa ratio id sic esse credere suadet, jubetque, non est chylus, multo minus chymus, liquor, qui refert conditionem ingestorum, siquidem ista non sunt genii acescentis, sed alcalescantis, ex regno utpote animali deprompta.

835. At si chymus bestiarum carnivorarum est acescentis valde indolis, nonne retinuit conditionem ingestorum, sed oppositam assumpsit, acescentem videlicet, in earum ventriculo; sequitur, ab humoribus inquilinis hanc chymo istorum animalium induci indolem. Liquor proinde gastricus horum animalium, quo cibi alcalescens convertuntur in acescentes, sit admodum acescens, est necesse. Confirmari videtur hæc dictarum bestiarum succi gastrici conditio per id, quod canes, lupi, vulpes, ceterave similes belluæ pauco temporis intervallo digerant ossa durissima, quæ, ut scimus, non alcalino, sed acido liquore per breve hoc tempus dissolvuntur.

836. Admisso autem eo, quod humor gastricus in bestiis carnivoris sit multum acescens; existimandum est, liquorem aliquem summe acescentem fluere in circulum cum reliquis humoribus, qui in ventriculo nomine succi gastrici secretus, aut saltem ei admixtus, tribuit solutis in eo alimentis, sive chymo indolem acescentem: Refert jam disquirere, quis sit hic liquor animalis acescens, & unde generetur in istorum animalium corpore?

837. Liquor gastricus est humor animalis, e sanguine secretus: verum cum sanguis ejusque serum & lymphæ sit indolis alcalescantis, non est ex sanguine sive ex ipso humore animali confectus, debet proinde esse liquor, etsi animalis, prorsus singularis, ac peculiarem habere genitorem. At si peculiarem, videtur is esse

aer inspiratus, sive materia frigoris: judico videlicet, materiam frigoris cum aere inspirari, humoribus, qui per pulmones feruntur, admisceri, cum eis in circulum abripi, & demum cum liquore gastrico in ventriculo secerni. Hoc posito permanet liquor gastricus humor animalis, quamvis maxime acefcentis sit indolis, ipsisque alimentis alcaliscentibus acefcentem tribuat conditionem; eritque hoc statuto chymus liquor plus animalis, quam referens indolem ingestorum,

838. At vero si chymus in nominatis nunc bestiis est humor maxima sua parte animalis; est quoque chymus humanus talis; & si liquor gastricus quadrupedum carnivorarum est admodum acefcentis, est liquor gastricus æque in homine acefcentis valde indolis; generatur ergo in nobis pariter liquor aliquis multum acefcentis; est similiter materia frigoris id in nobis quoque, quod liquori gastrico, & subin chylo lactique acefcentem impertit indolem.

839. Conjectura ista sequentibus corroborari videtur: *1mo*. Compertum habemus experientia, tanto majorem esse appetitum in cibos, digestionemque tanto maturiorem & meliorem, quanto frigus aeris nos cingentis est acrius, imprimis si corporis eam secundet motus, tum enim solito citius permeat sanguis per pulmones, majorque isti admiscetur copia frigoris. *2do*. languet ex adverso & appetitus & digestio in calore aeris nimio. *3tio*. demonstravimus paullo antea, materie frigoris perfici sanguinem in pulmonibus, ipsamve cum eo auferri in circulum. *4to*. Est lac humanum non minus acefcentis, quam caprinum, vaccinum &c, quamvis mulier copiosis simul vesceat alcaliscentibus; capra vero & vacca folis acefcentibus. *5to* dein, Longe minus incitatur a natura ad ingerenda acefcentia & acida hiemis temporibus; quam æstatis, etsi corpus nostrum magis interdum exerceamus in illa; quam in ista. Causam *6to*. hujus conjicimus omnes in frigus, quod ainus resistere putredini. Ast rogo, quod frigus arceat humores a putredine? non utique externum, nos cingens, istud enim nihil habet commercii cum fluidis circulantibus. In frigus igitur, quod ipsi sanguini ad
mix-

mixtum est, per pulmones ingressum, effectus iste est derivandus.

840. Opinabitur fortassis aliquis, me deflexisse in veterum sententiam asserentium, liquorem gastricum esse vere acidum; & cum indolem istius valde acefcentem deducam a materia aeri admixta, atque dehinc sanguini pulmonali, ac postea reliquo quoque sive universo, me censere, materiam hanc esse acidum vitriolicum, per omnia, ut quidam arbitrantur, diffusum; vel juxta aliorum mentem esse acidum nitri, aut nitrum ipsum.

841. Vtrum acidum aliquod vere existat universale per omnia vagans? non est hujus loci disquirere. Tametsi proinde tale hic non impugnem, non subscribo nihilominus tamen huic quorundam sensui. Quare materiam frigoris, de cujus quæritur ingenio, & quæ succo gastrico associata isti tribuit indolem acefcentem, qui ipsis postmodum ingestis alcalescentibus acefcentem impertit conditionem, neque vere acidam, neque salinam, seu neque ex acido vitriolico, neque e nitro, aut simili corpore genitam esse opinor, sed esse potius indole prorsus singularem. Nam *1mo.* si glaciem examinemus, non acidum ullum, non quoque salem tantum, quantum est frigus, deprehendimus in ea. *2do.* Si deinde effectus spectemus frigoris, atque conferamus cum effectibus acidi vitrioli aut nitri, reperimus eos esse maxime dissimiles. *3tio.* Non unum est acidum etiam subtilissimum, quod vitro coerceri nequiret; at frigus pervadit per quælibet corpora densissima.

842. Est igitur materia frigoris indole prorsus singularis, tenuissima, solventissima, & nulli rei corporeæ assimilanda, per universum distributa, solius caloris vi loco, quem occupat, expellenda, & si magna ejus copia, corpori quodam coercita, vehementioribus caloris repentini viribus exagitetur, sua, nisi sint fortissima, confringit claustra, ut citissime ex eis emerget. Hæc videtur esse ratio, cur calore fota pereat pars corporis congelata?

843. His præmissis est materia frigoris tum sanguificationis, cum digestionis causa præcipua: Quanto itaque major fuerit, si tamen modum non excedat

dat, ejus copia in humoribus corporis humani, tanto plus isti attenuantur, & perficiuntur, tantoque major est ciborum appetentia, meliorque digestio.

844. Mirum forte videbitur quibusdam, quod in capitulo prægresso calorem dixerim esse præpotentem coctionum, imprimis vero chylicationis causam, nunc autem frigus, rem scilicet calori recte oppositam, istiusve vires infringentem.

845. Proprius respondeo, frigoris effectus, dum globulis humorum nostrorum infigitur, est istos condensare, & non attenuare, solida deinde stringere, & non aperire, quemadmodum videmus in partibus corporis humani congelatis: Verum protinus, atque calor supervenit, quo spicula frigoris in motum aguntur, discerpunt ista humores, vasaque, velut in congelatis corporis membris pluries observatum est. Unde non frigus unicum ac per se suam, existimo, summam præstare opem digestionem & sanguificationem, sed cum calore corporis, seu a calore in motum compulsam.

846. Tertia coctio sive liquoris nutrientis & nervosi elaboratio videtur peragi in corpore universo, id est, universum in hoc conficiendo adlaborare organismum. Corticem proinde cerebrorum ad secernendos plus esse spiritus, quam ad eos perficiendos datum, opinor.

847. Causa coctionis istius præcipua videtur esse calor corporis, quo (quemadmodum accidit in ovo gallinæ supposito) liquor, reliquis magis elaboratus, albumini ovorum, ut supra meminimus, fortasse non absimilis, resolvitur in humorem nutrientem, sive in ipsum nutrimentum, & in spiritus quoque vitales seu nerveos.

848. Temporis determinatio, quo unaquæque coctio sumit initium; atque intervallum, quo quælibet absolvitur, est medico, veluti perpendenti liquet, scitu necessarium. Est igitur operæ pretium, pauca, quantumvis alioquin essent nota, de eo commemorare, ac repetere.

849. Tametsi ventriculus nunquam sit ita] vacuus; ut non haberet, in quod vires suas intendat; quia tamen usu suscepimus prandere & cœnare, sive semel aut bis ventriculum cibis replere, debet iste semel aut bis interdiu majores, ac alias, adhibere vires, quæ assumpta digerat, & hoc opus stricte digestionem nominamus.

850. Spatium temporis, quo ista peragitur, haud unquam accurate definiri posse, palam est. Quoniam ventriculus aliquorum digerit ocysime; contra vero aliorum tardissime, His insuper interveniunt sæpe causæ, coctionem nunc accellerantes, nunc autem retardantes. Quandoque præterea ingerimus copiosa; & aliquando pauca, aut minus tenacia.

851. At si tamen aliquod sit nobis determinandum, constituamus hominem, qui tanta solum ingesserat inter prandendum, quanta sufficiunt reparando corpori detricto, suntque simul in proportionem cum viribus digerentibus: In hoc, dico, chylicationem sumere initium terminato prandio, & pergere in horam usque tertiam vel quartam a confecto prandio, tumque partem ciborum maximam esse in chylum resolutam.

852. Excipiendi sunt autem *imo.* Infantes & pueri. Isti enim sæpius interdiu parcusque sunt alendi. *2do.* senes, otiosi, & multum debiles. Siquidem in his lentissima sit digestio. *3to.* ii, qui corpus suum valde exercent, cibosque non diu postea, postquam eos assumpserunt, e ventriculo in intestina promovent. *4to.* dein illi, qui nulli ordini obstrictam vivunt vitam & denique *5to.* mulieres gravidæ, & quique acido laborant, suntque propterea multum voraces.

853. Definitum hocce chylicationis tempus docet, molestias & mala, quæ hominem digestionis tempore invadunt, ut sunt pondus circa ventriculum, anxietas, frigus extremorum, dolor capitis, somnolentia, asthma, spasmi & similia, a vitiata provenire digestionem.

854. Sanguificatio perdurat, transacta digestionem, spatio horarum quasi trium, veluti major tunc corporis indicat calor. Hoc temporis intervallo convertitur chyli pars major in lac istudque in sanguinis serum.

855. Est id autem intelligendum de copiosorum sub prandio ciborum transmutatione in sanguinem, non autem de leniori, qualis perennis est. Cum enim ventriculus semper habeat, quod digerat (§. 849.) semper ideoque chylum, quem in sanguinem ableget; atque etiam cum chylus, qui cum sanguine fertur in pedum extremitates, tardius reliquo revertatur ad pulmones, adsit ideoque semper materies in lac & sanguinem permutanda; clarum est, sanguificationem esse in nobis continuam.

856. Hinc est in aperto, cur motus corporis promoveat sanguificationem? cur humores inquilini degenerent in fame magna? Cur satius sit, pluries, quam semel, cibos interdum sumere, si corpus multis exercitationibus debilitetur? &c.

857. Tempus sanguificationi §. 854. adsignatum ducit nos in cognitionem causæ symptomatum & affectionum, quæ hoc tempore in scenam prodire solent, ut velocior humorum circuitus, languor corporis, dolor capitis, difficultas spirandi, anxietas, calor, sudor, aut ipsa etiam increfcentia præsentis vel occulte latentis in corpore morbi symptomata.

858. Ultimi liquoris elaboratio non contingit, veluti præcedentes duæ coctiones, quovis diei tempore, aut terminata sanguificatione; sed tantummodo in somno. amissas enim corporis vires nulla recipimus arte, nisi somno.

859. Tempus, quod hæc tenet coctio, est quidem varium in variis, potest tamen majori ex parte reduci ad intervallum sex vel septem horarum. Hoc plerunque temporis cursu reparatur universus organismus, per vigilias contritus & viribus spoliatus.

860. Eximendi sunt attamen infantes, quibus diurnus quoque somnus est necessarius; Debiles & diu vigilantes, qui longiori indigent; Senes quibus multum conducit somnus de die per intervalla captus; Robusti corpore, quibus brevior sufficit; Mulieres, quas ipse amor ad proles, aut ipsa sollicitudo domestica magnum in modum reficit, quæve, quia minus, quam viri,
tran-

transpirando perdunt de suo corpore, minori somno fati instaurantur.

861. Causam coctionum esse solum organismum, quin nimirum sit opus ad Archæi aut alius naturæ auxilium confugere, evictum jam esse reor. Profecto, si coctiones & nutritio peraguntur in vegetabilibus per unicam earum structuram, hanc in nobis pariter solius organismi viribus absolvi, credere fas est.

862. Ex hucusque dictis sequitur, 1^{mo}. si tanta & talia assumamus, quanta & qualia organismus rite concoquit, corpus in debito suo permanere statu; 2^{do}. si plura ingeramus, quam de corpore pereat, eaque bene percoquantur, necesse esse, nasci plethoram; 3^{io}. Si tenacia vel plura, quam organismus valeat subigere, oriri cacochymiam; 4^{to}. demum, si pauciora, quam deterantur de corpore, non posse istud non emaciari.

863. Quid natura conferat ad coctiones? facile colligitur ex hætenus recensitis: Ad chylicationem id erigit nempe instinctum comedendi, satietatis, nausæ, & rerum aliarum. Si vero ventriculus sit cibis nimium oneratus, relegat plures in eum humores digerentes, & similia.

864. Sanguificationi opitulatur per excitatum desiderium movendi corpus, ac contrahendi musculos, quæ itus augetur fluidorum in vasis: sic compellit infantem bene pastum ad membrorum suorum actionem, veluti aves ad cantandum, & elephantem ad continuam sui corporis motionem.

865. Ad ultimi liquoris confectionem contribuit id, quod corpori somnolentiam conciliet, & organismum, in hoc suo munere occupatum, tamdiu conservet, quoad cuncta destructa & amissa fuerint denuo restituta.

866. Animus promovebit coctiones, si earum curam habuerit, omniaque istas perturbantia solerter caverit, & quæ utilia fore cognoscit, in usum accersiverit.

867. Heterogenea coctiones adjuvant illa, quæ digerenda resolvunt, torporem ventriculi levant, vires ejus audaugent, fluidorum motum in debitam deducunt moderationem, in hacve conservant &c.

868. Quid natura ceteræque potentiae possint, efficiantque in coctione morborum, qua liquores crudi concoquuntur, & in humorem blandum permutantur, e corpore eliminandum, clarum est e supra dictis.

869. Ex his plana emanat ratio, cur causa ablati appetitus in cibos non sit semper in ventriculo? cur aromata, spirituosæ, amara, & similia stomachica tam parum sæpe medeantur languenti digestioni, ut eam inuper etiam evertant penitus? Cur potus frigidus obsit tempore digestionis? Cur modo frigidus modo calidus haustus coctiones accelleret? & sic porro.



CAPUT TERTIUM.
DE
SECRETIONIBUS
ET
EXCRETIONIBUS.

- | | |
|---|--|
| <p>870 Secretiones & Excretiones inhibita
inducunt morbos.</p> <p>871 Est igitur de iis quo-
que tractandum.</p> <p>872 Secretiones contingunt
in nobis variaë,</p> <p>873 quæ augentur humo-
rum motu,</p> <p>874 si tamen is modum non
excedat.</p> <p>875 Similiter se habet flui-
dorum determinatio.</p> <p>876 Hinc liquet, cur me-
dicamina contrarios in-
terdum exerant effectus?</p> <p>877 Organismus per se
nullam adauget secretio-
nem,</p> <p>878 nisi male constitutus,</p> <p>879 aut consuetudo in eo
vigeat major.</p> <p>880 Natura promovet non
raro secretiones,</p> <p>881 Animusque,</p> <p>882 & Heterogenea.</p> | <p>883 Excretiones sunt pedis-
sequæ secretionum.</p> <p>884 Quantumvis omnem hu-
moris ejectionem appel-
lemus excretionem,</p> <p>885 est nihilominus materies
excrementitia, solum tri-
plex,</p> <p>886 e tribus depromta
coctionibus,</p> <p>887 inter quas transpira-
bile dicitur acerrimum,</p> <p>888 multorum eapropter
morborum causa</p> <p>889 tum chronicorum, cum
etiam acutorum.</p> <p>890 Quocirca in his tran-
spirationem revocare co-
nabantur medici</p> <p>891 Inde emanavit in vul-
gus methodus sudorifera.</p> <p>892 Quidam deducunt mor-
bos rheumaticos a bile.</p> <p>893 Ex quo diversæ con-
fectæ sunt hos morbos
tractandi normæ,</p> |
|---|--|

- 894 eumprimis acutos.
 895 Interest itaque, cognoscere genium transpirabilis.
 896 Catarrhosi melius valent in aere effluviis humanis referto,
 897 minor est in eo quoque vulneris denudati dolor.
 998 Effluvia proinde humana non sunt acria,
 899 non etiam ceterorum animalium.
 900 Acre igitur non est, quod perspiramus.
 901 Videamus itaque, quid id sit?
 902 Transpirando amittimus vires corporis,
 903 sive ipsos spiritus nervos,
 904 veluti planta odorata suum rectorem spiritum.
 905 Sunt ergo hominum effluvia ipsi liquores nervi,
 906 quod mulier confirmat,
 907 atque Reaumurii experientia.
 908 Dicet aliquis, transpirabile esse acre, quia est materies excernentitia,
 909 sive reliquæ inutiles coctionis ultimæ:
 910 generat dein morbos aer transpirabili humano repletus,
 911 istudve retentum in corpore,
 912 aut repulsum.
 913 Morbi porro contagiosi propagantur per effluvia,
 914 & catarrhosi &c. levantur reducta transpiratione,
 915 eadem ratione extirpantur in vere morbi hieemales.
 916 Ad ista respondeo: Acre sanguinis evehitur in sanis per vias urinarias,
 917 & non per cutis emunctoria.
 918 Non ipsa dein effluvia humana inducunt morbos,
 919 neque ideo solum perniciosus est aer urbanus, quia repletus est transpirabili animalium,
 920 nec noxium est istud, quia elasticitatem adimit aeri,
 921 non suscitatur dein morbos hoc ipsum retentum,
 922 sed illud potius, quod transpirationem retinet.
 923 tollerentur enim secus hi morbi per diaphoresim,
 924 nec forent atrociores expulso prius transpirabili,
 925 & crescerent in aere his effluviis scatente.

- 926 Est itaque frigoris!ma-
reries horum morborum
auctor.
- 927 Morbi proinde generis
istius non sunt putridi,
- 928 non ideoque cortice &
similibus tractandi.
- 929 Est quidem ægrorum
transpirabile interdum
acre,
- 930 levatque etiam aliquan-
do morbos catarrhosos
diaphoresis, at non ex-
stirpat:
- 931 aer deinde vernalis est
præpotens in morbis
propter ea, quæ con-
tinet,
- 932 Igitur morbi a refri-
geratione geniti non sunt
ab ipso repulso transpi-
rabili.
- 933 Disquiramus jam vires
Potentiarum ratione ex-
cretionum.
- 934 Moderatæ sunt ab orga-
nismo,
- 935 nisi consuetudo inter-
cesserit;
- 936 auctæ pariter per con-
suetudinem sunt orga-
nismi.
- 937 Miro modo permutat
organismum consuetudo
in excretionibus.
- 938 Anima quoque adau-
get sæpius excretiones,
- 939 atque Heterogenea,
- 940 non raro etiam Na-
tura.
- 941 Ex dictis inferuntur
quædam.





CAPUT TERTIUM.

D E

SECRETIONIBUS ET EXCRETIONIBUS.

870. **S**i Secretiones & excretiones recte procedant, conservant organismum in pleno suo sanitatis statu: At si retardetur multum aliqua earum, turbatur iste, gravaturque materie noxia, diversorum morborum auctore.

871. Operis proinde ratio exigit, ut de eis quoque aliquantum differamus, qui methodum hanc nostram in ipsas semper morborum causas directam esse volumus. Contemplabimur itaque effectus istos non solum, ut, effectus organismi; sed etiam, ut causas morborum. Agemus itaque prius brevissime de secretionibus; postremo de excretionibus.

872. Quandoquidem secretio est secessio liquoris unius ab altero, tot specierum contingunt in corpore nostro secretiones, quot sunt series vasorum descenduntium, quotve humorum varietates.

873. Qualis est fluidorum motus celeritas, tales sunt pariter secretiones. Hinc si motus sit major, copiosiores sunt quoque secretiones. Igitur, qui istas promotas cupit, humorum adaugeat circuitum.

874. Est autem ad omnes simul totius corporis augendas secretiones motus fluidorum in eum tantummodo gradum evehendus, qui non multo superat pacatum organismi. Nam pluribus gradibus excedens eum celeritas, velut in febribus evenit, aut in vehementi corporis exercitio, vel in calidis animi affectionibus &c, etsi quampiam promoveat, inhibet tamen ceteras. Si quidem humores tunc pene omnes versus aliquas solum determinantur corporis partes.

875. Ta-

875. Tametsi vero a copiosiori liquidorum affluxu in partem corporis copiosior in ea contingat secretio; accedit nihilominus interdum, ut ipsa hæc major fluidorum copia, in corporis partem descendens, secretiones in ista inhibeat potius; quam augeat. Si renum alteruter inflammetur, cessat sæpe secretio lotii in altero quoque, quia nimius affluxus humorum ad renem inflammatum efficit, ut alter æque nimis humoribus obruatur, & obstruatur.

876. Inde est, quod medicamenta, quæ humores in aliquam corporis partem determinant, plus quandoque noceant; quam prosint, magisque sæpe impediunt secretiones; quam adjuvent. Inde est, quod tanto minus diuretica lotium, emmenagoga fluxum menstruum, kermes minerale sputa &c. promoveat interdum; quanto majori copia fuerint ægris propinata, ideoque venæsectiones, refrigerantia, sive dictis contraria diureticorum, emmenagogorum &c vices obeant.

877. Organismo debite conformato, & simul rite constituto peraguntur quælibet secretiones in eo universo. Quocirca non est is idem in hoc suo statu causa ullius secretionis adauctæ vel imminutæ.

878. Verum si pars ejus aliqua sit aut male formata, aut per frequentiores usum vel morbum debilior ceteris effecta, organismus humores in istam copiosiores defert, & propterea secretiones in ea ipsemet vel auget, vel inhibet. Recrudescit eapropter facile tumor hemorrhoidum, faucium &c, si harum vasa fuerant quondam per morbum valde relaxata.

879. Non minus est consuetudo auctarum vel retardatarum secretionum frequens causa. Sic in eis, qui fumo nicotianæ sunt afflueti, copiosa contingit perennis fere salivæ secretio; e contrario autem in iis, quibus ejusdem herbæ pulvis usui est crebriori, nulla sit muci in naribus secretio, nisi hoc pulvere eliciatur.

880. Natura juvat secretiones, quando compellit humores in quasdam corporis partes e.g. inter meditandum ad caput; post nimia ingesta in ventriculum; aut in partem, quam acre rodit, vel obstruens inflammat &c.

881. Secretiones, quas animus copiosiores aut justo pauciores efficere valet, satis conitat ex animi effectionibus, motibus ejus muscularibus, ceterisque hujus potentiae viribus in organismum.

882. Heterogenea, quae secretiones diversas singulatim aut plures simul adaugent reprimunt, vel penitus intercipiunt, abunde exponit Therapia, satisque manifestant eorundem effectus.

883. Excretiones dein non sunt aliud, quam secretorum fluidorum, ad vasa excretoria delatorum, ejectiones. Ea igitur, quae secretiones, promovent etiam, retardant, & sistunt excretiones.

884. Excretionibus adnumerant multi illas quoque liquidorum expulsioniones, quae fiunt absque secretionem, ut si e quapiam rupta arteriola profiliat sanguis &c.

885. Quantumvis autem diversas admittant Authores excretiones, nolunt attamen ulli liquori excreto dandum esse nomen materiae excrementitiae, quam tantummodo faecibus alvinis, lotio, & materiae, ut ainus, perspirabili.

886. Ratio, cur his solummodo concedendum velint vocabulum materiae excrementitiae? est, quia sunt res e tribus, ut inquirunt, coctionibus rejectae, adeoque inutiles & noxae, si retineantur in corpore.

887. Inter triplicem autem hanc materiem, dicunt, transpirabile esse omnium acerrimam, ac tantae acrimoniae, ut, si ad evaporandum destinata repellatur in circulum, morbos generet acutissimos. Fridericus Hoffmannus, cui plures assentiunt, ait Tom. Tert. Sect. prim. cap. oct. §. vi. Syst. Med. *Sordes, quae sub perspiratione exhalant, valde tenuis & activa sunt indolis. Haec enim, in corporis penetralibus retentae, haud secus, ac mortiferum venenum, partes exquisitae sentientes atrocissime adoriuntur, atque exagitant, ut vehementissimae, immo Lethales in nervosarum potissime partium genere observentur affectiones, & similia passim.*

888. Argumentorum, quae Medici transpirabile acerrimae indolis esse demonstrare satagunt, alterum est ex indefessi Santorii observationibus ad stateram factis depromptum adnotantis, quemlibet hominum, qui

qui per dies aliquot continuos gravior deprehendebatur, non ideoque satis perspiraverat, brevi post tempore, nisi retentum in corpore per alvum aut vias urinarias discesserat, in morbum fuisse lapsum: e converso autem omnes, qui leviores notabantur sive rite perspirantes, perstitisse sanos.

889. Secundum nititur autoritate præcipuorum, siquidem communi pene medicorum sententia proveniunt morbi catarrhosi, inflammatorii, aliæque febres continuæ, diarrhææ, capitis, faucium, artuum &c dolores lancinantens, & quicunque generantur, vel exacerbantur corporis refrigeratione a repulso, ut loquuntur, transpirabili.

890. Stante hoc effato nascitur in his morbis indicatio, revocare & expellere repercussum frigore transpirabile; Ea itaque remedia, & regimen esset adhibendum, quo perspirationem promoveri docet Ars medica.

891. Eidem huic sententiæ videtur superstructa esse methodus sudorifera in morbis artriticiis, a refrigeratione natis, inque capitis, dentium aliarumve corporis partium defluxionibus, quas rheumaticas communiter appellamus, a medicis in vulgus usque derivata.

892. Si effectus responderent in his morbis medendi normæ, magnum certe adderent pondus lato supertranspirabilis indole iudicio. Verum adeo minus prosperum habebat sæpius hæc methodus eventum, ut non pauci medici a dicta sententia deflexerint, morbosque qui a refrigeratione ducunt originem, non amplius in repulsum transpirabile, sed in bilem, in sanguinem absorptam, referant, eosve idcirco non sudoriferis, sed purgantibus curandos asserant.

893. Viguit hæc inter ejus fautores opinio ac medendi norma, usquedum horum quoque multi animadvertissent, recensitos morbos non felicius extirpari per purgantia, quam per sudorifera. Ex eo factum est, ut medici in varias subinde abiverint sectas, variasque assumpserint methodos. Arthritis nobis sit pro exemplo: Hanc aliqui diaphoresi; alii iteratis purgantibus; qui-

quidam diluentibus & inviscantibus; non pauci antiphlogisticis solventibus; & denique aliqui specificis tractandam esse perhibent.

894. Sicut in morbis articulorum; ita quoque in acutis ab eadem causa, a refrigeratione videlicet inductis, varietatem peperit curandi opinio diversa, de transpirabilis materiæ genio suscepta. Quoniam in his pariter morbis quidam medici absorbentibus, quæ diaphoretica nominant, medicaminibus perspirationem revocare; Alii cura antiphlogistica lardaceam sanguinis spissitudinem attenuare; & demum aliqui fortissimis fossilium acidis, ipsove cortice peruviano putredinem humorum, a putridissima, ut ajunt, repulsa transpirabili materia genitam, compescere adnituntur.

895. Haud itaque operam nos nostram perdituros spero, si id, quod transpiramus, acute fuerimus intuiti, atque studiose examinaverimus, utrum reipsa acerrima ac putridissima, qualem medici esse reputant, sit indolis? Adeoque utrum morbos, qui cum gravitate sumunt initium, a retenta? & qui a refrigeratione tum acuti, tum chronici ortum ducunt, a repulsa materia transpirabili repetere, proindeque methodo diaphoretica tractare conveniat?

896. Catarrhosi, tussientes, & quicumque habent propter penuriam obtegentis muci, denudatam ac inflammata pulmonis superficiem, compelluntur vehementius ad tussendum ab aere puro, quam ab aere effluviis humanis referto.

897. Aer dein purus infert nudo vulneri dolorem, ad id admissus; sedat autem eum aer, transpirabili copioso permixtus. Sic pars corporis vulnerata nuda dolet, si lecto erecta sit; cessat vero dolor iterum in tepore lecti. inde est, aerem apertum esse noxium vulneri, ideoque id tectum semper esse debere, vulgaris fert sententia.

898. Hæc & similia evidenter demonstrant, perspirabile humanum non esse tantummodo non acre irritans; sed insuper ipsi aeri, quem purum dicimus, acri fortassis ac rodente materia scatenti, demere vim irritantem.

899. Si fluidum, quod perspiramus, foret acre, analogia, quam habet organismus humanus cum organismo qua-

quadrupedum, jubet credere, horum æque animalium transpirabile esse acerrimum. at si ad observationes convertimus humanum, deprehendimus, perspirabile pecorum esse tantum minus acre, tantove minus exasperare vulnera, ut potius ulcera pulmonum plene sæpius consolidaverint phtylicorum, qui dies noctesque plures continuas transigebant in simili atmosfera, in stabulis utpote vaccinis. Profecto, si effluvia pecudum forent acria, & cumprimis, veluti quidam de effluviis hominum disserunt, putridissima, augerent maximum in modum febriem phtylicorum & supurationem.

900. Igitur transpirabile humani corporis non est ullius acrimoniæ insimilandum, minus ergo putridissimæ. Hoc posito, non est sive, ut loquuntur, retentum, sive frigore repulsum causa morborum putridissimorum. nonque unquam causa inflammationis: catarrhi, artritidis, & similium corporis affectionum.

901. Interpellabunt, scio, me non pauci adducentes ad commonstrandam perspirabilis humani acrimoniæ tum argumenta non levia, cum ipsam experientiam. Verum, antequam ista audiamus, assumamusque diluenda, expendamus prius ratiocinia, ex quibus contrarii probabilitas existere videtur. Disquiramus; inquam, prius, quid de indole perspirabilis existimare liceat?

902. Quanto quis majorem exerit corporis motum, tanto perspirat magis, tantove plus delassatur, plures idcirco amittit vires corporis. Id ergo, quod evolat e corpore per cutis spiramina, sunt ipsæ vires corporis, est id, quod spiritus nerveos appellamus.

903. *Fam ab omni ævo, sunt verba Illustr. L. B. van-Swieten in comm. §. 28. corpora interitura præ debilitate conati fuerunt medici refocillare, dum subtilissima illa exhalantia de valido juvenili corpore insinuabant debilissimis corporibus, sub iisdem stragulis decumbentibus. Sic Davidis effærum senectute corpus fovebatur sanissimæ puellæ in eodem lectulo decubitu. Optimus est igitur, & minime acer, liquor, quem perspiramus, est scilicet ipse humor ultimus sive nervorum.*

904. Haud inepte assimilatur transpirabile animalium effluviis vegetabilium. Quis est autem, qui negabit, effluvia plantarum esse liquorem omnium optimum & perfectissimum, quem ipso nomine spiritus rectoris plantæ, talem exhelantis, insignimus? sic lilium, sic rosa, sic mellissa, sic cetera quoque aroma spirantia vegetabilia gratissimum, & hominem refocillans exhalant. Sunt ego exhalationes corporis quoque humani liquor ceteris perfectior, liquor utpote nerveus.

905. Quævis planta odorata reddit se nobis notam & a reliquis distinctam per sua illico, quæ spirat, effluvia, sive per suum rectorem spiritum. Rector itaque spiritus corporis æque humani videtur esse id, quo canis domesticus discernit herum suum ab omnibus ceteris hominibus, & reperit, velut supra meminimus, in turba perditum.

906. Compertum est præterea, mulierem vigilas facilius perferre; quam virum, fierique citius; quam istum, plethoricam. Ratio istius merito derivanda est abinde, quod mulier minus transpiret; quam vir, adeoque pauciores faciat eodem temporis spatio jacturam suarum virium; quam vir.

907. Cl. Reamur (*memoir pour l'histoire des insect. Tom. II. pag. 48. &c.*) expertus ait, imminuendo transpirationem insectorum, eorum vitam diutius conservari posse. unde existimat, non vanam formari spem, posse vitam pariter humanam produci, si idem tentaretur in hominibus. Id certum est, quod robusti corpore minus transpirent, quam debiles; quodve ii, quorum corporis compages firmior est, melius valeant hibernis temporibus. Intueamur nunc objectionum pondus ac vires.

908. Primum Adversariorum argumentum sit istud: Vere putrida sunt excrementa alvina, vere item acris est urina: utrumque ideo, quia sunt materia excrementitia, ut dicimus: Hinc consiciendum est, tertiæ quoque coctionis materiem excrementitiam, qualem hæc pariter coctio habere debet, esse acrem.

909. Alterum sit hocce: Quinque octavas assumptorum partes exhalando amittimus sani in dies singulos.
quis

Quis credat autem, tantam nos quotidie perdere liquoris nervorum copiam? Censendum proinde est, inutile potius, quod viribus organismi nequibat mutari in liquores inquilinos, neque per alvum aut per renes expulsum est, ejici per vasa cutanea.

910. Tertium porro id: Aerem, qui vaporibus corporum humanorum refertus est, tam noxium esse scimus, ut non adaugeat solum spirandi, ea laborantium, difficultatem, febresque continuas &c sed inducat insuper etiam morbos pessimos, ipsamque febrem putridam. Propter eadem hæc etiam animantium effluvia allerimus perniciosum esse aerem urbanum. Infringunt dein ista quoque aeris, ut norimus, elasticitatem; acria ergo sunt ea reputanda.

911. Quartum deinde: Per iterata multoties experimenta indubitatum effecit Santorius, homines, quorum transpiratio non rite procedit per dies aliquot, morbo mox correptum iri, veluti paullo antea §. 889. diximus. Noxium est id ergo, quod perspiramus.

912. Quintum: Morbi a refrigeratione subitanea, a repulso videlicet transpirabili geniti manifeste demonstrant, causam eorum esse acre rodens ac inflammans membranas partium, ad quas defertur, corporis.

913. Sextum: Morbi contagiosi omnes, quorum numerus est maximus, propagantur per sola maligna ægrorum effluvia. Pessimos itaque ejicit natura per cutis arteriolas corporis humores

914. Septimum sit hoc: Amplissima experientia evictum est, morbos catarrhicos, dentium, articulorum &c dolores, ceterosque, qui a repressa frigore perspiratione ortum sumunt, optime curari per infusa calida, & cuncta illa, quæ diaphoresin promovent, seu quæ transpirationem reducunt.

915. Octavum denique sit istud: Omnium pene consensu propterea morbi hiemales pertinacissimi dissolvuntur sua sponte tempore veris, quod his anni mensibus optime procedat transpiratio. Materies dein erysipelatosæ, podagrica &c transpiratione est exterminanda. Ipsum præterea, scimus, crudum morborum acutorum

ejici sæpe per spiramina cutis. Cuncta ista plane declarant, humorum acre, quod admodum subtile est, ideoque neque per alvum, neque per urinæ vias evenitur, expelli per cutis spiramina.

916. Ad argumentum primum respondeo, urinarias solum esse vias, per quas omne acre sanguini admixtum expelli videtur: ipsa tenuissima asparagi, faniculi &c effluvia efferuntur iterum hac via. Morbi proinde, quos acrimonia excitat irritans, ab hac retenta, quia in renibus non est secreta, & non ideo, quia per cutis emunctoria non exiit, suam habent originem. Etsi dein concefferimus, deteri aliquid de humoribus inquilinis, dum hi in liquorem ultimum convertuntur, quis existimet autem, id esse acre?

917. Ad Secundum dico, non omne, quod corpus humanum exhalat, esse liquorem nerveum, sed copiam simul aquæ non modicam, quæ maximam ingestorum partem efficit, quocirca facile etiam quotidiani perspirabilis copiam poterit adæquare, quinque scilicet octavas assumptorum partes.

918. Ad Tertium: Si in memoriam revocamus, quæ de aeris frigore, ad sanguificationem necessario, attulimus, perspicimus, humores corporis non degenerare in nominato aere propter effluvia humana ei admixta; sed potius propter absentiam materiæ frigoris, ex hoc aere per exhalationes humanas, in eo contentas, ejectæ.

919. Non est deinde solum propter exspirationes animatorum exitiosus aer urbanus, sed magis propter exhalationes rerum putridarum, fossilium, carbonum ardentium, & similium rerum vere acrium.

920. Quantum ad aeris elasticitatem: dico: tametsi suam iste perdat in effluviis animalium elasticitatem, non sunt ea idcirco acrimoniæ insimulanda. Nam si transpirabile foret putridum, quale id medici esse asserunt, augeret potius aeris elasticitatem, veluti eam increfcere videmus in corporibus putrescentibus.

921. Ad Quartum: Quemadmodum haud quaquam negare possum observationes Santorii ceterorumve Physicorum ad stateram factas; ita nunquam induci, ut-

ut opiner, retentam in corpore transpirationis materiam esse auctorem insequentium morbosarum affectionum. Quoniam morbi, qui nascuntur, dum perspiratio non rite procedit, sunt generis diversi prorsus ab illis, quos refrigeratio, sive repulsa, ut ajunt, transpiratio inducit, quam ob rem debent etiam aliam habere causam effectricem.

922. Si porro animum advertimus ad id, quod transpiratio nunquam emanat sua sponte, adeoque causa semper antea existere debeat in corpore, cibi v. g. non satis attenuati, frigida animi pathemata &c., quæ eam retinet; censendum est, causam istam evadere postea effectricem sequentis mali. Videtur hoc autem tanto esse verisimilius; quanto dispares magis sunt affectiones, quæ post retentam perspirationem in scenam prodeunt.

923. Existimo dein etiam, morbos hujusmodi debere illico rursus extirpari per diaphoretica, vel saltem multum imminui, si proficiscerentur a retenta transpirationis materia. Palam est autem, adeo parum hac ratione morbos istos subigi, ut vix unus amplius cogitet in eis medicus de procuranda transpiratione, sed diversa, pro varia nempe morbi conditione, præscribit quilibet remedia.

924. Ad Quintum: Morbi catarrhales, inflammatorii, ac similes rheumatici sunt eo vehementiores, si cætera sint paria, quo ægrotus plus calebat ante admissum frigus, id est, quo majorem expulit antea transpirabilis copiam: Quis est autem, qui non fateatur, debere evenire recte oppositum, si causa horum morborum esset ipsa perspirationis materia? Siquidem expulsa jam prius morbi causa, hic mitior esse deberet.

925. Si demum commemorati nunc morbi generarentur a dicta hac materia, generarentur utique in aere ista repleto. Eam enim inspiramus cum aere, eamque, subtilissimam utpote, absorberent vasa bibula cutis. Verum quis est, qui observavisset unquam natum in ejusmodi aere morbum rheumaticum? Quin immo adeo minus inducit dictus aer catarrhum ac similia, ut putius generis istius morbos resolvat, & subigat.

926. Quæret, nullis dubito, ex me aliquis causam malorum, per subitanam refrigerationem excitatorum, cujus nimirum sit ingenii, & unde profecta vehemens illa acrimonia, quæ atrocia & sæpius funesta concitat symptomata? Huic reponam, me existimare, eam esse id, quod materiam frigoris appellamus, humores condensantem, & constrictis simul arteriis ipsos in harum finibus sistentem. Si proinde materia frigoris fuerit cum lymphâ sanguinis conjuncta, producit, iudico, catarhum &c, seu hujus vasorum series inflammationes. At si ipsosprehendat globulos sanguinis rubros, eorumve plures cogat in unum, excitat morbos vere inflammatorios, aut arduos. Quanto dein plus enervatum & a liquoribus tenuioribus per prægressam exercitationem spoliatum est ante refrigerationem corpus humanum; tanto major admiscetur humoribus materiæ frigoris copia, istique tanto magis condensantur.

927. In asserti hujus confirmationem adfero sanguinem, in similibus morbis e vena missum. Est enim iste semper summe lardaceus, non autem dissolutus, qualis est ægrorum in morbis vere putridis. Si dein pulsum arteriarum contemplamur, deprehendimus eum, qui est in febre putrida, admodum debilis, esse in rheumaticis affectionibus fortem & durum. Materies igitur, quæ morbos inducit rheumaticos ac hujus generis acutos, est non solum non putrida, sed ei indole prorsus opposita.

928. Exinde cuius decernendum committo, utrum morbi acuti, a repentina refrigeratione nati, possint inter maxime putridos jure recenseri, sintque propterea cortice peruviano & similibus antiseptis tractandi?

929. Ad Sextum: Acre ac virulentum transpirare ægros, quorum humores eo scatent subtili, nemo deducet in controversiam. Verum non est hic sermo de perspirabili corporis ægroti, sed sani, quemadmodum medici, dum de bonitate sanguinis menstrui differunt, intelligunt eum mulieris sanæ, & non ægrotantis, cujus cruorem malæ indolis esse, nullus inficiatur.

930. Ad septimum: Haud unquam reprobabo remedia & regimen diaphoreticum in morbis cartarhosis:

At

At vero, num diaphoresis sufficiat semper extirpando huiusmodi morbo, & non sæpius demulcentia quoque, inviscantia, nitrosa, sanguinis detractiones, & similia sint necessaria? practicum iudicem appello. Id certum est, & uberrima evictum experientia, stimulantia sudorifera esse in acutis, ex hoc fonte emanantibus, a refrigeratione, inquam, inductis, semper noxia.

931. Ad ultimum tandem respondeo me opinari; non ob unicum adauctam perspirationem corporis tempore veris resolvi morbificum, quod stagnaverat quasi totam hiemem in visceribus ægrotantium; sed magis propter meliores tempore vernali coctiones organisini, imprimis autem sanguificationem, cum transpiratio hiemis æque temporibus multum possit promoveri. Existimo proinde, coelum vernale idcirco tam esse salubre, quia materia frigoris per radios solares in eam temperantiam est reducta, in qua singulare & solventissimum evadit medicamen, in sanguinem medio aeris inspirati delatum; tum etiam ideo, quia telluris & vegetabilium exhalationes, corpori humano amicissimæ, nervos nostros grate afficiunt, & quasi instaurant, quibus is conciliatur humoribus motus, per quem coctiones, secretiones, & excretiones optime peraguntur. Responso ad alteram objectionis partem clara est ex jam dictis; non videlicet indolem transpirabilis corporis ægroti esse in quæstione, sed sani.

932. En quantum intersit egisse de indole materiæ transpirabilis: En quantum referat definivisse, an hæc sit pessimæ, aut contra optimæ conditionis, adeoque utrum morbi, qui cum lassitudine sumunt exordium, sint a retenta; & quos subitanea excitavit refrigeratio, a repulsa transpiratione geniti?

933. Relatis iis, quæ de materia perspirabili commemoranda iudicavimus, disquiramus jam, quid valeant Potentiæ in augendis, & reprimendis excretionibus; quidve efficiant?

934. Excretiones moderatæ sive eæ, quas usitato medicorum vocabulo naturales appellamus, sunt effectus organismi. Hinc si istis fuerint majores vel minores,

res, non sunt amplius organisini, sed alius potentiae, veluti jam alias exposuimus.

935. Excipiendas diximus pariter alibi ex hac esse regula, quamvis fuerint moderatae, excretiones, quae sunt opera alterius cujuspiam potentiae in vitiato organismo. Sic qui assuetus est potu quotidiano caffe, non habet alvum apertam, nisi per hunc potum referatam. Potus igitur fabarum istarum est causa excretionis hujus, & non organismus.

936. Contrarium obtinet in adauctis per consuetudinem excretionibus. Nam is, qui per frequentes liquoris spermatici v. g. ejectiones admodum relaxaverat vasa liquorem istum coercentia, solo agente organismo frequentes spontaneas patitur istius profusiones.

937. Mirus omnino est consuetudinis effectus in organismo ratione excretionum. Quoniam dum iste ab heterogeneo crebrius compellitur ad excernendum, fit tanto segnior ad idem hoc munus, quanto saepius ad id concitatur: e converso autem si moveatur ab anima ad excernendum, fit ad id promptior, atque antea fuerat. Sic quanto quis frequentius assumit purgans, tanto tardiores habet alvum; At si hanc torpentem studio quotidie, absque adhibito stimulo, exoneraverit, non multo post tempore experietur eam in dies singulos facilem.


938. Excretiones, quas animus adaugere potest, vel refrænare, facile intelliguntur ex animae effectibus, suo loco recensitis, dispicit eas quoque omnis, qui in memoriam reducit vires, quoad excretionem, actionum musculorum voluntariorum, animi pathematum, & denique cogitationum ac studiorum acutorum.

939. Illae porro excretionem auctae, imminutae, vel retentae sunt ab heterogeneis, quas ab eorum viribus, e Therapia & observatione notis, derivare possumus. Sic miſtum cruentum, applicatis copiosis vesicantibus, nisi alia manifesta adsit ejus causa, jure adscribimus.

940. Naturae demum in acceptis referendas esse excretionem, quae corpus liberatur a materia cruda & noxia, supra jam comprobavimus. Tales sunt haemorrhoides.

rhagiæ, diarrhææ, sudores &c. critici, aliæque ejectiones inutilum.

941. Ex hucusque recensitis patet ratio, cur cibi tenaces, qui transpirabile retinent in corpore, non inducant catarrhosas humorum defluxiones? Cur morbis istis pulchre opitulentur oleosa, vitellus ovorum & similia, quæ tamen in morbis putridis summe perniciofa esse scimus, & e converso cur noceat vinum, quamvis transpirationem egregie promoveat? & sic de aliis.



CAPUT QUARTUM.

DE

SOMNO ET VIGILIIS.

- | | |
|--|--|
| <p>942 Somnus est is organismi status, in quo iste plenis operatur viribus.</p> <p>943 Est sæpe malorum reus.</p> <p>944 Somnus & vigiliæ se mutuo excipiunt.</p> <p>945 In illo suis defungitur animus actionibus;</p> <p>946 in istis vero vacat is ab omni actione.</p> <p>947 Somnus & vigiliæ mutant conditionem organismi.</p> <p>948 Cordis enim constrictio est, dum vigilamus; multum repressa,</p> <p>949 respiratio pariter minor,</p> <p>950 similiter secretiones & excretiones,</p> <p>951 atque calor cum coctionibus;</p> <p>952 Ultimi autem liquoris elaboratio est prorsus cohibita.</p> <p>953 Existimant aliqui, spiritus vitales posse cardiacis instaurantibus restitui,</p> | <p>954 quod tamen haud videtur,</p> <p>955 siquidem ista superstites solum excitant.</p> <p>956 Hinc inepte datur vinum ad reddendas in acutis vires amissas.</p> <p>957 Vigiliæ consumunt organismum.</p> <p>958 Unde clarescit prognosis in morbis, qui sunt cum vigiliis conjuncti,</p> <p>959 patetque, quam utilia sint sæpe paregorica.</p> <p>960 In somno est actio cordis & respirationis præpotens,</p> <p>961 in qua conspiciamus periculum in morbis.</p> <p>962 Si excretio quædam sit major in somno, signum est conturbati organismi.</p> <p>963 Humores in somno multum perficiuntur,</p> <p>964 universumque reficitur corpus.</p> <p>965 Ad hoc proinde nutriendum necessarius est somnus.</p> <p>966 Malum est igitur, si</p> |
|--|--|

- somnus non instauret.
- 967 Dum nos somnus ad-
ritur, cessat spirituum se-
cretio in cerebro.
- 968 Quidquid itaque hanc
secretionem conservat, re-
tinet vigilias.
- 969 Inter obdormiendum
relaxantur pedetentim mu-
sculi animales.
- 970 Ex quo derivamus ce-
leritatem motus spirituum
in nervis,
- 971 quodve isti non re-
vertantur per nervos in
cerebrum.
- 972 Spiritus in cerebro se-
cernendi secernuntur,
dum dorminus, in cere-
bello.
- 973 Hinc est, quod respi-
ratio sit eo profundior;
quo somnus est altior.
- 974 Quanto itque respi-
ratio est in morbis sopo-
rosis profundior; tanto
major est causa morbi,
- 975 quæ potissime latet in
capite.
- 976 Unde liquet, quid uti-
litatis præstent frictio-
nes in apoplexia?
- 977 Somnus est noxius
- 978 e duplici ratione,
- 979 in nimium videlicet
protractus,
- 980 cum primis si sit juxta
consuetudinem;
- 981 vel inconveniente tem-
pore admissus.
- 982 Disquirendum est præ-
inde, quando? & quan-
tus utilis sit somnus?
- 983 Ille videlicet, & tan-
tus, qui, & quantus re-
ficit hominem,
- 984 aut est secundum con-
suetudinem.
- 985 Ex his patet,
- 986 cur somnus evertat ali-
quando chylicationem?
- 987 Unde varia profici-
scuntur mala.
- 988 Somnus promovet tran-
spirationem, & stringit
alvum,
- 989 exceptis attamen non
nullis.
- 990 Nocet quoque somnus,
si celeritas adsit in pulsu,
- 991 Hinc perniciofa sunt
opiata in febribus.
- 992 Sunt ergo e contrario
proficua sæpe vigiliæ.
- 993 Causa somni naturalis
non sunt vapores e ven-
triculo in caput adscen-
dentes,
- 994 neque alia causa corpo-
rea,
- 995 neque anima,
- 996 sed natura.
- 997 Non nimium eapropter
tribuimus naturæ.
- 998 Accellerat somnum at-
tamen tum anima.
- 999 cum etiam heterogenea,
- 1000 istaque modo duplici.
- 1001 E dictis inferuntur
quædam.



CAPUT QUARTUM.

DE

SOMNO ET VIGILIIS.

942 **S**omnus est, veluti supra diximus, is organismi status, in quo sopitis omnibus sensibus externis internisque organismus plenis suis operatur viribus: Vigiliæ autem ea organismi conditio, in qua is rite quidem, ast non plene, cum per actiones animæ reprimatur, agere potest.

943. Constat ex jam recensitis, corpus absumi per vigilias, & refici denuo per somnum. Hinc liquet, tum somnum, tum quoque vigilias, esse corpori utilitati maximæ, si debite; & vicissim diversorum morborum causæ, si inepte fuerint admissa. Quare ad rem erit, ista non minus perfunctiore, quam reliquas morborum pertractare causas.

944. Cursus vitæ humanæ est ita ordinatus, ut post transactas horas continuas circiter octodecim opprimamur somno, quo reliquas diei integræ absumimus. His porro elapsis evigilamus iterum.

945. Quamdiu vigilamus, operatur anima constanter sive solum cogitando, sive etiam suos movendo musculos: illico autem, atque obdormimus, sopiti sunt sensus interni externique, omnis proinde cessat actio animæ.

946. Tempus itaque vigiliarum est id diei spatium, quod animæ ad agendum est datum: somnus vero id temporis intervallum, quod animæ subtractum est, & ad reparationem perditorum de corpore destinatum.

947. Organismi conditio inter vigilias & somnum, quantumvis iste diu noctuque absque intermissione suas peragat actiones, est nihilominus tanta. ut dici debeat maxima, ideoque animadversu dignissima.

948. Re-

948. Contractio cordis est tempore vigiliarum nunc lenis, nunc vero fortis, modo cita, jam tarda, non nunquam etiam inæqualis, aut intermittens, prout videlicet ab anima, a natura, vel ab heterogeneis excitatur, reprimitur, vel conturbatur.

949. Respiratio autem eodem hoc tempore jam est modica, jam profunda, nunc facilis, modo anxiosa, nunc velox, modo vero tarda, pro ratione scilicet vigiliæ potentiarum in eam agentium.

950. Actioni cordis respondet motus fluidorum; huic vero secretiones & excretiones. Qualis igitur est actio cordis, tales sunt etiam effectus istius. Hinc quamdiu vigilamus, sunt secretiones quoque cum excretionibus modo copiosiores, modo parciore, aut penitus inhibita.

951. Verum si motus humorum & secretiones variantur cum excretionibus tempore vigiliarum, sequitur, calorem pariter & coctiones esse adeo varias, ut aliquando debite procedant, non raro autem perturbentur.

952. Chylificationem & sanguificationem fieri quiescem, dum vigilamus, sed non plenas sive neque tantas, quantæ forent necessariae ad conservandam omnem humorum copiam; ultimi vero liquoris elaborationem, quamdiu vigiles sumus, haudquaquam peragi, demonstravimus capite de coctionibus.

953. Dicit aliquis, non dubito, cardiacorum classem, quam reficientium nominamus, eam esse, cujus remedia perditas momento citius instaurant corporis vires. Ita vinum eo ipso, quo deglutitur, temporis munus reddit debilibus vires. Ex quo censendum esse, conjungunt, generis istius cardiaca ipsas sine prævia coctione ac immutatione restituere vires corporis sive spiritus nervorum.

954. Reficitur quidem ex tempore, respondeo, vigiliæ & similibus delassatum corpus humanum; verum non videntur ipsæ vires, ipse deperditus nervorum liquor per ea restitui. Nam 1^{mo}. liquor iste est alius longe indolis, quam sit vini ceterorumve reficientium lenius. 2^{do}. Velocior est multo refectio ab assumptis, quam cardiaca ad cerebrum, atque abinde in totius

corporis nervos deferri queant. Compertum est denique 3110. liquorem nerveum seu vires corporis non alia ratione, præterquam somno, posse recuperari.

955. Subita ista corporis refeſtio videtur in hoc eſſe poſita, quod per dicta excitantia ſuperſtites ſolum in corpore ſpiritus in motum majorem compellantur, idve medio nervorum, quos iſta exagitant, a cerebro ad ventriculum deductorum, quemadmodum ſumme inſtauratur pauxillo pulveris nicotianæ in nares attracto iſ, qui eo aſſuetus eſt, & ob ejus penuriam languet, & tritatur.

956. Inde palam eſt, quam perperam agat vulgus, dum ægrotos, morbis acutis languentes, vinoliſ reſicere contendit: item quam ſit erronea illorum opinio, qui a morbo reſiſtantes, & adhuc multum inſirmos, plus vino, quam cibis facile digerendis reſicere adnuntuntur.

957. His in conſiderationem accerſitis clarum eſt, vigiliis adeo adverſari organiſmo, ut ipſum conſtanter terant, quin etiam ei concedant ſe reparandi otium. Perderent itaque iſtæ corpus paucis dierum intervallo, ſi plurium horarum ſomno non interromperentur.

958. Hinc patet, ambiguum ſemper eſſe prognofin in quibusvis corporis affectionibus, morbumque omnem, eſſi alia ejus ſymptomata forent mitia, eſſe cum maximo vitæ periculo conjunctum, qui eſt cum vigiliis continuis. Quod enim morbus non conterit, abſumunt vigiliæ.

959. Elucet inde quoque, quantum præſtet medicus dies noctesque vigilant, ſi ei ſomnum pacatum conciliet, ſine quo nulla coquendæ materiæ morbiſicæ, nullaque reparandarum virium ſpes eſt?

960. Si deinde organiſmum contemplemur tempore ſomni, deprehendimus cuncta eſſe prorsus alia, quam fuerint in vigiliis. Eo enim ipſo momento, quo obdormimus, cor ſe contrahit fortiffime, lente, & ſimul æqualiter, licet paullo antea actio ejus fuerit debilis & inordinata: Reſpiratio quoque ſit eodem temporis puncto profundiffima, rara, & ſimul æqualis.

961. Hinc

961. Hinc conjiçimus, periculum in morbis esse tanto semper majus, quanto pulsus arteriarum est minor in somno, magisque inæqualis, atque respiratio velocior, plusque anxia, & inæqualis.

962. Quum humores æqualiter diffundantur in somno per corpus universum, omnes ideoque secretiones & excretiones rite contingant, quin unica excedat, est id nobis argumento, turbari organismum a causa quampiam, si excretio aliqua major fuerit notata, aut si copiosorum humorum fiat determinatio ad quampiam in corpore partem.

963. Si postea vires cordis & arteriarum totius corporis pulmonumque in somno æstimemus cum calore inde resultantem sat valido, merito arguimus, coctiones tunc omnes optime perfici, humoresque multum elaborari.

964. Potentissimas has organisini; quam habet temporibus somni, vires aperte demonstrat dissimilitudo, quæ intercedit inter conditionem organismi ante somnum, & eam post somnum. Quantis enimcunque viribus ceterisque humoribus exantlatis committimus nos somno, resurgimus attamen semper plene refectioni & humoribus denuo repleti.

965. Non est proinde somnus ad ultimi solum liquoris confectionem necessarius, sed ad restituendos etiam reliquos corporis liquores; immo ad id ipsum nutriendum quoque.

966. Cum autem tanta, quanta nunc exposuimus, sint a nobis medicis in quibusvis morbis a somno expectanda, evidens est, pauca omnino nobis sperare licere de valetudine infirmi, si somnus longior non levet, nonque instauret. Quoniam significat, vires organismi jam adeo esse exhaustas, ut vix amplius sufficiant coquendæ morbi materiæ.

967. Ex eo, quod ingruente somno minuatur vigor judicii & memoriæ, organaque sensuum externorum hebescent. atque simul corpus suam perdere agilitatem, colligimus, imminui tunc secretionem spirituum in cerebro. Exinde vero postea, quod actiones animæ sileant penitus in somno, sensusque omnes sint sopi-

sopiti, conficimus, nullam fieri dicti liquoris nervei in eo secretionem, nullumve ejus influxum in nervos sensuum & musculorum animalium.

968. Quidquid igitur hanc spirituum secretionem conservat, retinet vigilias: studia proinde, curæ, animi pathemata, auctus fluidorum motus, pedes frigidi, & quæcunque sunt ejusmodi, arcant somnum.

969. Intueamur jam obdormientem: res sane mira: Non omnes ad semel relaxantur corporis muscoli, dum somnus hominemprehendit, sed contingit hæc relaxatio eum in modum, ut primo remittant muscoli elevatorum palpebrarum oculorum, deinde masseteres, postea muscoli cervicis & brachiorum, subin lumborum, & tandem pedum. Incipit nempe hæc in actionibus constitutorum musculorum remissio in vertice capitis, & descendit lento motu per corpus usque in extrema pedum. Quemadmodum in eo, qui stans obdormit, clare cernitur.

970. Lenta ista musculorum relaxatio videtur indicare celeritatem fluxus spirituum in nervis musculorum. Existimare, inquam, licet, eo temporis spatio, quod interest inter relaxationem musculorum oculi, & eam musculorum suræ, perveniant spiritus, recenter in cerebro secreti, ad musculos tibiæ accumbentes. Hoc est: tam lentus videtur esse progressus spirituum in nervis, qualis est exposita musculorum constrictionis remissio, a capitis vertice ad finem usque pedum descendens.

971. Hæc præterea musculorum relaxatio videtur probare, succum nervorum, postquam ad organa sensuum vel musculos pervenit, non reverti rursus per nervos ad sensorium commune, veluti quidam opinantur, sed potius sanguini, organa & musculos allucenti, admisceri, cum eoque ad caput denuo, aut in ventriculum, aut in alias corporis partes deferri, vel e corpore expelli nomine transpirabilis.

972. Ex eo deinde, quod continuo, atque obdormimus, increascit cordis & musculorum respirationi servientium actio, opinari licet, spiritus, qui ingressu prohibentur in nervos animales, dum somno cedimus

urgen-

urgenti, se adungere liquori nerveo, qui in cerebello secernendus, & in nervos cordis & respirationi dicatos mittendus est, sive spiritus, qui, quamdiu vigilavimus, secernebantur in cerebro, secerni, dum dormimus, in cerebello.

973. Confirmari videtur hæc opinio per id, quod cordis ceterorumve musculorum spontaneorum actio sit tanto fortior, quanto somnus est altior, sive quanto magis sopiti & quasi occlusi sunt sensus interni & externi.

974. Stante hoc asserto ex unica majori minorique respiratione recte judicamus de magnitudine causæ morbiicæ in morbis soporosis. Siquidem quo respiratio est in hoc morborum genere profundior, stertorque major, eo copiosiores videntur secerni spiritus in cerebello, qui secerni debuissent in cerebro, propter majorem medullæ cerebri partem, ut existimamus, obstructam.

975. Constituto eo, quod apoplexia ceterique morbi soporosi proveniant ab obstructione tubulorum medullæ cerebri, sequitur, omne, quicquid hos tubulos obstruere, vel extrinsecus comprimere potest, posse esse causam hujusmodi morbi. At si id omne: causa solius apoplexiæ est numero pene infinita.

976. Verum enim vero si apoplexia v. g. ortum suum a causis diversissimis deducere potest, minus certe probanda est generalis fere apoplexiam curandi norma, juxta quam repetitæ celebrantur sanguinis missiones, acia excitantia præscribuntur medicamina, paralyticæ perfricantur destillatis igne spiritibus partes, & fortissimis adurantur vesicantibus &c. Hæc profecto remedia sunt talia, quæ neutiquam in uno eodemque morbo, multo minus in quavis apoplexia, locum habent. Cum deinde mali soporosorum morborum sedes sit encephalon, cui commodo sunt frictiones & vellicationes partium paralyticarum?

877. Quemadmodum unumquodque remedium efficax, quodvis item egregium alimentum, motus quoque corporis utilissimus &c, noxia sunt, si præter necesse situdinem ac supra modum & mensuram vocentur in

R

usum,

usum; sic quoque somnus hoc ipso, quia est remedium enervati corporis potentissimum, debet esse noxius, si rite non fuerit admissus.

978. Duplici ratione est, spectatis observationibus, perniciosus organisino somnus. Si nempe ultra plenam corporis refectionem protendatur, aut inconveniente tempore admittatur.

979. Cum somnus horarum septem corpus pristinis repleat humoribus, clarum est, si ultra hoc tempus, nisi ab admodum enervatis, protrahatur, organisinum nimis onerari fluidis. inde est, dum nimium dormivimus, gravitas totius corporis, obtusus dolor capitis, dispepsia & similia.

980. Hinc existimare licet, quid organisino accidere debeat, si somnus quotidie justo ac sufficienti longior fuerit: humores scilicet accumulari, vasa relaxari, nervos debilitari, sicque universum organisinum pedetentim everti.

981. Somnus inconveniens perturbat digestionem & sanguificationem, veluti declarant ructus, capitis gravitas aut dolor, turgens abdomen aere rarefacto, spirandi difficultas & similia, quæ somnus v. g. pomeridianus inducit insuetis.

982. Refert jam discutere quæstiones, Quando sit capiendus somnus? In quot horarum intervallum producendus? utrum diurnus, cum primis pomeridianus, sit noxius? & demum utrum melior reipsa sit somnus, qui noctis medium præcedit, quam qui id sequitur?

983. Ad omnes has quæstiones unica interim hæc (ne propositi limites excedamus,) sufficiat reponsio: Quilibet somnus tam diurnus, quam etiam nocturnus utilis est, quando tanta facta est liquorum, maxime vero nervei, jactura, quanta hominem imparem efficit actionibus suis rite ultra perficiendis. Est deinde in id temporis spatium protrahendus, quo defectus humorum refarcitur.

984. Etsi autem somnus sit semper proficiuus, si corpus inopia virium laborat, nocet is tamen, si ventriculus sit alimentis recenter refertus, nisi consuetudo, quæ omnes elidit regulas, eum deposcet. Hæc est

est etiam causa, quod somnus pomeridianus sit quibusdam non tam utilis, quam necessarius.

985. Quæret forsitan aliquis, cur somnus, quo & chylicationem, & sanguificationem egregie promoveri diximus antea, easdem aliquando evertat? & quando? item cur noceat, illico post opiparum prandium aut lautam cœnam admissus?

986. Major contingit, respondeo, dum dormimus, influxus humorum inquilinorum in ventriculum. Hinc, si pauci sint cibi digerendi in ventriculo, somnus multum adjuvat digestionem; verum si copia eorum sit magna ac nimia, accidit, ut magna quoque nimis perficiatur chyli copia, quæ postea cor & pulmones obruens varia suscitât mala. Cum præterea calor corporis totius sit major in somno, sit etiam non raro, ut cibi fermentatione vel putrefactione prius pervertantur, quam in chylum possint mutari.

987. Ex eo colligimus, anxietates circa præcordia, ructus spasmodicos, abdominis expansiones, spirandi difficultatem, auctum fluidorum motum, & quæ sunt huiusmodi, post mediam noctis, sive post aliquot horarum somnum orta, certo esse signo, materiam chylosam esse causam harum affectionum.

988. Inter excretiones promovet somnus maxime transpirationem, nisi corpus minus tectum sit adversus frigus externum, tunc enim adauget secretionem lotii imminuta transpiratione; Alvum porro, cum in eo humores dirigantur versus peripheriam corporis, stringit. Nihil itaque perniciosius, quam longior somnus, iis, qui proni sunt ad sudores & segni ad alvum; & e contrario nihil utilius isto, dum transpiratio est promovenda.

989. Verum nec hoc caret exceptione assertum: Quippe illi, qui per longas meditationes effecerunt sibi alvum raram, istam relaxat somnus, quo intestina humectantur arida, & simul mens abalienatur a studiis, alvum stringentibus, & intestina exsiccantibus.

990. Quantumcunque in multis casibus noxius sit somnus, non est tamen unquam perniciosior, quam si celeritas adsit in contractione cordis. Accedit enim isti tunc fortitudo, quæ retinetur per vigilias, unde necesse est, attritum humorum ad vasa esse in somno duplo majorem ac antea fuerit.

991. Hinc perspicit quilibet rationem, cur exitiosa sint narcotica in morbis acutis, cum primis inflammatoriis? Cur febrim adaugeant? Cur somnus per ea inductus corpus aggraves? Cur ipsam accellerent gangrenam, etsi dolorem leniant?

992. Est ergo somnus noxius propter potentissimas suas vires: sunt ergo vigilie hoc ipso, quia humores absumunt, coctiones, secretiones, excretiones, ipsamque cordis & respirationis actiones reprimunt, sæpius utilissimæ tam in sano, quam etiam in morboſo corporis statu, veluti supra jam meminimus. Inquiramus nunc in causam, quæ somnum inducit quotidie.

993. Multum disceptabatur olim inter medicos super hac causa. Viguit aliquandiu opinio, a vaporibus ventriculi, in caput adscendentibus obstrui tubulos cerebri, cum accadat, ut repleto multis cibis stomacho somnus irruat. Verum spectatis omnibus animadversum est, cui sensui hodie omnes subscribunt, penuriam fluidorum, maxime spirituum esse causam somni quotidiani, quem dicimus naturalem.

994. Si miram illam mutationem, quæ obvenit organismis per somnum, stricte contuemur, imprimis vero id, quod tanto fiat copiosior spirituum secretio in cerebello, quanto minor in cerebro, sive quanto magis obstructi sunt nervi animales, jure, opinor, dubitare possumus, quod mechanismus corporis, aut alia quæpiam causa corporea inducat somnum in dies singulos. Eadem enim causa, quæ, invadente nos somno, claudit tubulos cerebri, deberet simul etiam occludere oscula tubulorum nervosorum cerebelli: Quippe eadem stat ratio pro cerebello, quæ esset pro cerebro.

995. Medici, qui animam ipsam habent pro natura, isti hoc munus attribuunt. Verum observamus, animam, quando somno prementi obsistere molitur, pugnare adversus id, quod somnum infert, hinc certaret secum ipsa, quocirca somni quotidiani causa esse nequit.

996. Quum igitur neque mechanismus corporis, neque alia causa corporea, nec tiam anima inducat somnum; sollicitæ illi corporis tutrici naturæ, quæ deficientem quemlibet liquorem inquilinum quantocyus restituere conatur, tribuendum est, quod quolibet obdormiamus die; De ea dicere convenit, quod cum anima decertet, dum ista somnum admittere renuit; De hac eadem natura adstruere quoque licet, quod, cum obdormimus, spiritus nerveos aut, si mavis, majorem sanguinis ipsius partem abducatur a cerebro, & ad cerebellum derivet.

997. Nimum forsitan quibusdam videbor asseruisse, naturæ tribuendo potestatem abducendi spiritus a cerebro, & simul eos ablegandi ad cerebellum. Verum si naturæ damus vim determinandi humores ad caput, dum sententius meditamur, hanc etiam humorum determinationem ad cerebellum eidem merito concedemus, opinor.


998. Quantumvis autem & animæ, & heterogeneis derogaverimus facultatem inducendi somnum quotidianum; fateri nihilominus cogimur, & animam, & non raro heterogenea quoque multum conferre ad somnum quodidie capeffendum. Anima ciet eum, dum ipsi se insinuanti obsequitur, cogitare videlicet desinit, & corpus ei adaptat. Heterogenea deinde sunt causa somni, quæ sunt juxta consuetudinem.

999. Cuncta præterea heterogenea, quæ causam tollunt vigiliarum, inducunt somnum, sive efficiunt, ut somnus sequatur naturalis. Sic calente ab animi v. g. affectione corpore, potus refrigerans; onerato nimis cibus ventriculo, evacuans; & ita de ceteris, invitant somnum.

1000. Duplicis igitur generis sunt soporifera: alia quæ causam vigiliarum remonent, ut modo vidimus:

& alia, quæ tubulos nervcos obferant quafi, & narcotica vocamus.

1001. Ex hucusque dictis clara est ratio, Cur inepti fimus ad labores, fi non fatis dormivimus? Cur item fi nimium? Quare melius valeant, qui minus; quam qui fupra neceffitatem dormiunt? Quare alto fomno fopiti non percipiant ftrepitum maximum? & e converfo non valde fefsi ante fomnum a leni fono excitentur? Quare vina modica fomnum inhi-beant, multa vero eum accellerent? Quare fuavis muficæ tonus, aut murmur & fibilus &c iftum inducat? Quare copiofa interdum opia-ta nihil efficiant in morbis ad revocandum fomnum, quem tamen lenia dein reducunt foporifera?



CAPUT QUINTUM.

D E

CETERIS POTENTIARUM EFFECTIBUS.

1002. **E**ffectus reliquos generatim solum pertractabimus.
- 1003 Examinabimus primo symptomata in acutis,
- 1004 deinde in chronicis.
- 1005 Motus humorum auctus est sæpe Naturæ effectus,
- 1006 & diarrhea,
- 1007 atque instinctus varii.
- 1008 Exerit ergo Natura effectus tempore cruditis.
- 1009 Dicet aliquis, sitim, siccitatem, vigilias, &c. non esse a Natura.
- 1010 quod attamen in contrarium demonstratur.
- 1011 Surgunt etiam in fanis Naturæ motus,
- 1012 inque chronicis
- 1013 separabimus nunc symptomata naturæ a ceteris.
- 1014 & dividemus ea in vera & spuria.
- 1015 ut appetitum in cibos,
- 1016 sitim,
- 1017 desiderium rerum singularium.
- 1018 cum primis in morbis.
- 1019 rerum dein aversiones,
- 1020 ut est aversio ciborum &c.
- 1021 quæ sæpe est signum latentis morbi,
- 1022 indicansque magnitudinem periculi in morbo ipso,
- 1023 veluti e converso appetitus optimo est indicio.
- 1024 Aversio rerum est non raro spuria quoque.
- 1025 Motus fluidorum auctus a natura est, quem, ut supra vidimus, febrilem dicimus,
- 1026 quoque resolvitur spasmus,
- 1027 motus vero alius excitatur a potentiis ceteris.
- 1028 Determinationes humorum sunt pariter aliquæ a natura,
- 1029 & aliæ ab aliis causis,
- 1030 imminutus vero motus non est ullus naturæ progenies,

- | | |
|--|--|
| <p>1031 copiosorum deinde spirituum motio in nervis est pariter alia a natura, & alia a causis aliis.</p> <p>1032 confusus vero eorundem progressus rarius est naturæ tribuendus,</p> <p>1033 symptomata reliqua sunt æque varia,</p> <p>1034 ut est sputum cruentum,</p> <p>1035 quod si levamen adfert est a natura;</p> | <p>1036 & e converso ab alia potentia, si morbum augeat.</p> <p>1037 Dolor, anxietas &c sunt semper effectus causarum corporearum.</p> <p>1038 Recensiti effectus generant non raro alios rursum effectus.</p> <p>1039 Motus & instinctus veri sunt vel moderati, vel nimii.</p> <p>1040 Ex his dispicimus non pauca morborum signa prognostica.</p> |
|--|--|





CAPUT QUINTUM.

D E

RELIQUIS POTENTIARUM EFFECTIBUS.

1002. **Q**uemadmodum pertractati, ita ceteri quoque effectus sunt sæpe causa aliorum rursus effectuum. ut rerum appetitiones, humorum motus majores, & aut istorum determinationes in quaspiam corporis partes &c. Verum cum opus in maximum excederet volumen, si de singulis agere vellemus, effectus reliquos generatim solum percurreremus, & ad suas tantummodo eos referemus causas.

1003. Discutiemus videlicet primo, utrum omnia prorsus symptomata in acutis sint, quamdiu perstat cruditas, effectus ipsius morbi, noxia proinde atque quantocyus supprimenda? vel an sint etiam aliqua eorum naturæ producta, ideoque utilia & conservanda potius?

1004. Inquiremus deinde in symptomata sive in motus præternaturales, quos dicimus, qui in nobis sanis aut saltem talibus reputatis passim excitantur; & denique in symptomata, quæ in cronicis obveniunt, utrum sint omnia causarum morbificarum effectus; aut quædam naturæ tutricis?

1005. Motus humorum febrilis est omnium pene medicorum consensu molimen naturæ morbum percoquantis. Quare eum non retinendum solummodo, sed insuper etiam, si torpeat, magis adhuc excitandum esse, unanimi fere adstruunt effato medici.

1006. Si dein animum advertimus ad stragem, quam cohibita ab imperitis diarrhea jam ediderat inter mortales, ex quo nefas esse eam sistere, confecerunt in arte versati; jure opinamur, istam pariter esse effectum naturæ, malum quantocyus exterminare conantis.

1007. In quovis pene morbo acutiori, cumprimis si humores in putridum nutent, adest desiderium macescentium & acidorum. Appetitionem istam esse a natura, nemo vertit in dubium. Idem dicunt omnes de instinctibus rerum singularium, qui in ipsa sæpe morborum cruditate notantur.

1008. Ex his & similibus manifestum esse judico, quædam symptomata, motus, & instinctus in ipso quoque cruditatis statu esse naturæ (§. 1004.) effectus.

1009. Si motus febrilis, objiciet forsitan aliquis, esset considerandus tanquam effectus naturæ, proindeque ut aliquid salutare, forent omnes ex eo geniti effectus pari ratione accipiendi. Quis est autem, qui sitim, siccitatem, vigilias, ac ceteros febris effectus læto contempletur animo, salubriaque reputet, & conservanda statuatur?

1010. Hoc ipso respondeo, quod sitis sit adaucti motus sive naturæ progenies, est ei obtemperandum. Hoc dein etiam ipso non sunt vigilie in acutis opio sopiendæ; dant enim, ut supra vidimus, incrementum febri. sed de his alibi plura.

1011. Dum quis coena lautiori oncraverat stomachum, augetur in somno motus humorum, cui sudor copiosus imponit finem. Appetimus æstuante cælo accescencia & acida. Ferimur inviti quoque in assumendam rem vel actionem consuetam. Hæc & alia hujusmodi plurima esse naturæ motus & incitamenta, nemo it inficias. Excitantur ergo motus in nobis sanis (§. 1004.) & instinctus aliqui a natura.

1012. Diversa sæpe moliri naturam in morbis quoque chronicis, ut materiam noxiam immutaret, vel expelleret e corpore, palam est. Exanthemata nempe frigida, Erysipelas, rerum singularium utilium appetitiones & similia conservatricis naturæ effectus esse, communi fere medicorum consensu est definitum. Multa sunt igitur in chronicis pariter symptomata, naturæ tribuenda.

1013. Quum itaque symptomata naturæ rite sint semper distinguenda a ceteris, sintque tam in acutis quam etiam in chronicis, inque sano corporis statu
copio-

copiosa reperienda, non inutile fore existimavi, distinctionem istam proprio pertractare capitulo, imprimis vel ideo quoque, quod Authores naturæ symptomata inegent in acutis, quamdiu persistat stadium cruditatis; de symptomatibus autem naturæ in chronicis perpauca receniant. Discutiemus proinde primo instinctus, postea humorum motum, & denique symptomata reliqua.

1014. In sejungendis Instinctibus naturæ a ceteris nihil est commodius, nihil magis conveniens vulgari illa, ab omnibus medicis usu retenta, divisione appetitionum in *Versas* & *Spurias*. Quandoquidem unaquæque appetitio, quam *veram* nominamus, est effectus solius naturæ; & ex opposito, quæ *Spuria* dicitur, Potentia alius.

1015. Appetitus in cibos *verus* est ille, qui provenit ab inopia liquoris plastici nutrientis, longitudine temporis, vel exercitatione corporis absumpti. *Spurius* autem est, qui per acida, aliaque condimenta, per sacra in phtysi, aliisque in morbis, aut per imaginationem excitatus est.

1016. Sitis vera est, quæ surgit deficiente liquore, qui sanguinem diluit; Spuria vero est in frigore febrili, post assumpta acida, vel dulcia, talis est etiam potatorum, dum de suavi vini sapore cogitant.

1017. Cupiditas rerum singularium est illa vera, quæ est rerum consuetarum; Spuria vero rerum simillium, quæ a ficto generatur desiderio: dum puer videt socium, qui herbam nicotianæ in usum vocat, pari in eundem usum movetur aviditate.

1018. Veræ sunt pariter appetitiones vehementes rerum singularium in morbis. Sic natura instigante vorat chlorotica cretam; sic eadem concitante appetit æger in calore febrili acida, aut interdum vinum; Similes miræ nascuntur sæpe in parturientibus: Spuriæ autem sunt omnes imaginando partæ-tum in ægris, tum etiam in mulieribus, & pueris.

1019. Omnia fere, quæ de appetitionibus attulimus, ad aversiones rerum æque refferri possunt, sunt ea propter
ista-

istarum quoque aliæ Veræ, & aliæ Spuriæ: Illæ similiter etiam a natura erectæ; istæ vero a causis aliis.

1020. Vera est aversio ciborum, repleto eis ventriculo; vera item in morbis acutis chronicisque; vera quoque rerum noxiarum v. g. alealescentium in morbis putridis; vera pariter vini, herbæ nicotianæ, & similium rerum, quæ fuerant antea in consuetudine, alias utpote gratissimorum.

1021. Si hujusmodi aversio remanet post abactum jam morbum, est nobis argumento, latere adhuc crudum in infirmo corpore, unde jure veremur, ne morbus recrudescat, si sincerus non redeat ciborum sapor, vel prior edendi voluptas, etsi æger morbo se multum levare sentiat.

1022. Ex eo colligimus pariter; ægrum tanto magis periclitari, quanto plus repudiat cibum & potum. significat id enim humores multum deflexisse a suo statu, sensuumque organa esse admodum vitiata.

1023. Quemadmodum autem malum est indicium, si e morbo convalescens non plenum percipiat appetitum, aut non solita priori feratur aviditate in res ante morbum usurpatas; ita e contrario multa in ipsis quoque morbis promittit desiderium rerum vel actionum consuetarum, pristinaque ciborum appetentia.

1024. Spuria deinde aversio ciborum est ea, quæ proficiscitur ab idea rei nauseosæ, ab assumptis oleosis, putridis & similibus ingestis, vel in corpore natis. His addendus est aquæ metus in rabie canina.

1025. Adauctus deinde fluidorum motus (quem secundo distinguendum §. 1013.) proposuimus, est a natura ille, quem vere febrilem dicimus, ad concoquendam morbi materiem succensus, veluti supra demonstravimus; item & ille, quo nimia ciborum digeritur in ventriculo copia.

1026. Eadem de causa est is quoque acceleratus humorum motus naturæ attribuendus, quem ista inducit, dum spasmodicam partis cujuscumque constrictionem referare contendit, quive dein, resoluta videlicet spasmō, sudore terminatur.

1027. Alteri porro cuidam potentiae, animae scilicet, & heterogeneis adscribendus est auctus liquidorum motus, quem aut anima, aut acria stimulantia concitant, qualis est in irato; in eo, qui corpus suum exercet, aut in febris scorbutica, vel post assumpta aromata, spirituosae, & quæ istiusmodi sunt.

1028. Affluxus postea humorum major ad partem aliquam corporis est æque aliquis a natura, & alter ab aliis Potentiis: A natura est determinatio sanguinis copiosi ad caput, dum intente cogitamus; ad partem item inflammata, vel irritata.

1029. Quando humores solito plures pelluntur in partem corporis, quæ aut per antegressum morbum est admodum debilitata, aut per emolientia, cucurbitas & similia relaxatur, non promoventur in dictam partem a natura, sed ab organisimo.

1030. Imminutus humorum per vasa circuitus, quem frigus appellamus, non est unus, quemadmodum supra iam commemoravimus, a natura, sed quilibet ab aliqua quadam potentia.

1031. Liquoris nervei major influxus in musculos animales est æque alter naturæ, & alter alteri potentiae adscribendus. A natura sunt convulsiones, quæ criticam in morbis antecedunt evacuationem, fluxum menstruum, vel partum: Potentiis vero reliquis sunt, addum aut anima fortius suos ultro constringit musculos; aut istos acre rodit, ut fit in tetano; vel si sensorium vellicet commune, ut accidit in convulsionibus non criticis.

1032. Inordinatus vero liquoris nervei motus raro est effectus naturæ, sed potissime aliarum potentiarum. Præter enim tremorem musculorum, qui ad crisin, ad fluxum sanguinis menstruum, vel ad partum promovendum inducitur, vix est ullus naturæ adscribendus.

1033. Inter symptomata reliqua, quæ ultimo §. 1013. dividenda constituimus, sint ejectiones humorum e corpore, quæ non minus, ac jam exposita, sunt aliquando a natura, & quædam ab aliis causis inducuntur.

1034. Sputum cruentum fit nobis pro exemplo: hoc si contingat propter retentum cruorem menstruum, vel hemorroidalem, est naturæ in acceptis referendus, noxium expellentis, atsi proveniat ab acrimonia pulmones irritante, est quidem effectus naturæ quoque, sed per accidens solum, ut loquimur. Siquidem eodem motu, quo natura aere e pulmonibus exprimere contendit, exprimitur una sanguis. Si vero accadat ob ruptam, discissam, vel peresam arteriolam pulmonalem, est solius organismi effectus. Eandem admittunt divisionem miætus cruentus, hemorrhoides, fluxio menstrua, diarrhea, sudor & reliqua.

1035. Signum, quod natura dat excretionis a se concitatae, præcipuum est alleviatio corporis. Hinc colligimus, ejectionem materiæ esse eam, ac tantam utilem, adeoque conservandam, quæ & quanta levamen adfert.

1036. Indicium alterum quo evacuatio per naturam inducta dignoscitur ab excretionibus per alias causas incitatis apte petitur a contrario, si nimirum symptomata morbi increseant, dum excretio arte, errore, vel sponte minuitur, aut subsistit.

1037. Dolor, anxietas, lassitudo, debilitas, & cetera hujusmodi sunt effectus dictorum hucusque symptomatum, causarum itaque semper corporearum. Quamobrem sunt naturæ adscribendi, si causa eorum fuerit effectus naturæ; & contra alteri potenti, si ista sit effectrix causæ, quæ symptomata, de quo quæritur, inducit. Sic dolor, qui provenit a distensione vasorum in parte corporis inflammata, est a natura; at qui ab acrimonia rodente, & vasa diserpente generatur, est ab ista inductus. Ceteros naturæ effectus e prima hujus partis sectione facile eruet quisque, facileque dignoscet ab effectibus reliquarum trium potentiarum.

1038 Si effectus istos consideraverimus tamquam causas, reperiemus novam rursus effectuum seriem, quam unusquisque inducere posset, ut dolor v. g. impedit somnum, turbat coctiones, in animo erigit tristitiam & similia, e quibus alia iterum sine numero mala, ex effe-

DE CETERIS POTENT. EFFECTIBUS. 261

effectibus Potentiarum supra recensitis facili negotio derivanda.

1039 Divisimus hucusque instinctus & motus, quos vocamus præternaturales, in veros, & spurios. Verum si eorum utilitatem spectemus, dividendus est quilibet effectus Naturæ, sive motus & instinctus, quem *verum* dicimus, rursus in moderatum; & in eum, qui moderationis excedit limites. Ille, quemadmodum jam diximus, est unusquisque utilis, & non vanum in finem a natura concitatus, ideoque semper audiendus: nimius autem tum motus, tum instinctus, etsi sit non minus, ac prior salutaris, quia tamen modum excedit, est perniciosus; Hinc intra temperationis terminos reducendus est, inter quos evadit, qui extra istos fuisset exitiosus, jam saluberrimus.

1040. Ex hac symptomatum divisione, atque conjunctione eorum, quæ naturæ sunt, a ceteris sive ab aliis, quæ aliis potentiis suum ortum debent, intelligimus, quæ rerum appetitiones, & aversiones; qui motus in humoribus; quæ evacuationes; & demum quæ symptomata sint noxia? & quæ utilia? Quæ malum? & quantum portendant? & contra, quæ spem faciunt, & quantum? quæ sint fovenda; & quæ e converso ex tempore penitus; & quæ denique lente ac pedetentim sopienda? sed de istis quoque plura in sequentibus.



